


UTL AT DOWNSVIEW



D RANGE BAY SHLF POS ITEM C
39 11 14 08 13 019 3

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

DR
584
S44

Selaheddin, Mehmed
Bildiklerim

1496

8c/41

مغذور ومظلوم عثمانی ملتک نظر مظالمه وانتباهنه :

بیلدیکلر

Selāhaddīn, Mehmed

اتحاد وترقى جمعيتك مقصد تأسس وصورت تشکلى

و

دولت عليه عثمانیه نك سبب فلاكت وانقسامى

Bildiklerim

اثر

محمد صالح

هر حقى محفوظدر

(قطعه)

فيلسوفانه باقنجه صفحات دهره
عقلمه وقعه هابل ايله قابل كليور
اتحادك آكلنجه او مبارك !! نامى
«اشرفا» خاطرمه بر سوري قاتل كليور
اشرف

مصر القاهرة

امين هندية مطبعة سنده طبع اولمشدر

سنه رومى ۱۳۳۴ — سنه افرنجى ۱۹۱۸

مقدمه



DR
584
S44

بیت

نیستی خالص اولنجه کیشنک

خیر اولور عاقبتی هر ایشنک

شاعر شهیر « اشرف » مرحومك بالاده کی ییستی (مقدمه) و (سرنامه) اتخاذ ایده رک بر ایکی سوز سویلیه حکم .

اوروپاده اولدینگی کی مملکت مزده شمدی به قدر (اداری ، سیاسی) دینیله جک درجه ده مکتبلر موجود اولدینگی وزمانزده ایسه علوم اداریه و سیاسیه بی تحصیل ایچون شروطنی حقیله جامع بر مکتب عالی بولندینگی جهتله بوآنه قدر بزده یتیشن سیاسیونه انحق باب عالی جولانکاه سیاست اولشدر . بناءً علیه عثمانلیلرک مکتب سیاستی باب عالیدر .

عاجز لریده احوال معروضه به نظراً سیاسی بر تحصیل کورمامش ایسه مده مکتب سیاسی دیدیکز باب عالیده ربع عصر دن زیاده اولان مدت خدمتم ظرفنده اجله رجال دولت ، مأمورین سیاسیه حکومت آره سنده بولنش و بومدت ایچنده جریان ایدن احوال سیاسیه بی پک یقیندن تدقیق ایلمش اولدینغمه وادوار ماضیه به عائد بعض تبعات و مطالباتده دخی بولندینغمه بناءً ماضی ، حال و استقباله دائر اکتساب ایده ییلدیکم معلوماتدن قارئین کرامی ده مستفید و حصه مند ایتمک ایستدم .

بیت

اوله مام جبر ایله بر زمره اشراوه قرین

آوارم کندمه بر ملجاء عادل و امین

شعرادن بر ذاتک شویستی مضموننجه نه جبر و تضییق ونه ده سوق حیمتله ذاتا احوال تشکلری معلوم اولان بزده کی جمعیات و فرق سیاسیه دن برینه انتساب

ودخالت ايتامش ايسه مده بوجمعتلر مؤسس ورؤسا واعضاسي اكرتلتله رفقاي عاجز يدن اولدقلرندن اعلان مشروطيتدن سنه لرحه مقدم درسعادنده تشكّل ايدن اتحاد وترقي جمعيّتندن واوروپا وممالك سائرده بولونان مركز وشعبه لرندن خبردار اولديغمه و بعد الانقلاب ميدانه آتيلن مذكور جمعيّت منسو بينيلهده محبت ورفاقتم خللدار اولديغنه كوره كنديلريني سنه لردنبري هر كسدن زياده طائير وبيليرم .

بوزواتدن هيچ برينه قارشو شخصي بغض وعداوت مده يوقدر . مع مافيه جمعيّت اتحاديه نك ايلك تشكّلدنبري مؤسس ورؤسا سيله جريان ايدن مكالمات ومذاكرات اثنا سنده مشاهده ايلديكم حالات وتعقيب ايتك ايسته دكلى حركات طريق سعادت وسلامتدن پك اوزاق ، غايت اعوجاجلى وچيقماز بريول ايدوكندن بونلري دولت ومملكته منافعنه خادىم بر فكره ارجاع ايچون اخطارات ونصايح لازمه ده بولندىم . حالوكه بوزوات خيالپرست برطاقم چولق ، چوچق ايله اشتراك مساعى ايدهر ك سوكيلي وطنمزه بوحال اضمه حلاله كلمسهنه سبب اولديلر .

صرف منفعت ذاتيه وشخصيه يوزندن بوحاله كلن دولت ومملكتمزى بوندن صكره اولسون بو منفعتپرستان سرسريلردن قورتارمق ايچون بوياده جزئى وكلى معلوماتى اولان هر عثمانلى نشريات لازمه ده بولنه رق يياميانلري ايقاظ ايتكه حسب الحميه مجبور در .

ايشته او مجبور يته بناء هر كسك اكلايه ييله چكى بر طرز وافاده ايله يازديغم بواثرى نشر ايدىورم . بونده اتحاد وترقي جمعيّته مقصد تأسسى ، صورت تشكلى ، التى يوز اللى سنه لك دولت معظمه عثمانيه نك سبب فلاكتنى ، انقسامنى ، تاسس وتشكّلنده خلوص نيت ايله ايشه باشلانمديغندن بوييله بر جمعيّت ايشك حسن نتيجه يه اقتران ايدمه چكى ، جمعيّته معاملات كيفيه وجاهلديسى كيندوسنى شايدن عفو اوليه جق خطالره سوق ايلديكىنى برر برر ارائه واشبات ايله ابتداى انقلابدن بوكونه قدر جريان ايدن داخلى ، خارجى احوال سياسيه دن مختصر بر صورته بحث ايدمه جكم .

هر درلو غرض وعوضدن عارى ، صرف حق وحقيقتى جامع اولهرق غايت بى طرفانه يازيلن بواثرى مطالعه بيوره جق اصحاب حيت ووجدانك افاداتى تصديق بيوره جقلرينه امين .
(ومن الله التوفيق)

بیلگلم

اتحاد وترقى جمعيتك مقصد تاسس و صورت تشكلى

و

دوات عليه عثمانيه نك سبب فلاكت وانقسامى

بقاج عصر اول اوروپاده تشكلى و ظهور ايند بر « جمعيت خفيه » انجق
جتمكان سلطان عبد العزيز خان حضر تلىك او آخر سلطنتلىرینه طوغرى ممالك
عثمانيه فرصتياب دخول وزمانك كنج و خيالپرستاندن بر طاقنى دائرة نفوذينه
جاب و جمعه موفق اوله يلمش و مملكتمزده مقصد ملعنكارانه سنك اجراسنه



سلطان عبد العزيز خان حضر تلى (*)

Sultan Abd-ul-Aziz Khan

باشلامش اولديغندن بوجمعيٲ خفيهٲه انتساب و دخالت ايدن خذلهٲك منفعٲ
 خيالپرستانه لر يٲك توسع و تزايدى و بعضلر يٲك اوروپايه فرارله تامين استقباله
 تشبث و موفقتيلرى و طنمز ايچون فلاكت و اضمهٲ حلال مقدماتى احضار ايلمشدر .
 بوجمعيٲ و منتسبينك ممالك اجنبيهٲه فرارلرنده كى مرض غرض زماغزه دخى
 سرايت و انتقال و بوسياست سقيمهٲ عصر يٲز كنجلرينه نمونهٲ امثال اولغلهٲ توليد
 ايتديكى ضرر دولتمزى ، ملت مزى بوكونكى ورطهٲ هولنا كه دوشور مشدر .
 مملكت مزه داخل اولان بوجمعيٲ خفيهٲ جنتمكان سلطان مراد خان خامس
 حضر تلر يٲك (۱) اوچ آى اوچ كوندن عبارت اولان مدت سلطنتلرنده دخى
 اجراى فعاليتده دوام ايتمشدر .



سلطان مراد خان خامس حضر تلرى

Sultan Mourad Khan V.

(۱) جنتمكان سلطان مراد خان خامس ابن غازى سلطان عبد المجيد خان حضر تلرى ۱۲۵۶
 سنهٲ هجر يٲه سى رچيٲك يكر مى بشنجى كونى قدمهادهٲ طالم وجود اولوب ۱۲۹۳ سنهٲى جمادى
 الاوليسٲك اون يدنجى كونى جالس سرير سلطنت اولمشلر ايسهٲده مبتلا اولدقلىر علتدن طولانى
 اوچ آى اوچ كون صوكرهٲ خلم ابدلشدر .

بالاده یازلدیخی وجهله تامین منافع ذاتیه مقصديه باشلایان بوفرار موده سی خاقان اسبق سلطان عبد الحمید خان ثانی حضرت تلیرنک ابتدای جلوسلرندنبیری تزاید ایدهرک بایتخت سلطنت سنیه ده بر طاقم جمعیتلر قومیتلر تشکل و ظهور و بعض وقایع مؤسسه حدوث ایتمش و اخلاق عمومییه اوزرنده تأثیر کلی حاصل ایلمش اولدیغندن اوکی آله میان بوحال کتدکجه توسع ایلدیکنندن مملکت مزده اوفق تفک جمعیتلر قومیتلر وجوده کلمکه باشلامشدر .

بوجمیتلرک ظهوری شرقده منافع سیاسییه و اقتصادییه چالیشن بعض دولترلرله اوروپادن مملکت مزه داخل اولان خفی جمعیتلر ایچون بر فرصت مترقبه اولدیغندن بونک دهایوک مقیاسده تأسس وتشکلی ایله داخل ممالک عثمانیهده اختلاللر وقوعی منافع سیاسییه لری ایجابندن بولندیغندن لازم کلن فداکار لقله تحریکات وتشویقاتدن چکنامشاردر .

ذاتاً تامین استفاده ذاتیه یه آماده اولان بعض بدخواهان حکومت ، اورپا مقدرلکندن کندیلمیری آله میان لسان آشنا وافکار منوره اصحابی دیدیکز کنجملرک اذهان وافکارینی تحریر و تحذیشه باشلایه رق در سعادتده منصوب ومعزول مأمورین وخیالپرست بعض کنجملرله مکاتب طلبه سندن مرکب اولمق اوزره « اتحاد وترقی جمعیت عثمانیه سی » نامیله بر جمعیت تشکیله موفق اولدیلمر .

یالکیز استانبولده تشکل ایدن بوجمیت تامین مقصده کافی اولدیغندن اوروپایه فرار ایدنلره التحاقله اوراده ده بر جمعیت تشکیل ونشریات لازمه یه توسل ایللمسی ایجاب ایتدیکنندن بوجهتده تامین ایدیلوب برطاقم کنجملر اوروپا ومصره فرار صورتیله سوق واعزام اولمغله (پارس) و (مصر) ده ده اتحاد وترقی جمعیتی شعبه لری تشکل ایتدی .

تاریخ خلعلرندن تاریخ ارتحالاری اولان ۱۳۲۲ سنه سی جمادی الاخره سنک اون یدنجی بازار ایرسی کونته قدر یکزری طقوز سنه چراغان ساحلسرائی مایوننده عادتاً محفوظاً ومحبوساً دینیه کج بر صورتده اقامت ایتدیلمشدر . خاقان مرحوم مشار الیه حضرت تلیری خاندان جلیل العنوان عثمانی بیننده حلم ونزاکت ومرحمه تربیه ذاتیه وعلمیه وآثار قلمیه لريله مشتهر بولندقلری جهته دولت ومملکتک طالعه سزلکی وشهریار مغفور مشار الیه حضرت تلیرنک بختسزلکی خلعلرینه سبب اولمش وبویله بر وجود عالی و قیمتداردن استفاده ایدیله مامشدر .

التمش الی یاشلرنده عازم کشن سرای مغفرت اولان پادشاه مشار الیه حضرت تلیری استانبولده یکی جامع شریف قربنده والده محترمه لری تربیه شریفه سنه شان سلطنته موافق اولیه حق بر صورتده نفل ایله دفین خاک عطرناک ایللمشدر .

ایشته بوصورتله فرار وپارسده نجمع ایدن بکریمزک پارسده نشرینه باشلادقلری
«مشورت» واولجه سلیم فارس افندی طرفندن لوندرده نشر اولونان «حریت»
غزته لرینک ذات حضرت پادشاهی و حکومت عثمانیه علیهنده کی نشریات تجاوز
کارانه لری سلطان عبد الحمید خانک وهمنی تشدید وتزید ایلدیکی بر صره ده دیون
عمومیة عثمانیه اداره سی عثمانلی داینلر وکیلی ومیزان غزته سی صاحب امتیاز ومحرری
طاغستانلی مراد بکک ده اوروپایه فراری خاقان اسبق مرحومی بسبتون اغضاب
ایتمسندن بونلرک اقناع وعودتلری اسبابنک استحصالی ضمیمنده برچوق مأمورین
سیاسیه وخفیه نک اوروپا ومصره اعزامی مصارفی خزینة جلیلة مالیه یه بیکلرجه
لیرایه مال اولمشدر.

استانبولدن روسیه طریقيله فرار ایدن مراد بک روسیه دن اوروپانک بعض
مراکز مدنیه سنی طولاشه رق پارسه واصل واوراده کی رفقاسی ایله کوریشهرک
مصره عزیمت وقاهره ده «میزان» غزته سنی طبع ونشره باشلامش ایسه ده برمدت
صوکره مصرده انتشار ایدن میزانک اوراده انتشاری (*) قابل وکندوسنک دخی
اقامتی ممکن اوله میه جنی جهتله پارسه عودت ایلمشدر.

بووجهله پارسه عودت ومواصلت ایدن مراد بک پارسده کی جمعیت منسو بینيله
بالذا کره میزانک اسویچره نک «جنوره» شهرنده انتشارینه قرار ویریلهرک
رققاسندن برقاق ذات ایله اسویچره یه عزیمت ایلدیکندن اتحاد وترقی جمعیتی
استانبول مرکزندن ماعدا اوروپاده اوچ ومصرده برکه جمعا درت شعبه تأسیس
ایتمش لوندرده «حریت» پارسده «مشورت» جنوره ده «میزان» ناملرنده
اوچ غزته یه مالک اولمش ومصرده بعض رسائل واوراق طبع ونشرینه وبونلری
داخل ممالک عثمانیه یه ادخال وارساله باشلادیغندن جمعیت افرادینی تکثیر ایتمشدر.
استانبول مرکزی طرفندن بوغزته لر واوراق سائره توزیع و بعض محلله یافته لر
تعلیق اولنمق کبی جرأتسکارانه حرکت ابرازی پادشاه مرحومک داخل ممالک عثمانیه ده
ظلمنک تشدیدینه وبرطاقم نورسیدکان وطنک نفی وتغریبنه وبرچوق خاندانک ده
بحو وپریشان اولسنه بادی اولدی.

اوروپایه سوق واعزام اولونان مأمورین سیاسیه وخفیه طرفندن بو منفعت

(*) میزانک مصرده عدم انتشاری اسبابی مرحوم مشار الیهک (مجاهده ملیه) و (تحریر
استقبال) نام اثرلرنده مذکوردر.

پرست بکردن بعضی منافع شخصی لری تامین ایدمک صورتیله عودته اقناع ایدلیدکندن عودت ایتشلر ودرسهاده مواصلت لری متعاقب قائم مقاملق ، مکتوبجیلک ، متصرفلق ، معارف ، جمعیت رسومیه ، شورای دولت اعضاقلری کبی برر ماموریتیه نصب وتعیین اولنشاردرکه بونلرک اسامیسنگ نشردن شمیدلک صرف نظر ایدرم .

آمال وخیال خاملری مناصب دولتک پک فوقنده اولدیغندن نظارت وصدارت مقاملرینی اقتدار واهلیتاری درجه سندن دون عدایدن ومطالعه ایلدکلری خیالی کتاب ورومانلرک خیالاتیله سرمست غرور اولان بوفکرسز ووجدانسز سرسریلردن برطاقی مسلك وشریات تجاوزکارانه لرنده اصرار وحکومتک تعقیبات وتقیدات شدید وتمامیه سندن طولانی داخل ممالکده راحت عمومیه یی سلب واخلال ایتدیلر .

بالاده بیان اولندیغنی وجهله جمعیت منسویینیله برطاقم کنج مکتبیلرک نفی وجبسدن توحش ایدن استانبول مرکز هیئت برمدت برر طرفه چکیلمشلرسه ده موخرأ بعض طرفدن آلدقاری قوته استنادأ اوراده بوراده کیزی کیزی اجتماعلرله مقصد لرینک تأمینندن وجمعیتلرینک دوام وبقاسندن کیرو طورمدقلری کبی ظشریه نفی وتغریب اولونان جمعیت افرادی ده کتدکلری مجللرده بعض سبکفزاری اغفال ایتمک صورتیله بوفکرک اویانسنه وکندیلرینه طرفدار پیداسنه موفق اولدقارندن بوندن استعاده قالدیشن استانبول جمعیت مرکزیه سی تعقیب وتجبسدن یاقه لرینی قورناره رق مقصدلرینک دها امین وسریع برصورتده جریانی ایچون آناتولی ورومیایلی ولایاتنک برندهده برمرکز کشادینی تحت قراره آلوب بوفکرلرینک حصولی چاره سنه توسل وتشبث ایله اعضای جمعیتدن برقاچنی بعض ولایاته اعزام ایتمشلردن .

اول امرده آناتولی جهتنه کیدن اعضای جمعیت بعض ولایاتده اجرا ایتدکلری سیاحت نتیجه سنده آناتولی اهاالیسنک نحیب وصاف اولان قلیلری بویله برتشبثک شمیدلک اورالرده اجراسنه مساعد اولدیغنی مشاهده وکزدکلری برلرده کیرفیکلریده مشاهدات واقعیه لرینی تأیید ایلدکلری جهتله عودت ایدرک مشهودات ومطالعه لرینی بیان وبونک حصولی انجق روم ایلی جهتنده قابل اوله بیله جکفی اتیان ایتمشلردن .

ذاتا سلا نیکنده باش کوسترن و کتد کجه توسع ایدن بر جمعیت خفیه ایله اشتراك ایتمک اتحاد و ترقی جمعیتک آمانه دها زیاده موافق اوله جنی درک و تیهظ اولندیغندن جمعیت اعضای ناطقه پردازانندن بر ذات سلا نیکه اعزام اولنش واوراده دخی اتحاد و ترقی نامنده بر جمعیت یاییله رق حصول مقصده وصول ایچون ایشلرینه کرمی ویرلشدیر .

اولزمان سلا نیك اوچنجی اردوی هایون مشیریتک مقری بولندیخی مناسبتله ارکان و امرا و ضابطان عسکریه بالطبع کثیر ایدوکنندن و بوضابطانندن برچوخی جمعیه داخل اولدقلرندن جمعیت مدت قلیله ظرفنده مناسرتله سائر بعض محالرده دخی شعبه لركشاد ایتدی .


روم ایلی جهتمنده بولونان امرا و ضابطان عسکریه وقت و زمانیه ترفیع و ترقی ایده مدکاری و منتظماً معاش آله مدقلری و استانبوله مأذونیت اعطا ایدلمدیکی وزادکان صنفندن بر طاقم پاشا زاده رفیققرینک ارکان و امرا رتبه لرینه ارتقا ایتدکاری و پایتخت سلطنت سنیهده بولونان اردوی هایونک کندی حالرینه نسبة مکمل و منتظم بولندیخی جهتمله حکومتندن فوق العاده داکیر و قوماندان اعظم اولان پادشاهه ده غایت مغیر اولملری روم ایلی ولایاتنده کی ضابطان و بونلر واسطه سیله ده برچوق مأمورین و اشرافک جمعیه دخولنه واردوی هایونک مع التأسف جمعیه آلت اولسنه سببیت ویردی .

جمعیتک شوصورتله تکثر و تزايد ایدن اعضا و افرادینک همت و غیرت لر یله ده اناطولینک بعض محالرنده طرفدارلری چوغالغه باشلادی .

بوندن خبردار اولان و داخل و خارجده بولونان منفعت پرستان دخی درحال استفاده یه شتابان اولوب فوج فوج جمعیه داخل اولدیلر .

برمدت دهها بویله خفی دوام ایدن جمعیتک درمه و چاتمه و خیالپرست اعضای مقصد لرینک تسریع حصولیله تأمین منفعتلرینه وسیله جو ایکن اوصردده واقع اولان حکمدارانک « ره وال » ملاقاتنی کندیلرینه بر سرمایه عد و اتحاد ایله حقیقی وطنپرورلک کسوده سنه بورینه رک میدان آتیلوب جمعیتک رؤسا و اعضای عسکریه سی واسطه سیله اردوی هایونی مقاصد سقیمه و وخیمه لرینه آلت مقامنده استخدا م واستعمال ایله نیک و بدی تمیز و تفریقندن عاجز اهالی مظلومه یی ده بیک درلو اراجیف نشر و اعلانیله تحریک و تشویق ایده رک اردوی هایون ایله برابر خلیفه

مسلمین و قوماندان اعظم پادشاهلریله حکومت حاضره عثمانیه یه قارشى عصیان
وقیام ابتدیردیلر .



غازی سلطان عبد الحمید خان ثانی حضرتلری

Sultan Abd-el-Hamid Khan II

مملکتتمزك كویا تقسیم ایدلمكده اولدیغندن بجمله بوندن صیانة همان قانون
اساسینك اعلان و اصول مشروطیتك وضعی و وطنك انقسامدن تخلیصی یولنده
سلانیک و مناستر و سائر روم ایلی مراکزندن جرأتکارانه تلغرافنامه لرکشیده
ابتدیرورك مابین هایونی ، باب عالی یی تضییق و تهدید ایله مأمورین حکومت
و استانبول خلقنی وله و حیرته دوشورمشلردر .

و طبرورلك نقایله اتحاد و ترقی نامی تحتنده طویلانان بواشقیما و اشرا برینی
تعقیب ایدن تهدیدنامه لرله استانبولی براق کون دها تضییق ایلدیلر .
مناستر و سلانیکدن توالی ایدن مراجعات اوزرینه خاقان اسبق عبد الحمید خان
ثانی حضرتلری صدر اعظم فرید و سرعسكر رضا پاشا لردن قوشقولانه رق دفعه
ایکسنی بردن عزل ایله سعید پاشای موقع صدارته کتیردی .

سعید پاشانك صدارتی — صدر اعظم فخامتلو دولتلو سعید پاشا حضرتلری موقع صدارنه کلدکن صوکرده ده مراجعات واقعه توالی ایتیمی اوزرینه خاقان اسبق حضرتلری اهمیتی آرتقمده اولان بوایشی مذاکره ایتمک اوزره برکیجه وکلایی سرای هایونه جلب ایتدی . حتی بودعوت واجتماعه شیخ الاسلام دولتلو سماحتلو محمد جمال الدین افندی حضرتلریله وکلادن بعضلری دعوت اولمادیلر . خاقان مشار الیه حضرتلری بوبابده روم ایلیدن مابین هایونه کن تلغرافنامه لرلی انجمن وکلایه تودیع وبرقرار اتخاذینی اراده بیوردیلر .

صدر اعظم سعید پاشا « ملتک هنوز مشروطیت ایله ادارهیه قابلیتی اولدیغی ظن واعتقادنده بولندیغندن » برقرار اتخاذنده متردد وحیران ایکن اوصرده مناستردن ضابطان عسکری امضا سیله کن تهدید آمیز بر تلغرافنامه اوزرینه خاقان مشار الیه حضرتلری نتایج وخیمه ظهورندن احترازاً قانون اساسینک اعاده مرعیتی رسماً اعلان اولمق اوزره بر مضبطه تنظیمی انجمن وکلایه اراده وفرمان بیوردقلرندن درحال اووجهله انجمن وکلایه بر مضبطه تنظیم وعرض وتقدیم قلممش وموجبجه اراده سنیه پادشاهی شرفتمعلق بیورلمش اولدیغندن جمله نک معلومی اولدیغی اوزره « ۲۵ جمادی الآخرة ۱۳۲۶ » سنه هجریه و « ۱۱ غوز ۱۳۲۴ » سنه رومیه سنه مصادف « جمعه » کونی غزته لره ویریان مختصر بر اعلان رسمی ایله « قانون اساسی » نک اعاده مرعیتی اعلان اولمشدر .

اعلان مشروطیتی کندیسنه مال قید وقبول ایدن اتحاد وترقی جمعیتی شوراسنی ییلسون که مشروطیتک اعلانی سلطان عبدالحمید خان حضرتلرینک حزم واحتیاطیله مؤخرأ برر صورتله هدف تعرض وحقارتلری اولان وکلانک همت وغیرت وطنپروانه لرندن ایلروکله شددر .

چونکه سلطان عبدالحمید خان حضرتلرینک اوتوز اوچ سنه لک اداره کیفیه ومستبده سندن یزار اولمیان وکلا ومأمورین دولت وافراد ملت قالمامش واستانبول خاقی ایسه الک زیاده ظلم وتعدی یه معروض قالمش ایدی .

یوقسه او یله برزمره قلیله نک تضییق وتهدیدینه سرفرو ایدلمیه رک حل عصیانده بولونان عساکر شاهانه نکده مجازاة قانونیه لرینک اجراسیله بوقیامدن منعاری پک سهل وقابل اولدیغنی ایضاحه لزوم یوقدر .

هرنه صورتله اعلان واستیحصال ایدیلمورسه ایدلسون خاقان اسبق مرحومه

اوبوز اوچ سنه دوام ایدن اداره کيفيه ومستبده سندن بيقمش واوصانمش اولان رجال ومأمورین دولت وافراده ملت بومشروطیتی کمال اشتیاقله آلفشلايه رق استقبال وهفته لر ظاهر آثار شادمانی ايله قهرمان حریت وبائی مشروطیت عدایلدکری اتحا. رقی جمعیتک اوخائن وقاتل مؤسس واعضالرینی ، اعظم ملت واولاد. ک قانلرینی زقاق اورته لرنده هدر ایچون حاضر لدکری فدائی جانلرینی بيله تحسین وتقديره مجتمعا شتاب ایتدکری کبی بو جمعیه قید ودخالی عاداتا فرائضدن عدایله ملیونلرجه خلق داخل جمعیت اولدیلر .

اهانیزک جمعیه قارشو کوسترمش اولدیغی حرمت ومحبت اثری اوله رق جمعیت توسیع دائره نفوذ ایدهرک عموم ممالک عثمانیه ده بر رشعبه کشاد ایلش و بوکوردکری توجه ورغبته ویردیکی. نشئه مؤسسين ورؤسای جمعیتی ک زیاده شمارمش ومقاصد سقیمه معلومه لرینک قریب بر زمانده حصوانی قابلرینه القا ایلمشدر .

مع ما فيه سنه لرحه اداره مستبده التنده ازیلان بیچاره ماتک یلیر و بیامز سوق حریت وحیت ايله جمعیه قید ودخاله شتابان اولمسی ک طبیعی ایدوکندن بوندن طولانی جمله سنی معذور عد ایددرز .

بر منوال محرر میدان انقلابه آیلان اتحاد وترقی جمعیتی اولا در سعادته مرخصار اعزامیله نور عثمانیه جوارنده شرف افندی زقاغنده کی دائره مخصوصه یی کشاد واجراآت حکومته اورادن مداخله به بسماه کش ابتدار اولدقدن بر مدت صوکره « رجال الغیب » عدینه سزا اولان سلائیک هیئت مرکزیه سی مؤسس ورؤسای بر آن اقدام واصل اقضای اهل اولق حرصیه استانبوله جان آتدیلر . بو وجهله اتحاد وترقی مرکز عمومیسینی پایتخت سلطنت سنیه به نقل ايله امور حکومتک جمله سنه مداخله به باشلادیلر .

ابتدای انقلابه کی بیاناتلری خلافت اوله رق نکهبان مشروطیت اولان اتحاد وترقی جمعیتی رؤسای منفعته پستانی تفرعات اموره وارنجه به قدر وظائف حکومته مداخله دن اجتناب ایتمدیلر .

اوصرده تنظیم و رسماً باب عالیده قرائت اولونان خط همایونه صدر اعظم سعید پاشا حضرتلری طرفندن تأمین افکار اهالی ایچون قانون اساسی احکامی مؤید اولق اوزره صدارت ومشیخت کبی حریه وبجریه ناظر لرینک ده طرف شاهانه دن انتخابی حقنده درج اولونان فقره قانون اساسینک ماده صریحه سنه

مخالف اولديغندن شيخ الاسلام جمال الدين افندي حضرتلری طرفندن اولبايده
وقوعبولان مخالفت واعتراض شديد اوزرينه سعيد پاشا استعفايه مجبور اولمشدر .
مشروطيتدن اون ، اون ايکي کون صوکره سعيد پاشا حضرتلرينک بورجهله
استعفا سي ايله قاينه سنک (*) سقوطی صدر اسبق کامل پاشا حضرتلرينک اوچنجی
دفعه اوله رق موقع صدارته کلمسي موجب اولدی .



صدر اعظم کامل پاشا حضرتلری

Son Altesse Kiamil Pacha (Grand vezir)

« مشروطيتک برنجی قاينه سي وایلك صدر اعظم وشيخ الاسلامی »
بالاده مختصرجه افاده و بیان اولنديغی اوزره صدر اعظم سعيد پاشا حضرتلرينک
وقوع استعفا سنه مبنی قانون اساسينک ماده مخصوصه سي موجبجه طرف اشرف

(*) بقاينه مشروطیتی اعلان ایتیش ایسه ده قبل الانقلاب تشکل ایلدیکی و اعلان
مشروطيتدن اون ، اون ايکي کون صوکره دوشديکی جهته قانون اساسی موجبجه . تشکل
مشروطیت قاينه سي عه ايديله مز .

جناب پادشاهیدن مشروطیتك ايلك قاينه سنی تشکيل ایتک وظیفه سیله مسند جلیل صدارت امور داخلیه و خرجیه ده مہارت و سیاست و ممارسہ و دہاسی سیلہ داخلہ و خارجہ مظهر اعتماد عمومی اولان افخم و کلاسی سلطنت سنیہ دن قبریسی نحاتلو دواتلو محمد کامل پاشا حضرتلرینہ تفویض و مقام عالی مشیخت دخی اصالت و نجابتلہ متصف افاضل علمای اسلامیه دن بیک اوچ یوزیدی سنہ رومیہ سندن اعتباراً بیک اوچ یوزیکرمی درت سنہ سنہ قدر بلا فاصلہ اون سکز سنہ مقام معلاسی مشیخت اسلامیه یه شرفبخش اقبال اولان استانبولی دواتلو سماحتلو محمد جمال الدین افندی حضرتلرینہ توجیہ بیوریلہ رق بر معتاد آلاسی والا ایلہ باب عالی ده بوبادہ کی «خط همايون» ملوکانہ قرائت و مقام صدارتجہدہ قاينه اعضاسی انتخاب و تہمین بیوریلہ رق ارادہ سنیہ سی استحصال ایدلديکندن مشروطیتك قانونی ايلك قاينه سی بوقاينه اولمش و «مستعیناً بتوفیقه تعالی» ایفای وظائفہ بدأ و مباشرت ایلمشدر.

بروجه تفصیل تشکيل و امور اداره یه توسل ایدن کامل پاشا قاينه سی داخلہ و خارجاً عمومہ امنیت بخش اولمش و اداره دولتک تحت انتظامدہ دورانہ باشلا دیغنی ارائہ ایلمش اوزرینہ اوروپا دولتلرینک عثمانیلرہ قارشى آثار محبت و توجہ ابرازینی و ممالک عثمانیہ نك معموریت و ترقیاتنہ خدمت و معاونت مقصدیلہ برچوق اوروپا سرمایہ دارانک قاصہ لرینی کشاد ایلہ فوج فوج پایتخت عثمانیہ یی زیارتہ شتابان اولمشى تأمین ایلديکینی مشاہدہ ایدن اتحاد و ترقی جمعیتک رؤسای منفعتپرستانى ارباب ثروت و سرمایہ نك قاصہ لرینی کشاد و دولتہ ہر درلو معاونت دعوت ایدن حالک حکومتک حائز اعتماد و امنیت اولسندن منبعث اولیوب اعلان مشروطیتك تأمین ایلديکی طبیعی برحال اولدیغی ومع ما فیہ کندیلری دخی اداره حکومتی الہ آسہ لرحم شخصیلری ہم مملکتک مستفید اولہ جنی ظن باطلی افکار سقیمہ لرینی تشویش و ذہنلرینی تخریش ایتمش اولمشى کہ ابتدای انقلابدہ داخل جمعیت اولان برطاقم اشخاص شریرہ و اشقیای مشہورہ یی باشلرینہ طولایہ رق قاينه نك تدابیر انضباط پرورانہ سنہ طبان طبانہ ضد و آداب دینیہ و اسلامیہ و قوانین موضوعہ یه کلیاً مخالف اولان غصب نقود و نہب اموال کی حالاتہ اجتناسارلہ و کلاسی سابقہ و مأمورین دولت و اغنیای ملتک خانہ لرینہ هجوم ایتک و بعضارینی انواع ظلم و اشکنجہ ایلہ زقاقلردہ سور و کلمک و نقود موجودہ لرینی جبراً اخذ

و غصب ایلیه رك مملكتی آنارشی حالنه قویغه ودرلو درلو بهانه لرله ده اعانه لر جلب وجمعنه وکیسه لرینی طولدیرمغه باشلامشیر و حکومتی مشکل برحاله کتیرمشلردر .

کامل پاشا حضرتلری مقام صدارتده خیلیدن خیلی به یورلمشدر .

چونکه بر طرفدن بونلرك ارتكاب ایتدیكى فضايحك اوكنی آلق و بر طرفدنده مناصب و مأموریت دولته داخل اولیه جقلرینی مع القسم بیان و تأمین ایدن جمعیت اتحادیه رؤسا و اعضاسنك مستشارلق و واليك كبی مأموریتلره منسوبلرینك حكومته یراشدیرلمسی و اوصاف قانونیه یی حائز اولیان جاهل و دكرسر بعضی اشخاصك هیئت اعیانه ادخالی كبی ناجا مراجعتلرینه بر نهایت ویرمك و آسایش و انضباط مملكتی محورنده دوران ایتدیرمك چاره سیله يك چوق مشغول اولمشدر .

بو بولده فضایح اجراسنه تشبث و مأموریت طلبیه باب عالی یی تضییق ایتملری ایوجه تدقیق اولنورسه كامل پاشا حضرتلرینك مسند صدارتده بولنمسی اتحادی تولید ایدن خفی جمعیتلرك مرضیسنه موافق كلمدیکندن صدر مشار الیه حقنده موجود اولان داخلی ، خارجی اعتمادی ازاله ایتدیررك مشار الیه حضرتلرینك اغبرار و انفعالی جلب ایله ترك مقام و موقع ایتمسی چاره سنك تحریمی ایچون مذکور جمعیتلردن آلدقلری امردن بشقه برشی اولمدیغی تظاهر ایدر .

سلامت وطن و سعادت ملتدن بشقه بردوشونجه سی اولیان و هیچ بر فرده قارشی بغض و عداوت بسلامیان پیر سیاست تدبیر كامل پاشا حضرتلری اول امرده بونلركده عین حس و فكرده بولندقلرینه ذاهب اوله رق نكبهان مشروطیت اولمقدن يك اوزاقلشمش اولان جمعیت و اعضاسی یوزندن مملكتك كوره جکی فلاكت و مهالكی دفع ایچون نصایح لازمه ایله اصلاحلری چاره سنه تشبث ایلیمشار ایهده حشرات مرقومه نك معاملات ناروا و حرکات مستبدانه لرندن

واز کچیرلملری ممکن اوله میه جغنی و شخص و نفسلرندن بشقه دنیاده بردوشونجه لری اولیان و مملکت و ملت قارشی برحس حرمت و محبت بسلامه یین و هر درلو فضائل انسانیه دن محروم و انواع جنایات و فناقلری اجرا و ایقاعه مستعد و منهمك و وطن و ملت دكل عالم انسانیت ایچون وجودلری برسم مهلك اولان و وطنپرورلك نقاب و کسوه سی تحتنده منفعت شخصی لرینك استحصالنه چالیشان بورزیل و خائنلرك وطن و ملت ایله قطعاً بر علاقه لری اولمدیغی استدلال بیورمشلردر .

معزز وطنمزی بوكی اشخاص شیره اننه ترك و تودیع ایله چككمك عصرلردنبری

بر حال کشمکشده یو وارلاناں دوات و مملکتک تسریع انقسام واضمحلالنی بادی
 اوله جغنی بالملاحظه بونارک دیگر بر صورت حسنه ایله تنسیق و اصلاحری
 چاره سنه توسل بیوردقلرندن خبردار اولان رؤسای جمعیت بوندن فوق العاده
 اورکرک استانبولده کی عساکر عثمانیه ایله لازم کن تهدیداتی ایقاع ایده میه
 جککرینی ده بیلدکیرندن اللرنده بر قوه مسلحه بولندیلمسنی حس و بر بهانه ایله
 روم ایلنده بولونان نکپیان حریت دیدکری آوجی طابورلرینی سلا نیکندن جلب
 ایتدیره رک بو طابورلرله مابین هایونی و باب عالی تی تضییق و تهدید کستاخلغنه ده
 جرأت و کامل پاشا قاینه سنک سقوطی چاره سنک تحریسندن کیر و طورمدیار .
 الک بنام جمعیت اتحادیه مؤسس ورؤساسندن اولوب قاینه ده عدلیه ناظر لغنه ده
 بولونان و جمعیتک تعقیب ایلدیکی بوحالی تجویز ایتمین مانیاسی زاده رفیق بک
 افندی بی بیله تهدیده قیام ایتلمری مشار الیهک انکسار قلبنی و بر مدت صوکرده ده
 وفاته سبب اولمشدر .

اولزمان قاینه ده داخلیه ناظری بولونان حسین حلمی پاشا هر نه سببه مبنی ایسه
 بوخائن سرسریلره سرفرو و انقیاددن کنندیسی بر درلوآله مامش و موقع صمدارته
 اقمادی وعدینه انضام ایدن حرص جاه ایله کوزلرینه عمی طاری اولوب حال
 و استقبال دولت وملت فراموش ایدهرک بوخله ایله معاً قاینه نک سقوطنه وار قوتی
 بازویه و یروب چالیشدیغندن وطن و ملت مزک بو حال فلاکت و انقسامه معروض
 قالمسنه مشار الیهک بو وجهله حرکتی سبب یکانه در .

تضییق و تعرض و تهدید و مداخله دن برآن خالی قالمیان کامل پاشا قاینه سی
 بو حال ایله بالطبع امید ایدیلن اجزآت و اصلاحاتی تمامیه موقع تطبیقه وضعه
 میدان بوله مامش ایسه ده آنارشی حالنده اولان ممالک عثمانیه ده آسایشی تأمین
 و انتخباتک اجراسیله مجلس مبعوثانک کشادینه بلا فتور چالیشمش (۲۳ ذی القعد
 ۱۳۲۶) سنه هجریه و (۴ کانون اول ۱۳۲۴) سنه رومیه سنه مبعوثانک کشادینه
 موفق اولمشدر .

انکثره دوات معظمه سی در سعادت سفیر کبیر لیکنه تعیین بیوریلوب ابتدای
 مشروطیتده شهر غزه مواصلت ایدن سفیر سیر لاوتر جنا باری حقنده استانبول
 اهالیسنک اتحاد و ترقینک بر قاج اعضاسی مستثنا اولدیغی حالده مذکور جمعیت
 اعضای سائر سیله برابر کویستر دککری آثار حسن قبول و حرمت و محبت فوق

الغایه دن وانگلتره دولت معظمه سیله دولت علیه نك دوست و محب قدیملری اولان بعض اوروپا دول معظمه سنك قاینه حقنده پرورده ایلدکلی آثار مخالفت و مودتدن شرقدہ کی منافع سیاسیہ لرینه خلل طاری اوله جعندن توحش و تلاشه دوشن اتحاد و ترقی جمعیتنك حامی یکانه سی آلمانیا ایمپراطوری و یاهلم ثانی ایلہ جمعیت اتحادیه نك آمر اکبر و ظہیر اعظم لری اولان جمعیات خفیہ طرفندن صورت مخصوصه ده مأمور لر اعزامیله قاینه نك بهمہ حال سقوطی چاره سنہ باقلمسی و بو اوغورده لازم کلن فدا کارلقدن چکنلہامسی ایچون او آمر مقتضیه اعطا و بو او آمرک صورت تطبیقنه نظارت ایتمک ایچونده آیر وجه قونطرول مأمور لری تعیین اولندیغی کبی استانبولده کی دویجه بانقک و اناطولی شمندوفر اداره سنك قاصه لرینی اتحاد و ترقی جمعیتنه آچہرق ترک لک حقیقی دوست و محب قدیمی اولان انگلتره دولت نخیمه سنك نفوذ و پولتیقه سنك ممالک عثمانیه یه عدم دخوانه غیرت ایدلمسنه اناطولی شمندوفر لری دیرکتوری موسیو (هکنن) مأمور ایلدکدن بشقه در سعادت آلمانیا سفارتنه برلیندن ویریلن امرده ده سفارتک جمعیتله دائماً تماسده بولنه رق منافع سیاسیہ و اقتصادیہ لرینه کلیاً منافی اولان بویله بر حالدن جمعیت مؤسسین ورؤسا سنك منعی ایچون تقیدات بصیرتکارانه ده بولنلمسی امر و اشعار اولمشدر .

کرک آلمانیا حکومتی کرک مذکور جمعیتلر بو اوغورده یوز بیگلرجه ایرار صرفندن چکنمیه رک اتحاد و ترقینک اودیشمز و ایمانمز و وطنمز و وجدانمز اوچ بش کشیدن عبارت اولان مؤسسین ورؤسای مهمه سنی اولجه احضار ایتدکلی پلان موجب بجه حرکت ایتدیرمکه موفق اولدکلی جهتله رؤسای معلومه مهوده نك مجلس مبعوثان اعضاسنه ویردکلی تعلیمات دائره سنده کامل پاشا قاینه سنه حق قانونیسنی « قانون اساسی احکام منیفه سنی آياقلر التنده براقه رق » استعمال ایتدیرمیوب و صدر مشار الیهک اوچ کون صکره ویره جکی ایضا حاتنه ده انتظار ایتمکسزین مجلس مبعوثانده غیاباً عدم اعتماد بیان ایتدیردکدن بشقه سلطان عبد الحمید خان حضر ت لرینی تضمیق و اصرار ایلہ کامل پاشا حضر ت لرندن عادت سابقه و جهله اوکیجه بلا استعفا مهر همایونی استرداد ایلہ عزله مجبور ایتمشلر و بوسبیلہ ایلک ضربہ بی قانون اساسی یه کندیلری اورمشلردر .

جمعیت رؤسای معلومه سنك بونا قابل عفو اولان حرکت لری یوزندن دولت

ومملکتهمز فلاکت وانقسامه طوغری برنجی خطوه‌نی آتشدر .
 کامل پاشا قاینه سنه عدم اعتماد بیان اولندیغی کون پاشای مشار الیه حضرتلری
 دائره مبعوثانه عزیمت بیورمش اولسه ایدیلر مبعوثان قہو وقوریدورلرینه وایاصوفیه
 میداننه یراشدیریلن اتحاد وترقی اشقیا وفدائیلری طرفندن قتل ایدیلہ جککردی .
 بوجنائیک اجرایی آلمانیا نیک درسعادت سفیری بارون مارشال دو بیرشتاین
 وآلمانیا لی مشیر غولچ پاشا نیک تشبثات وترتیبات خفیه لری نتیجه سی اولہ رق اتحاد
 وترقی جمعیتنجہ قرار گیر ایدی .



صدر اعظم حسین حلمی پاشا حضرتلری

S. A. Hussein Hilmi Pacha (Grand-Vézir)

حسین حلمی پاشا نیک صدارتی — کامل پاشا حضرتلری قاینه
 ستک غیر مشروع صورتده سقوطی اوزرینه مسند صدارت جمعیت طرفندن موعود
 اولان نفاذمتلو دولتلو حسین حلمی پاشا حضرتلرینه توجیه ایتدیرلش ومشار الیه
 حضرتلری قاینه سنی اتحاد وترقی رؤسا واعضاسندن مرکب اولہ رق تشکیل ایلہش

اولدیغندن بوقایینه اتحاد و ترقی جمعیت مرکزیه سنک باب عالیده برمرکزی اولمشدر.
ملعبه صبیان دیک اولان بوقایینه نك آزمدت ایچنده اوینادیغی او بونلر لایعد
ولا محصی اولوب اك مهم اولان ایکیسنك ذکری افهام مرامه کفایت ایدر.
برنجیسی اوتوز برمارت وقعه سنك احضار واحدائیدر.

ایکینجیسی سلطان عبد الحمید خان نانی حضرتلرینك غیر مشروع و غیر قانونی
خلعی قرار ایدر.

بو ایکی مسئله مهمه حقنده معلومات تامه لری اولیانلری ایقاظ ایچون براز
ایضاح ایدلم.

بر آلت شر مقامنده و هر بر خصوصده استخدام واستعمال اولنق اوزره اولجه
سلانیکدن کتیرلدیکی بیان اولونان آوجی طاہور لرینك اوتوز برمارت حادثه سنك
تولیدی و سلطان عبد الحمید خان حضرتلرینك خلعی ایچون اوینادیغی رول اتحاد
جمعیتنجه باعث شکران اولدیغندن اول امرده بوندن بحث ایده حکم.

چونکه بو طاہورلرک قوماندانلری سلانیکلی عودتی رمزی بک کی محترم قاردرشک
رؤساسندن وضابطانی ده اوقاردرشک روم ایلی واستانبولده زقاق اورته لرنده قتل
و شهید ایدیلان حقیقی وطنپرور لریمزک قاتلاری اولان اتحاد و ترقی جمعیتنك نامدار
فدائیلرندن ایدیلر.

بویله قوماندان وضابطاندن مرکب بر هیئت محترمه نك (!) تحت قوماندان و اداره
سندہ بولونان طاہورلر افرادی ده عین حس و فکره تابع اولدقدن بشقه افراد
موجوده نك قسم کلیسی روم ایلی اهلایسندن روم و بلغار اشقیاجتہ لری منسوبینندن
اولدقلری جهتله ارباب جنایت و شقاوتدن ایدلی.

ایشته از هر جهت شایان اعتماد و امنیت (!) اولان بو طاہورلرک ایفا ایده جکری
خدمتی دیگر طاہورلر ضابطان و افرادینك اجرا ایده میه جکری جمعیتنجه معلوم
ایدوکنندن اوتوز برمارت حادثه سنك اردوی همایون ایچنده احدائی وظیفه سنی
بونلره تحمیل ایله استانبولده بولونان عساکر عثمانیه نك افکارینی تحریک و تحذیشه
باشلا تدیغی و جمعیت و سائط سائرہ ایله ده بعض سبکمغزان اهلای بی تشویق و اغفال
واردوی همایون ایله برابر بر عصیان و اختلال حیقارتمغی تأمین ایلدیکی جهتله
« ۳۱ مارت ۱۳۲۵ » تاریخنده استانبولده بروقه مؤسسه ظهور ایتمشدر.

بو وقعه فجیعہ بی تهیئه و احضار ایدن آوجی طاہورلری ضابطانی یوم حادثه ده

نفرالبسه سیله سوقاقلری طولاشه رق عصیان و قیام ایدن عسا کر شاهانه ایله
افراد اهالی بی تحریکدن و وقعه نك کسب توسع ایتیمی یولنده ده بر چوق رول
اوبنادقن صوکره ذاتاً مرتب اولدیغی وجهله سلا نیکدن حرکت ایدن حرکت
اردوسنه التحاق ایتمک اوزره چتالجه و خادم کوی جهتیرینه فرار ایتمشلردر .
برنجی وایکنجی فرقه هاینلرده بولونان طابورلر مکتبلی و اتحادجی ضابطانی
دخی وظیفه مقدسه لرینی ترک و فرار ایدهرک حرکت اردوسنك استقبالی ایچون
چتالجه کتدیلقومانلار و ضابطسز قالان طابورلر افرادی بالطبع ارقداشلرینه
التحاق ایدلکرندن وقعه توسع ایدهرک بعض وقوعات ظهورینه بادی اولدی .
بوفترت و عصیان یدی ، سکیز آی ظرفنده جمعیتك عقل و حکمته غیر موافق
اجرا ایلدیکی حرکاتی کورن و نتیجه نك و خامتنی تقدیر ایتمکه باشلایان بعض کسان
التحاق ایتمش قادرو خارجه چیقاریلن اسکی ضابطان دخی کندیلرینه قوماندان
ایتمک ایچون افراد عصیانیه طرفندن خانه لرندن جبراً جلب ایدلدیکندن ایش
اتحاد علمنه دوئمکه باشلامشدر .



صدر اعظم توفیق پاشا حضرتلاری

Son Altesse Tewfik Pacha (Grand Vezir)

جمعیت وقاینه اوینادیغی بواویونک کندی علمینه دوغمندن خوف وهراسه
دوشهرک هربری برطرفه فراره باشلادقلرندن تخلیص نفس سوداسنه دوشن
صدر اعظم حسین حلمی پاشا وقاینه سی دخی استعفاسنی ویروب فرار ایتمش
اولدیغندن مملکت حکومتسز و برحال عصیانده قالمشدر .

بوهرج ومرجه معروض قالان دولتی دوشدیکی شوخال ضجرت وفلا کندن
قورتارمق ایچون مملکتجه معروف سیالردن متشکل برقاینه تشکیلی تأمل ییوران
ذات حضرت پادشاهی درحال توفیق پاشایی مسند صدارته اقعادیوردیار .

توفیق پاشانک صدارتی — مقام جلیل صدارتی احراز یوران خامتلو
دولتو توفیق پاشا حضرتلری قاینه نی مملکتجه معلوم ومعروف ذواتدن بالتشکیل
بو حالک اوکنی آلمق ایچون لازم کن تدابیری اتخاذه باشلادیار .



حزبیه ناظری مشیر غازی ادهم پاشا حضرتلری

Son Excellence Ghâzi Edhem Pacha
Ministre de la guerre

قاینده حریه نظارتی در عهده ایدن مشیران عظامدن غازی ادم پاشا
حضرتلرینک همت غیورانه وشجاعت عالم پسندانه سی ایله حال عصیانده بولنان
عسا کر واهالی اقناع وعفو عمومی اعلان ایدلک صورتیله تأمین ایدیله رک طاغیدلش
وعصیان واقعک همان اوکی آلتوب عسا کر شاهانه قشله لرینه وهرکس یرلرینه
عودت ایتدیکندن استانبولده سکون وآسایش تقرر ایلمش ایکن حرکت اردوسی
نامیله سلا نیکدن کلن اتحاد اردوسی شهریمزه داخل اولدی .

شهره بلا مقاومت داخل اولان بوعصیان اردوسی عادتایبولک بر اشقیاجتیه سندن
بشقه برشی دکلدی .

چونکه روم ایلی ده عقیب انقلابده استیمان ایدن نقدر بلغار ، روم ، ارناؤود
چته لری وارا بدیسه انلرک همان کافه سی موجود اولدیغندن وسلانیکک دونه
یهودی لری وبوکا مائل حشرانده اردویه دخالت ایلدیکندن بوکی اشخاص شیریه
ایله مالی اولان وحرکت اردوسی دینی لان اتحاد وترقی اشقیاجتیه سی استانبوله
دخول ایدر ایتمز یوله راست کلدکلری علما وصلاحی امتی قتل وشهید ایتمه
وانواع مظالم واعتسافات ویغما کرلک اجراسنه وقشله وقره غوللرینه چکیکن
ووظیفه لرینی ایفا ایدن عسا کر عثمانیه نی کویادشمنله محاربه ایدرجه سنه قشله لرینی
طوپرله آبلوقه ایدهرک قشله لری طوپه طومق وبوصورتله درونلرنده بولونان یکر می
اوتوز بیک نفری خاک هلا که سرمک کبی جنایات ارتکاب ایتدی لر .

« خروج علی السلطان » دیمک اولان وبوحاله جرأت ایدن ومحمود شوکت پاشا
ایله فریق حسین حسنی پاشا قومانداسنده بولونان بواشقیای شیریه اردوسنک
قوماندانلریدن تقرینه وارنجیه قدر عسکری جزا قانوننامه هایونی مواد معلومه سی
موجبجه اعدام ایدملری وجمعیت لئیمه یه خلوص وعبودیت ایچون بوجانیلری
آلتیشلایان اللریده مجازاة شرعیه وقانونیه یه تودیع وتسلیم ایتمک لازم کلیرکن
بو حشرات واسطه سیله خلیفه روی زمین وپادشاه اسلامیان اولان سلطان
عبد الحمید خان ثانی حضرتلرینی خاخ ایتدی رملری عقلای امت ووکلا می ملت
واعیان حکومت ایچون الی الابد باعث مؤاخذه احوالندر .

بوصورتله استانبوله داخل اولان بواردو مرتب ومقرر اولدیغی اوزره درحال
اداره عرفیه اعلان ایتمش وبرنجی ، ایکنجی دیوان حرب عرفی ناملرنده برر
محکمه عسکریه تأسیس وتشکیل ایدهرک وکلای سابقه وعسکری ، ملکی مامورین

سائره ايله سراي همايون ارکانی وکندی منافع شخصییه لرینه قارشی حرکتیه قیام
ایده بیلیمسی متصور اولان ادبا و محروین عثمانیه ايله ارباب اقتدار و نفوذدن برچوغمی
اعصار سابقه ده یکیچریلرک اجرا ایلدکلی طوت وقاپ اصولنجه راست
کلدکلی برارده دردست و حربیه فظارتنده بکراغا بلوکی دینمکله معروف حبسخانهیه
القا ایلمشلردر.



حرکت اردوسی نامیله سلا نیکدن استانبوله کان اتحاد وترقی
چته سنک محمود شوکت پاشادن اولکی قوماندانی
فریق حسین حسنی پاشا

Hussein Husni Pacha, Chef de l'armée d'opération

دردست و حبس ایلدکلی اشخاص کوندن کونه تکثر ایلدیکندن و مذکور
بکراغا بلوکی نام حبسخانه بونلری استیعابه کفایت ایده مدیکندن اوست قاتنده کی
برنجی فرقه عسکریه و مرکز قوماندانلی دائره سیله اطفائی و نیشانچی طابورلری
افرادینک اقامتنه مخصوص قشله لر دخی مظلومین ملت ایچون برر زندان حاله
قوندقلری حاله بونلرده موقوفین و محبوسین موجوده یی استیعاب ایده مامش

و مؤخرأً ارکان حربیہ عمومیہ دائرہ سی اتحاد اولونان حربیہ نظارتی قارشوسنده کی
چفته سرایلری بیلہ حبسخانه حالہ افراغ وحربیه نظارتی میدانده چادرلر
رکز یله حبسخانه اتخاذ ایتمشلردر .

بومنوال اوزره توقیف وحبس اولونان ذوات کرام وافراد سائره ملت آج
وصوسن براقدقلری کبی عقل وخیاله کله میان بیک درلواذیت واشکنجه لرده
حقلرنده روا کورلدی .

حتی جمعیت اتحادیه نك اورز یل ومسخره مؤسسین ورؤساسی وقهرمان وبانی
مشروطیت دیدکلری انور ونیازیلرله سائر فدائی جانیلری طرفندن موقوفین
ومحبوسین مظلومدن بعضلری کوندوز وکیجه وغیرمعین وقت وساعته بورزیل
وجودانسزلرک بولندقلری حربیه دائره سنده کی اوطه لره بالجلب انواع حقارت
وتعرضه دوجار اولدیغندن بواتره درجندن حیا ایدیلن الفاظ شنیه وگریه ایلہ
عزت نفسی وملتی ده ترزیل ایتدیلر .

بوالحاق رزیلارک تشکیل ایلدکلری دیوان حرب بلردن برنجی دیوان حرب هیئت
میانده یاشلی باشلی ارکان وامرای عسکریه دن وارباب ناموس ووجداندن برقاج
ذات بولندیغندن مذکور دیوان حرب بومثللو مغایر قانون حالته مجاسر تلرنندن
طولای شایان مؤاخذه اولان بورزیل وخانلری تقبیح وبوحالاتک منع تکرری
ضمننده لازم کان تدابیری اتخاذ ایتمش ایسه ده طوپیجی حسن رضا پاشا دینیلن
ایکنجی دیوان حرب رئیسک تحت ریاستنده کی دیوان حرب هیئت اتحاد وترقینک
فدائی جانیلریله یکریمی ، یکریمی بش یاشلرنده کنج ضابطاندن مرکب اولدیغندن
بودیوان حرب هیئت اجرا ایدیلن بوکی معامله غیر قانونیه بی منع ایلمک شویله
طورسون اتحاد وترقی جمعیتک بنده خاص واصدقلری اولدیغنی ارائه ایتمک
ایچون برچوق فضایح ارتکاب واجرا سندن چکنمکدن بشقه قانوناً برایکی سنه
حبس جزاسنه محکوم اولسی لازم کان ویابرجزایه مستحق اولیان مظلومین ملتی
اعدام جزاسیله محکوم ایدهرک مملکت مزک عصر لرحه یتشدیره هیجکی اولاد
ولندن یوزلرحه سنی آیا صوفیه و بایزید میدانلرنده صلباً اعدام ایتدیره رک جمعیه
قارشی اثبات صداقت و ابراز خدمت ایتمشدر .

جمعیه قارشی ابراز صداقت و خدمت ایدن بویکنجی دیوان حرب عرفی رئیس
وهیئت بوکی غیر مشروع وغیر قانونی حرکاته جرأتندن طولای تاریخ عثمانی بی

لکه دار ابتدکری کبی دنیوی، اخروی مجازاة الهیه دن یقارینی، قور تارمیه جقدر .
بر طرفدن ملت مظلومه نك توقیف و حبسیله اوغراشان جمعیت اتحادیه دیگر
طرفدن سلطان عبد الحمید خان حضرتلرینک خلعی ایچون ایجاب ایدن تدابیری
اتخاذ ایتدیکی کبی حرکت اردوسنک درسعادتہ دخولی ایچونده سعید پاشانک
ریاستی التندہ طویلایه بیلدیکی اعیان و مبعوثانی آیاستفانوسده کی یاط قلوبنده اجتماع
ابتدیرمش و حرکت اردوسنک استانبوله دخولنه قرار و یردیرمشدر .

حرکت اردوسی استانبوله دخول ایله قشله لرده کی افراد غضنفر نهادی خاک
هلاکه سردکدن صوکره مرتب و مقرر اولدینی اوزره بیلدیرسرای همایونی
جوارنده آرامساز عرب و آرنائود طابورلرله اناطولی افراد بسالت نهادندن مرکب
دیگر طابورلری برر صورت و بهانه ایله تبدیل ایدوب یرلرینه مذکور حرکت
اردوسنه منسوب طابورلرله سلانیکدن کتیردکری ژاندارمه لری اقامه ایله سرای
همایون محافظلغنی ده اله آلدیغندن آرتق خاقان مرحومدن قور قاجق برشی
قالماشدر .

اعیان و مبعوثانی اقناع ایچون جمعیتک ترتیب و محمود شوکت پاشانک کشیده
ایتدیکی یلدر سراینک عوارضدن تجرید ایدلیکنه دائر اولان بر تلغرافی اوزرینه
اعیان و مبعوثانی دائره مبعوثانده اجتماع ابتدیرمش و اورایه جلب و دعوت ایدیلن
فتوی امینی صدور عظامدن و صلحای علمادن سماحتلو نوری افندی حضرتلرینک
انطالیه مبعوثی المالی حمدی افندینک قارالامش اولدینی فتوی مسوده سی مندرجاتی
مخالف شرع شریف اولدیغندن عدم تصدیق و اصرار واقع اوزرینه ده بکا ایدهرک
سوزنده ثبات ایتسی جهتیله حسین حلمی پاشانک صدارته تعینینده شیخ الاسلام
جمال الدین افندی حضرتلرینک استعفاده اصرارینه بناء مقام مشیخته کتیریلن
روم ایلی قاضی عسکری ضیاء الدین افندی وقوع بولان جبر و اکراه اوزرینه مسوده
مذکوره بی فتوی شکنه افراغ ایله امضایه مجبور اولغله خلعه قرار و یرمشدر .

مذکور اردونک استانبوله دخولندن برقاج کون صوکره خلاف شرع شریف
اوله رق بالاده بیان اولونان قرار موجب بنجه سلطان عبد الحمید خان ثانی حضرتلرینی
« ۷ ربیع الآخر ۱۳۲۷ » سنه هجریه و « ۱۴ نیسان ۱۳۲۵ » سنه رومیه سنه
مصادف صالی کونی خلغ و مقام خلافت و سلطنته خاقان مشار الیهک برادر
والا کهرلری ولی عهد سلطنت محمد رشاد افندی حضرتلری عین کونده اجلاس

واقماد و خاقان سابق حضرتلرینی مع عائله سالانیکده اقامت ایتیمک اوزره اورابه
سوق واعزام ایلدیلر.



سلطان محمد رشاد خان خامس حضرتلری
Sultan Mohamed Rechad Khan V.

تخت عالی بخت عثمانیه سلطان محمد خان خامس عنوان جلیلی ایله جلوسلری
اجرا قلنان سلطان محمد رشاد خان حضرتلری ملک خصصت برپادشاه عالیجه
ایدیسه لرده تخته قعودلری صالی کوننه مصادف اولدیغنه وقرون سابقده صالی
ایسه اجرام سماویه عابدلری عننده مشئوم عد اولنور برکون اولدیغندن بوشئامت
زمانزه قدرده انتقال ایلدیکنه بناء برچوق آلم تصادفلر واقع اولغله یوم مذکورک
بزرجمده شئامتی قبول ایدنلر واردلر.

صالی کوننک شئامتی محرر عاجزده قبول ایدنلردن اولدیغ جهتله سلطان مشار
الیسه حضرتلرینک صالی کونی جلوسلرینک وقوعی هم مملکت وهم نفس هایون
ملوکانه لری ایچون خیرلی اولیه جغنی اوکون بعض رفقایه سولدیکم وارد خاطر
عاجزیدر.

حقیقه صالی کوننک بریوم مشئوم اولسنی سلطان محمدخان خامس حضرتلرینک
بوکچن اون سنه لك زمان سلطنتلریده اثبات وشامتی تایید ایدیور.
بوملك خلصت پادشاه کلدیکی اوصالی کوندنبری برادرلری خاقان سابق
حضرتلرینک وهمندن طولای اوتوز اوچ سنه چکلدکلری عذاب الیمی اونوتدیره
جق برچوق عذاب وجدانیه و آلمیه قارشوسنده بولمش واصل و نسللری بللی اولمیان
برچوق اتحاد زور بالرینه مع التأسف آلت شر واسیر اولمش و بوجاهل و حریص
ورزیل مؤسسن و رؤسای جمعیتک تغلب و تجاوزندن نه کندیلرینی نهده مملکتی
قورتاره بيلمشد.

خاقان مشار الیه حضرتلرینک دورسلطنتلری دولت عثمانیه تاریخنده سیلنمز
برسیاه لکه براقه جق و بوسلطنته یغما و اعدام و آتش و قان و انقسام دوری نامنی
و یردیره جکدر.

بومغدور و مظلوم و بدبخت سلطان محمدخان خامس حضرتلری ازمدت ایچنده
يك بيوك وقایع مدهشه و حادثات خیمهیه صناید جمعیتک جبر و تضییق و تهدیدیه
ایسته میهرک آلت اولدیغندن شبهه سز فوق الغایه دخول و متاثر اولمش و دولت
و مملکتک آتیا اوغرایه جفی فلاکتی درک و تفرسله محزون و مکدر اولهرق مایوسا
ترك دغدغه حیات ایلمشدر.

بویله غیر مشروع فتوی ایله خلع قرارینی و یردیرن جمعیت هر حال و کارده
دیانت اسلامیه بی برآلت مقامنده استعمال ایلدیکی حالده خلیفه و پادشاه مسلمین
حقنده و یریلن بوقرارک « شریعت غرای محمدیه » به کلیاً مخالف و مغایر بولندیغنی
و قانون اساسینک اون برنجی ماده سنده دولت عثمانیه نك « دینی دین اسلامدر »
دیو محرر اولسنه کوره دیناً و شرعاً و یریلن برقرارک تبلیغ و تطبیق و اجراسنده
اودین ایله متدین و علاقه دار اولمیان برذاتک استخدای بالطبع غیر قانونی اولدیغنی
نصل اولوبده اونوتدیده بوقراری تبلیغه مأموراً یلدر سرای هایونه کوندریلن
هیئت میاننه « سیونست » جمعیتک اتحاد و ترقی جمعیتی نژدنده مرخص عمومیس
بولونان و جمعیت اتحادیه نك سلا نیک هیئت مؤسسینندن واحوال ماضیه سی
سلا نیکده برمدتجک اقامت ایدنلرجه معلوم اولان سلا نیک مبعوثی یهودی
مشهور قره صوینی ادخال و اعزام ایتدی.

ایشته اتحادجیلر طرفندن تهئیه و احضار ایدیلن و سلطان عبد الحمید خان

حضرتلریله طرفدارلرینه اسناد وعطف اولونان اوتوز برمات حادثه سی صدر اعظم توفیق پاشا حضرتلریله قایینه سنک هممات مشکوره وطنپرورانه لریله تسکین ایدلدکدن وسلطان عبد الحمید خان ثانی حضرتلری بی ده غیر مشروع خلع (*) وسلانیکه سوق واعزام ایتدکدن وحرکت اردوسی استانبوله کیردکدن واداره عرفیه اعلان ودیوان حر برتشکیل و بیکلرجه آدمی توقیف وحبس ایدلدکدن صوکره برقورقورلی قالمیان وصاقلاندقوری دایکاردن چیقان اتحادجیار وسابق قایینه اعضاسی ینه حکومتی اله آلمق سوداسنه دوشهرک مشروطیتک ایلك خلیفه وبادشاهی نامی ویردکوری سلطان محمد خان خامس حضرتلری بی جلوسلری نک ایلك کونلرنده مشروطیته مغایر وقانون اساسی حکمنه مخالف حرکتیه سوجه اشلا یوب سلطان مشار الیه حضرتلری نک صدر اعظم توفیق پاشانک ابقاسی خصوصصنده واقع اولان ابرام واصرارلری نه رغماً مشار الیه حضرتلری نک عزلله ینه ملعبه صبیان قایینه سی رئیس حسین حلمی پاشانک موقع صدارته کتیرلمسنی آمرانه وتهدیدکارانه اصرار وطلب ایله مقصدلری بی استحصال ایدیلر .

* *

حسین حلمی پاشانک ایکنجی صدارتی — ایکنجی دفعه اوله رق مسند صدارتی احراز ایدن نخامتلو دولتلو حسین حلمی پاشا حضرتلری بوکره قایینه سی رؤسای اتحادک الک مهم ارکاندن تشکیل ایلدیکی و یلدر سرای هابوننک یغماسی و بیکلرجه مظلومینک قتل واعدام ونفی ، تغریبی ، انواع مظالم واعتسافات اجراسی وسلطان عبد الحمید خان ثانی حضرتلری نک بانکه لرده کی نقود موجوده سنک ضبطی ودرسعادتده یانقینلر ایقاع واحداثی ، سائر کونا حادثات جنائیه وشقاوتکارانه ایقاعی بوقایینه زماننده واقع اولدیغندن حسین حلمی پاشانک بوجرأتکار وجنایتکار ایکنجی قایینه سنه دخی (جانیلر) قایینه سی نامی ویریله ییلور .

جانیلر قایینه سی نامی ویردیلمز شو اتحاد وترقی جمعیتک باب عالی شعبه مرکزیه سی شرف افندی سواقی هیئت عمومیه سی رؤساسیله برلشهرک یلدر سرای هایونی یغماسندن آلدقوری مجوهرات وسائر نه تاریخنک یازمقدن حیا ایده چکی برصورتده سرای هایونده بولونان قلفه لردن جبراً اخذ وغصب ایتدکوری الماس وذیقیمت

(*) « خلیفه وپادشاه مسلمان فاجر وظالم اولغله خلع اولنه میوب مجنون اولق و یاترک دین ایتک » لازم ایدوکنه نظراً بوخلع فتواسی موافق شرع شریف اولمدیفی اهانه معلومدر .

اشیائی کو یا بدرلندن موروث ایش کی بینلرنده توزیع و تقسیم ایتدکدن صوکره اها لینگ کوزینی بویامق قصدیلہ برقاچ پارچه مجوهرک اوروپاہ ارسالیلہ فروختی و بونلرک اثمائی اولان اوچ یوزکسوریک لیرا قدر جزئی بر مبلغی دونما جمعیتی اعانه سنه ایراد قید ایتدیردکلرینی و بر مقدارینی ده خزینہ هما یون ایله موزه خانه به (*) تودیع ایتدکلرینی اوتاندن اعلان و بوکا مماثل احوال جنایتکاری به ده اجتسار ایتدکلری ارباب ذکا و اصحاب وقوف عندنده معلوم و مسلمدر .

قاینه بویله یغما کرک و حرکات جنائیه ایله مشغول اولدیغی صروده حامیلری و یلہلم ثانی ایله ولی نعمتلری اولان جمعیات طرفندن کلن امرلر اوزرینه طرا بلس غرب بازارلغی ایچون روما سفیری اولان حق پاشا به معاونت ایتک و صفت رسمیه سی اولان سفیرک کیره میه جکی یرلره کیروب حقیق و کوره میه جکی آدملری کوروب قولشماق ایچون مؤمن و کار آشنا بازرکانلر اعزامی لازم کلمکله بوکی دقایق احواله واقف و طرفینک مظهر اعتماد و امنیتنی حائر بازرکانلر سوق و اعزام ایدلمش و بالخاصه قره صو افندینک بو باده کی همت و غیرت و وطن پرورانه (!) سیله ایش یولنه کیرمش اولدیغنه و مقام صدارته اقعادیلہ بومسئله نی ختامه ایردیرمسی ایچون حق پاشانک ده موقع صدارته کتیرلمسی مقررات واقعه جمله سندن بولندیغنه بناء ارتق حسین حلمی پاشا قاینه سنک دویرلمسی تحت وجوبده اولدیغندن امثالی مثللو ترتیب ایدیلن بر استیضاح ایله مذکور جانلیر قاینه سی مجلس مبعوثانک عدم اعتمادینه مظهر اوله رق سقوط ایدی و یرمشیدی .

حق پاشانک صدارتی — مقام صدارت روما سفیری نظامتلو دولتاو حق پاشا حضر تارینه توجیه ایتدیرلمش و ذاتاً در سعادت و رودلرنده سر که جی استاسیوننده جمعیت طرفندن کمال دبدبه و وطن پنه ایله استقبال ایدیلن بو ذات صدارت آلاینده ده عین حرمت و محبت اتحادیه به نائل اولمش و صندالی صدارت ده شمیدی به قدر چکمیدیکی بر عدل و احسان صدر اعظمی سنه لرجه طاشیوب ازلمکله محکوم اولمشدر .

ایشته عدل و احسان پولتیقه جیمسی پاشامزده حسین حلمی پاشا قاینه سنده بولونان

(*) خزینہ مایونه کوندربان مجوهرات دیدکلری سلاطین عظام حضر اتنه عائد مرصع نشانلردر . موزه خانه به کوندردکلری اهمیت تاریخیه یی حائر اوروپا حکمداران طرفندن اهدا اولونان انچه و بعض اوانی سیم وزردر .

ذوات محترمه نك بعضه لرینی ابقا و آنلردن دها محترم ذواتی قاینه سنه ادخال ایله
قاینه نی تشکیل ایدهرک طرابلس غرب و بنغازی احسانی ایچون استحضارات
لازمه ده بولندی .



صدر اعظم حق پاشا حضرتلری

S. A. Hakki Pacha (Grand Vezir)

« عدل واحسان » قاینه سی بووجهله تشکل ایدهرک ایشه باشلامش ایسه ده
حق پاشا حضرتلرینک در سعادته ورودنده سرکه جی استاسیوننده بیکلرجه خلق
طرفندن اجرا ایدیلن مراسم استقبالیه ده ایراد ایلدیکی نطقنده بحث ایتدیکی « عدل
واحسان » دن مملکتمز مستفید اوله مامش و پاشای مشار الیهک عدل واحسانی
کلدیکی شمندوفر آلهرق رومایه قدرگیر و کوتورمش اوللی که بو احسانلرینه ایتالیا نلر
نائل اولمشدر .

مملکتمزک حصه سنه ده بو قاینه نك بوم ورودندن سقوطی کوننه قدر باب عالی
حریق اسف انکییزی ، حوران عصیانی ، یمن عصیانی ، استانبولده قولرا ظهوری ،

ماليسور عصيانى ، وزنه جيلر حريق كبرى . كريد مسئلهسى . ايتاليانك دولت
عثمانيه اعلان حربى ، طرابلس غرب وبنغازينك ايتاليانلر طرفندن ضبطى ودها
بوكى وقايع خيجه ومؤسفه نك حدوتى اصابت ايتمشدر .

حقى پاشانك قدومى مملكته خارجى ، داخلى هيچ سكون يوزى كوسترماش
وممالك عثمانيه يى بزاوغورسزلق بلوطى قاپلامشدر .

نه شرائطله موقع صدارته كلديكى يوقاريده بيان اولونان حقى پاشا قاينه سنده
حربه ناظرى بولونان وفتح عنوانه (!) لايق اولان اتحاد وترقى اردوسى قوماندان
بسالت (!) عنوانى محمود شوكت پاشايه اول امرده طرابلس غرب قطعه سنك
تخليه سنى توصيه ايلديكندن ناظر مشار اليه ايله اركان حربه عموميه دائرهسى
(بو دائره بعد الانقلاب اتحاد وترقى رؤسا واعضاسى النده قالمش ومذكور دائره
مامورىنى اردولر بمزك بوحاله كلمسهنه واتحادك آمالنه خدمت وياردم ايتمشدر) درحال
طرابلس غرب وبنغازينك تخليهسى ايچون لازم كلن تدابيرك اجراسنه مباشرت
ايلمشدر .

شويله كه اولاً تخليه مانع اوله جق اولان طرابلس غرب والى وقوماندانلغنده
بولونان مشير فلاتون تدبير دوللو ابراهيم پاشا حضرتلر ينى عزل ودر سعادته جلب
ايتمش وپرلرينه كيمسه تعيين اولميه رق وطرابلسه درحال اعزام ايلمديكندن
ولايت وقوماندانلق مقاملرى بوش بزاقلمشدر .

ثانياً بمنه سوق ايتك بهانه سيله اوراده كى قوه عسكريه يى قالديرديلر .

او واسع قطعه ده موجود عسكرك مقدار ينى ايكي ، اوچ ييك راده سنه تزيل
ايتديلر .

طوب وتفنگ وسائر لوازم عسكريه يى برر بهانه ايله آلاديرديلر .

دور سلطان عبد الحميد خانمده دائمى صورتده اون بش ويكرمى ييك راده سنده
بولونان طرابلس غرب وبنغازى فرقه عسكريه سنه ظهور اولمق ايچون تشكيل
اولونان قول اوغلى اوچاقلر ينى طاغنديلر .

طرابلس غرب فرقه سنده بولونان اوتوزيدنجى ، اوتوز سكرنجى سوارى
آلايلزندن بر ينى ده آلايلر .

براقدقلى بر آلاى سوارينك موجود ينى يك دون بر مرتبه يه اينديرديلر .

قول اوغلى عساكر مليه سنك تسليحي ايچون حين تشككنده كوندر يلى قرق اللى

یکی متجاوز مارتین و شنایدر تفنکرینی ده یکی سیستمه تبدیل و تحویل ایتک وسیله سیله درعلیه یه جلب ایله یرینه سلاح کوندرمدیلر .

طرابلس غربده و نقاط سائرده سنده محتاج تعمیر اولان استحکاماتی تعمیر و نقصان اولان طویلرینی اکیاله ییله لزوم کورمدیلر .

ابتدای انقلابدنبری طرابلس غرب اهلایسنک اجراسنی ارزو و طلب ایلدکری اخذ عسکر معامله سنی یاپمیدیلر .

بونى یامامقله اسنانه داخل اون بش ویکرمی یک افراد غائب ایتدیلر .

والحاصل قوه نظامیه دن و هر درلو وسائط مدافعه دن تجرید ایدیلن بوقطعه واسعه دشمنک تسلط و هجومه معروض برحاله وضع اولنه رق ایتالیا نك باز یجه احتراصی اولمغه محکوم ایدلدى .

حقى پاشا قاینه سی دولت علیه عثمانیه نك آفریقا قطعه سنده یکانه مالک اولدیغی طرابلس غرب ایله بنغازی نی بویله جه هر درلو مدافعه دن عاجز ، عسکر سز ، طو پسز ، تفنکسز ، والیسز ، قوماندانسز ، ذخیره سز ، پاره سز براقه رق شرائط مقرره نی ایفا و وظیفه سنی اکیال ایتمشدر .

بالطبع بوندن خبردار اولان ایتالیا حکومتی اردو و دونماسنی احضار و سوقیاته ابتداره مهیا برحاله قویدیغی حالد هیمچ برشی یوقمش کبی داورانقمده و باب عالی یه قارشی دوستانه حرکتنده دوام ایتمکده ایدی .

ایتالیا نك بویولده حرکاته باشلادیغی احساس ایدن عثمانلی مطبوعاتی طرابلس غرب مدافعه سنک علی العجله استیکال ایدلمسی لزومنی حکومتیه توصیه یوللو بعض مقاله لر یازمشلرسه ده ذاتاً باب عالیجه معلوم اولان بو حرکتدن طولانی برشی یاییلمق لازم کلمدیکندن حقى پاشا قاینه سی سرین قانلیقله جریان احوالی سیر ایدیور و غزته لرك بومقاله لرینه هیمچ اهمیت و یرمیوردی .

حقى پاشا قاینه سی رخاوت و مسکنست و سرسملکننده دوامده بولنسور استحضاراتنی اکیال ایدن واردوسنی کیلره ارکاب ایلین و دونماسنی آق دکزده جولانه باشلاتان ایتالیا حکومتی در سعادت سفیرینه ناکهانی « ۲۳ ایلول ۱۹۱۱ » تاریخیه باب عالی یه و یردیردیکی برتقریرده « شو صره ده طرابلس غربده ایتالیا نلر علیه نه تحریکات موجود » اولدیغی ادعاسنی اوکده سورهرک « اورایه مهمات و عسکر طولی و اپورلرک سوقی غلیان تعصبی موجب اوله جفی و بوده اوراده کی

ایتالیان تبعه سنی تهلکه یه دوشوره چکی جهتله بویه شیاردن صرف نظر ایدله سنی «
ا کلاته رق ایشه باشلا دیغنی ایما ایدیور .

بوندن التی کون صوکرده و یردیکی اولتی تومله « طرابلس غربک ترکیا طرفندن
سنه لردنبری اعمار ایدیه مدیکندن وایتالیانک اورایه نفوذ و حیلوانه ممانعت
ایدلیدیکندن » بحثله « ایتالیا حکومتیجه وظائف متمدنییه و عمرانیورانه ایها
اولتق اوزره قطعه مذکور هک درجال عسا کر عثمانیه دن تخلیه سی ویکرمی درت
ساعت ظرفنده جواب قطعی اعطاسی لزومی » بیلدیرلمسی اوزرینه صورت
ظاهرده باب عالیجه برتلاش کوستریله رک حق پاشا اوکیجه مجلس وکلانی کیجه
یاریلرینه قدر سرای همایونده عقد ایتدیرمش « غایت ملایمانه و متدلانه » ده
طوغریسی « هراستدیکنه آماده یز سویله یک بازارقه کیریشه لم » طرزنده برنوطه
حاضرله یه رق و یرمشلر سده بونوطه نک مدت تبلیغی اولان یکرمی درت ساعت
ختم بوله دن برقاق ساعت اول ایتالیا سفارتخانه سی طرفندن و یریلن « ۲۹ ایلول
۱۹۱۱ » تاریخلی نوطه ایله ایتالیا حکومتی دولت علیه عثمانیه اعلان حرب
ایلدی . (۱۶ ایلول ۱۳۲۷)

ایتالیانک طرابلس غربک تخلیه سیله کندیسنه تسلیمی ویکرمی درت ساعت
ظرفنده جواب اعطاسی لزومنه دائر و یردیکی نوطه اوزرینه باب عالی دن طرابلس
غربه کشیده اولونان برتلغرافنامه ایله « شاید ایتالیا نلر تجاوز ایدرسه دشمنه بر بهانه
و یرلماش اولق اوزره مقابله ایدلمیه رک شهرک موقتاً تخلیه سی » امر اولمش ایدی .
غریبدرکه اوصره ده « حق پاشا وقاینه سنک بوبابده کوستردیکی رخاوت
و بطائت مملکته خیانت واهانندن دکدر . بلکه اولجه روماده بولونان وایتالیانک
احوال پولتیقیه سنه واقف اولان صدر اعظم حتی پاشا حضر تکرینک نامدار
دیپلوماتلردن اولدیغی جهتله بومسئله مهمه یی ده « بوکر او یونی ماصه شنده » غایت
مصلحانه و ملایمانه بر چاره حل و تسویه یه ربط ایده جگاردیر . ایتالیا نک
طرابلس غرب و بنغازی یه چیقاردیغی عسکرینی کلدیکی کبی کیر و کونورمکه موفق
اولور . بناء علیه موجب اندیشه و تلاش برشی یوقدر » طرزنده واهی سوزرله
مشغول جمعیت اتحادیه نک وحق پاشانک بندکان و مداحاری ییله مع التأسف
کورلش ایدی .

ایشته قاینه و جمعیت بومسئله یی امثالی مثللو کچشدیرمک ایسته مش ایه ده کوندن

یکی متجاوز مارتین و شنایدر تفنکرینی ده یکی سیستمه تبدیل و تحویل ایتک و سیله سیله در علیه به جلب ایله یرینه سلاح کوندردیلر .

طرابلس غربده و نقاط سائر سنده محتاج تعمیر اولان استحکاماتی تعمیر و نقصان اولان طولیرینی اکیاله ییله لزوم کورمدیلر .

ابتدای انقلابدیری طرابلس غرب اهالیسنک اجراسنی ارزو و طلب ایدکلیری اخذ عسکر معامله سنی یا مدیلر .

بونی یا مامقله اسنانه داخل اون بش و یکریمی یک افراد غائب ایتدیلر .

والحاصل قوه نظامیه دن و هر درلو و سائط مدافعه دن تجرید ایدیلن بوقطعه واسعه دشمنک تسلط و هجومه معروض برحاله وضع اولنه رق ایتالیا نك باز یجه احتراصی اولغه محکوم ایدلی .

حقی پاشا قاینه سی دولت علیه عثمانیه نك آفریقا قطعه سنده یکانه مالک اولدینی طرابلس غرب ایله بنغازی نی بویله جه هر درلو مدافعه دن عاجز ، عسکر سز ، طو پسز ، تفنکسز ، والیسز ، قوماندانسز ، ذخیره سز ، پاره سز براقه رق شرائط مقرره نی ایفا و وظیفه سنی اکیال ایتمشدر .

بالطبع بوندن خبردار اولان ایتالیا حکومتی اردو و دو تناسنی احضار و سوقیاته ابتداره میا برحاله قویدینی حالد هیمچ برشی یوقمش کی داورانقده و باب عالی به قارشی دوستانه حرکتنده دوام ایتمکده ایدی .

ایتالیا نك بویولده حرکتیه باشلادینی احساس ایدن عثمانی مطبوعاتی طرابلس غرب مدافعه سنک علی العجله استیکال ایدلسی لزومنی حکومتیه توصیه یوللو بعض مقاله لر یازمشلر سه ده ذاتاً باب عالیجه معلوم اولان بو حرکتدن طولانی برشی یاییلمق لازم کلمدیکندن حقی پاشا قاینه سی سرین قانلیقله جریان احوالی سیر ایدیور و غزنه لرك بومقاله لرینه هیمچ اهمیت و یرمیوردی .

حقی پاشا قاینه سی رخاوت و مسکنیت و سرسملکنده دوامده بولنسور استحضاراتنی اکیال ایدن واردوسنی کیلره ارکاب ایلین و دو تناسنی آق دکزده جولانه باشلان ایتالیا حکومتی در سعادت سفیرینه ناکهانی « ۲۳ ایلول ۱۹۱۱ » تاریخیه باب عالی به و یردیردیکی بر تقریرده « شوهرده طرابلس غربده ایتالیا نلر علیه تحریکات موجود » اولدینی ادعاسنی اوکده سورهرک « اورایه مهمات و عسکر طولی و اپورلرک سوق غلیان تعصبی موجب اوله جفی و بوده اوراده کی

ایتالیان تبعه سنی تهلکویه دوشوره چکی جهتله بویله شیردن صرف نظر ایدیله سنی «
اکلاته رق ایشه باشلا دیغنی ایما ایدیور .

بوندن اتی کون صوکرده ویردیکی اولتیا تومله « طرابلس غربک ترکیا طرفندن
سنه لردنبری اعمار ایدیله مدیکندن وایتالیانک اورایه نفوذ و حیوانه ممانعت
ایدلیدیکندن » بمثله « ایتالیا حکومتیجه وظائف مستبدلییه و عمرانی ویرانه ایفا
اولمق اوزره قطعه مذکوره نك در حال عسا کر عثمانیه دن تخلیه سی ویکرمی درت
ساعت ظرفنده جواب قطعی اعطاسی لزومی » بیلدیرلسی اوزرینه صورت
ظاهرده باب عالیجه برتلاش کوستریله رک حق پاشا اوکیجه مجلس وکلانی کیجه
یاریلرینه قدر سرای هما بونده عقد ایتدیرمش « غایت ملایمانه و متدللا نه » ده
طوغریسی « هراستدیکنه آماده یز سویله یک بازارقه کیریشه لم » طرزنده برنوطه
حاضرله یه رق ویرمشارسه ده بونوطه نك مدت تبلیغی اولان یکریمی درت ساعت
ختم بولمدهن برقاق ساعت اول ایتالیا سفارتخانه سی طرفندن ویریلن « ۲۹ ایلول
۱۹۱۱ » تاریخی نوطه ایله ایتالیا حکومتی دولت علیه عثمانیه اعلان حرب
ایدی . (۱۶ ایلول ۱۳۲۷)

ایتالیانک طرابلس غربک تخلیه سیله کندیسینه تسلیمی ویکرمی درت ساعت
ظرفنده جواب اعطاسی لزومنه دائر ویردیکی نوطه اوزرینه باب عالی دن طرابلس
غربه کشیده اولونان برتلغرافنامه ایله « شاید ایتالیا نلر تجاوز ایدرسه دشمنه بر بهانه
ویرلماش اولمق اوزره مقابله ایدلمیه رک شهرک موقتاً تخلیه سی » امر اولمش ایدی .
غریبدرکه اوصره ده « حق پاشا وقایینه سنک بوبابده کوستردیکی رخاوت
و بطاات مملکته خیانت واهانندن دکلدر . بلکه اولجه روماده بولونان وایتالیانک
احوال پولتیقیمه سنه واقف اولان صدر اعظم حق پاشا حضر تکرینک نامدار
دیپلوماتلردن اولدیغی جهتله بومسئله مهمه یی ده « بوکر او یونی ماصه سنده » غایت
مصلحانه و ملایمانه بر چاره حل و تسویه یه ربط ایده جگر در . ایتالیا نک
طرابلس غرب و بنغازی یه چیقاردیغی عسکرینی کلدیکی کبی کیر و کونورتمک موفق
اولور . بناء علیه موجب اندیشه و تلاش برشی یوقدر » طرزنده واهی سوزرله
مشغول جمعیت اتحادیه نك وحق پاشانک بندکان و مداخلی سیله مع التأسف
کورلش ایدی .

ایشته قایینه و جمعیت بومسئله یی امثالی مثللو کچشدیرمک ایسته مش ایه ده کوندن

کونه کسب شدت ایدن هیجان و غلیانك اوکی قولای قولای آلنه میه جغنی حس ایدرک شارلا تانلقله کوز بویاجیلغنه قیام ایتیش و جمعیت اتحادیه « ایتالیا نلر ابدیا دشمنمزد » سرنامه سنی غزته لرینه قویدیرمش و قهرمان و فدائیلرینی برر برر طرابلس غرب جهتنه سوق واعزام ایله کویا مدافعه یه تشبث ایدوب قاصه لرینی تولدیرمق چاره سنه توسل ایلمشدر .

بو وجهله ملتیه قارشى اثبات حمیت و ابراز صداقتله جمعیتلرینک و کندیلرینک بقا و آمال خسیسه لرینک دوامی ایچون حقی پاشایی فدا ایتمک و مجلس مبعوثانی میعادندن برآی اول کشاد ایله قاینه یی دوشورهرک آرتق غلیان و هیجانلره بر نهایت ویرمک و افکار عمومیه نك کندى علیهلرینه دوتامسی ایچون تسکین هیجانه

چالیشمغه جمعیت قرار ویردی .

مجلس مبعوثانی میعادندن برآی اول « تشرین اول ۱۳۲۷ » ابتدا سنده کشاد

مجلس مبعوثانك کشاد واجتماعنده مبعوثان میاننده اتحاد و ترقی فرقه سی مبعوثانلرندن ده حقی پاشا قاینه سی علیهنده بولونانلر کوردیکندن قاینه نك سقوطی تحقیق ایتدی .

مجلس مبعوثانده واقع اولان هیجان و کورولتیلر آره سنده حقی پاشا قاینه سی بو وارلانهرق عدل و احسانیه برابر سقوط ایتدی .

سقوط ایدن بوقاینه نك یرینه کله جک قاینه نك ریاستنده بولنه جق ذات ملتجه معروف و امور سیاسیه واقف بریسی اولدینی صورتده بوزاتک احوال سیاسیه وقوفندن امیدوار اوله جق اولان ملتک برمدت ده او یالنه رق وقت قزانيله جغنی جمعیتجه تأمل اولندیغندن (بوقلمون) کبی رنگدن رنگه کیرن و جبانیت و ملعتی، ساخته کارلق و شیطنتی سایه سنده کورنمیان و سلطان عبد الحمید خان ثانی حضرتلرینک زمان سلطنتلرنده سکز دفعه مقام جلیل صدارتی احراز ایتسميله مشهر اولان صدر اسبق اهتلاو دولتلو سعید پاشا حضرتلرینک صدراته تعینی قراراشدیرلش و ذاتا آماده اقبال اولان سعید پاشاده جمعیتک بوقرار و تکلیفنه روی موافقت کوستره رک طقوزنجی دفعه اوله رق موقع صدارته اقعاد اولنمشدر .

مسند صدارتی احراز ایدن سعید پاشا حضرتلری طرابلس غرب مبعوثانلری طرفندن ویریلن تقریرله دیوان عالی یه سوقلری طلب اولونان حقی پاشا قاینه سی

ارکاندن اکثرینی داخل ایدهرک بزقاینه تشکیل ایتدی .

سعید پاشا حضرتلری بوتشکیل ایلدیکی قاینه ایله مبعوثان حضورنده عرض اندام ایدنجه مجلس مبعوثانده عدم قبول آثاری واقع وهیجانلی مذاکره لر حاصل اولدینندن خفی بر جلسه ده هیجانلی مذاکره لره « بر ایکی آی صوکره تدریجاً ارکان مشار الیه دکیشدیریله جکدر » وعدیله هیجانه نهایت ویرمه مکه موفق اولدیلر .



صدر اعظم سعید پاشا حضرتلری

Son Altesse Saïd Pacha (Grand Vezir)

صدر مشار الیه وهیما سی اولان رؤسای معلومه جمعیت ، بو مسئله ده دخی رول چویرمکدن خالی قالمیوب یالکز قاینه اعضاسنک دکیشمسی وعدیله قاینه یه اعتماد ایدلمیه جکنی بیلدکلرندن هر مسئله ده اولدیفی کی بونده ده « مخالفلر کامل پاشا دخی برابر اولدیفی حالد یکی بر فرقه یاپیورلر و بو طرابلس غرب مسئله سنی ایلری سورده رک مملکتده طرفدارلرینی تکمیلر ایدیپورلر . اکر سز بوقاینه یه اعتماد ایتز وقاینه شکل ایلیمه مزسسه مملکتده بر عصیان ظهوری ملحوظدر .

بواک اوکنی آلمق و حکومتی مخالفار انده کورمامک ایچون بوقایینه یه اعتماد ایدیکیز»
طرزنده برطاقم اراجیف ایله مبعوثلرینی اسکات و سعید پاشا قایینه سنه بیان امن
و اعتماد ایتدیردیلر .

« استقلال وار ، بکا کیمسه مداخله ایده مز ! » دیین سعید پاشا حضرتلری
اکثریت فرقه سی دینیلان اتحاد و ترقی اعضارینک آمالی ترویج ایدکدن بشقه
طلعتلر ، جاویدلر ، محمود شوکتلرک ، اللرنده برآلت شر اولمقدن غیری هیچ برائر
استقلال کوستره مامشدر .

*
* *

سعید پاشانک صدارتی — ایشته بروجه مشروح طقوزنجی دفعه ارلهرق
مسند صدارتی احراز شرفنه مظهر اولان بو اختیار سیاسی سعید پاشا حضرتلری
بالاده ایضاح ایدلیکی اوزره صدارتی قبول و قایینه سنی ده تشکیل ایددرک قایینه
بیاننامه سنی قرائت و امن و اعتماد طلبیله حضور مبعوثانه آتلدی .

هیئت جدید و کلايه ترتیب ایدن وظائفک مشکلاتدن باشلایه رق و طنارینه
مربوطیتده فداکار اولان رجال حکومت ایچون وظیفه حکومتی درعهده ایلمکدن
قاجانماق لابد اولدیمندن و بوندن طولای هیئت و کلايه اشتراک ایله هیئات مبعوثان
حضورنده ابراز وجود ایدلیکندن باحث اولدقجه اوزون و داخلی و خارجی برچوق
سفسطه ایله مالی بیاننامه سنی قرائت ایددرک طلب اعتماد ایتمش اولان سعید پاشا
قایینه سنه مبعوثانجه بیان امن و اعتماد ایدلدی .

مع التأسف بوقایینه یه اعتماد ایدن مبعوثان بواعتمادی صرف سعید پاشای رقیبی
عدایدیلان و مخالف وضعیتنده بولونان صدر اسبق ایتلو دولتلو کامل پاشا حضرتلرینه
قارشو محافظه ایتک و مخالفلرک دیدکارینی یمیش اولماق غیرتیله و یرمش ایدی .
مهام امور دولتی انه الآن سعید پاشا حضرتلری کیچه یار یلرینه قدر باب عالی ده
قالهرق (دوستار آلیش و یریشده کورسونار) خواسنجه جمعیت مؤسسين
ورؤسایيله ملاقات و آنار طرفندن عقلی ، کیفی و یریلن قرارلری تنفیذ و اجرایه
مبادرت ایتدی .

بوقایینه موقع اقتداره کلدکدن بش ، اون کون صوکره ایتالیا حکومتی طراباس
غرب و بنغازینک تماماً و صورت مطلقه ده ایتالیا قرالیتی تحت حاکمیتنه وضعنه
دائر اولان ۵ تشرین ثانی ۱۹۱۱ (۲۳ تشرین اول ۱۳۲۷) تاریخی امرنامه قرالیدن

بحثله طرابلس غرب وبنغازی بی ایتالیا به الحاق ایتدیکنی نشر ایدیموردی .
 بوبیاننامه ایله ایتالیا به الحاق ایدیلن بوقطعه بی کویا ایتالیا به ویرماتک بهانه
 سیله میدان مجاهده به آتیلن اتحاد و ترقی اشقیا و اشراسی برمدت خزینة جلیله مالیه
 بی بو وسیله ایله ده مأکل اتحاد و بیچاره ملتک ملیونلرجه التونفی صرف واستهلاک
 ایتدکری کبی بیکلرجه عربان و افراد ملتته تأمین منفعتلری ایچون شراب شهادتی
 ایچرمشردر .

بزه طرابلسک لزومی یوق دیین بو حشرانه بزده شمدی سؤال ایدرزکه ؟ عجبانه
 ایچون بوقدر اولاد وطنک قانی هدر و ملتک ملیونلرجه ایراسنی صرف ایتدیلر !! .
 جمعیت اتحادیه رؤساستک کرک طرابلس غرب ایشنده و کرک سائر خصوصانده
 چویردکری دولاب مفسد تکارانه لرندن خبردار اولان مبعوثین مخالفین ایله
 مؤسسین ورؤسای اتحادیه دن بعضایله ذوات سائر حوصله حمیت و وجدانیه
 لرینه صیغمیان بومسائل مهمه فوق العاده ایله مؤخرأ ظهوری محقق و ملحوظ
 اولان دیگر وقایع خجیمه نک اوکنه برسد هائل اوله بیلمک امنیه سیله بالاتحاد
 میرالای صادق بک افندی حضرتلرینک ریاستلری التئده « ائتلاف و حریت »
 فرقه سی نامیله بفرقه تشکیل ایله میدانه چیقدی .

جمعیت وقایینه منتظم برپر و غرامله دها ائتلاخو ، ائتلاف عناصره دها میال ،
 توسیع مآذونیت اصوا ه دها محب کورین بفرقه نک ظهورندن طولانی یک زیاده
 تلاشه دوشدی .

یکی فرقه مبعوثانده موجود (اهالی) و (معتدل حریت پروران) فرقه لر ایله
 آرتاقود ، روم ، بلغار مبعوثلرینی ده برآریه طوپلادیغندن مجلسده التمش ، یتمش
 قدر اعضادن مرکب برکتله مخالفه وجوده کتیردی .

مجلسده بوقدر اعضایه مالک اولان بفرقه مملکتک هر طرفنده ده شعبه لر کشادینه
 و اعضا لر قیدینه باشلادی .

قارشوسنده برخالف کورمک ایسته مین اتحاد و ترقی جمعیتی بونو ظهور فرقه نک
 ازاله وجودینه حصر غیرته باشلامشدر .

بویله کندیسندن تولدایدن و اسرار جمعیته اولدقچه وائف اولان و اعضا و افرادیده
 بریکون عظیم حاصل ایاین بفرقه نک تخویف و تهدید و قتل و ائتلاف کبی افعال
 جنائیه ایله اورته دن قالدیرلمسی ممکن اوله مییه جغنی بیان اتحاد و ترقی فرقه سی

اللرنده سلاح مقامنده استعمال ايتدكلى مجلس مبعوثانى در عقب فسخ ايتديرهرك بوفرقة نك ازاله وجودينه قرار ويرمش وصدر اعظم سعيد پاشا حضرتلرينى ده بوقراره موافقت ايتديرمش اولديغندن قاينه بوسلاحى استعمالك لزومى تقدير ايتدى .

قاينه بوصوك سلاحى استعمال ايتمك ايچون اورتهيه برشى آتق لازم ايدوكندن اولجه قرهسى مبعوثى فضيلتو عبد العزيز مجدى افدينك رياستى تحتنده تشكلى ايدن « حزب جديد » ك مواد عشره سندن بريسى اولان « مجلسى فسخ حقك پادشاهه ويرلسى وتوازن قوايه رعايت اولمىسى » مسئله سنى ميدانه قويدى . حزب جديدك ابرام واصرارى اوزرينه كرها قبول ايتدكلى بوكى موادك تعديلنه دوندن راضى اولان اتحاد وترقى فرقهسى ، سعيد پاشا قاينه سنك قانون اساسى معدلك اوتوز بشنجى ماده سنك تعديلنى بتكرار طلبى حاوى ومستعجلت بيانيله مبعوثانه مراجعتنى كمال ممنونيتله قبول ودر حال ماده معدله لايحه سنى انجمنه حواله ايتدى .

بوانجمنك رئيسى منتشا مبعوثى وحقى پاشا قاينه سنك داخليله ناظرى اولان خليل بك ومضبطه محررى ده اولجه سربست برقانون اساسى يه طرفدار كورونمش اولان بغداد مبعوثى بابان زاده اسماعيل حقى بك ايدى .

سعيد پاشا قاينه سى بوماده نك تعديللى وحقوق پادشاهينك توسيعى ايله قوه اجرائيه وقوه تشريعيه بيننده توازن حصولنى طلب ايتمى اللرنده كمال تأسقله سويليله لم كه بر آلت اولمقدن بشقه حق حكمرانيسنى استعمال ايده ميان سلطان محمد خان خامس حضرتلرينه ارزو ايتدكلى زمان مبعوثانى فسخ ايتديره بيلمك ايچون بر سلاح بولمىسى ايسته مكدن بشقه برشى دكلدر .

بوماده نك بردن بره ميدانه چيقارلمسى مبعوثانك فسخى احتمالى كوسترمش اولديغندن « ائتلاف وجرىت » فرقه سنك مخالف مبعوثلرينى دوشونديردى . لايحه مذكوره انجمندن چيقارق مجلسه كلنجهيه قدر اتحاد فرقه سى مخالفلى اوياله مق ايسته ديكندن بونلرله ائتلاف ايچون مذاكرهيه كيرشمك ارزو سنى اظهار ايدويونجه مستقل مبعوثلك دلايليله هر ايكى فرقه نك مرخصلى مذاكرهيه كيريشديلر .

مخالفلك طاب وائتلاف ايتمك ايسته دكلى مواددن باشلوجه لرى بونلردر .

قايينه نك اكثریت و مخالفت فرقه لری منسوبينندن، يا خودی طرف ذواتدن تشكيلي، اداره عرفيه نك رفعی، مأمورينك جمعيتلره داخل اوله ماملری اوتوز بشنجی ماده نك تأخير تعديل، كامل پاشانك صدارته كتيولسی وسائر در.

بومذاكرات دیديكمزكي وقت قازانق ايچون ترتيب ايدیلن اتحاد و ترقی اویونی جمله سندن اولديغندن بالطبع اويوشمق قابل اوله مامش و ایش سورونجه يه دوشمش و بومدت ظرفنده اوتوز بشنجی ماده انجمندن چيقارق مجلسه كلمش ایدی. بوجریان ایدن مدت مذاکره ذاتاً جمعيتك ائتلافه یناشمق ایسته مدیكي اكلاشدیغندن اتحاد و ترقی فرقه سی لایحه نك مجلسه كلسندن بالاستفاده مجلسك فسخنی ایسته دیكنی علناً سویلمكه باشلامشدر.

بونك اوزرینه مخالف مبعوثلر ماده نك يوم مذاکره سنده مجلسده بولنامغه قرار ویردیلر و بولندیلر.

مخالفلرك بولنامسندن مجلسده «انسداد مذاکره» حصوله كلمش وقانون اساسی تعديل ایچون ایجاب ایدن ثلثان اكثریت دكل اكثریت عادیه بیله حاصل اوله. مامش اولديغندن قايينه ایله مبعوثان آره سنده اختلاف ظهور ایتمشدر. فقط اوتوز بشنجی ماده معدلهده «اختلافك بلمذاکره ومكرراً حاصل اوله جفی» محرر اولديغنه نظراً قانون اساسی مؤداسنجه اختلاف اولیان بوحالی سعیدپاشا قايينه سی اختلاف عدايتدی.

بوصرده مجلس مبعوثانده مخالف وموافق مبعوثلر اویله بر شماته اختلاف قوپاریورلر وعادتا بر برلری علیهنده شتوم وتحقیرانده بولنیورلری.

دولتك طرابلس غرب محاربه سی و برچوق غوائل داخلیه وخارجیه ایله مشغول بولندیغی بویله برزمانده مخالفلری دوشورمك واللرندن حكومتی براقیه رق عدم اداره لری سببیه دهابیوك تهلكه لره مملكتی سوروكلمك وبویله دغدغه لر احداث ایتمك وفسخ مبعوثان كبی تهلكه لی وشدید حرکترلره جرأتله الده بولونان قانونی کیف ومنفعتلرینه تطبیقه اوغراشمق اصلاً وقطعاً جائز دكلدی.

ذاتاً منفعت شخصیه دن بشقه برارزو ودوشونجه لری اولیان اتحاد و ترقی جمعیتی اعضای محترمه سندن بوندن غیری دولت ومملكت نه بکلیه بیلیدی.

مجلسك ایلك دردنجی دوره اجتماعیه سنك ختامنه برقاج آی قالمش ایدی. مخالف فرقه ایله حسن صورتله ائتلاف ایدرك اویله نازك برزمانده غوائل

احداثدن اجتناب ايتمك و حكومتى دها اهل و مقتدر لرينه ترك ايله چكلمك حسن نيت ايجانى ايچون موجب فخر و سرور اولديغى حالده ملت و مملكتى سوديكنى اعلاندن كير و طورميان اتحاد و ترقى جمعيتى نه دن بوجهتى نظر تأمله آلهارق سلامت مملكتى كوزمىدى ؟

هرنه ايله سعيد پاشا حضرتلرى قانون اساسينك معدل اوتوز بشنجى ماده سنه كوره « اختلاف » صايله ميان — چونكه قانونده مذكور « مذاكره » و « تولى » اختلاف « يوق ايدى — انسداد مذاكره نى اختلاف عد ايدوب استعفا سنى ويردى .

شمى ديكر برهيت وكلاتك تشكيليله مجلسه كلسى وشو حال اسف انكيزه برچاره بولسى و دوام ايدن كورولتيله نهايت ويرمى اميدى هر كسده اويانمش ايكن قانون اساسينك اوتوز بشنجى ماده سنده « يكي كلن هيئت و كلا اسكى هيئت وكلاتك فكر و طابنده اصرار ايدرسه و مجلس مبعوثان بونى قبول ايتمزسه او حالده مجلس مبعوثانك موافقت اعيان ايله طرف حضرت پادشاهيدن فسخ » اولنه بيله چكى كوسترديكنه نظراً سعيد پاشا قاينه سنك يرينه كله چك هيئت و كلا اسكى هيئت و كلا اوله مازدى . عكسى حالده قانون اساسينك لزوم كوسترديكى هيئت و كلا تيدانك فائده سى قالمازدى .

بو مقصد قانونى غايت آچيق ايكن مجلس مبعوثانى هرجه باد آباد فسخ وسد ايتديرمك تصميمى جمعيت اتحاديه ترك ايدمه ديكندن بالاستعفا چكيلن سعيد پاشا حضرتلر نى يكي قاينه نك تشكيلينه مأمور ايديلر .

* *

سعيد پاشانك صدارتى — اوننجى صدارتدن چابوق دوشمامك و وقتيله كنديسنك بر و يركو بورجندن طولانى هدف تحميرلرى اولديغى اتحاد و ترقى بكارينه بر اويون اوينامق و دوشرسه اتحاديه برابر دوشورمك عزمنده اولديغنه شبهه ايديله ميان سعيد پاشا حضرتلرى يكي هيئت و كلا سيله مجلس مبعوثانده بر پروگرام او قومق و اعتماد طاب ايتمك اصولنى بلكه مخالف غلبه چالارده بن اختيارك كنيج قاينه سنى دوشورلرسه اوينايه جنم اويون كير و قاليرديهرك بوندن صرف نظر ايتدى .

اوتوز بشنجى ماده ديو مجلسه كتمى . مجلسده مذكور ماده مذاكره قونامش

ایدی . الله ایچون سولیهلم . وجدانا اعتراف ایدلم . « تقویم وقایع » جریده رسمیه سنک مجلس مبعوثان مذاکره سنی مطالعه ایلیم . « مخالف مبعوثانک کرسی » ملتده مجلسک شو زمانده فسخنک مناسب اوله میه جفته و اوتوز بشنجی ماده موجبنه مجلسک فسخی تشبثی ، قانونه وقواعد مشروطیته توفیق ایدلدیکنه « دائر واقع اولان افادات و بیاناتلری پک قوتلی دلائله مستند ایدی .

بو اوتوز بشنجی ماده نك مذاکره سی کونلرجه سوردکدن صکره نهایت سعید پاشا قاینه سنک ماده نك تعدیلی حقنده کی تکلیفی ۱۲۵ رایه قارشی ۱۰۵ رای ایلهرده اولندیغندن وثلثان اکثریت حاصل اولدیغندن ماده نك تعدیلنه موفق اوله مدیلر . مجلس مبعوثانک بوردی اوزرینه اتحاد جیلر مجلس اعیانه ویردیردکلری مجلسک فسخی قرار یله مقصدلرینی تأمین ایلدیلر .

« ۵ کانون ثانی ۱۳۲۸ » تاریخی « خط هایون » ایله مجلسی طاغتدیلر . شوصورتله ملتک مذهب بربرات نجاتی اولان قانون اساسی یی چیکنه یه رک هرتدیره توسل ایتکده مضطر قالدقلری حالدہ بوغفو اولنه مز خطالرینی سد ایتک وکندیلرینی قورنارمق و معذور کوسترمک ایچون هر راست کلدکلرینه « اگر مجلس فسخ اولسه ایدی حکومت مخالفه کچه جکدی . حال بوکه قارشیمزده قوی ومنتظم ، احوالی مضبوط بفرقه مخالفه یوق . اوسبله حکومتی شونازک زمانده مخالفه انه برافماق ایچون بوحرکته بالضروره تشبث ایتک ! » دیورلردی . مخالفه دیدکلری اتحاد جمعیتک اسکی و یکی اعضا و مؤسسلری وکندی رفیققرندن بشقه کیمسه لردکلدی . بونلر مملکتک حال واستقبالنی فنا کوروب آیریلن برطاقم منور الافکار ذوات ایدی . بونلره او یوشوب براییکسنی قاینه یه آلهرق ائتلاف حاصل ایتسه لردی . اوزمان « فسخ » کبی مدهش برحاله سببیت ویرلماش اولور . قانوندن آیرلماز قانونی منفعت ذاتیه لری ایچون آباق التنه آلمازلردی . سعید پاشا حضرتلری بونکله قانون شکنانه خطاره دوشدیککی کبی مجلس اعیانی ده خفی مذاکره دن صوکره فسخ طلبنی قبوله سوق ایتدی که بوجهت حقیقه شایان تعجب و تدقیقدر .

ایشته سعید پاشا قاینه سی اوتوز بشنجی ماده مذاکره سنه بووجهله نهایت ویره رک مبعوثانی طاغتقدن صوکره چوچقلر انه کچدیکی کوندنبری باز یجه حرص و منفعت اولان و بوتون بوتون شیرازدن چیقان مملکتده بواداره طفولیه برچوق

وقایع تولید ایلمش ایدی .

سعید پاشا حضرتلری اوتوز بشنجی ماده ایله آیلرجه مشغول اولدینی جهته بووقایع ایچین ، ایچین یاتمقده بولندیغدن طبیعی برکون بردن بره آتش آلهجقدی .
نته کیم اولیله اولدی . سعید پاشا قاینه سی ایلاک کلدیکی کوندنبری معروض بولندیغی
کرید مسئله سی ، مالیسور مسئله سی ، یمن وقایعی ، ایران ایله طرابلس غرب
حربله اوغراشیرکن برده جمعیت طرفندن سببیت ویریلهرک میدانک کلن حزب
مسئله سی ، فرقه مسئله لری ، مبعوثانک طاغیدلمسی ، انتخاب جدید اجراسی کی
هربری اک متمدن برمملکتی آیلرجه وسنه لرجه اشغال ایده جک ایشلر آره سنده
بولالمش قالمشدر .

آلمانیا ایمراطوری ویلهلم دوستمزه (!) همت حمایتپورانه لری (!) آتارندن
اولان طرابلس غرب محاربه سی کفایت ایتمیورمش کی برده ماکدونیا
مالیسور مسئله سنی تعقیباً بلغار قومیتله رینی بالتشویق شمندوفر یوللرنده ، قره
غول وقشله لر جوارنده بومبار پاتلادی . بودفعه بلغار قومیتله رینک (اتحادجی
بکله عقیب مشروطیتده کی قارداشلی) حرکات جنایتکارانه لری معابد دینییه ده
سرایت ایلدی .

بو پاتلایان بومباردن بر دانه سی « اشتب » ده جامع شریف التنه قونیلهرق
اسلاملردن بر چوغنک شهید و مجروح اولسنه و بوندن غلیانه کلن آرنائوودلرک
خرستیا نلردن بش ، اون کشی قتل وایکی یوزکشی یی جرح ایتملرینه سبب اولدی .
مالیسیه و بلغار قومیتله لری مسئله لرینه انضمام ایدن آرنائوود حروفی مسئله سیله
ذاتاً قاریشمش اولان روم ایلی حق پاشا قاینه سنک خطای فاحشی نتیجه سی
اولهرق آرنائوود قومندن سلاح طوپلامق وکویا اصلاحات یایمق وسیله سیله
آرنائوودلری تهدید و مخالف مبعوثلرینی محو ایتمک چاره لرینی دوشونن اتحاد وترقی
جمعیتی آرنائوودلرده اداره عرفیه اعلان ایده رک بیکلرجه معصومینی اعدام وحبس
واشکنجه لرله اتلاف ونفی ، تغریب وسلاحلرینی اللرندن آلمق کی حرکتلره بو
قوم نجیبی دخی دلکیر ایلدکلرندن بو حالدن منفعل اولان آرنائوودلق اهالیسی وقت
مناسبده اتحاد وترقی جمعیتندن انتقام آلمق سوداسنه دوشمشلردر .

آرنائوودلرک مالیسورلر و بلغار قومیتله لرینک فضایلخنه قارشى حکومت اتحادیه نک
کوستردیکی عجزندن ده استفاده ایتمک ایسته یه جکلری طبیعی ایدی .

مالیسورلره ویریلن مساعدیهی و بلغارلره قارشى کوستریلن عجزى کور
آرناؤودلر قیامه حاضرلشمش و بالقان اتقاقیده یواش یواش اویانغه باشلامشدر .

بالقان اتقاقی — اتحاد و ترقی جمعیتک امریله آرناؤودلرک محمود شوکت
پاشا طرفندن سلاحلری طو پلانهرق اهمیتلی بر قوه مدافعه نک اورتهدن قالقلمسی
وایتالیانلرک طرابلس غربه هجومی سببیله آق دکز یولنک سوقیات عسکریهیه
مسدود اولمسی و بر قوه مهمه عسکریه نک اناتولی سواحلی ایتالیا لیرک هجومندن
محافظه ایله مشغول بولنمسی کبی اسبابدن استفاده ایدن بلغار و صرب حکومتلری
ما کدونیا یی بینلرنده تقسیم ایتمک اوزره سعید پاشا قاینه سی موقع اقتدارده بو
لندیغی زمان عقد اتقاق ایتشمش و یونانی ده بو اتقاقه دعوت ایله مشلردر .

فقط یونان ریاست و کلاسنده بولونان موسیووه نیزه لوس بلغار و صرب
دولتلیرنک حائز اعتماد اولماسنه بناء دولت علیه عثمانیه ایله عقد اتقاق ایتمکی
یونانستانک منافعه موافق کوردیکندن آتیه ده کی مصلحتیکندارمز معرفتیه بلغار
و صرب حکومتلری بیننده عقد اتقاق اولندیغنی باب عالی یه اخبار ایدهرک منفعت
مشترکه ایجابنجه یونانک ده دولت عثمانیه ایله عقد اتقاق ایتمسی لزومی وایسته نیلیر
ایسه بواشی مذا کره ایتمک اوزره بالذات در سعادته کله جکینی بیلدیرمش ایسه ده
اوصرده بویقوتلرله یونانلیلر علمینه اعلان خصومت ایدن اتحاد و ترقی جمعیتی
ارکانک بوجهته اماله سی قابل اولدیغنی بیلن صدر اعظم سعید پاشا حضرتلری
بویولده کی مراجعات مکرره یه بر جواب بیله ویرمالمش و نهایت روم ایلی یغماسندن
کندیسمیده محروم قالماق اوزره یونان دولتی دخی ایام اخیرده بلغار و صرب اتقاقه
کیرمک مجبوریتنده قالمشدر . چونکه بودولتیر یکدیگرندن امین دکل ایدیلر نته کیم
صوکره بینلرنده محاربه ظهور ایتدی .

ایشته بویله باشلایان بالقان اتقاقی روم ایلی ولایاتک آتیا کسب ایده جکی و خمتی
کوستردیکندن بوندن خوف ایدن آرناؤودلر اتحاد و ترقی بکلی طور دقجه
مملکتلیرنک ایدای اجانبه دوشه جکینی اکلادیلر .

بونی حکومتیه اکلایق و بعض مساعداته نائل اولق و مملکتلیرنی آتیا ملحوظ
اولان مخاطره دن قورتارمق ایچون اجتماعلره باشلادیلر .

بونلرک بوجهله اجتماعلریله حکومتدن طلب مساعداته قیاملری امثالی مثلاً

اتحاد حكومتی عثمانيان عداولتهرق وروم ايلي ده كي عساكر عثمانیه ده امنیت واعتمادی اولیان اتحاد وترقی جمعیت و حکومتی عسکر جلب و جمع وقندیه لی فریق اسماعیل فاضل پاشا قومانداسیله روم ايلي به سوق واعزام ایلدی .

اسماعیل فاضل پاشا قومانداسنده کی عساكر عثمانیه ده سکسان طابور ایدی . بویله بر قوه کثیره ايله روم ایلنده حرکات عسکریه اجراسنه مامور اولان پاشای مشار الیه ظهیر اولان روم ايلي اردوسی موجودیتک علاوه سی حالنده اسماعیل پاشا قوتی تضاعف ایدر .

بناء علیه بو عظیم بر قوتله اجرا ایدیلن حرکات عسکریه ، عساكر شاهانه نك آرنائود قوم نجیبك مطالب محقه سنه قارشی استعمال سلاح ایتماملرندن طولانی عقیم قالمشدر .

حرکات عسکریه نك عقیم قالمشدر اجرا ایدیله میه جکینی اکلايان قایینه واتحاد وترقی جمعیتی فوق العاده خوف وهراسله تلاشه دوشمشدر .

آناؤودلر مطالبلرینک اجراسنده اصرار وعساكر تمکیلیه ده آنلرله هم حال اولدیغندن بو دفعه کی حرکاتده افعال جنایتکارانه لرینی اجرا ایده میان و بوحرکتک تولید ایده جکی وخامت دخی کندیلری ایچون پک خیرلی اولمادیغنی استدلال ایدن جمعیت محترمه (!) مؤسسین ورؤساسنک آغزارینی پیچاق آچمیوردی .

بو صروده حرکات عسکریه قوماندانی فریق اسماعیل فاضل پاشادن حریه ناظری محمود شوکت پاشایه کن بر تلغرافنامه ده تحت قومانداسنده بولونان سکسان طابور عسکرک کافه آرنائودلره التحاق ایلدیکنندن حرکات عسکریه امکان اولیوب بوایشک بشقه بر صورتله تسویه سی لزومی ییلدیریلیوردی .

محمود شوکت پاشا بو تلغرافی آلیر آلاماز اولکی . بو دفعه کی خطاسنک جزاسی کندیس ایچون بهالی یه مال اوله جفندن پک زیاده قورقدی .

مذکور تلغرافنامه یی آلهرق باب عالی یه کلوب صدر اعظم سعید پاشا حضر تکرینه ارائه ایلدی .

بونک اوزرینه اجتماع ایدن مجلس وکلاده عریض وعمیق اجرا ایدیلن مذاکره ده عسکرجه برشی یاپیله میه جفنی حریه ناظری محمود شوکت پاشا تکرار ایدی . استعفا سنی ویروب مجلسی ترک ايله کتدی .

بالاستعفا فرار ایدن سلائیک دن بدأ ايله فرارینه قدر دوام ایدن ونشئه قوماندان

ایله سرمست اولان و بوچوچقار حکومت و جمعیتدن بردرلو آیریله مین پاشای مشار الیه نتیجه نك بورایه واره جغنی ادراك ایتیش اولسه ایدی . بوکوجک بکله سرفروندن آزاده قالیر و بویله آغیر یوکک التنه کیرمز و بالاستغفا مجلسدن فراراً کیتمزدی .

دیکتاتورلغه قالدیشن پاشای مشار الیه انی ، بونی اعدام ونفی ، تغریب و توقیف و حبس واذیت و اشکنجه لره مساعدده ایتامش اولسه والنده کی قوه عسکریه بی بوکنج بکله اصلاحلارینه حصر ایسه ایدی . هیچ شبهه ایدیله مزکه نه مملکت بو حاله کلیر ونه ده کوچک بکله ممالک عثمانیه ده پادشا هلق او یونی اوینایه بیلیرلردی .

چونکه اردولر النده واکثر ضابطانده کندیسيله هم حال وفکر بولنیوردی . اردولری مظلوم ملتک قانی دوکمک و مملکتی بو حاله کتیرمک ایچون استیخدام واستعمال ایده جکنه بو حشراتی تمیزله مک ایچون قوللانه بیلیردی . اگر بویله بر خدمت وطنپرورانه یه تشبث و قیام ایتسه ایدی . محمود شوکت پاشا تاریخ عثمانی ده پک بیوک برنام براقیر و دولت و مملکتی انقسام و اضمه حلالدن نهایص ایتیش اولوردی .

نعمت بصردن محروم دینیه جک قدر آتی بی کورمکدن عاجز و فکرأ قاصر اولان پاشای مشار الیه بویله بر حاله تشبث و اجراسنی خاطرینه بیله کتیره مدیکندن مملکتک فلاکت و خرابیسنه سببیت ویرمش و شخصی ده الی الابد تلعن و نفرتدن قور تاره مامشدر .

محمود شوکت پاشانک استعفا سی سعید پاشا قابینه سنی تزلزله دوشورمش اولدیغندن پک متلاشی بر حاله نه یاپه جغنی شاشیران سعید پاشا بر حربیه ناظری بولوب تعیین ایده ما مشدر .

بر طرفدن آرنائودلقدن اتحاد جیلک ایلك انقلابده یاپدقاری و اوکرتدکلری اوزره یاغمقده اولان تلغرافنامه لر و دیگر طرفدن مسائل سائره سیاسیه آره سنده قالان قابینه ارکانی دخی فراره حاضرانمقده ایکن مجلس مبعوثان آره سنده قابینه یه قارشی عدم اعتماد کوسترلمکه باشلادی .

بونی حس ایدن و حربیه ناظرینک استعفا سندن صوکره سکیز اون کون مرور ایلدیکی حاله بر حربیه ناظری تعیین ایتیمان سعید پاشا بر بیاننامه حاضرله یه رق

مجلس مبعوثان حضورنده بر دن بره قاینه سیله کورندی.
بیاننامه سنی قرائت ایتدکدن صکره داخلا آسایش مملکتک محور لایقنده
دوراندن و خارجاً دخی دول معظمه ایله جریان ایدن احوال سیاسیه نک یولنده
اولدیغندن بحث ایتدی .

بالقان حکوماتیله ایسه قاینه نک تعقیب ایلدیکی مسلك سایه سنده مخادنت
و محالست دولتك غایت دوستانه اولدیغندن موجب اندیشه برشی اولدیغنی
سویلدی .

بونک اوزرینه قاینه یه امن و اعتماد طلب ایتدی . مبعوثانده بو یالانره ذاتا
قائم ایچون طوپلانان ذوات محترمه دن متشکل اولدیغندن در حال قاینه یه
اعتماد قرارینی ویردی .

دون اعتماد قرارینی الان قاینه ایرتسی کونی باب عالی ده اجتماع ایله کیجه
آلاترقه ساعت سکره قدر دوام ایدن مذاکرات نتیجه سنده حر بیه ناظری کبی
فراره قرار ویردکلرندن بالاستغفا صاووشمشلردر .

طلعتلرک ، جاویدلرک ، محمود شوکتلرک و امثالک بویله برر برر فرارلرندن
صوکره سعید پاشا حضرتلری باب عالی دن استعفا نامه سنی مابین هایونه بالارسال
خانه سینه کتیمشدر .

سعید پاشا حضرتلری یوقاریده دینلیدیکی کبی ویرکو بورجندن طولانی
اوغرادینغی حقارته مقابله اتحاد و ترقی جمعیتنه قارشى ایسته دیکی او یونی تمامیه
اوینایه مامش ایهده برمدت موقته ایچون بونلری دوشورمکه موفق اوله بیلیمشدر .
زیرا سعید پاشایی یقیندن بیلنلرجه مسلمدرکه مشار الیه غایت عنود و کینجی ،
انتقام آلمغی سور برذات اولدیغندن شخصه تعلق ایدن بومسئله دن طولانی حس
انتقامدن کندیسنی آله مازایدی .

ذاتا صدارتی ده قبولی کوردیکی حقارتک آجیسنی چیقارمق و هرکسه ایشته ینه
بکا محتاج اولدیلری کوسترمکدن عبارتدر .

فطره ذکی و اقتدار خارق العاده یه مالک اولان سعید پاشا حضرتلرینک بو و بوکا
مماثل حرکتلری اولسه ایدی . مملکت بحق کندیلرندن استفاده ایده بیلیردی .
سعید پاشا طوغریسنی سویلیه لم . مملکتتمزک صوکه زمانرده یتشدیردیکی رجال
سیاسیه نک نوادرندن معدود در .

مع التأسف غایت قورقاق و ثباتسز و مرتسز ایدی. حریص ایدی. هرشی کندی نفسنه جلبه چالیشیر و چالیشدیغنی عالمه بیلدیر مامک ایستردی. یاپدیغی ایشلرده پک زیاده بصیرتکارانه حرکت ایدر و عکسی بر حال ظهورنده مسئولیتی اوزرندن همان آثار تبریه یه چالیشیردی. مشار الیه بو حاللری ایله هر باشلادیغی ایشی نتیجه یه ایصال ایتدیره مزدی.

مشار الیه قرق یاشندن صوکره فرانسه یه براییکی سنه ظرفنده تحصیل ایتشدیر. بشقه سنک اون ییلده کوچ طوپلایه جغی بر سرمایه معنوی یه مالک اولدی. اوروپا اصول مدینه سی و آداب سیاسی سنک کنه و غوامضنه وقوف کسب ایتدی. معارف فرور ایدی. دور سلطان عبد الحمید خانیده تشکیلات معارف حقنده اظهار ایتدیکی همت و غیرت شایان تقدیر اولدیغی کبی تشکیلات عدلیه، تنسیقات اقتصادی، تنظیمات اداریه یه خدمتی مسبوقدر. افراط درجه ده عائله مر بوطیتی ده مشار الیهی بعض خطاره سوق ایتدی.

حاصلی سعید پاشانک حسنائی سیئاتنه معادلدر. دینیار یالان سویله مامش اولورلر.

بو یولده استعفا ایله چکیان سعید پاشا قاینه سنه خلف اوله جق هیئتک آرناؤ ودرک مطالبی وجهله کامل پاشا حضرتلرینک ریاستنده اولسی لازم کلیرکن فرار ایدن قاینه ارکانک رفقا سندن و جمعیت اتحادیه نک بنده خاص و اصدقلری اولان مابین هایون ملوکانه باش کاتبی خالد ضیا و سقرنای حضرت شهر یاری لطیفی، قرین ثانی جناب پادشاهی توفیق بک افندیلر جمعیتدن اخذ وتلقی ایلدکلری او آمر دائره سنده مهر صدارتی کامل پاشایه و یردیر مامک ایچون همت و غیرت ابرازندن کیر و طور مدیلر.

آرناؤ ودرلی آوتمق و کامل پاشا حضرتلرینی صدارته کتیر مامک اوزره بر قاینه تشکیلی ارزوسنی اظهار ایدن جمعیت اتحادیه مؤسسين ورؤسای قاینه یه کامل پاشاده داخل اولمق اوزره غازی احمد مختار پاشا حضرتلرینک مقام صدارته و فارماصون اولمسندن طولانی عزلی آرناؤ ودرجه طلب اولنان شیخ الاسلام موسی کاظم افندی نک یرینه ده نظر ملتده بر موقع مخصوص و ممتاز صاحبی اولان شیخ الاسلام اسبق دولتو فضیلتلو محمد جمال الدین افندی حضرتلرینک تعیینی طلب و اصرار ایتملری جهتنله غازی احمد مختار پاشا حضرتلرینه مسند جلیل

صدارت و جمال الدین افندی حضرتلرینده مقام عالی مشیخت اسلامیة توجیه
و تفویض یورلمشدر .



صدر اعظم غازی احمد مختار پاشا حضرتلری

Son Altesse Ghazi Ahmed Mouhtar Pacha
(Grand Vezir)

غازی احمد مختار پاشانک صدارتی — مقام جلیل صدارتی احراز ایدن
نخامتلو دولتو غازی احمد مختار پاشا حضرتلری شورای دولت ریاستنی قبول
بیوران صدر اسبق ابهتلو دولتو کامل پاشا حضرتلریله دیگر وکلایی انتخاب
وتعیین ایدهرک اراده سنیه سنی استحصالی ایتمش وایفای وظایفه مبادرت ایلیمشدر.
جمعیت اتحادیه مؤسسين ورؤسانک چویردکاری دولاب واداره حکومتده
کوستردکاری عجز ومسکنت بر قاج سنه ظرفنده چرخ حکومتی بوزمش ایدی .
اداره حکومت مختل و بر چوق غوائل ومسائل محدث اولدینی بر صروده موقع
اقتداره کن غازی احمد مختار پاشا قاینه سی اول امرده آرنائودلرک طلب ایتدکاری
التي ماده بی نظردفته آلمش و بالقان حکومانه قارشی بر کتله عظیمه اولان

آرناؤود قوم نجینى تظمين و تطييبه مسارعت ايلمشدر .

آرناؤودلرك مطالبى شونلردر . مجلس مبعوثانك فسخى ، انتخاب جديدك سربست وقانون دائره سنده اجراسى ، هيئت وكلائك تبديلى ، اولجه اللرندن آلنان سلاحلك اعادهسى ، كامل پاشا حضرتلرينك صدارته كتيرلسى وسائره در . غازى احمد مختار پاشا قايننهسى درحال مبعوثانك فسرخنه تشبث ايتدى . آرناؤودلرك مطالبلك اجراسنه تشبث ايتديكنى كوسترمك وبونلره التحاق ايدن طابورلره آرناؤودلره نصايح لازمهده بولمق اوزره مشيران عظامدن دولتو ابراهيم پاشا حضرتلرينك رياستلرنده بر هيئت مخصوصه يى روم ايلييه اعزام ايلدى .

قايننه بر طرفندن ده ديكر مصالح مهمه دولتك تسويهسى چاره سنى تحرى وتامل ايله مشغول بولندينى بويله بر نازك زمانده باب عالى يى كيجه ياريسندن صوكره ترك ايله فرار ايدن اسكى قايننه اركانى ، اتحاد وترقيتك مؤسس ورؤساسى آمال مفسد تكارانه لرندن بر درلو كچه ميهرلك ينه حكومتى اله آلتق سوداسيله حرركات فساد جويانه يه باشلامشدر .

هيئت اعيانك رأى وموافقيله مبعوثانك فسرخنه دائر اولان اراده سنيه پادشاهينك تبليغ وقرائتى ايچون مبعوثانه دعوت ايديلن مبعوثينى مجلسه كيتمكدن منع ومجلسه كن مبعوثلك افكارينى تحريك و غليان واختلاله سوق ايله مملكتده بر وقعه احداث ايلمكه چاليشديلر .

مبعوثانده بولنان سلايك مبعوث محترمى (!) علم اقتصادك علامه (كبرى) و جمعيتك سرتاج افتخارى ، صراف معروف وتاجر مشهور عودتى جاويدك كرسى خطابه چيقارق قايننه نك بوحركتى مشروطيته ضربه اولديغندن باحث برچوق هذيانلره مبعوثان واهالى يى غليان وعصيانه دعوت ايلمشدر .

محترم (!) جاويد بكك قانون اساسى حكم منيقنه واراده سنيه پادشاهى يه منافى ومغاير اولان بوحركتى مع التأسف جزاسز قالدى .

مبعوثانده بويله برحال وقوعى و بلكه جمعيتك فدائيليله ديكر حشراتى طرفندن مبعوثان دائره سنده وياطيشارى ده بر وقعه ظهورى حالنده متجاسر لرينى در دست و پنجه قانونه توديع وتسليم ابتمك وآسايشى ادامه ومحافظه ايلمك ومبعوثان دائره سنده كى قره غول افرادينه ظهير اولمق اوزره حربيه نظارتندن مبعوثانه سوق واعزام اولنوب داخل وخارج دائرهده حاضر بولونان قوه عسكر يه دن بالاستفاده جاويدك

وعونه سنی در دست وتوقیف ایتمک امرینی ویرمکده صدر اعظم غازی مختار پاشا
حضرتلری تردد وعجز کوسترمشلردر .

سلامت مملکت نقطه سی نظر دفته آنسه وبوشرذمه قلیله قارشی عجز اظهار
اونمسه ایدی . شبهه یوق که احمد مختار پاشا قاینه سی هرايشنده موفق اولور ومملکت
بوسر سیرلردن قورتیلوردی .

مهارت وشجاعت عسکریه لر یله بنام اولان غازی احمد مختار پاشا حضرتلرینک
بوابده کوستر دکلری عجز وبطائت ایکی شیئه حمل اولنه بیلیر .

برسی اتحاد وترقی ، حریت وائتلاف فرقه لرینک ایکسینی بردن اداره ایتمک
دیگری داخلی ، خارجی حکومتک معروض قالدیغی غوائل مهمه آره سنده دیگرکونا
بروقه احداثه سببیت ویرمامکدر .

بونی براز تدقیق ومحاکمه ایدر وبزده بوکا دائر بیان مطالعه ایلر ايسهک دبرزکه
بونک هرایکسی ده خطا ایچنده خطادر .

چونکه پاشای مشار الیه حضرتلری نه اتحادجی ، نه ائتلافجی در . ذاتا
برفرقه یه استناداً موقع صدارته کلما مشدر .

آرناؤودلق قیامی کندیلری کبی بر بی طرف ذاتک کلمسینی انتاج ایتمشدر .
مادامکه برفرقه طرفندن کتیر لما مشلردر . مبعوثانده استناد ایده جکلری قوت
یوق دیمکدر . بونک ایچون هرایکسینی اداره یه چالیشه رق قیرمامق وایجابنده
بونلردن برینه اسناد قوتله محافظه موقع ایتمک بویله بحرانی برصرده مسند صدارتی
احراز بیوران برذات ایچون دوشونيله جک حالادن دکلدر .

بناءً علیه بومحترم بکلری (!) اوکون توقیف وحبس ایتدیرمک ودولت
ومملکتی حالا وآتیا اوغرایه جفی فلا کتدن قورتارمق اک بیوک برخدمت
اولدیفندن بوکا موفق اولسه ایدیلر نارنج عثمانیه نام فخیانه لری شرفلی برصورتده
قید و ذکر اولنه جق وتواریخ عالم تقدیر وتحسین ایده جکدی .

اتحاد بونک بوصورتله وجود لرینک ازاله سیله موجود اولان وظهوری ملحوظ
بولونان غوائل داخلیه اورته دن قالدیه رق قاینه پروگرامی دائره سنده اجرای
حکومت ایله مشغول اولور واحوال سیاسیة خارجیه نک تسویه سندن غیری
اورته ده بر مسئله قالمازدی .

زیرا بعد الانقلاب ظهور یافته اولان وقایع ومسائل هیچ شبهه ایدلسون خطاء

دكل قصداً اتحاد و ترقى جمعيت و حكومتى طرفندن احداث و ايجاد ايدلمشدر .

بوندن مقصدلرى ولى نعمتلرى اولان آلمانيا ايمپراطورى ايله جمعيات خفيه معلومه نك شرق حقهده كى مقررانى قولاي قولاي موقع تطبيقه وضع ايده بيلمسنى اولردن آلديلى امر موجبجه تأمين ايتمك و دولت و مملكتى برچوق وقايع و خيمه ايچنده بولنديره رق و خلقى عجز و ضرورت و مسكنت ايله اويوتوب جمعيت و حكومتلرينه قارشى قيام و وقوعى منع ايله ايسته دكلرى كى مقدرات مملكت و دولتى تدوير و بونكله ده منفعت ذاتيه لر ينك حصولنه خدمت ايتمكدر .

مع مافيه بوچو ير دكلرى فيرلداقلىك نتايج و خيمه سى دولتى بوكونكى ورطه يه دوشورمشدر .

برده قابنه بونلك سببيت و ير دكلرى بالغان حكومتلى اتفاق و هجومنه و اور پا دول معظمه سنك برلين معاهده سى موجبجه روم ايلي ده اصلاحات اجراسى طلبى قارشوسنده بولدى .

دول معظمه اصلاحات لازمه نك اجراسنى طلب ايتديكى صره ده آلمانيا و آوستريا دولتلى (ژون تركارك حاميلارى) تسليح و تجهيز و اتفاق ايتدير دكلرى بالقان دولتلى اردولرينه ده اوزر بمزه هجوم امرينى و يرديلر . بوحر كته روسيه و ايتاليا ده مساحه كارانه دورانديلر .

احمد مختار پاشا قاينه سى بر حرب ظهورينه ميدان و يرمامك و روم ايلي اصلاحاتنى بر نتيجه حسنه يه ايصال ايلمكى درپيش ايتمش و سياسته لازم كن وسائله مراجعتله بر حرب وقوعنك اوكنى آلمغه چالشمشدر .

حالبوكه بوكا موفق اولق زماننك چوقدن كچمسى ، قره طاغ حكومتنك حدود عثمانيه يي تجاوزه باشلامسى ، متفكرلى اولان صرب ، بلغار ، يونانك اوفق تفك حركت و قياملرى يوز كوسترديكى صرده اتحاد و ترقى جمعيت محترمه سى (!) وطنپرور (!) رؤساسيله اجير خاصلرى اولان مبعوثاندى و دارالقنون طلبه سندن بعضلرينى والى بايراقلى افرادينى امثالى مثللو جلب و جمع ايدرك بو فرصتدن بالاستفاده قاينه يي دوشورمك و حكومتى نه اللرينه آلىق ايچون بايراكلرينى آچوب باب عالى يه كلدلر .

تكبير و حرب ايسترز ندرلرينى عيوقه چيقارمغه باشلاديلر .

صدر اعظمى كورمك طلبنده بولونان بو حشرات جام قيرمق و قيو قيرمق اوكا

بوگاهجوم ایتمک کبی حرکات جنائیه و بی ادبانه به باشلادقلرندن حال تجمعده بولونان مجلس وکلا بوندن خبردار اوله رق بورزیلرک دفعلری ایچون لازم کن تداییری اتحاد بیوردی .

بونلرک صورت حسنه ده طاغیلملری ایچون مأمورین عانده سی طرفندن واقع اولان نصایح تاثیر ایتدیکندن صدر اعظم غازی احمد مختار پاشا حضرتاری رفاقتارنده بحریه ناظری محمود مختار پاشا حضرتلری بولندیغی حالده بونلرک مجتمع بولندیغی قیو اوکنده کی محله کله رک دولتیجه لازم کن معامله نک ایفا ایدلمکده اولدیغندن بحثله کندیلرینک مسترح اوللرینی و بویله نمایشره لزوم اولدیغی بیان و بعض نصایح اجرا بیوردقلری صروده بونلرک مطالبات و تجاوزلرینی ایلروکو تورمکه و افعال جنائیه لرینی ایفا ایچون قیامه حاضر لندقلری مشاهده اولندیغی بر صروده باب عالی ده کی قوه عسکریه به ظهیر اولق اوزره طلب ایدیلن و بیکیاشی حسنی بک قومانداسیله باب عالی به کان بر طابور عسکرک و رودینی کورر کورمز تکبیر آلهرق عسکرک اوزرینه بوروبه رک قارداش لر « الحمد لله » مسلمانز قایمنه روم ایلی بی صاتیور . انک ایچون کلدک بز روم ایلی بی و برمییه جکزر . دیو عسکری اغفال تشبندن و عسکر طرفندن وقوع بوله حق مداخله بی منع واستمداددن ده اوتامدیلر . بونلردن هر درلو واقع اوله حق تعرضاتک منعی وظیفه سیله کان بو طابور قوماندانی بیکیاشی حسنی بک افندیکنک و طنپور و رانه وظیفه عسکریه سنی اجرا ایتمسندن طولانی ده ایلرو کیتمکه جسارت ایده میان بو اختلالجی نمایشچیلر برر بر رصاو و شمشه باشلا یوب اوکون یاپه جقلری حرکات جنایتکارانه لرینه میدان بوله مامشردر . بوجانیلر کندی یاپدقلری بونمایشی اغفال ایده بیلدکلری برقچ دار الفنون طلبه سنه عطف واسناداً دار الفنون طلبه سی طرفندن یاپیلدیغی غزته لری ایله اعلان ایتدیلر .

نمایشده حاضر بولنان طلعت ، خیری ، عمر ناجی ، ادرنه و از میر معبوثلری فائق ، عبیدالله و سائر معوثین و قائم مقام ، بیکیاشی ، یوزباشی ، ملازم رتبه سنده کی امرای عسکریه و ضابطان بکر و اتحاد و ترقی جمعیتی اعضالری افندیلرله طنین ، تصویر افکار ، ترجمان حقیقت غزته لری امور تحریریه و اداریه سی مامورینه سرزده دار الفنون طلبه سند نمیسکیز دیر ایسه ک عجباً بونلر حیا ایتمز لرمی ؟ .

حاصلی بر طرفندن بونلرک بوحیاسزجه حرکت ورزالتلریله داخل و بالقان

حکومتک تجاوزاتيله خارجاً مشغول اولان قايينه قره طاغك حدودى تجاوزى
اوزرينه عساكر عثمانيه يى تحت سلاحه دعوت وروم ايلي به سوجه باشلادى .



بحريه ناظرى محمود مختار پاشا حضرتلى

Son Excellence Mahmoud Mouhtar Pacha
(Ministre de la Marine)

دول معظمه طرفندن طلب ايديلن روم ايلي اصلاحاتنى ايفايه تشبث ايدن قايينه
برده ديكر بالقان حكومتلرينك دخى حرکات تجاوزكارانه سنه و دولت عليه
عثمانيه قارشى اعلان حرب ايتملرينه معروض قالدى .
بو حاله معروض قالان حكومت عثمانيه ده اردولرينى كاملاً تحت سلاحه دعوت
ايله حكومت مذکورديه مقابله به امرويردى .
بو وجهله بالقان محاربه سى ظهور ايتدى . امر واقع قارشوسنده قالان دول
معظمه ده حربه مساعدده ايلدى .
عساكر نصرت ماثر عثمانيه نك بسالت وشجاعتندن مذکور محاربه دن دخى

مظفراً حقیق مامول ومنتظر ایکن وطنی برقاج غروشلق استفاده سنه دیکشن
و بو استفاده ذاتیه سنه مقابل اتحاد و ترقی جمعیتک آمال مفسد تکارانه سنه خدمت
ایده جکنه دائر قارا کلک او طهده عین ایدن واردوی هابونلرده کثرتلیجه بولونان
ارکان وامرا وضابطانن طوغریسی بوقدر دولت و مملکتیه خیانت واهانت ایده
جککری و محاربه نك دولت عثمانیه علمبنده ختامه ایره جکی امید وظن ایدلزدی .
کمال تاسف و تاثرله سویلیلم که . اردوی همایونده موجود بولونان اتحادجی
ضابطان محاربه نك بدایتندن باشلايه رق ختامنه قدر سوکیلی وطنمزی ایادی
دشمنه کچمسنه خدمت و غیرت ایلدیلر .

ایشته اوضابطلر جمعیت اتحادیه طرفندن اردوی همایونلرده پرو پوغاندا یاقق
وعسا کر عثمانیه یی حربدن منع ایله روم ایلی بی دشمن النده بر اقمق ایچون علما
وصاحای اسلامیه قیافتنده اتحاد و ترقی جمعیتی طرفندن تعیین واعزام اولونان بر
طاقم خذله وسلانیک دونه یهودیلرینی عسکرک ایچنه ادخال ایله قاینه مملکتی
صا تدی . نیچون محاربه ایدیورسکیز . دیوفراره تشویق ایتدیردیلر .
مع التأسف ضابطانن بر چوغی ده بو سوزلرله عسکرک قوه معنویه سنی قیروب
فرار ایتدیردی .

حتی داخلیه ناظر سابق و جمعیت محترمه (!) نك برنجی آمر مطلق و دیگر
منسوب اولدیغی جمعیت خفیه نك ممالک عثمانیه ده کی استاذ اعظمی اولان طلعت بك
(پاشا) کوکلی صفتیله نفر اوله رق اردویه داخل اولدی .

بوندن مقصد یکانه لری اردو قوماندان وضابطانی جمعیت اتحادیه نك آمالندن
انحراف ایتدیرمامک و جمعیتیه منسوب اولمیانلرینی ده اردوده موجودیتی کوستره رک
تهدید ایتمک ایدی .

طلعت کی انورلر ، جماللر ، فتحیلر وسائر رفقای محترمه لری دخی حال حرب
طولایسیله سیاست بر حرکتده بولنیه جققرینه دائر ناموس عسکریلری اوزرینه
عین ایتمک وسوز و یرمک صورتیله باش قوماندان وکیلی اولان حریره ناظری
ناظم پاشا حضر تلیرینی بالاغفال اردویه داخل اولدیلر . بونلرده طلعت بك (پاشا)
کبی عین حس و فکره تابع ایدیلر .

بر طرفدن بونلرک اغفال و تشویقای و بر طرفدن ده خواجه قیافتنده کی یهودیلرک
تلقینات خائنانه لری یوزندن اردومز بوزولمغه باشلادی .

غازی احمد مختار پاشا حضرت تلی بو حال ایله بر مدت دهه موقع صدارتده
قالمشلسه ده عارضه وجودیه لری مناسبیله ترك موقعه لزوم کوردکلرندن بالاستعفا
جگلمشلدردر .

غازی احمد مختار پاشا حضرت تلینک استعفا سیله سقوط ایدن قایینه سنک یرینه
ذاتاً آرناؤودلرجه تعیینی طلب ایدیلن صدر اسبق کامل پاشا حضرت تلینک ریاستلرنده
برقایینه تشکیل اولندی .



کامل پاشانک دردنجی صدارتی — مسند جلیل صدارت نخامتلو
دولتلو کامل پاشا حضرت تلیرینه تفویض ومقام عالی مشیخت دخی دولتو سماحتلو
محمد جمال الدین افندی حضرت تلیرینه ابقاء توجیه یورلشدر .



شیخ الاسلام محمد جمال الدین افندی حضرت تلی
Son Altesse Mohamed Djemaleddin Effendi
(Cheikh-el-Islam)

دردنجی دفعه اوله رق مقام جلیل صدارتی احراز بیوران محمد کامل پاشا
حضرتلری حربیه ناظری ناظم پاشا حضرتلرینی اثنای حربده قوماندانک تبدیلی
مناسب اوله میه جغی مطالعه سیله قاینه سنه ادخال ایدهرک برقایینه یاپدی .
اثنای حربده تشکل ایدن بوقاینه نك وظیفه سی دیگر قاینه لره قیاس قبول
ایتمیه جك درجه ده آغیر ایدی .

چونکه بوقاینه حربی ادامه ایله احراز مظفریت ایتمک واردوی هایون آره سنه
کیرن مفسد و متناقض اتحادجی خائنلرندن اردویی تطهیر ایلمک کبی غایت آغیر و مشکل
بر وظیفه ایله مکلف ایدی .

عنایت حقه استناداً ایفای وظیفه به ابتدار ایدن صدر اعظم کامل پاشا حضرتلری
جهت ملکیه و عسکریه ده بعض تبدلات اجرا سنه ده تشبث ایتمشدر .

اتحاد جمعیتنه منسوب والی و مأمورین سائرده دن بعضلرینی تبدیل ایلمشدر .
اردوی هایونلرده بولنان و احوال مفسد تکارانه به جرات ایلین خائنلرک دخی
تبدیل و تحویلی ایچون حربیه نظارتنه ده امرلر ویرمشدر .

ینه کمال تأثرله دیه بیلیرزکه . بوبابده صدر مشار الیه حضرتلرینک مصروف
بیورقلری همت و غیرت و طنپورانه لری ثمره بخش اوله مدی .

حربك ابتداسندن موقع صدارتی اشغال بیوردقلری زمانه قدر کچن مدت
ظرفنده اردوی هایونلر ایچنه نفوذ ایدن خذله مهوده عسکریمزک قوه معنویه
و مفکره سنی بوزمش و عسکر فراراً رجعت ایتمک باشلامش ایدی .

بوبولده کی تلقینات ملعونه ایله رجعت و فرار ایدن شرق و غرب اردوی
هایونلری افرادینک بو فرار و رجعتلری کافی دکلمش کبی یوللرده و هرکچدکلری
محلارده اتحاد خذله و اشرا سی طرفدن کافی السابق کامل پاشا مملکتی صامدی
طوپ و تفنگلریکزی براقک دشمن کلیموردیه رک تلقینات لعینه و تشویقات
خائنانه دن کیرو طورلیوردی .

ایشته بو خائن جانلرک تشویقاتی بوزندن ییکلرجه طوپ یوز ییکلرجه تفنگ
بوللرده ترك ایدلمشدر .

ملتك دیشندن و طیرناغندن بریکدیروب آرتدیرمش اولدینگی پاره لره مبايعه
وتدارك اولنه بیلن طوپلر ، تفنگلر ، جبخانه لر ، کله لره پ بر اقلمش و آتلمشدر .
ذال اردولریمزک نقصان اولان اسلحه سی بو وجهله ضایع و تلف اولدی .

غرب اردوسنده کی طویچی اوبوس طابورندن بری (قومانوه) یه سوق ایدلش واورایه ورودندن خبردار اولان قول اردو ارکان حربیه ریاستنده بولونان قائم مقام فائق بك « بوارکان حربیه قائم مقامی فائق بك اتحادك سرافرازاندن اولوب اسکدار متصرفلغنده بولندیغندن دونما اعانه سی اختلاسی ایله خانلره ویردیکی قونفرانس لرله مشهور در » دشمنك (قومانوه) یه کیرمکده اولدیغندن بو طابوره همان اسکوبه عودت ایتمسی امرینی ویردی .

طابورده اسکوبه کتدی . اسکوبده دشمنه قارشی برمرمی انداخت ایتمدن اون سکز عدد صوك سیستم یکی بیوک چابلی طوپنی (اسکوب) استاسیوننده بر اقوب فرار ایلدی .

اسکوب جوارنده بوندن بشقه یوللرده ترك ایدلش درت یوزه قریب طوی صربیلر اغتنام ایتدیله .

شرق و غرب اردولرنده بو و بوکا مماثل بیکلرجه اجرا ایدیلن فضایح موجوددر . بونله دائر معلومات ویرمک ایچون جلد لرجه کتاب یازمق لازم کلیر . بو حالی مشاهده ایدن شرق و غرب اردوی همایونلری قوماندانلری جمعیت اتحادیه نك همت عالم پسندانہ (!) سیله عارفارای ارتکاب ایدن بو افراد عسکریه نك اوکنی آلمق قابل اولدیغی و بو افرادله حرب ایدیله میه جکندن سیاست هرنه یایمق لازم ایسه یایله رق حربیه نهایت ویرلمسی لزومنی تلغراف لرله حربیه نظارتندن طلب ایلمشلردر .

اردولریز بیان ایدلدیکی اوزره منہزم و پریشان و مغلوب اولوب فراراً رجعتہ باشلادی .

اردولرك بوصورتله رجعتی ادرنه ، اشقودره ، یانیه قلعه لرینك خارجدن مدافعه سنه امکان بر اقامش اولمغله دشمن اردولری طرفندن مذکور قلعه لر محاصره ایدلشد .

کامل پاشا قاپینه سی خارجی دشمنله قارشی سوق ایدیلن اردولرك بوحاله کلدیکنی کوردی .

حربیه ناظری ناظم پاشا حضرتلرینك بو باده عسکرلکجه یایله جق بر تدبیر قالدیغندن بحثله باب عالیجه سیاست نه یایلمق لازم کلیرسه یایله رق حربیه نهایت ویرلمسئه دائر توالی ایدن مراجعاتنی اکلادی .

مشاهده واستخبار ایتدیکی بوحالك بشقه درلو تدابیر عسکریه اتخاذیله سلامته
ارجاعنی دوشوندی . بوحاله برچاره بولونوب بولونیمه جعنی بالفعل اكلامق
ایسته دی .

درسعادته جوار محالرده بولونان قول اردو قوماندانلریله استانبولده بولونان
منصوب ومعزول مشیران وارکان وامرای عسکریه دن مرکب برمجاسك باب عالی ده
عقد واجتماعنه قرار ویردی .



حربییه ناظری ناظم پاشا حضر تلی

Son Excellence Nazim Pache (Ministre de la Guerre)

یوزیکرمی کشیدن زیاده اولان بو مجلس عسکریده مشیراندن فوآد پاشا ،
ابراهیم پاشا ، عبدالله پاشا ، عزت پاشا کی ذوات عالیّه عسکریه ایله محمود شوکت
پاشا دخی واردی .

ارکان حربیه عمومیه دائره سی مدیرانی وحربییه نظارتی رؤسای ، قوماندان
پاشا لار وارکان حربیه لری هیئت حاضر ایدی .

بو مجلس عالی عسکریه به هیئت وکلاده اشتراك ایدر ك مذاكره به باشلادقلى صره ده اردوى همایونك بوحاله كلمسنة سبیت ویرن محمود شوكت پاشا دن اول امرده بعض شیلر استیضاح ایدلدى .

طوبجی میرلوارندن اولوب اقتدار ودرایتله بین الاقران ممتاز اولان وسلانیک ولایت والی وکالتند، بولندیغی هنکامده اتحاد وترقی جمعیتنه منسوب قوماندان وضابطانك سلامت محلیه یی تأمین ایچون اورادن وجودلرینك قالدیرلمسی طلبنه دائر حربیه ناظرى ناظم پاشا حضر تلرینه کشیده ایلدیكى تلغرافنامه سیله ابراز حمیت وطنپروریده بولان سعادتلو فرید پاشا حضر تلى غلیان حمیتله محمود شوكت پاشایه خطاباً « پاشا حضر تلى سزدن هر نه سؤال ایدیور ايسهك همسنة عدم معلومات بیان بیور ییور سکز . حالو كدمجلس عالینك بوسؤاللرینه جواب ویرهك انحق سز سیکز . زیرا اوچ بحق درت سنے در اردوسزك الیکزده ایدی . نیچون بیلمیور سیکز . اردومزی بوکون مع التأسف کوردیکمز شوحاله کترین قوماندان و حربیه ناظرى سزدکلمیسیکز . دشمن چتالجهیه قدر کلدی دایاندی . استانبولمزی مدافعهیه مخصوص اولان و ملیونلرجه لیرالز صرفیله وجوده کتیر یلن چتالجه و خادم کوبی استحقاکماتنده کی طوپلری چیقارتان . استحقاکماتی هدم ایتدیرن . پایتخت عثمانی یی بوکون مدافعه سز براقان . دولتک بوکونکی حال فلا کتنه وساطت ایدن هپ سنسك » دیو جواب طلب ایلمسی اوزرینه دیگر پاشالردخی مشار الیهك افاداتی تصدیقاً محمود شوكت پاشایه شدت کوستر دکلرندن بوندن اورکن محمود شوكت پاشا بر صورتله مجلسی ترك ایله فراره شتاب ایتمش ایدی .

فرید پاشا حضر تلرینك بومردانه ووطنپرورانه واقع اولان افاداتی کامل پاشا قاینه سنك سقوطندن صوکره کندیسنك دیار بکره نفینه سبب اولدی .

مجلس عالی عسکریده ساعتلرجه دوام ایدن مذاکرات نتیجه سنده بوحال ایله محاربهیه دوام ایتمك ممکن اوله میه جغندن قاینه جه سیاست برچاره عاجل بولمسی قرار کیر اولمشدر .

شرق اردوسی رجعت قهقریه ایله استانبول جوارینه وقسماً خادم کونینه قدر کلدی .

غرب اردوسی دخی سلانیکك « حریت پرور بکلمزك کعبه حریتی » دها طوغریسی « دولت علیه عثمانیهك سبب فلا کتنی احضار ایدن یعنی اتحاد

وترقی جمعیتی تولید ایلین شهر معروف « ک اتحاد وترقی ضابطان واردوسی معرفتیه یونانه تسلیم ایدلمسندن طولایی افرادینک نصفی اسیر دوشمش و نصف دیگریده اسکو بلردن ، اشقودره لردن ، مناستر لردن ، یانیه لردن رجعت ایده رک آدریاتیق ساحلنه آلونیه وآیاسراندلره قدر اینمش وحر بدن ساقط اولمشدر .

سلاطین عظام عثمانیه نك واجداد ملتك قانی بهاسنه سنه لرجه اوغراشیلوب الله ایدیلن یوزلرجه سنه تحت اداره عثمانیه ده بولونان روم ایلی ولایاتی برایکی آی ظرفنده اتحاد وترقی جمعیتك سایه عالی وطنپرورانه (!!) سنده بویله جه دشمن انه کجیدی وکتدی .

بر طرفدن اردولریمزك رجعت وانهمزای وبر طرفندن ده چتالجه خط مدافعه سنده تعییه ایدیلن طوپلرک انحق برقاچ کون آتیله بیله جك کولله لری قالدیغی و بناء علیه پایتخت سلطنت سنیه نك تحت تهلکده بولندیغی حربیه ناظری ناظم پاشا طرفندن مجلس وکلاده بیان اولغمی اوزرینه وقتیه ارضروم جهتنه ایصال اولغق اوزره طربزونه کوندرلدیکی خبر ویریلن او نوع کولله لرك همان جلبی وقروب قاریقه سی معمولاتندن اولان مذکور طوپلر ایچون مقدار کافی کولله مباحه سیله سریعاً ارسالی خصوصتک آلمانیا ده بولونان مأمورین عسکریمزه اشعاری و بونلر یتیشنجه یه قدر بر متارکه عقدیه دشمنك اشغالی ضروری کورلمش و اوصرده طرفین اردولرنده حکم فرما اولان قولرا علت مدهشه سی سببیه بلغارلرکده متارکبه تمایلی حس و کیفیت بولغار اردوسی باش قوماندانی جنرال صاووفه تبلیغ ایدلمش و حصول موافقتنه بناء حربیه ناظری ناظم پاشا ایله زراعت ناظری مصطفی رشید پاشا حضرتتاری بلغارلرله متارکه مذاکره سنه مأمور ایدیلوب چتالجه یه کوندرلمش وعقد متارکه ایدلمشدر .

اتحاد وترقی جمعیت خائنانه سی عسا کر عثمانیه یی تشویق ایله فرار ایتدیرمه سه وابتدای انقلابدن محاربه ظهورینه قدر صندالیه غوغاسیله مشغول اولیوبده عقد ایلدیکی استقراضلری ما وضع لهنه صرف ایلمش اولسه ایدی طبیعی اردولریمز بو حاله کلنز وجبخانه وکولله سز قالماز ایدی .

معاذ الله تعالی دشمن طرفندن متارکبه موافقت اولغمیوب فرار وخسته لاق ایله پریشان اولان اردو پایتخت عالی عثمانی یی دشمنه چیکتنه جك وبو حال دولتک شان وشرفنی الی الابد لکه دار ایده جك ایدی .

ایسته اتحاد وترقی جمعیتک القآت وتلقینات خائانه سی نتیجه سی اوله رق بو درجه یه کن و بی طرف و نامدار قوماندان وضابطانی شهید و یرن واتحادجی ضابطان النده قالان و جمعیت اتحادیه نک یهودی و دینسر خواجه قیافتنده کی پرووغاندا جیلرینک کذب صریحنه اینانان براردودن آرتق برشی بکله نیلمیه جکنی اکلایان صدر اعظم کامل پاشا حضرتلری مقدمات صلاحیه بی احضاره باشلامشلردر .

عقد صلح ایله مشغول اولان صدر مشار الیه حضرتلری اتحاد وترقینک بوندن بالاستفاده داخله ایقاع شورش ایله قاینه بی دوشورمک و حکومتی اله آلمق ایچون چالیشدقلرینی خبر آلدقلرندن بر طرفدن بونک اوکنی آلمق و دیگر طرفدن دولتمزک اوغرا دیغی فلا کتک توسعنه مانع اولمغه سعی ، غیرت بیورمشلردر .

حالبوکه اوصرده اتحاد وترقینک اوجرأتکارجانی رؤسای حریت وائتلاف فرقه سنک شخص و هویتلری معلوم اولان اتحادجی اعضاسندن اولوب حریه وعدلیه وداخلیه نظارتلرینه تعیین اولمقدقلرندن طولانی کامل پاشا حضرتلرینه مغیر اولان بعضلرینک قاینه بی دهویرمک عزمنده بولمقدقلرینی استخبار واسکی ارقداشلری اولان بوکی آدمارک آغزینه بر بارمق بال سورهرک بوایشک برلکده حصوله چالیشمق ایچون براشمکه موفق اولمشلردر .

بونلر حکومتی اله آلمق چاره سیله اوغراشیرکن کامل پاشا حضرتلری ده دول معظمه بالقان محاربه سنی حرب عمومی بی انتاج ایده ییلمسی ملاحظه سیله بر اوروبا مسئله سی شکنه قویهرق بر معتاد محاربلر ییننده جریانی اقتضا ایدن مذاکرات صلاحیه بی انگلتره خارجیه ناظری قونت ادوارد غره ی حضرتلرینک ریاستی التنده لوندرده بردولی قونفرانس عقدیله اجرایی طلبنه موافقتله لوندربه زراعت ناظری دوللو مصطفی رشید پاشا حضرتلرینک ریاست جلیله لرنده مرخصلر اعزام بیورمشلر و دول معظمه نک قره دکز ساحلنده کی « مدیه » نقطه سندن دده اغاجک قلعه سلطانیه جهتمنده کی « اینوز » نقطه سته منتهی بر خط کشیده سیله اوته جهتنک یعنی ادرنه ولایتی دخی داخل اولدیغی حالده المزده کی روم ایلی قطعه سی بقیه سنک تماماً بالقان حکومتلرینه ترکی وانا طولی ساحلنده کی جزایر معلومه مقدراتک کتدیلرینه تودیعته دائر باب عالی یه صورت قطعیه ده واقع اولان تکلیفلرینه قارشی لازم کن تدابیری اتحاد ایله مشغول اولمشلر ایدی .

صلح حقنده دول معظمه نك باب عالی به تبلیغ ایلدیکی نوطه ایله بو نوطه به جواباً قلمه النان نوطه مسوده سنه دائر برار معلومات ویرهرك بوبابده اتحاد جیلار طرفندن اشاعه ونشر ایلدیلان اراجینی جرح ورد ایدلم .

دول معظمه ویردکلی نوطه ده ادرنه استحقاقاتنك سقوطه محکوم اولدیغنی مشاهده ایلدکیرندن ودولت علیه عثمانیه نك دها زیاده متضرر اولسانی ارزو ایلدکیرندن ادرنه شهرینك حکومات متفقیه به (بالقان حکوماتنه) ترکی و منازع فیه اولان اطهرک مقدارتنی ده کندیله رینه ترك وتودیغنی بالاتفاق صورت جدیده توصیه ایلورلردی .

بونك اوزرینه مجلس وکلاده اوزون اوزادی به جریان ایدن مذاکرات نتیجه سنده صلح جهتنی الزامدن بشقه برچاره قالدیغندن دولك منافع سیاسیه سی کوزه دلك شرطیله صلحك اجرایی ایچون بونوطه به جواباً برنوطه نك قلمه النسی قرارگیر اولدی .

مع ما فیه ادرنه ولایتنك دولتجه معلوم اولان اهمیتنه وادرنه شهرینك ایکنجی پایتخت عثمانی اولدیغنی جهته بر چوق آثار اسلامیه یی جامع بولندیغنه مبنی بونك شوصورتله ید اعدایه ترکی تأثرات وهیجان عمومی به بادی اوله جغنی ملاحظه بیوران کامل پاشا حضرتلری اعظم مأمورین دولت ووکلای ملت واعیان حکومتدن مرکب بر مجلس عالینك ده مابین همایون ملوکانه ده عقد واجتماعی تصویب وتنسیب ایله سرای همایونده بر مجلس عمومی عقدینه قرار ویردی .

سرای همایونده اجتماعی قرارگیر اولان مجلس عمومی مسئولیت وکلایه اشتراك ایتیموب بالکیز بین الوکلا شرائط صلاحیه حقنده اتخاذ اولونان مقرراتك اصابت وعدم اصابتی خصوصلرنده بر هیئت استشاره اوله رق عقد ایلدی .

بو مجلسده صدر اسبق سعید وصدر سابق غازی احمد مختار پاشا لر وهیئت اعیان ایله مبعوثاندن ومتحیزین رجال علمیه وملکیه دن اتحاده منسوب وغیر منسوب ذوات معروفه بولندی .

یالکیز محمود شوکت پاشا حضرتلری بر هیئت مسئوله ظنیله دعوته اجابت ایده میه جکنی باتذکره مقام صدراته بیلدیردی .

ذات حضرت پادشاهی وولی عهد سلطنت دولتلو نجابتلو یوسف عز الدین افندی حضرتلریله شهزاده جوانبخت دولتلو نجابتلو وحید الدین وعبدالحمید افندیلر

حضراتی ده صورت غیر رسمیه ده مجلس عمومینک انعقاد ایلدیکی محلك اتصالیده کی مخصوص اوطه ده بولنه رق قاینه نك و یردیکی ایضاحاتی استماع بیور بیورلردی . بو مجلس عمومیده دولتمزك اوغرادینی حرب فلا کتی ایله اردونك احوالی حقنده ایجاب ایدن معلومات بیان وایضاح ایدلمش و مذکور مجلسجه ده صلحك عقدی ضروری اولدینی تصدیق قلمشدر .

شوراسنی بیان ایتمدن کچمیه لم که . اتحاد و ترقی جمعیتی اوکونه قدر دولت و مملکتده منافع ذاتیه سی اوغرنده اوینادینی او یونلرک اك اشنع و اك خائنانه سنی مع التأسف بو صلح مسئله سنده اوینامشدر .

شویله که . ادرنه قوماندانی شکری پاشا حضرتلری طرفندن حریبه نظارتی شیفره سیله چکیلن بر تلغرفنامه نك قاینه نی صلحه سوقه مجبور ایتمک ایچون اك کزیده اتحاد جیلردن بر ذات طرفندن تحریف ایدلمسی کی بر جنایت ایقاع ایدلمشدر .



ادرنه قوماندانی شکری پاشا حضرتلری

Son Excellence Chukri Pacha (Defenseur d'Andrinople)

ادرنه قوماندانی شکری پاشا حضرتلری طرفندن بو تحریف کیفیتی تاید اولمیشدر . مذکور تلغرافده ارزاقک فقدانندن ناشی قلمه نك انحق کانون ثانی اواخرینه قدر طیانہ بیلہ جکتنک تحریری وبومدتک ده تقریبی قاینه بی مشکل بر موقعده براقمیشدر .

چونکہ ادرنه استحکاماتی تلغرافنامه ده محرر یوم معیندن برقاج آی دها مدافعه یه مقاومت ایلدی .

ادرنه نك آیلرجه مدافعه یه مقاومتی تلغرافنامه نك تحریف ایدلیکنی اثبات ایتدیکندن بو فعل خائنانه جرأت ایدن جانیلری تلغین ایتمک حمیت وطنپرورانه اصحابی ایچون بر بورجدر .

بو تحریفدن مقصدلری کامل پاشا قاینه سنه صلحی تسریع وتعجیل ایلہ یاپدیرمق صوکرده امثالی وجهله قاینه علیهنده پرووغاندا یاپه رق اهالی بی کامل پاشا علیهنه قیام ایتدیرمک وقاینه بی دوشوروب حکومتی اله آلمق دها طوغریسی چالوب چیرپوب دولت ومملکتی بوکونکی حاله کتیرمکدن بشقه برشی دکلدیر .

اگر ادرنه قوماندانک تلغرافی تحریف ایدلماش اولسه ایدی . قاینه جه دول معظمه نك صلح تکلیفنه درحال موافقت ایدلیه رک ادرنه استحکاماتنک قریب السقوط اولدیغنه دائر اولان اعتقادلری تصحیح اولنور وتکلیفات واقعه لرینک تعدیلنه موفق اولنوردی .

ذاتاً انکلتزه دولت معظمه سی خارجیہ ناظری قونت ادواردغره ی حضرتلری طرفندن اولجه صورت خصوصیه ده واقع اولان بر تکلیفده ادرنه نك بی طرف بر منطقه دائره سنه آلنه رق کمرک وسائرده ن معافیتی بیان اولمش وکامل پاشا حضرتلری طرفندن ده ادرنه نك دولت علیه عثمانیه یه تابعیتی باقی اولمق اوزره تکلیفات واقعه نك قبول اولنه بیلہ جکی جوابی ویرلش ایدی .

بالاده دینلدیکی وجهله دول معظمه طرفندن ویریلن قطعی نوطه اوزرینه مجلس وکلاده جریان ایدن مذاکرده بتقدیریه تعالی بالقان دولتلرینک احراز ایتدکلی غلبه کامله یه وعلی الخصوص دول معظمه نك ایشه بالمداخله لوندرده عقد ایتدکلی صلح قونفرانسده ویردکلی قرار نهائی یه نظراً روم ایلینک تخلیصنه امکان قالمدیغندن وققط ادرنه ولایتنک نفوس موجوده سنه نسبتله اکثریتی اسلام اولمق ونفس ادرنه دولت علیه عثمانیه نك پایتخت قدیمی وبرچوق آثار اسلامیہ ایلہ

مشحون بولمق حیثیتله بلغارلره ترکی حق وعدله همده شیمه مصالحته موافق اولمديغدن قونت ادواردغره ی حضر تیرینک اخطار خصوصیلرینه استناداً ولایت مشار الیهانک شکل اداره سی دول معظمه ایله بالاتفاق قرار لشدیر یله جق بر اسلام پرنسنگ تحت اداره سنده بولمق اوزره اسویچره کبی بر حکومت مستقله بی طرفی حالنه وضع ایدلمسی واطه لرك دخی آسیا قطعه سی ملحقاتندن بولنسی وانا طولی ساحلنه قریقی جهتیه یونانیلره ترکی قچاقچیلنگ وانا طولی ساحلنده ساکن روملرك تحریکله دائماً اوجهته غوائل ظهورینک منعی اشکال ایده جکندن بوراسنگ دول معظمه نك نظر دقت وحماسنه عرضیه اطه لرك مقدراتنک دول مشار الیهک آرای عادلّه سنه تودییی حقنده جوابی برنوطه تنظیمنه قرار ویرلشدیر .

دولت علیه عثمانیه نك آتیا استکمال قوت وترقیاتنه خدمت وممانت ایده جکرینی وعدایدن دول معظمه نك نوطه سنه حاضر لمان بوجوابی نوطه یه مواد آتیه علاوه درج اولنمش ایدی .

حکومات متفقیه ترکی تنسیب اولنه جق اراضی عثمانیه حدودینک دول معظمه طرفندن تعیینی ، دول معظمه جه موعود معاونات مادیه ومعنویه یه بذل همتله ضایعات واقعیه مدار تعویض اوله جق اولان مساعدات خیر خواهانه نك اجرا سیله دولت عثمانیه نك معاملات اقتصادیّه ده بین الدول جاری اولان اصولک اجرا آتنده سربست بر اقلمسی .

بویولده قامه آلان فرانسرجه نوطه مسوده سنک ترجمه سی « ۲۳ کانون ثانی ۱۹۱۳ ، ۱۰ کانون ثانی ۱۳۲۸ » سنه سنه مصادف پنچشنبه کونی باب عالی ده انعقاد ایدن مجلس وکلاده مطالعه وتدقیق اولتمقده ایکن مار الذکر اتحاد وترقی جمعیتی بکریله حریت وائتلاف فرقه سنک صورت ظاهرده مخالف وجد ذاتنده موافق اولان بکری قاینه بی دوشورمک ونظار تلی بینلرنده تقسیم ایله استفادّه شخصیه لری اوغورنده دولت ومملکتی محو وپیریشان ایلمکی جمعه ایرتسی کونی برابرجه ایفایه قرار ویرمشارسده مخالف صفتنده بولونان ائتلافجی قارداشلرینه نظارتلردن بعضسنی قایدیرمق بیله ایشنه کلیمان اتحاد وترقی جمعیتی بکری (!) قرار واقعّه انتظار ایتمه یه لزوم کورمیه لرك بواشی کندی الی بایراقلی عونه سیله اجرایی تنسیب ایدوب پنچشنبه کونی باب عالی یه هجوم ایتمشدر .

ایشته بونکله ده اسکی ، یکی ارقداشلری اولان ائتلافک حریص شهرت

بکرینی آلامش وانلری اورته ده برامشدر .

بوموال اوزره اتحاد وترقی جمعیتک شرمه قلیله اختلالیه سی بر صورت خائانه ووحشیانه ده باب عالی به هجوم ایدهرک حال انعقادده اولان مجلس وکلایه داخل اولق ووکلای نخامی قتل وشهید ایتمک ایسته مشلردر .

اوکلرنده رئیس اعظملری طلعت وقاتل شهیرلری انورله خطیب بی نظیرلری عمر ناجی وسائر فدائی جانیلری اولدینی حالدیه باب عالی به هجوم ایدن بورزیل قاتلر بر معتاد تکبیرلره بیوک صالونه داخل ودائرة صدارته تعرض وهجومه باشلادقلری بر صروده اوراده موجود اولان صدارت یاورانندن یوزباشی نافذ وحریه نظارتی یاورری توفیق بکلرله بعض پولیس سیویل مأمورلری بونلرک افعال جنائیه لینه مانع اولق ایتدکلرندن تشهیر سلاحه جراثله یاورتوفیق بکله بر سیویل پولیس مأمورینی قتل وشهید ایلدکلرندن یاور نافذ بکده مقابله به مجبور اوله رق استعمال سلاحه باشلامشدر .

نافذ بکک انور پاشایه انداخت ایلدیکی قورشونلردن بردانه سی اختلالچیلردن مصطفی نحیب نامنده برجانی به اصابتله مرقومی قتل ایلدیکندن جمعیتک دیگر فدائیلری طرفندن آتیلن قورشونلرله مومی الیه نافذ بک مجروح دوشمش و بر ایکی فدائی جمعیتده ده کبرمدکی دیهرک بیچاره نافذی قمارله جرح وشهید ایتمشلردر .

شوصورتله کوثر شهادتی نوش ایدن یوزباشی نافذ وتوفیق بکلر وظیفه نظیفه لرینی مردانه وشجاعته کارانه بر صورتده ایفا ایله ناملرینی الی الابد پایدار ایلمشلردر .

بر مظلومه حریمی خانمله ایکی صغیر اولادینی ملت نحیمه به ترک وتودیع ایدهرک وظیفه سی اوغرنده بر صورت فجیعده شهید اولان مومی الیه نافذ بک اوتوز ، قرق ملیون عثمانلی آره سنده کوچ یتیمشیر بر وجود قیمتمدار اولدینی اثبات ایلدیکندن بوصورتله شهادتی حقیقه شایان تأثر وتأسفدر .

(جناب حق شهدای مومی الیهمنی غریق رحمت الیه)



اوانتاده صدر اعظم کامل پاشا حضرتلری بعض ارادات سنیه پادشاهی بی تبلیغ ایچون باب عالی به کلن ما بین همایون ملوکانه باش کاتبی فوآد بک افندی ایله

صدارته مخصوص اوطه لردن برنده بولندقلرندن مجلس وکلاده بولمئورلردی .
طیشاریده بی بوکورولتی مجلس وکلاده بولونان باش قوماندان وکیلی وحر بیه
ناظری ناظم پاشا حضر تلرینک مسموعی اولمغه مجلسی ترکله طیشاری به چیمش
وبوحالک منع وتسکینی ایچون لازم کلن وصایای ایفایه مقتدر اوله مقسزین آتیده کی
رسمده کور بیه جکی وجهله کوچک صالونده انور طرفندن آتیلن روولور قورشونیه
شهیداً وفات ایلمشدر .

(رحمة الله عليه رحمة واسعة)

حربیه ناظری ناظم پاشانک شهادتندن صکره اختلاجیلردن برطاقم ضابطان
ایله سیویل قیافتنده بعض کیمسه لر دائره صدارته دخول ایله صدر اعظم کامل پاشا
حضر تلرینک بولندقلری اوطه به کیروب ایچلرندن صدر مشار الیه حضر تلرینک
افاده لرینه کوره برجسوری یانلرینه تقر بیه طیشاری ده هیجان زیاده اولدیفندن
همان استعفالرینک تحریرینی طلب ایلمک جسارت وکستا خلقنده بولمئشدر .

بونلرک بوقیام وافعال جنائیه دن مقصداری اخذ نار دکل مجرد زمام حکومتی
اله آلمق اولدیغنی اکلایان کامل پاشا استعفانامه سنک تحریرنده توقف وتردد
کوسترمش اولسه لر بلکه صدارتک انحلائی وقوعه کتیرمک ایچون کندیلرینه ده
بر سوء قصد ایده جکاری ملاحظه سنی در پیدش بیوره رق « جهت عسکر یه دن
واقع اولان تکلیف اوزرینه استعفایه مجبور اولدیفندن خدمت صدارتدن
عفوینه مساعدت سنیه نک شایان بیورلسنی » ناطق حضور شاهانه یه یازدقلری
استعفانامه بی ویرمشلردر .

استعفانامه بی الان انور پاشا باب عالیده بولونان شیخ الاسلام جمال الدین افندی
حضر تلرینک رکو بلرینه مخصوص اوتوموبیله را کباً طوغریجه مابین هایونه عزیمت
وعودت ایلمشدر .

باب عالی وقعه جنائیه سی : رسم ، صحیفه ۶۸

حربیه ناظری ناظم پاشانک انور طرفندن آتیلن قورشونله وقوع شهادتاری

Nazim Pacha Assassiné par Enver à la Sublime Porte
Tableau : Page. 68



بوندن بر ساعت صکره باب عالی به کلن سقرنای حضرت شهر یاری خورشید
 بك افندی ذات حضرت پادشاهی وقعه دن بك مكدر اولدیغك بیانیله حال تقرر
 ایدنجیه قدر باب عالیك حكومتدن خالی بر اقلمامسی فرمان بیورلدیغنی تبلیغ
 ایلدیكندن نتیجه حاله انتظاراً کامل پاشا حضرتلری مقاملرنده بولنشلردر .

بوصره ده مشار الیهك بولندیغی اوطهیه کیروب چیقان اختلاجی بكارك آره سنده
 طلعت وانور پاشا لردخی بولنیوردی .

جمعیت رؤساسندن قرق کلیسا مبعوثی (خطیب شهر) عمر ناجی بك كامل
 پاشانك یانه تقرر بله مقام استهزاده « افندم انشا الله سز بو مقامده دواته دها چوق
 خدمت ایدرسیکمز . بزسه محتاجز . جمله مز امریکز تحتند بولنورز » سوزلریله
 اظهار روی مدافنه ایلمش و کامل پاشاده « بکالزومی یوق بن دولتك طالعی تجربیه
 ایتدم بوکافیدر » جوابیله مقابله بیوره رق مومی الیهی یانلرنندن دفع ایلمشرایدی .
 بعده انور پاشاده صدر مشار الیه حضرتلرینك یانلرینه کلوب کندوسی تعلیمده
 ایدوکنی وعودتده وقعه یی یولده خبر آلوب کلدیکی حیرتله بیان ایلمش واجرا
 ایلدیکی جنایتدن یقاسنی قور تارمق ایچون یالان سویلمکدن ده اجتناب
 ایلمامشدر .

بونارك ساعتارجیه دوام ایدن بوحالندن صوکره دیگر اوطه لرده بولونان ذات
 سامی مشیختیناهی ایله سائر وکلای نخام کامل پاشا حضرتلرینك یانلرینه کلمشدر .
 بر مدت صکره موقع صدارته تعیین ایتدیردکری محمود شوکت پاشا حضرتلری
 شیخ الاسلام جدیدی مصحوباً باب عالی به کلدیکندن اختلاجی بكارك قپو
 اوکنده کی ارقداشلرینه ایشترمك ایچون خلاف معتاد اوله رق مردیون باشنده
 « خط هاپونی » قرائت ایتدیردکدن صوکره عرض اوطه سنه کلوب موجود
 قاتلارك تبریکاتی قبول ایله ترتیبات لازمهیه باشلامشدر .

وکلای سابقه بر اوطه ده کامل پاشا حضرتلرینك یانلرنده و صدر جدید محمود
 شوکت پاشا ایله عونه سی دیگر اوطه لرد، کیجه یار یسندن صوکره به قدر بولنشلردر .
 محمود شوکت پاشا نصف الیلدن صوکره بر آره لق بشقه بر اوطه ده کامل پاشا
 ایله آبروجه کور یشمش واحوال حاضرده دن بحث ایلمش ایدی .

بومصاحبت اثناسنده محمود شوکت پاشا (بزورایه ایستکزله کلمدك بزى کتیر دیار)
 دیملری اوزرینه کامل پاشا دخی (اوت بزى دخی او یله کتیر مشلردی .

کلشکز به بکزه دی دقت ایدیکز که گیدیشکز بکزه ماسین !!) پیر سیاست
کامل پاشا حضرتلری اوکیجه الافرانغه ساعت اوچلره قدر باب عالی ده قالمش
واوچدن صوکره انجق خانه لرینه عودت ایلمکه موفق اوله بیامشاردر .

کامل پاشا بو حال ایله لیلّا آلدقلری صغوقدن طولانی ایرتسی کونی خسته نمشدر
وزیارتارینه کلن دول معظمه سفرا سندن هیچ بریسی قبول ایده مامشرایدی .
اون کون قدر اسیر فراش اوله رق تداوی ایدلدکدن و براز کسب عافیت بیوردقدن
صوکره اطبانک کوستردیکی لزوم اوزرینه برای تبدیلهوا مصره عزیمت
بیورمشلردی .

اتحاد و ترقی جمعیتی کامل پاشا حضرتارینک بوندن اولکی قابینه سنی بر صورت
غیر مشروعه ده دوشوره رک دولت و مملکتک فلاکت و انقسامنه طوغری برنجی
خطوه بی آتمش ایکن بو دفعه غایت فحیج و خونخوارانه بویولده دوشورمسی دولت
وملتمز ایچون چاره نجات و سلامت قالدیغنی کوسترمش وارباب حمیت و وجدانی
پک زیاده دوشوندرمشدر .

ذاتاً دولت و مملکتله بر علاقہ سی اولیان بوجمعیّت مؤسسه و رؤسا سنک منفعت
ذاتیله رینی تأمیندن غیری بردوشونجه لرلی اولدیقمندن بوندن بشقه کندیلرندن
برشی بکله مک عبثله اشتغال ایتمک دیمکدر .

سنلری حد کماله ایرمش اولان کامل پاشا حضرتلری نان و نعمتیه پرورده
اولدیغی دولت و ملتنه صوکر بر خدمت صادقانه ده بونمق و دولتک حال واستقبالده
اوغرایه جفی خارجی . داخلی فلاکتله بر سد هائل چکک ایچون پک بویوک
بر تشبثده بولندقلری صره ده ناکهانی صورته ده بو حاله دوچار اولملری تشبثات
واقعہ بی عقیم بر اقمش و بوصدارتنده ده ارزوسی دائره سنده حرکتی موفق اوله
مامشردر .

اوتہ دنبری متعلبه واشقیا الندن کندینی قورتاره میان دولت و ملت مقدار ترفینه
اشرا واشقیا انه ویرمش و مملکت مزده بوکونکی حاله کلمشدر .

کامل پاشا حضرتلری هیچ شبهه یوق که بو اشقیا و اشرا نک صوکر درت بش سنه
ظرفنده مملکتده اوینادیغی او یونلره آرتق بر نهایت ویرمک عزمنده بولندقلرینی
شو ازمدت دوام ایدن صدارت لرنده ارائه واثبات بیورمشلر سده ده مع التأسف
اسباب مانعه حیوانتیه بوکرده بوجمعیّت اشقیا سندن مملکتی تطهیریه موفق اوله مامشردر .

چونکه كامل پاشا بونلرك آتيا مملكتى دوشوره جىكلى حفره ي چوقدن كورمش و بو جمعيتك وجودينك ازاله سى ايچون هر نه يايق لازم ايسه ياپوب دولت و مملكتى قورتارمقدن كيرو طورمدقلىر كې كنديلرينه مساعد و معاون اولان قاينيه سى اركاننك فكرينى ده بو جهته اماله يه باشلامش ايدى .

كامل پاشانك بوصوك قاينيه سى اركان كرامى . مملكتتمزك الك على و دكرلى عضوندن مركب اولدقلىر حالده مع التأسف بر ايش كورمكه موفق اوله مامشلدرد .
زيرا بو اركان فحام هيچ بر فرقه و جمعيتيه منسوب دكلار ايديسه ده مملكت باشدن باشه اتحاد آماننه خدمته آماده و اكثر مأمورين دولت جمعيتك قاراكلق او طه سى محفينندن بولندقلىر جهته و يريلن اوأمرك حرفى حرفنه انفاذى قابل اوله مديغندن كامل پاشا مطلوبنك حصولنده انديشه بيورييورلردى .

نته كيم اويله ده اولدى نظار كرامدن بعضلى مخالف صفتنده اطرافلرينى الان اتحادجيلرك تشويقاتنه آلدائش و بعضى ده ابتدائى انقلابدن برى اتحادجيلر طرفندن مأمورين دولت و مملتك سمعنه يرلشديريلن پروپوغانلردن بريسى اولان (قانونى حركت ايدهم . بزده انلركي برىا كاشلقه دوشميه لم) سوزلريه حركت ايتك ارزوسنى اظهار بيوره رق خطا ايتملردى .

وكلای نغام حضراتنك بو خطاسنه جريبه ناظرى ناظم پاشا حضرتلرينك تمیز و صاف اولان قىلبرى اردوبه طلعتلر ، انورلر ، جماللر ، فتحيلرو امثاللرينك دخولنه مانع اوله مديغندن بالطبع اداره حكومت اتحاد جيلر النده قالمش و نتيجه نك و خامتتى اولزمان كوسترمش ايدى .

بوايشده ذات سامى صدر اعظمى ايله ذات على مشيختپناهى يالكز قاله رق هر نه درلو بر چاره صلاح و سلامت تحرى بيورمشلر سده موانع متعدده ظهوريله موفقيت الوير مامشدر .

قانونى حركت ايتك ارزوسنى اظهار بيوران وكلای نغامه عفولرينه مغروراً سؤال ايدر زكه ؟ شمدى يه قدر مملكتده اتحاد جيلرك آصدقلىر و سوردكلىر آلدقلىر ، يابدقلىر هرايشده قانونى كنديلرينه آلت ايتدكلىر كورميورلرمي ايدى . بوكون اتحاد زور بالرينه ده سؤال ايداسه هر فعللىر قانون دائره سنده اولديغنى اثباته قالىشيرلر .

ذاتاً شمدى يه قدر دنيا ده باپيلن فنا لىلرك جمله سى اللرنده برآلت اولان قانون

ایله یا بیلیمشدر .

بو بویله اولدقدن صوکره آرتق قانونی حرکت ایدلم دیمکه حاجت یوق ذاتاً ویریلن امرلر غیر مشروع و غیر قانونی دکل ایدی .

قانونی حرکت ایدملی وکلای نغام اتحاد جیلردن اخذ وتلق ایله استعمال ایده جککرینه بونلرک بر صورت سریعهده مضرتلرینک دفعنه الدهکی قانون دائره سنده همت و غیرت بیورمش اولسه لردی . هم او مخالف صفتندهکی اتحاد رؤساسنک همده اتحاد اشرا واشقیاسنک القا ایلدیکی فکر سقیمدن مملکت ازاده قالیر ، بواشقیاده محو و پریشان اولوردی .

ایشته بویکی یا کلش حرکت بیوران قاینه ارکانندن بعض ذوات رؤسای اتحاد طرفندن مغفل اولمغله کامل پاشا حضرتلرینک افکار وطنپرورانه لرینک اجراسنه امکان بر اقامش و صدر مشار الیه بو صوک وقعه جنائیهی کوسترمشددر .
هرنه ایسه بو حرکت غیر مقبوله نک تشریح وتصریحنی وقعه نویسانه براقه رق ضده رجوع ایدلم .

برازده یوقاریده دیدیکزکی استقبال ملت ودولتی نظر تأمله الآن کامل پاشا حضرتلرینک دولت عثمانیه حقنده آتیا ظهور ایده جک اولان فلاکت ومشکلاتی منع خصوصندهکی تشبثات جدیه لرندن بحث ایدلم .

کامل پاشا حضرتلری انکلتزه دولت معظمه سی دوستلغنک دولت علیه عثمانیه ایچون نه درجه الزم ایدوکنی و بودوستلغنک دولتمز ومملکتهمزه محض حیات اولدیغنی پک رعنا بیلدک لرندن اوته دنبری انکلتزه سیاست عالیه و پولتیقه سنی تصویب وتعقیب ایدرلر دائماً مسند صدارته کلدکلری زمان مذکور پولتیقه یی ترویج بیوررلردی .

ذاتاً دولت علیه عثمانیه عصر لدنبری انکلتزه دولت معظمه سنک مظاهرت ومعاونتی سایه سنده برحقوق وقایعهده تمامیت ملکیه سنی محافظه ایده بیلیمش ایدی . بو حقایق انکار ایدنلر تاریخه عدم وقوفی اولانلر ویا بر منفعت ذاتیه مقابلهنده قصداً بشقه صورتله حرکت ایلانلردر .

یوقسه تاریخه آشنا اولانلر وتبعات تاریخیهده بونلر بیلیرلرکه هرنه زمان دولت علیه عثمانیه آلمانیا وآوستریا دولتلرینک اثتیقه لر یله فلاکت ومهیمینه معروض قالمش و روسیه حکومتنک تعرض وتسلطنه اوغرایه رق اک بویوک تهلکه

ومشكلاته دوجار اولمش وهر وقت انكتره دولتنك مظاهرت ومعاونتى استحصال وتأمين ايدلك صورتيله اوفلاكت ومصيببتدن تخليصه موفق اوله بياشمدر .

دولتك صوك زماندره يتشديرديكى الك بيوك رجال سياسيهسى اولان رشيد پاشا ، على پاشا ، فؤاد پاشا لدخى انكتره دولت معظمه سنك همت ومعاونتى ايله برچوق وقايعدن دولت ومملكتى قورتارمشلردر .

بو حقيقتى مدرك اولان ودولتك عنعنات قديمه تاريخيهسى نظر اعتباره الان ومدت حياتنده انكتره سياست عاليه سندن اصلا انحراف ايتماكى دولت وملمنز ايچون مدارنجات بيلن كامل پاشا حضرتلى دولتمزك بو حال فلاكت وبجران مدهش ايچنده بوارلنديغى كورنجه انكتره دولت معظمه سندن استمداد واستعانه دن بشقه برچاره قالمديغندن دولت معظمه مشار اليها ايله بر اتفاق عقدى ايچون مراجعت بيورمشلر ايدى .

شويله كه ، دولتك حال وموقع جغرافيسى وعنعنات تاريخيهسى اعتباريله شدت وصميميتله مربوط بولنديغى انكتره دولتى ايله بر اتفاق تام حصوله كتيرومك ايچون لوندره سفيري بولونان صدر سابق توفيق پاشا حضرتلى مامور ايديلر . بو اتفاق مذاكرتى غايت خفى جريان ايدىوردى .

حتى بو اتفاقك اساسى حاضرله مق وبويده لوندره سفيري توفيق پاشا حضرتلرينه تبليغات لازمه ده بولنه رق انكتره خارجيه نظارتيله مذاكره ايدلك اوزره مخدوملى بحريه ميرلوارندن سعادتو سعيد پاشاي صورت مخصوصه ده بالذفات لوندره اعزام ايتمشلردى .

اولزمان انكتره دولت معظمهسى خارجيه نظرى بولونان اصالتو قونت ادواردغره حضرتلى وخارجيه نظارتى مستشارى انكتره اعظم رجال سياسيه سندن سير نيقواسون جنابلريله مشار اليه توفيق وسعيد پاشا مياننده جريان ايدن ملاقات ومذاكرات نتيجه سنده دولت عليه عثمانيه نك تماميت ملكيهسى ضامن اولمق اوزره انكتره دولت معظمه سيله دولت عثمانيه آره سنده تدافعى وتجاوزى بر اتفاق اساسى حاضر لمش وقرار لشديلمش ايدى .

قرار واقعك موقع تطبيق واجرايه وضعى ايچون ده بو مذاكرات سياسيه اثنا سنده ابراز رؤيت وفطانت بيوران ودولتك سلامت وسعادت آتيسنى تأمينه موفق اولان توفيق پاشا حضرتلى اتفاقك تسريع حصولى ايچون قاينه ده

خارجیه نظارتی در عهده و قبول بیورہرق در سعادۃ متہی عزیمت بولندقاری صرہدہ باب عالی وقعہ مؤسفہسی ظہور ایتمشدر .

بو صورتہ قاینہ بی باب عالی یہ هجوم وایقاع جنایتلہ سقوط ایتدین اتحاد و ترقی جمعیتی ایسہ جنایت ایچندہ جنایت اجرا ایتمش ایدی .

چونکہ بو وجہلہ موقع صدارتی ترک ایدن کامل پاشا حضرتلری بر مدت دہا مسند صدارتہ قالمش اولسہ لر بو اتفاق عقد ایدیلور ، دولت و مملکت مزدہ بوکونکی فلاکت واضع حلالہ معروض قالمز ایدی .

جمعیت اتحادیہ اشرا و اشقیاسنک منفعت ذاتیہ و شخصییہ لری اوغرندہ اجرا ایتدکلری جنایات تعداددن خارج وایکی دفعہ کامل پاشا قاینہ سنہ اوردقلری ضربہ ایسہ بو جنایتلرینک الک مدہش و جیمی اولدینغدن آرتق بو جمعیت وافرادی حق حیاتدن کندیلرینی محروم ایتک زماننک کلدیکنی و دولت و مملکتہ ایتدکلری فنا لقلری کوز اوکنہ کتیرہ رک نام و شانلرینی عالم بشریتدن سیلمک ایچون برر برر انتحار ایدہ رک وردزبان ایتدکلری ناموس کلمہ سنک معنای حقیقیسنی بالفعل ارائہ و اثبات ایتلیدر لر .

دولتمزک انکلتزہ دولت معظمہ سیلہ عقد ایدہ جکی بو اتفاقدن نہ مرتبہ تامین منفعت ایدہ جکنی ایضاحہ حاجت یوقدر .

ایشتہ پیر سیاست تدبیر کامل پاشا حضرتلری کیجہ وکوندوز راحتنی سلب ایدہ رک دولتمک تامین استقبالنہ چالیشمشدر .

ذاتاً اوزاغی کورمک خاصہ سنہ مالک اولان مشار الیہ حضرتلری دولتمک و مملکتک بوکونکی فلاکتہ اوغرایہ جفنی بر چوق سنہ اول کورمش ویدی سنہ اول برای تبدیلہوا مصردہ بولندیغی صرہدہ استقبالدہ کلہ جک اولان فلاکتک اوکنک النمسی ایچون سلطان محمد خان خامس حضرتلرینہ آئیدہ عیناً صورتی مندرج عریضہ بی تقدیم وارسال ایلہ ابراز آثار حمیت و صداقت بیورمش ایدی .

— عریضہ صورتی —

جناب رب منان ولی نعمت بی امتنان افندمن حضرتلرینک عمر و اقبال ، شوکت و اجلال شاہانہ لرینی مز داد بیورسون .

شو بولندیغمز حال خطرناکک تأثیری تحتندہ اولانلرک جدأ مضطرب و دلخون

اولاملری ناقابلدر . احوال ادارهٔ ملکیه و سیاسیه بی وقوف اولان اتحاد و ترقی جمعیتک نفوذ و تحکیمه تبعاً حکومتک سالک اولدینی مسلك سقیمک انتاج ایتمکده اولدینی عال و مشا کل و مهالک تحلیل و تدقیق اولندقجه ممالک دولت علیه نک انقسامه معروض بر حالده و خلافت سنییه نک تهلمکده اولدینی نمایان اولور . فی زماننا سائر دول معظمه یالکزکندی قوتلرینه استناد ایله حقوق و منافع مخصوصه لرینی تأمین ایدهمیه جکریبی ادراک ایدهرک منفعتده مشارکته مستعد و طرفدار دیگر دولترلرله عقد اتفاق و بوصورتله موازنهٔ دولیهده موقعلرینی تحکیم ایلدکاری حالده دولت علیه نک بوکا موفق اوله مامسی یالکزلقله دیگر دولت و ملتلرک احتراصات و تعرضاتنه معروض بر وادیٔ انفراد ده قالمسنه بادی اولمشدر . شرقده منافع تجاریه و اقتصادیه سی اولان دولترلر دن مسلك سیاسیلرینه الک زیاده اعتماد ایده بیله جکمز انکلتزه ایله فرانسه اولدینندن دور سابقده انکلتزه نک مظاهرتنه نائلیمز ایچون اتفاقه خاقان سابق اماله یه نه درجه چالیشدیغم خاطرات عاجزانه مده مبین و باب عالی قیودیله مبرهندر . نه چاره که سلطان عبد الحمید حضرتلری روسیه محار به سی مغلوبیتک تأثیری تحتنده انجذاب خوف ایله سلامت نفسی روسیه نک اتفاقنده آرامقده و دولت مشار الیها دخی و سائط مخصوصه سیله سلطان عبد الحمید حضرتلرینک دوستلغنی کندی طرفنه حصر ایتک ایچون بالجمله مساعدنی ابدال و باخصوص روسیه نک اول وقت رقیبی اولان انکلتزه بی نظر شاهانه یه عدوا کبر کبی ابراز ایلیمکده ایدوکندن معروضات عاجزانه مله خنکارک تحویل فکر ثابتی قابل اولما بوب بناء علیه دولت علیه بین الدول معینسر قالمغله بعض دولتلرک احتراصاتنه معروض قاله رق روسیه و آوستریا پولتیقه سی آره سنده روم ایلی قطعه سی الدن کیتک درجه سنه کلمش ایکن بعنایه الله تعالی انقلاب مسعودک وقوعیله قانون اساسینک اعلانی اوزرینه ولایات ثلثه دولتین مشار الیهما نک تشبثات مضره سندن قورتیلوب مع مافیه عموم تصور اتندن اولان بلغارستانک استقلالی اعلان و بالنتیجه بوسنه — هر سک دخی آوستریا ممالکنه الحاق اولمشدر .

جمله نک معلومی اولدینی اوزره تاسیس اولونان حکومت مشروطه نک اتخاذ و تعقیب ایلدیکی مسلك سالم داخلاً و خارجاً عمومه امنیت بخش اولسیله ادارهٔ دوات تحت انتظامده دورانه باشلا یوب درحال ممالک عثمانیه نک ثروت طبعیه سی موقع انتفاعه وضع ایله معموریت و ترقیاتنه خدمت و معاونت مقصیدیه بالجمله

اوروپا سرمایه دارلرینک قاصه لرینی آچمش اولدقلرینی مشاهده ایدن اتحاد و ترقی جمعیتک منفعت پرستانی اشو ابواب ثروتک کشایشنی دعوت ایدن حال حکومتک حائز امنیت اولماسندن منبعث اولیوب طبیعی برشی اولدینی و بناء علیه کندیلری دخی اداره حکومتی اله آلمش اولسه لر هم کندیلری هم مملکت استفاده ایده جکی ظنیه مناسب بوسیله اتخاذ ایدرک انفصال عاجزانه می وقوعه کتیرمشر و کندی منسوبلرندن مرکب بر هیئت حکومت تشکیله اداره بی اله آلمشردی .

بو صورته زمام حکومتک از باب اختلالک اللرینه کچدیکنی کورمش اولان سرمایه داران در حال چکیلوب امور نافعہ تشبثاتک کری قالدینی و بعده احداث اولونان اختلالرده نصل قانلر دوکولدیکی مستغنی عرض اولوب الحاصل ژون ترک نامیه تشکل ایدن جمعیت حکومتی چونکه حکومت مشروطه قاعده سی اوزرینه انفاذ احکام ایده مدیکندن اداره عرفیه اعلانیله احوال اداره مستبدیه یی اعاده ایدرک کرک مرکزده و کرک ولایاتده امور آشنا مامورین آچیه چیقار یلوب برلرینه جمعیه منسوب آدملر نصب ایدلمسیله بونلر تجربه دیده و کار آزموده کیمسه لر اولدیفندن جمعیتک تعلیماته تبعاً اتخاذ ایلدکلری مسلك سقیمده اهالی بی دلگیر ایدرک آرنائو دلق ، عربستان و یمن ده وقوعبولان اختلالاتده کرک عساکر شاهانه دن و کرک اهالیدن بیهوده قانلر دوکولمش و ملیونلرجه لیرالر صرف و هدر اولوب جمعیت حقنده نفرت عمومیه یی دعوت ایتمکدن بشقه بر نتیجه حاصل اولما مشدر .

بعده جمعیتجه عالمه میدان اوقورجه سنه اظهار اولونان طور و حرکت دول متحابه یی دلگیر ایدرک بو حاله قارشى حکومت متجاوره تدابیر لازمه اتخاذینه مسارعت و دیگر دولتلر نتیجه حاله مدنظر دقت ایلدکلری صروده ایتالیا دواتی سفارتک برنجی نوطه سنده مبین اولدینی اوزره دوات علیه دکل جمعیت علمینده اوله رق اعلان حرب ايله طرابلس غرب و بنغازی بی ضبط و استیلا یه قیام ایلمشدر .

مخل عهد اولان بو تعرضه قارشى انکلتزه : فرانسه و روسیه دولتلرینک بیطرف بونملری معنیداردر بو درس عبرت بزه کافی اولمزه دیگر تجاوزاتده انتظار اولملیدر .

بوروش حالک صوکی (لا سامح الله) مقاسمه در . بوکونکی کون کرید ايله روم ایلی قطعه سی مقاسمه یه مروضدر . بوبابده کی حسیات عاجزانه مک مستند

اولدینی معلوماتی تحریراً تقدیم ایدهم. جمعیت اربابی حقایق احواله واقف اولسه لر هم دولتک همده کندی نفسلرینک سلامتی ایچون امور اداره حکومت مدخله دن ال چکدرک امور خیریه ایله اشتغال ایلملری اقتضا ایدر. عکسکی تقدیرده خاقان سابق زماننده استبدادی اورته دن قالدیرمق ایچون ظهوره کلن وقعه خیریه مثل وینه اردوی هایونک اشتراکیله قریباً وقوعی طبیعی اولان اختلال شمдіکی استبدادی دخی محو ایده جکی شبهه سزدر.

افکار عمومیه آوروپاده دخی ایتالیا نك تجاوزات غیر محقه سی علمینده ایسه ده حکومتلر ایچون تبدیل قراره بوکافی دکلدر. آلمانیا کندی متفقلری اولان ایتالیا و آوستریا نك منافعه مظاهرتدن آیريله ماز.

انکلز حکومتنک بولندینی حال بی طرفیدن چیقوب دولت علیه نك حقوقنی محافظه ایده بيلمسی اسبابی بزم استحقار ایله مه ممز لازمدر. انکلتره ایله طریق ائتلافه کیرمک ایچون شوصرده بوراجه ایو بر زمین سالم حاضر لانمش ایسه ده بو طریق کیرمک، اورته ده حائل اولان جمعیت خفیه نك رفعیله ممالک عثمانیه ده حکومت مشروطه نك تأسیس و مظاهرتنه متوقف اولوب بوده اداره عرفیه نك رفعیله مجلس مبعوثانک هیئت حکومت طرفدار و یا خلا فکیر فرقه لک کرک وضع قوانینده و کرک وکلانک اجرا آتی مراقبه ده هیچ بر طرفک نفوذی تحتنده اولمیه رق مذاکره مواد و اعطای رایه سربست اولمزلندن عبارتدر. انکلتره ایله میانده حاصل اوله جق ائتلافه فرانسه ایله روسیه نك اتباع ایده جککری درکاردر. اگر جمعیت اربابی بو ایضا حاته قانع اولمازلرسه کندیلر یله بالاجتماع تعاطی افکار ممکندر. کوره لم: اولاداخللاً اهالیجه جمعیت علمینده پیدا اولان نفرت عمومیه نك ازاله سی قابلمیدر؟ ثانیاً: جمعیتدن دلکیر اولان دولت و ملتک توجیه اتنی جمعیت لهنه چویرمک ممکنمیدر؟ اگر قابل و ممکن ایسه بو باده جمعیتجه دوشونیلن چاره نه در؟ ممالک عثمانیه بی مقاسمه یه مبدأ اولق اوزره ایتالیا نك بزه آچدینی محاربه نك اوکنی و سفک دماء و قوعنی منع ایله طراباس غرب و بنغازی بی استیلادن قورنارمق ایچون قغنی قوته استناد اولنقدده در؟ هر نه شق ایله اولورسه اولسون بو ولایتک تخلیصی امید ی ضعیف اولوب بورالری الدن کیدرسه کرید مسئله سی ذاتاً بین الدول موضوع بحث اولمسیله بونک دخی علمهمزده حل اولنمسی بالقان حکومتلرینک حرصنی تحریک ایده جککدن آچیله جق غوائل کلیه یه بلا معین بالکزر اردوی

هائون ايله نصل مقابله اولنه بيله جك و بو غوائل ايله مدت مديده اوغراشمق
 مليونلرجه ليرالر صرفنه محتاج اولديغندن نره دن ونه وجهله استقراض عقدى
 ممكن اوله جق ؟ معاذ الله تعالى روش حال بورالره قدر وارير وروم ايلي قطعه سى
 الدن كيدرسه ، چونكه جمعيت طرفندن مصرده حزب الوطنى تحريك ايدلسندن
 طولابى خديويت مصريه جمعيتدن منفعل وانككتره دخى عين حالدن دلكير
 اولدقلرندن بويله بر مقاسمه حالنده مصريلرده دولت عليه نك مصرى حمايه
 اقتدارى قالمديغى اعتقاديله خديوك سلطنت سنيه لرينه اولان صداقتنه رغماً
 بلغارستان كې مصر ك استقلالنى اعلان وانككتره نك مصرده وسودانده اولان حقوق
 و منافعى تامين ايچون ميانه لرنده معاهده عقدينه قيام ايدجك اولدقلى تقديرده
 جمعيتجه بونك معنى نصل ممكن اوله جق ؟ و بو حالده بمن ممالك عثمانيه اولان
 ارتباطنى فك ايدجك شېه سز اولديغندن حجاز ايله خلافت سنيه نك حال
 و موقعى نه شكل آله جق ؟ روسيه شمديدن بوغازلر مسئله سنى ميدانه قويوش اولقله
 اناطولى جهتنده بزملة نه رول اوينايه جق ؟ بورالى شايان تفكر مطالعاتدن
 اولمغن جمعيتك احوال معروضه حقنده عمومه قناعت بخش اوله جق جوابلرى
 هر نه ايسه بيان ايتملرى و چونكه بونده مقصد اصلى سفك دماء و وقوعك معنى
 ماده سى اولوب وخامت جاريه نك حاضر لامقده اولديغى اختلالك ايلك هجومه
 جمعيت اربابى هدف اوله رق طرفدارلى دخى تعقيبدن تخليص كريبان ايدميه
 جكلى روش حالدن استلال ايدلمكده اولمسيله هم وطنك هم ده جمعيتك اويله
 بر حال هولنا كدن وقايه سى ايچون جمعيت اتحاديه حكومت اجرائيه نك مسئوليتنى
 كندى عهده سنده ابقا ايدرك هلاكه معروض قالمقندن ايسه امور حكومته جاهلانه
 مداخله دن فراغت و جمله يه اعلان كيفيتله بعدما حكومتك حمايه سى تحتنده امور
 خيره ايله اشتغال ايتلىرلى اولى اوله جق جهتله مجلس مبعوثان اعضاسندن جمعيتك
 منسوبينيله خلافيگيراندن مركب بر قوميسيونده مذاكره مصلحتله قرارينك حضور
 على جناب شريار يلرينه عرض اولنسى واليوم امارات ظاهره يه كوره مقاسمه يه
 معروض اولان وطنك سلامتيله برابر خلافت سنيه لرينك دخى خللدن صيانتى
 امراهمك بلا افاتة وقت تحت تامينه آلمسى خصوصنه اراده وفرمان بيورلمسى بابنده.

صدر اسبق

قوللىرى

كامل

۷ كانون اول ۱۳۲۷

یدی سنه اول شویازیلن عریضه دولتک آتیا اوغرایه جفی فلا کتی جمله به ارانه ایلدیکی حالده بونک نظر مطالعه وندقیقه ییله التمسنه تنزل ایلدیهرک جمعیت اتحادیه طرفندن بر طاقم افترازله کامل پاشا حضرتلری علیهنه قیام وهجوم ایلدلمش وعریضه طنین غزته ییله ومزاردن برسس سرلوحه سیله عیناً نشر ایتدیریلوب پاشای مشار الیهک سیاستی قوقمش وکندیلرینک میدان سیاستدن قالمش وأولمش اولدقلرینی اوتانمدن اعلان ایتدیرمش ایدی .

اتحاد وترقی جمعیتک حرکات جنائیه سی یوزندن کامل پاشا حضرتلری برنجی مشروطیت قاینه سنده موقع اجرابه وضع ایده جگکری برچوق مواد مهمه نک تطبیقنه وقت بوله مدقلری کبی بو دفعه کی صدارت لرنده دخی ینه اوسبدن انکلتزه اتفاقیه سائر کونا اصلاحات تشبثاتی عقیم قالمشدر .

دولت وملتزمک طالع وقدرندمیدرکه . بزده یتیشن اعظم رجال سیاسیه شمدی به قدر هرنه به تشبث ایتسه لر مطلقاً قارشولرینه بر انکل ویابر رقیب ظهور ایدر واوذا ت تصمیم ایلدیکی مسائل مهمه یی اجرابه میدان بوله مقسزین ترک موقع ومأموریت ایلر .

بو جمله دن اوله رق ییوک رشید پاشا ایله عالی وفوآد پاشا لرنده اصلاحات وتنظیمات دولت حقنده کی تصورات وتصمیماتلرینی موقع تطبیقه وضعه مقتدر اوله مدقلری تاریخده کورلمکده در .

کامل پاشا حضرتلری دور سلطان عبد الحمید خانیده کی برنجی وایکنجی صدارت لرنده دخی اصلاحات دولته متعلق اجراسنی تصمیم ایلدکری برچوق مواد مهمه یی موقع تطبیقه وضع ایده مامش ایدی .

ازجمله اناطولی ، روم ایلی ولایاتی اصلاحاتی وارمنی مسئله سنک تسویه سی ، امور اداره حکومت ومالیه نک تنظیم واصلاحی وبوکا مائل سائر کونا صورت تطبیق واجراسنی لازم کلن مواد هب تاخره وعدم قبوله اوغرا دیله رق عقیم براقلمش ایدی .

حتی ایکنجی صدارت لرنده کامل پاشا حضرتلری اناطولی وروم ایلی اصلاحاتیه ارمنی مسئله سنک حلنه ومجلس مبعوثانک کشادیله دولت وملتزمک رفاه وسعادتنه خادم اجراآت حکومته دائر تخریر وتنظیم یوره رق سلطان عبد الحمید خان حضرتلرینه عرض وتقذیم ایلدکری لایحه مفصله اوزرینه منهوراً ومنکوباً

صدارتدن عزل اولنه رق وهان درسعادتی ترك ایتك اوزره حاضرلانا واپور
خصوصله تعیین اولندقلری حلب ولایتی والیلکنه عزیمتلی تبلیغ اولنش
ودولتخانه لری برچوق مأمورین خفیة وتفنگچی ویاوران پادشاهی طرفندن
تحت مراقبه وترصده انمشدر .

خاطر عاجزیده اولدیغی اوزره پاشای مشار الیه حضرتلری تعیین بیوردقلری
حلب ولایتنه عزیمتدن استنکاف ایله تقاعدینک اجراسیله استانبولده قالمسنة دائر
بالتحریر تقدیم حضور پادشاهی ایلدیکی عریضه اوزرینه ترصداات واقعه
تعرضاته قلب اولنش ودولتخانه لرینه کیدوب کلمک ایستیان سفراوساثر ذوات
کرامک دخوللرینه بیله ممانعت ایلدیش ایدی .

بو حال ایله درسعادته اقامت ایده میه جککرینی تفکر وتأمل بیوران کامل پاشا
حضرتلری پک زیاده سودکری ازمیره عزیمتله اوراده اختیار اقامتی ترجیح
بیوردقلرینی عتبه علیایه عرض ایتلملی سراجیه بر غنیمت غیر مترقبه عداوانه رق
آیدین ولایتک عهده نخمیانه لرینه توجیهیله تهیئه واحضار ایتدیریلان ازمیر
قرووا زور هایوننه راکباً در حال در علیه دن عزیمتلی خصوصنه اراده سنیه
پادشاهی شرفصدور بیورلمغله بالضروره عزیمت واون بر سنه ازمیر والیلکنده منفیاً
ومنکوباً قالمشدر .

دولت ومملکتنه ایتدیکی خدمته مقابل ومکافاة اولمق اوزره شووجهله منفیاً
اعزاملرندن طولانی اصلا فتور کتیر مامش وازمیرده بولندقلری مدتجهده اصلاحات
واقعه نك اجراسی ایچون ذات شاهانه یه مراجعت ومراسلاتدن کیرو
طور مامش ایدی .

ازمیرده بولندیغی اون بر سنه لك بر مدت مدیده ظرفنده اصلاحات حقنده
واقع اولان بو مراجعتلری اوزرینه اوچ ، درت دفعه مسند صدارته تعیین
بیوریلهرق درسعادته عودتلی حقنده اراده سنیه پادشاهی نی اخذ وتلقی ایلمشدر
سهده عقینده درسعادت آلمانیا سفیری بارون مارشال دوپیرشتاین جنابلرینک
ایمپراطورک امریله چویردیکی دولاب فساد عزیمتلینک تأخیرینه سبب
اولمشدر .

اون بر سنه ازمیر والیلکنده بولندقدن صکره ینه آلمانیا ایمپراطور وسفیری ایله
اوهنکامده موقع صدارته بولونان فرید پاشا حضرتلری رقیبی عد ایلدیکی کامل

پاشای ولایتدن عزل ابتدیرمکه موفق اولدقلری کبی ایکی قاتلی نقی دیمک اولان ردوسده اقامتیرینه ده اراده سنیة پادشاهی بی استحصالی ایلدملردی .

بونک اوزرینه ازمیزدن محفوظاً ردوسه اعزاملرینه ازمیر فرقه سی قوماندانی فریق توفیق پاشا ایله تعقیب اشقیایه مأمور میرلوا قره سعید پاشانک مأمور ایدلدکلری فی خبر الان کامل پاشا حضرتلری طوغریجه انکاتره نک ازمیر قونسولوسخانه سنه عزیمتله قونسولوس « مستر هنری الفرد قومرباج » جنابلرینه برهفته قدر مسافر اولدیغندن انکاتره حکومتیله دولت علیه عثمانیه خارجیه نظارتلری بیننده جریان ایدن اخبارات نتیجه سنده مشار الیه کامل پاشا حضرتلری هر درلو تعرضدن مصون وآزاده قالمق وعائله محترمه لری حقننده ده عین معامله ایفا واجرا قلمق اوزره درسعادته اقامتیرینه قرار ویرلدیکندن بر موجب قرار در علیه یه عزیمت و طرف شاهانه دن نشان طاشنده احضار ایتدیریلن قوناقدی اقامت بیورمشلردر .

مشار الیه کامل پاشا حضرتلری ابتدای انقلابه دکین برسنه قدر مذکور محله اقامت ایتدیلر .

کامل پاشا حضرتلری رشید و عالی وفوآد پاشالر کبی زماننک اعظم رجال سیاسی سندن اولدقلری حالده مع الأسف قدر و قیمت نهمانه لرینی تقدیرده اظهار عجز ایدلمش واو ذات نادر الوجود دن دولت ومملکت ایچون بر چوق استفاده تاملن ایدلمک قابل ایکن بوجهته بر درلوموانع ورقابت ایله عقیم بر اقدیرلشدر .

مشار الیه حضرتلری بالاده ایضاح و بیان اولندیغی اوزره قایینه سنک بر صورت غدارانه وجنایتکارانه ده سقوطی اوزرینه مصره عزیمتله بر مدت مصرده اقامت ایتدکدن صوکره درسعادته عودت ایتمش ایسه ده اتحاد وترقی اشرا واشقیاسنک هجومه معروض قاهره ق اوچ ، درت کون اقامتله درسعادتی ترک مجبور ایدلمش ایدی .

استانبولی ترک ایله تکرار مصری تشریف بیوران کامل پاشا حضرتلری بر مدت دهامصرده اقامت ایتدکدن صوکره مسقط الرأسلری اولان قبریس اطه سنه عزیمتله لفقوشه شهرنده اختیار اقامت وعزالت بیورمشلردر .

بو صورتله بو رالده اقامت ایتدیریلن کامل پاشا حضرتلری دولت ومملکتتمزک استقبالده کوز کوره کوره اوغرایه جفی حال خطرناکی تخطردن برآن خالی قالمدیغندن حکومت اتحادیه جه بونک حسن صورتله اوکفی آلق متعسر و بو اختلاجیلر انده

بولونان مملکتی قورتارمق غیر ممکن اولدیغنی در پیش بیورهرق محزون ومکدر اولدیغندن کوندن کونه عارضه وجودیه لری اشتداد ایتمش وسنلری ده ذاتاً جد کاله ایرمش اولغله مقهوراً ومنفعلاً ترك دغدغه حیات ایتمکه نیش مغفرت نقشاری قبریسک مرکز حکومتی وکندیلرینک مسقط الرأساری اولان لفقوشه شهرنده واقع عرب حسن جامع شریفی خطیره سنده کی مدفن مخصوصه ودیمه خاک غفران قلمشدر .

(جناب حق غریق رحمت ومظهر غفران بیورسون)



کامل پاشا مرحوم الی سنه دنبری بزه یتیشن اعظم رجال سیاسیه میاننده برنجیلکی احراز ایدن افاحم وکلای سلطنت سنیه واکبر رجال سیاسیه دن برزات نادر الصفات ایدی .

مرحوم مشار الیه دولت وملتک هر درلو حرمت ومحبتنه وتحسین وتقديرینه سزا ولایق ایکن مع التأسف غدر وظلم وهجوم رقبادن ازاده وخالی قالمدیغنی جهتله سنه لدنبری روی راحت کورمامش وخدمات متعدده روزکار ایله داغدار اوله رق ارتحال دار نغم ایلمشدر .

مرحوم کامل پاشا امور کلیه وجزئییه نك رؤیت وتمشیتنده حرکات مردانه سیله مشهر وهر سوزی مشمر ومؤثر بر وزیر صاحب وقار ایدی .

خاندان سلطنت عثمانیه یه پاك زیاده حرمت وعبودیت پرورده ایدردی .

مشار الیه حکیم ، مدبر ، سرعت انتقاله مالک ووقور ومکین ومتین اولغله برابر درویش نهاد وپاك اعتقاد وهیچ برفرده قارشى بغض وعداوت بسله مز اخلاق حسنه واوضاع مستحسنه یه مالک بر وجود پاك وقیمتدار ایدی .

والحاصل مرحوم کامل پاشا اداره امور معتنا بهاده اسلاف واخلافتنه فائق وکمال درایت وصدق واستقامتله مجبول اولدیغنه بناء وجودی دولت وملته لازم ایدی .



محمود شوکت پاشانك صدارتی — کامل پاشا قایینه سنك اتحاد وترقی اشرا واشقیاسی طرفندن بر هجوم غدارانه وجنایتکارانه ایله سقوطی اوزرینه

کیجه لین موقع صدارته کن نحاتلو دولتلو محمود شوکت پاشا حضرتاری مسند
صدارته مأموریتک فرداسی کونی قایینه سنی تشکیل ایدهرک ایشه باشلامشردر .



صدر اعظم محمود شوکت پاشا حضرتاری

S. A. Mahmud Chevket Pacha (Grand Vezir)

رقیبی عد ایتدیکی کامل پاشانک ترک صدارت ایتسندن ممنون اولان کوچک
سعید پاشا دینمکله معروف صدر اسبق سعید پاشا حضرتاری محمود شوکت پاشا ورققا
سنک موفقیت واقعه لرینی تبریکه شتاب ایله باب عالی یه کلمش ایدی .
بو وجهله باب عالی یه کن سعید پاشایه صدر اعظم پاشا حضرتاری طرفندن
شورای دولت ریاستی تکلیف ایدلمش ومشار الهمده مع الامنونه قبول ایله حقیقه
کوچکلیکنی کوسترمشدر .

موقع صدارته ارتقا ایدن محمود شوکت پاشا وقایینه سی ارکانی جمعیتک
منسوبینه تبلیغ واعلان ایلدیکی کبی اوزمانه قدر هیئت سابقه وکلا طرفندن
دولت ترک نوطه سنه ادرنه نک حکومات متفقیه ترکی تکلیفنه موافقتله صلاح جهتی

الزام اولنديغى اعتقادنده بولندقلرى حالدە مجلس وكلا اوراقنك مطالعه سنده نوطه به هنوز جواب ويرلديكى ونوطه نك محتوياتنه نظراً مصالحه طريقيه سلوكدن بشقه دولت عثمانيه ايچون چاره سلامت اولمديغى اكلامش اولميدرلر كه ، ادرنه شيريني مريچ نهرندن ابكى به بولهرك استحكاماتى دخى اولان بر قسمى بلغارستانه ترك ايله ماعداسى دولت عليه عثمانيه به قالمق وتعويزات جيتى ايچونده قابيتولا سيونلرك اغويله برابر اجنبي پوسته خانه لرينى دخى قالديرمق كى بعضى تقييدات ايله مصالحه به حضر ومتمايل اولدقلرينه دائر دولتره جواب ويرمشلردر .

بو جوابلرينه بلغار حكومتى هيئت اختلاليه ايله صلح مذاكره سنه نزل ايتامكه قرار ويرديكى كى تكرار محاربه به بدأ ومباشرت اولنسى حقهنده بلغار اردوسى باش قوماندانى جنرال صاووفه امرويرهرك مقابله ايلمشدر . بلغارلر طرفندن باشلانيلر ايكنجى حرب به اردوى هايون دخى مقابله به مجبور اولمشدر .

بو وجهله تكرار بدأ اولنان محاربه دن بر فائده استحصال اولنه ميوب بيكرجه عساكر عثمانيه شهيد اولمش وانور پاشانك مجنونانه حركتيله بولاير وشاركوى جهتلر ندهده برچوق اولاد وطن دكره دوكديرلمش وسابق قاينه طرفندن ادرنه ، اشقودره ، ويانيه قلعه لر ندهكى طوپرله اسلحه وسائره نك دولته تسليمى طلبي قالدقن بشقه مذكور قلعه لر ده محصور عساكر شاهانه دن بيكرجه افراد تلف وشهيد ايتديرلمش وقلعه لر طوپريله تفنكريله عسكريله دشمن انه دوشورلمشدر . شدت سرمادن وخسته لق وسائره دن ويريلن تلفاتده بشقه در .

بو ايكنجى محاربه آثار توفيق زرهليسى ايله برقاج كمينك غرق اولمى موجب اولدى .

شو محاربه دولته برقاج مليوناق مصارفاته قيو آچديغى كى ادرنه ، اشقودره ، يانيه قلعه لر نده بولونان واثمانى مليونلرجه ليرالره بالغ اولان اسلحه ومهمات حربه يي ده بو مصارفاته ضم ايتمك لازم كلور .

وكلاى سابقه طرفندن دولت عليه عثمانيه نك شان وشرفيله متناسب بر صورتده حاضرانان وحصونه موفق اوله جقلرينه ده هيچ شبهه ايديله ميان مصالحه نك عقدينه قاينه يي ده ويرهرك حكومتى اله الان بوجانى اختلاجيلر بالطبع

موفق اوله میهرق اولجه ویردکلی نوطه ایله ترکنه حاضر اولدقلری ادرنه نك یاریسی یرینه بتون ادرنه یی ترک ایله (اینوز) و (مدیه) خطی حدودینی قبول ایلمشلردر .

کامل پاشا قایینه سنه اهانت وخیانت عطف واسناد ایدن بوجانی دیپلماتلرکندی یایدقلری بو مصالحه ایله علامه اسناد ایلدکلی اهانت وخیانتی کندیلری قبول ایتمش و ذاتاً خائن و جانی اولان بو هیئت جدیده حکومت ملت عثمانیه یه دکل عالم بشریته دنائت وخیانتی اکلتمشدر .

بو قایینه نك شو وجهله آچدیغی مصارف یوزدن کوندن کونه مضایقه مالیه درجه نهائییه یی بولدیغندن مأمورین و مستخدمین دولت وایتام و ارامل و سائر بالجه محتاجین و بیچارکانه معاش و یر یله میوب آچلقدن هلاک درجه سنه دوشورلدی . استقراض چاره سنك تحریسنه تشبث ایدن بو قایینه املاک امیرییه یی دکرندن پك دون بر فیئاته صاعدی .

ینه استقراض ایچون قانونسز وقاعده سز برحق امتیازات ویردی . داخلده و خارجده عدم امنیته مظهر اولان بو حکومت ممالک عثمانیه ده ساکن ملل مختلفه یی کندی باشلرینك چاره سنك تحریسنه وسیله اولدی . اقوام مختلفه بشقه بشقه دوشنمکه باشلادی .

حمود شوکت پاشا قایینه سی اردو قوماندانلرنندن الك دکرلی و ناموسلی ذواتله کامل پاشا صدارتنده تعیین اولونان مأمورین و سائر یی برر برر تبدیل و عزل ایله بعضلرینی درسعادتن نفی ایلدی .

عقلی و کیفی برطاقم یولسز اقلر اجرا وایفا سنه ده باشلادی . بوسره ده بالقان حکومت متفقه سندن بلغار و صربلیلر ییننده ما کدونیا و آلبانیانك تقسیمی مسئله سندن طولانی تحدث ایدن کرکینك ایکی متفق آره سننده حربی انتاج ایلدی .

بلغار و صرب ییننده ظهور ایدن بو حربدن دیگر متفقلری اولان یونانیلر استفاده یه شتاب ایدوب (قواله) و (درامه) و سائر بعض شهرلری ضبط واستیلا ایتدیلر .

بو حالدن رومانیا حکومتی دخی مستفید اولق سوداسنه دوشه رك دو بریجه وحوالیسنی ضبط ایلدی .

دولت عليه عثمانیه ك بوفرصت غیر مترقبه دن حصه مند اولسی طبیعی ایدوکنندن اردوی هایون (ادرنه) اوزرینه یورویوب (ادرنه) بی ید دشمندن تخلیصه موفق اولدی .

شو موفقیت رأس کارده هر هانکی حکومت بولنورسه بولسون استحصالی آسان اولان بر حال اولدیغی وایکی کره ایکی درت ایدر قییلندن بر مسئله اولوب شایان افتخار بر شیء اولدیغی حالدده اتحاد وترقی جمعیت و حکومتی امثالی مثللو شارلا تانلقه باشلایه رق (ادرنه) بی آلدق نغمه سیله اها لینگ کوزینی بویامغه و بوندن ازهرجهت استفاده به باشلادی .

بالقان حربندن بر مدت اول طرابلس غرب ایله بنغازی بی واون ایکی بیوک وکوچک اطه بی ایتالایه ویرن وین جهتنی الدن چیقاران مذکور جمعیت و حکومتی بو محاربه ده ده اشقودره ، سلانیک ، قوصوه ، مناستر ، یانیه و لایقریله کرید بزم جانز فدا اولسون قانیمز نغمه و نقراتیله بیکارجه اهای بی بالاغقال زقاق ، زقاق طولاشدیردیغنی اونوتمش اولمی که (کرید) ولایتی ده دول متفقیه ضبط واستیلا ایتدیردی .

مع مافیه (ادرنه) بی آلدق سوزیله مملکتده بر مدت ده ا اجرای ظلم و حکومته میدان بولدی .

اتحاد وترقی جمعیتی میدان انقلابه آتدیغی کوندنبری وطن عزیزمک بر جزؤ مهمنی ایادی دشمنه ترک و تودیع ایلدیکی حالدده اذهان عمومیه بی تسمیم خصوصنده کی مهارت خارق العاده سنه آلدانیمان افراد ملت یوق کیمدر .

جمعیت اتحادیه نک بوشارلا تانلق و پروپوغاندا جیلغی حقه بازک کورولتی وشارلا تانلقی قییلندن بشقه بر شیء اولدیغنی کیمسه درخاطر ایده مدی دیسهک یالان سویله مامش اولورز .

بنابرین کرک اتحاد وترقی جمعیتک وکرک ناشر فیکری اولان طنین (*) پاچاو راسنک بو وجهله چیقاردیغی کورولتی ویاغره لره قایمیه جق و (طنین) ک ملی شاعری ، اسمی کیمسه به بکزه مز « کوک آلپ » بکک (طنین) غزته سنک ۲۶ تموز ۱۳۳۰ (۸ اغستوس ۱۹۱۴) تاریخلی ۲۰۲۱ نمره لی نسخه سنده کی :

(*) طنین — اختریء کبیده کوره سینکک ویزلایسی وقاز آوازی ومطلقا کورولتی معنارینه کلیر .

دوشمانك اولمكسى ويران اوله جق !

توركيا بويويوب « توران » اوله جق !

طرزنده سراپا هذيان آميز « قيزيل داستان » نه آلدانه جق آرتق

صاف دل بر فرد تصور ايديله مز .

ايشته بويايغردجي شارلا تانلر اون سنه دنبري مملكتمزده توران اوله جق و دولت بويويه جك و اوج اعلايه چيقه جق كي سفسطه وهذيانلرله اهالي ني اغفال ايدهر ك دولت عليه عثمانيه ني بوكونكي حال فلاكت و اضمحلاله دوشور مشلردر .

مملكتك نصفني ويرمك وادرنه ني آلمق فتوحاتنه (!) مظهر اولان محمود شوكت پاشا قاينه سنك نشئه فتوحاتله (!) وطنده اجرا ايتديكي مظالم و اعتسافات قالمش اولديغدن بيزار اولان حيتمندان و وطنپروران محمود شوكت پاشا ايله قاينه سي اركاندن بعضلرينك و جمعيت اتحاديه قاتل قوميته سي اعضاسنك وجودلرندن دولت و مملكتي تخليص و تطهير ايتمك و مرحوم ناظم پاشانك قاني آلمق ايچون بر جمعيت خفيه ميدانه كثير دككري ايشيدلمشيدى .

مسموعاتنه نظراً بو جمعيته ارباب حيت و وجداندن بر چوق ذوات داخل اوله رق ترتيبات مخصوصه دائره سنده قرار و بردكاري آدمارك وجوديني اورته دن قالديرمغه تشبث ايلمشر ايسده هرايشده اولديغي كي بونده ده عجله وياكلشلق يوزندن بر طاقم خطالره اوغراندلمش و كنديلريني ارباب حيت و وجدان كوستره رك داخل جمعيت اولان اتحاد و ترقى خفيه وفدايلرينك چو بردكاري دولاب تزوير بو مقصودك تماماً حصوانه مانع اولمشدر .

بو جمعيت خفيه ده داخل اولان اتحاد جيلر بر طرفدن جمعيت خفيه نك اسرار يني اتحاد و ترقى رؤسا سيله اوصرده استانبول محافظي اولان سوريه قصابي جمال پاشايه اخبار ايلمك و ديكر طرفندن ده مذكور جمعيتله برابر حركت ايتمك كي اهانت و دنائتي ارتكابدن چكندكاري جهتله بر طاقم كنچ وطنپرورانك اعدامنه و بيكرجه خلقك استانبولدن نفى و تفرينه سببيت و بردكاري دخي جمله رواياتنددر .

جمعيت خفيه نك و يرديكى قرار وجهله بركون ايچنده محمود شوكت پاشا دخي داخل اولديغي حالده ديكرلرينك قتلى مصمم ايكن يالكز محمود شوكت پاشانك قتلنه تعيين ايديلان فدايلرك وظيفه لريني ايضا ايتمسي و ديكرلرينك برر طرفه

صاووشوب کیتمی و بعضلرینک ده حکومتجه دردست ایدلسندن طولانی بواشک تمامی' حصولی تأمین ایدله مدیکی سویلنمش ایدی .

محمود شوکت پاشانک قتلنه مامور ایدیلن ذوات پاشای مشار الیه او نوموویلنده و نزدنده صدارت یاورى بحریه یوزباشیلرندن ابراهیم و حربیه نظارتی یاورانندن سواری یوزباشیسی اشرف بکار بولندیغی حالدیه یازید جهتنده تصادف ایلدکلرندن طویال توفیق ایله رفقاسی طرفندن انداخت اولونان روولور قوشونلریله صدر اعظم محمود شوکت پاشا حضرتلری و یاورى ابراهیم بك مقتول دوشمشار و فاعللى فراره موفق اولمشلردر .

محمود شوکت پاشانک شوصورتله وفاتلری موجب تأسف ايسهده مشار الیهك ابتدای انقلابدن وفاتلرینه قدر اتحاد و ترقی جمعیتی رؤسای شریره سنك آمال و مقاصد خائنانه و جنایتکارانه سنه اشتراك و یاردم ایتمی نتیجهسی اوله رق بو وقعه قتلى عادتا کندیلری تهیئه واحضار ایتمشلردر .

(رحمة الله عليه رحمة واسعة)



قورشونلردن برینه قضاء هدف اولان یاور ابراهیم بك وظیفهسی اوغرنده شهید اولمش و طنپور برکنج ایدی .

طبیعة نازك حلیم و سلیم ایدی . قضاء قدره رضادن بشقه بر چاره اولمادیغی جهتله بویولده وظیفه نظیفهسی اوغرنده شهادتی متوفای مومی الیه ایچون بادی شرف و افتخار و استقبالده دوات و مملکتنه خیرلی خدمتله ابراز ایتمی مأمول اولدیغندن مملکت ایچون موجب تأسف و تلهفدر .

(مولا غریق رحمت ایلسون)



مقتولین مشار الیهمانک نهشاری امثالی نامسبوق بر آلاى ایله قالدیریلهرق بك اوغلنده شیشلیده واقع اتحاد جیلر طرفندن حریت ابدیه تهیسه نامی ویریلن محله استحضار ایتدیریلن مدفنلرینه دفن ایدلمشدر .

محمود شوکت پاشانک وفاتی اتحاد مؤسسین ورؤساسنك معناً ممنونیتی موجب اولمش و مشار الیهك ضیاع ایدیسندن صوکره کندیلرنجه بویوک طانیدقلری و چکینه جکلری کیمسه قالدیغندن حنه حکومت و مملکتده خونریزانه و مجنونانه

معاملات و حرکات غیر مقبوله و غیر لایقیه باشلامشاردی .

صدر اعظم محمود شوکت پاشا حضرتلرینک ارتحالیه انحلال ایدن موقع صدارته اتحاد و ترقی جمعیتنه مالا ، بدنا خدما تی مسبوق اولان و برزمانلر جمعیت اتحادیه نك كاتب عمومیلککنده بولمق تزلنده بولونان امرای مصریه دن حلیم پاشا مرحومك خدوملرندن پرنس سعید حلیم پاشا حضرتلرینی تعیین ایتدیرمشلردر .



صدر اعظم پرنس سعید حلیم پاشا حضرتلری

S. A. Prince Saïd Halim Pacha (Grand Vezir)

سعید حلیم پاشانك صدارتی — مسند صدارت عهده لرینه توجیه ایتدیریلن نخامتلو دولتو سعید حلیم پاشا حضرتلری جمعیتجه تعیینلری تنسیب اولونان اشرای اتحادیه دن مرکب اولمق اوزره قایینه سنی بالتشکیل ایفای وظائفه بدأ ومباشرت ایلمشلردر .

ایلك اجراآت نخیانه لری محمود شوکت پاشانی قتل ایتدیرن جمعیت خفیه

منسوبینی در دست و توقیف و حبس ایتمك اوله رق باشلامشدر .

یالکز بونکه قالمیان صدر اعظم پاشا حضرتاری بو خفی جمعیتدن هیچ بر صورتله خبردار اولمیان و حق مذکور جمعیت منسوبین وافرادیك نام و نشانلرندن بیله معلوماتی بولنمیان و یالکز اتحادجیلره مخالف اولان بر طاقم حیتلی و طنپورانی دخی در دست و حبس و توقیف ایتدیرمش ایدی .

در دست ایدیلن ذوات حیتمدان انواع درلواذیت و اشکنجهلره معروض قالدقن صوکره سینوب قلعه سیله اناطولینك بعض محارینه نفی و اعزام ایدلمشدر . بو نر میاننده اماسیه مبعوثی میرلوا اسماعیل حق پاشا حضرتاری کبی ملتك مدار افتخاری اولان ذوات دخی موجود ایدی .

بو حبس ونفی اولونان ذواتك مقداری درت بش بیکی متجاوز اولدیغندن بوکرده شو حال ایله مملکته بردهشت دوری آچمشار و فکرلرنجهده مخالفته شدنلی بر ضربه اورمشلدر .

یکی تشکل ایدن بو جمعیت خفیه منسوبین و اعضاسندن بر چوقلریله محمود شوکت پاشانك قاتلنی و فعل مذکوره اشتراك ایدن دیگر رفقاسنی دخی در دستله دیوان حرب عرفی یه تسلیم و تودیع ایللمشلردی .

در دست و دیوان حرب عرفی یه تسلیم اولونان ذوات و طنپوران میاننده داماد حضرت شهریارى عطوفتلو صالح پاشا حضرتلریله ارکان حربیه میرالایرندن فوآد وکال بك افندیلر و مأمورین و ضابطاندن بر طاقم و طنپوران بولنیورلردی . جمعیت اتحادیه نك تحت امر و اداره سنده بولونان بو دیوان حرب عرفی امثالی مثللو بلا سوال ولا جواب دینیه لك بر صورتده بولنلردن بر چوغنی اعدام و مؤبد قلعه بند و كورك و مختلف مدتلرله توقیف و حبسه محکوم ایلدی .

اعدامه محکوم ایتدیکی ذواتی بایزید میداننده صلباً اعدام و دیگر محکومینی ده عكا و سینوب قلعه لریله ولایات سائره حبسخانه لرینه سوق و اعزام ایتدی .

بایزید میداننده صلباً اعدام ایدیلن حقیقی و طنپوران میاننده داماد صالح پاشا و میرالای فوآد بك . پولیس مدیریت عمومیه سی قسم سیاسی مدیری محب بك ، یوزباشی چركس كاظم بك ، بحریه یوزباشیلرندن شوقی بك ، قسطنونی فرقه سی قوماندانی فریق رضا پاشانك مخدومی ملازم محمد علی بك ، چركس حق بك و برادری چركس ضیا بك . طوپال توفیق بك ایله اسماری درخاطر اولنه میان

دها سکز اون قدر مملکتتمزك آتیا وجود لرندن استفاده ایده جکی دکرلی کنجاری عز وارایدی .

اعدامه محکوم ایدیلنلردن فراره موفق اولانلرک بعضلریده شونلردر . پیاده قائمقامی چرکس ذی بک ، نظمی پاشا زاده عبد الرحمن بک ، حکمت بک ، نظمی بکدر .

صلباً اعدام ایله شهید ایدیلن داماد صالح پاشانک موجب اعدام برحرکتی اولدیغی و خاندان عثمانییه صهریتی بولندیغی جهتله اعدامنه طرف اشرف حضرت پادشاهیدن ممانعت ایدلمک ایستندیکی حالدۀ ذات پادشاهی بی تهدید و ارادۀ سنیۀ نك صدورندن اول داماد مشارالیهی صلب و اعدام ایتمک جسارت و کستاخلغنه اتحاد و ترقی جمعیت ملعونه سی جرأتیاب اوله رق سلطان محمد خان خامس حضرتلرینی امر واقع قارشوسنده بولندیره رق ارادۀ سنیۀ استیصال ایلدکلی مرویدر .

دولت و مملکتہ خدمات فوق العاده و مقبوله سیله مشتهر صدر اسبق تونسلی خیر الدین پاشا مرحومک مخدوم عالیاری اولان شهید محترم داماد صالح پاشا حضرتلری رؤسای اتحادیه نك جمله سنه فائق و وجودلری اتحاد و ترقی جمعیتندن زیاده حرمت و محبت ملتۀ لایق اولدیغندن جمعیت اتحادیه جانیلری طرفندن شو صورتله مغدوراً و مظلوماً و صلباً اعدام و شهید ایدلملری سینه ملتۀ اونوتلار بر یاره آچمش و تاریخ عثمانییه عصر مدنیته بو یوک برلکه سورمشدر .

شهید مشارالیه داماد صالح پاشا حضرتلری حقلرنده اتحاد و ترقی جمعیت و حکومتی طرفندن اجرا ایدیلن بو حرکت خائنانه و جنایتکارانه دن بالطبع فوق العاده متأثر و متأسف بولونان حلیمه محترمه لری دولتلر عصمتلو منیره سلطان علیۀ الشان حضرتلرینی من غیر حد تسلیمت و تعزیتۀ جرأتی و جبیۀ عبودیت عد ایدر و سلطان مشار الیه حضرتلرینک زوج مکرملری شهید مغفور مشار الیه حقلرنده حکم و یرن و اجرا ایتدیرن جانیلرله رؤسای جمعیت و حکومتک عن قریب الزمان عدالت الهیه ایله محکوم و مجازاة قانونیه یه دوچار اولدقلرینی مشاهده بیوره رق مهمما امکن تسکین آلام و اکدار بیورملرینی جناب قادر المطلق حضرتلرندن تضرع و نیاز ایلرم .

پرنس سعید حلیم پاشا قاینه سی بو و بوکی بر چوق جنایات ارتکاب و اجرا سندن

صوگره دولت و وطنمز ایجون الی یوم القیام اونوتیله میه جق و تواریخ عالمده لغتله مظهر اوله جق صورتده بر جنایت عظیمهدها ایشله مشدر که هم کندیلرینی و همده دولت و مملکتی محو و پریشان ایتمشدر .

اوده « ۱۹۱۴ » سنه میلادیه سی تموزینک ۲۸ نجی کونی باشلایان آوروپا حرب عمومیه سنه آلمانیا ، اوستریا و بلغاریا دولتریلله بالاتحاد اشتراک ایتمشیدر .

بالاده اسامیسی محرر دول اربعه یه قارشی محارب اولان دولترده بونلردر . انکلتزه ، فرانسه ، روسیه ، ایتالیا یعنی درت آوروپا دول معظمه سیله امریکا جمهیر متفقه سی ژاپونیا دولتی ایله بلجیقا ، رومانیا ، صرب ، قره طاغ ، یونان ، پورتکیز حکومتلری ، چین ، سیام دولتلری ، کوبا ، یانامه ، بولیوی ، غوواتامالا ، سن مارن ، هوندراس ، نیکاراغا ، بره زیلیا ، سن سالواتور ، آیتی جمهوریت و حکومتلریدر .

بر طرفده درت و دیگر طرفده یکرمی درت که جمعا یکرمی سکیز حکومتک بر برلرینه قارشی اعلان حرب و قطع مناسبتی ایله حاصل اولان بو آوروپا حرب عمومیه سی تاریخ بشرده امثالی غیر مسبوق بر حر بدر . بویله تواریخ عالمده مسبوق اولیان بر حربک ظهورینه سبب یکنه آلمانیا و اوستریا دولتریدر .

حرب عمومیه سبب ظهوری حقنده بر نزهجک معلومات اعطاسیله قارشین کرامک افکارینی تنویر ایتمک فائده دن خالی اولمیه جغنی بالتأمل بعض ایضاحات و معلومات اعطاسی مناسب کورلمشدر .

« ۱۸۷۰ — ۱۸۷۱ » سنه لرده آلمانیا و فرانسه حکومتلری بیننده ظهور ایدن محاربه آلمانیا ک غالبیتی ایله نتیجه لشمش و آلمانیا امپراطورلنک تشککنه بادی اولمش ایدی .

بو محاربه نک آلمانیا دولتنه و یردیکی نشئه غالبیت و ملیار لرحه آلدیغی تضمینات حربیه دولت مشارالیهائی یک زیاده شمارشمش و عاداتا قاپنه صیغمییه جق بر حاله کتیرمشدر .

ایشته شوصورتله توسیع نفوذ و شوکت ایدن آلمانیا امپراطورانی اوتارینخن آوروپا حرب عمومیه سنک ظهور ایتدیکی ۱۹۱۴ سنه قدر بلا فاصله قرق درت سنه اردو و دونماسنک تنظیم و اصلاحنه و تجارت و صنایعیه نفوذ سیاستک

توسیعنه غیرت و همت ایتمشدر .

آلمانیا ایمپراطورانی بو همت و غیرتی جهتیله اردو و دونماسنی بر حال مکلیته ایصال و نفوذ و سیاست و پولتیقه سنی حشمت و قوتی سایه سنده دنیا نك هر نقطه سنه ادخال ایلدی .

اردو و دونماسنك بر حال مکلیته اولسی و التمش ، یتمش ملیوندن عبارت اولان نفوسنك هر سنه بر ملیون راده سنده تزايد ایلمسی دولت مشار الیهی توسیع ممالك عزمه دوشورمشدر .

صوک سیستمه اسلحه ایله مجهز سکیز . اون ملیونلق بر اردو ایله یوزلرجه سفائن حربیه مالک اولان آلمانیا دولتی ایچون توسیع ممالك و تزیید شهرت ایتمک مقتضای حل و طبیعتدن اولدیغندن مملکتی رقابت و تعرضات دولیه دن محافظه وصیانت ایچون کندوسنه هم جوار اولان دولتلردن شریک آرامق سیاست الزم ایدوکنندن قومشوسی اولان (آوستریا — مجارستان) و (ایتالیا) دولترینی دائرة اتفاقه جلب و دعوت ایله بونلرله عقد اتفاقه موفق اولمشدر .

بو اوچ دولتك اتفاقیله آوروپاده بر اتفاق مثلث حاصل اولمش و دیگر آوروپا دوات و حکومتلرینک ده بو اتفاق مثلثه قارشى یا لکیزجه بی قیدانه طاوراملری قابل اوله میه جغندن بو دولتلرده کندیلرینه برر متفق آرامغه باشلا دیغندن انکلتزه و فرانسه حکومتلری بیننده بر ائتلاف حصول بولمشدر .

بر مدت آوروپا دولتلری اتفاق مثلث و ائتلاف مثنی ایله کندیلرینی ادارهیه چالیشمشرلر سده بو اتفاقلر آوروپا موازنه دولیه سنی ادامه و محافظه یه کافی اولمادیغندن خارجهه قالان روسیه دولتی دخی دائرة اتفاقلرینه آلفه هرایکی طرف صرف مساعیدن کیرو طور مامشدر .

روسیه دولتی دائرة اتفاقلرینه آلفه ائتلاف مثنی دولتماری موفق اولدیغندن هر ایکی طرفده اوچر بویوک دولتلک برر قوته مالک اولمشدر در .

آلمانیا کی بویله ازمانده کسب حشمت و عظمت ایدن بر دولت ارزوسنك نه اوله بیله جکینی پک یقیندن بیلن و دنیا ده عصر لرجه اوینادیغی روللر سایه سنده اکتساب ثروت و نفوذ ایدن بعض جمعیتلر آلمانیا مالکی داخنده کی شعبه لرینی توسیع ایله مرکز حالنه افراغ ایدرک مطالبارینک حصولی ایچون دوات مشار الیهانی آلت اتخاذ ایتد کلرندن آلمانیا عادتاً منبع فساد و دسائیس اولمش ایدی .

بر طرفدن آلمانیا حکومتك حرص شهرت سوداسی و بر طرفدن ده بوجمعیترك القات و افسادانی آلمانیایی برآن اول میدان حرب به آلمغه سوق ایتمشدر .

آلمانیاك متفق اعظمی اولان (آوستریا — مجارستان) حکومتنده دخی روللرینی اجرادن خالی قالمیان بوجمعیتر یواش یواش ایطالیایه ده نفوذ ایتمشدر واورالده اجرای نفوذ و فساد به باشلایه بیلمشدر .

ذاتاً یکریمی . اوتوز سنه اول خاقان اسبق مرحوم سلطان عبد الحمید خان ثانی حضرتلرینك انکثره و فرانسه و روسیه قارشى مترددانه حرکتی سببیه منفرد بر حالده قالان دولت علیه ممالکینی مستملکه حاله وضع ایتمک نیتنده بولونان آلمانیا دولتی سیاست و پولیتیکه سنی ادخل ایدهرک نفوذینی تطبیق و اجرایه والده ایتمدیکی امتیازلرله شمندوفرلر انشاسنه و سائریه باشلامش ایدی .

بر طرفدن شمندوفرلر انشاسنه و بر طرفدن دخی اردوی هایونك تنسیق و اصلاحنه چالیشن و دوائر حکومتیه کندی تبعه سندن مشاورلر ، مستشارلر تعیین ایتمدیرن آلمانیا دولتی دولت علیه عثمانیه یی خاقان اسبق مرحوم زماننده اتفاقیه آلمغه موفق اوله مامش ایه ده تعقیب ایتمدیکی مقصوده وصول ایچون بعض سیاسی دسیسه لرله ارزو و سیاستی دائره سندن دولتی انحراف ایتمدیرمامکه موفق اوله بیلمشدر .

ایشته شوصورتله الده ایتمدیکی دولت عثمانیه یی بوتون بوتون اتفاقیه داخل ایده بیلمک سوداسنه دوشن آلمانیا حکومتی ایله بو اتفاقدن ظهور ایده جک نتیجه ده کندی استفاده لرینی تأمین ایده جک لری امنیه سنده بولونان جمعیتر رؤسای ممالک عثمانیه ده بر انقلاب حصوله کتیرمک لزومنی حس ایلدکلرندن اجراءات و ترتیبات لازمه یه توسل ایدهرک انقلابی میدان کتیرمشدر .

انقلابی میدان کتیردکن و آلمانیا اتفاقیه داخل اولمقدن فوق العاده توحش ایدن سلطان عبد الحمید خان ثانی حضرتلرینی خلع ایتمدیردکن صوکره حکومتی اله آلان و آوروپاچه (ژون ترکلر) نامی ویریلن اتحاد جیلرک کندی بنده و تربیت کرده سی دیمک اولدیغنی بیلمن آلمانیا دولتی ایله مذکور جمعیتر اتحاد و ترقینک او معلوم اولان مؤسساریلله سرکرده لرینی کیزلیجه اتفاقلرینه آلهرق امر و اراده لرینه آماده بر حاله قویمشدر .

آلمانیا دولتی دولت عثمانیه یی ده بو وجهله اتفاقیه داخل ایده بیلمش اولدیغندن

توسیع ممالك عزمك برآن آقدم حصولی ایچون بغداد شمندوفرینك اكمال
انشا آتده گرمی ویرمشدر .

بغداد شمندوفرینك اكمال انشا آتله هندستانی تهدید ایتمك مقصدنده بولونان
آلمانیا حکومتی دولت علمیه ادوسنك طوبلیجه وقوتلیجه اناطولی جهتنده بولمنسیده
تأمین تشبثندن کیرو طورمامش واردومزی کندی منفعته خدمت ایچون حاضر
لامغه سعی و غیرت ایتمشدر .

بومقصدینك حصولی ایچونده روم ایلی ده وقعهلر ایجاد و بالقان حربی
احداث ایتمش و بوکا آوستریایی ده اشتراك ایتدیرمشدر .

ایتالیایه طرابلس غرب و بنغازی ایله اون ایکی اطهیی بخش ایله اسکات
ایتدکدن و اتحاد رؤسای معلومه سی واسطه سیله منسو بین اتحادك سمعنه « روم
ایلمینك دولتلارجه تقسیمی مقرردر . ذاتاً سرزده روم ایلمینك لزوم وفائده سی یوقدر .
سرنك اناطولی ده بولنوب برییوك دولت حالنده قالمکزیك مناسبدر . بخارالری .
ایرانلری ، ترکستانلری ، قفقاسیه لری یدیکزه آلیر . بر (توران) حکومتی
یاپارسیمکز . ایشه بو حکومت سکمان . یوز ملیونلق بیوک بر آسیا حکومتی اولور »
سوزلرینی آلمانیا ایمپراطوری و یلهلمك القا ایتدیردیکنی سویلر ایسه م یالان سویله
مامش اولورم .

القاآت واقعه اتحاد و ترقی رؤسای معلومه سی طرفندن بو وقوعاتاردن اول
منسو بین اتحادك سمعنه یرلشدیرلش و بعض صحبت اثنا سنده روم ایلمینك بزه نه
فائده سی واردیین اتحاد جیلر کورلمشدر .

روم ایلمینك بزه فائده سی ندر دیین اتحاد رؤسا واعضا سنه بزه کمندیلرینك
اون سنه دنبری بو دولت و مملکته نه فائده لری اولمشدر دیهرک شوراجقده
صورارسه ق ؟ حقی دکلیمیز .

آلمانیا نك و جمعیتك ارشادات و القاآی ایله بزه فائده سی یوقدردنیلین (روم
ایلی) قطعده سی ولی نعمتلرینك امر و اراده لرله بویله الدن کیدنجه ورؤیا کی
کوردکلری (توران) نك ده بوزمانده سیاست ناقابل اجرا اولدیغی اکلاشیلنجه
و آلمانیا دولتی ده او حشمت و عظمتی غائب ایدهرک دول معظمه متفقده مغلوب
اولنجه ، اتحاد و ترقی جمعیتنك سایه همت و غیرتمنده (!) قوجه عثمانلی ایمپراطورلنی
دول معظمه صره سندن چیقارق اناطولی ده برکوچك دولت حالنه کیرمك

ضروری اولور . سیاستده قاصر النظر اولانلرک نتیجه اجرا آتی بویله در .

بو حالی نظر دقته آلمقدن . جزر و قصدا دولتی محوه مهیا اولان بویله خائنلر جمعیتلریله برابر موقع حکومتی ونام و شانی ترک ایدهرک کیدر .

آلمانیا حکومتک تهدیدینی ایقاع ایچون شرقده بر آلت مخصوصه سی اولان بغداد شمندوفری کرچه اکیال ایدیله مامش ایسه ده قوه قریبه یه کلش اولدیغندن ودها زیاده انتظاره تحملی قالمدیغندن و بوسنه وهرسکده سیاحت ایدن آوستریا ولی عهدیله زوجه سنک « پره نسیب » اسمنده بر صربلی طرفندن قتل ایدلمسنی وسیله اتخاذ ایدهرک حرب حاضر و آماده اولان آلمانیا دولتی (۳۸ تموز ۱۹۱۴) سنه سنده آوستریائی صربستانه اعلان حرب ایتدیردی .

آلمانیا ده (۱ اغستوس ۱۹۱۴) ده روسیه یه (۳ اغستوس) ده فرانسه و بلجیقایه اعلان حرب ایتیمکه انکثره دولت معظمه سیده (۴ اغستوس ۱۹۱۴) ده بالجبوریه آلمانیا یه حرب اعلان ایلدی .

بوندن صوکره ده حربیه اشتراک ایدن دولتلر تواریخ مختلفه ده بربرلینه اعلان حرب و قطع مناسبات ایتدکلرندن اوروپا قطعه سنده بر حرب عمومی میدان ایدی .

اول امرده شو وجهله باشلایان اوروپا حرب عمومی سنه بزم اشتراکیزی تدقیق و بعض مطالعات و معلومات سرد و بیان ایده لم .

بو حرب عمومی یه دولت علیه نک اشتراک ایتدیرلمسی وملت عثمانیه نک بلا لزوم بو حربیه سوق ایدلمسی پرنس سعید حلیم پاشا حضرتلری قاپینه سنک هیج بر صورتله عفو و تاویل قبول ایتیمان خطای قصیدیسی اثریدر .

دولتمزک ابتدای انقلابدن باشلایان داخلی وقعه لرله بالقان محاربات اخیره سنده دوکدیکی قاناره ضمیمه قان دوکمه آرتق تحملی قالمدیغنی برزمانده بوکا قناعت ایتیمه رک حربیه اشتراک ایتدیرلمسی دولت و ملتله مربوطیت قدیمه و ضمیمه سی اولان ارباب حمیت و وجدانی صورت جدیدیه و حقیقیه ده پک زیاده دوشوندرمش ایدی .

زیرا بالجله سیاسیون عنندنده معلوم اولدیغنی اوزره بو حربیه اشتراک ایله دولت عثمانیه ایچون فائده تأمینیه غیر ممکن اولدیغندن بیهوده یره ملیونلرجه خلقی قیردیرمق و برقاچ یوز ملیون ایرا دولتی بورجه صوqq محال ایله اوغراشمقدن بشقه

برشی دکلدی.

رجال سیاسون شویله طورسون ارباب ذکا واقتداردن بونی بیلمیه جک بر فرد تصور اولنه مز ایدی.

بو بویله اولدیغی تقدیرده نه دن حربه اشتراك ایدلیکی پک آز تفکر وتامل ایله میدان چیقار.

اتحاد وترقی جمعیتی آلمانیا نك آمانه خادم اولغه محکوم ایدلمش وانکله هر صورتله برابر حرکتی اتفاق ایتدیرلمش اولدیغندن بالطبع آلمانیا نك کیردیکی بو حربه اشتراکه جمعیت مجبور ایدی.

بو طوغری ایسه آلمانیا دولتی اعلان حرب ایدر ایتمز دولت علیه نیچون اعلان حرب ایتدی سوالی وارد خاطر اوله بیلیر.

اکاده جواباً دیرزکه آلمانیا نك اعلان حربی عقبنده دولت عثمانیه اعلان حرب ایده مزدی. چونکه هنوز آلمانیا نك دائره اتفاقنه آلمدیغی بلغارستان قرالیقی ایله مذاکرات ومخابراتی ختامه ایرمامش و یونان حکومتک وضعیتی ده تقرر ایتدیکندن ورومانیا دولتی ده آچیقده و بر حال تردد ده قالدیغندن و ترکیا ایله آلمانیا بیننده مواصلات تأمینیه ده ایجاب ایلدیکندن بالقانلرده براز حاله انتظار ایتک وتائی ایله حرکت ایلک سیاست لازم کلیوردی. مع مافیه آلمانیا ومتفق اولان اوستریا — مجارستان دولترینک اردولری ابتدا ایدن حربه مع زیاده کافی ووافی ایدی.

چونکه فرانسه دولتی نا کهانی اولان بو حربه قارشى اردولرینی حاضر لامامش ومتفق اولان انکلتزه دولتی ایسه برأ قوه جزئییه یه مالک عظیم بحری بر دولت اولدیغی جهتله بردن بره متفقنه معاونت ایده مییه جکفی آلمانیا وآستریا حکومتلری پک رعنا بیلدکلری کبی بونلرک دیگر متفق اولان روسیه ایسه بطی الحریکه بر حکومت اولدیغی امثالیه اثبات ایلدیکندن اوده اردولرینی سفر بر حاله وضع ایدنجه یه قدر وقت لازم اولغله کندی معظم اردوسنه کوه نان آلمانیا حکومتی ایسه بش اون کون ظرفنده فرانسه نك مقر حکومتی اولان پارسی ضبط واستیلا ایده جکی امیدینی اوته دنبری بسلمکده ایدی. بناء علیه بالقان حکومتلریله دوام وجریان ایدن مذاکرات ومخابراتک نهایتنه تعلیقاً دولت علیه عثمانیه نك درحال حربه اشتراکنه لزوم کورهمش ایدی.

بر جهتدن بولزوم وديكر جهتدن ده حكومت عثمانيه نك اردولرینه لازم كلن مهمات حربيه وسائره نك تهيه واحضاريله سوق وارسالنه باشلامق ايجاب ايتديكي كي آلمانیا ايله اتحاد و ترقی جمعیتی بیننده کی معاهده و اتفاق جمعیتك ركن اعظملى اولان ذوات معلومه معهوده جه معلوم وديكر رؤسادن غایت خفی طوتلدیغندن بالطبع بوندن خبردار اولمیانلرك آلمان آمانه و طرفدارلغنه جابلرینی نظردقت ومطالعهدن دور طوئیمان آلمانیا حكومتی ايله اتحاد و ترقی جمعیتی لازم كلن پروپاغانداری احضاره باشلايه رق حرب حاضره سوق ایچون دولت وملتى امر واقع قارشوسنده بر اقلاری لازم کلیوردی .

بولزومه بناء لازم كلن پروپاغاندایه اتحاد و ترقی جمعیتی باشلادیغی بر صرده انكلیز و فرانسز دونمألرینك تعقیباتدن یاقه بی قورتارمق ایچون ذاتاً مرتب و مقرر اولدیغی اوزره آلمانیا نك (غوبن) و (براسلوو) زرهلیلرینك قلعه سلطانیه بوغازندن دخولی وانكلتره دستكاهلرنده انشا و اكمال ایدیلن زرهلیلریمزك دولته عدم اعطاسی اتحاد و ترقی پروپاغانداسی ایچون یاغلی بر قویروق اولدیغندن جمعیت بونلردن بالاستفاده پروپاغانداسنی تزئید و تشدید ایلدی .

بوصرده بلغار حكومتی آلمانیا و اوستریا اتفاقنه داخل و یونان حكومتی ده بیطرفلغنی تماماً ایفا ایلیه چكینی تأمین و رومانیا ده بوایشه قاریشمیه رقبی طرف قاله جغنی بیان ایتدیكندن آرتق دولت علیه نك حربیه اشتراك ایتماسی ایچون بر محذور قالماش ایدی .

دول متفقیه قارشى بیطرفلغنی تماماً محافظه ایده چكینی بیان ایدن حكومت عثمانیه حدودلرینی محافظه ایتك ایچون اردولرینی تجهیزه باشلامش و اتحاد و ترقی جمعیتی ده ماتك اذهان و افكارینی دول معظمه متفقیه علیه نه چویرمكه موفق اولمشدر .

انكلیز و فرانسز علیه نه چویریلن افكار عمومیه بعض كونا تردد حصولیه دولتك طوغریدن طوغرییه حربیه اشتراك ایده مامسی خوفی آلمانیا حكومتیه اتحاد جمعیتك نظردقتنی جاب ایتمش و ویریلن قرار اوزرینه (غوبن) و (برسلوو) زرهلیلاری صورت خفیه ده درسعادت لیماندن حركت ایتدیریلهرك روسیه نك (اوده سا) شهرى طوپه طوتدیرلدیغندن دولتمزى اهانه و قصداً حرب قارشوسنده بواندیرمشار و دول متفقیه نك بزه قارشى اعلان حرب ایتلرینه سببیت ویرمشاردر .

آلمانیا به قارشی و یردیک ی سوزنده ثبات ایله ابراز خدمت و صداقت ایلیان اتحاد و ترقی جمعیتی داخلده غزته لرله نشر و اعلان ایتدیک ییلا نلر قالمش و آلمانلرک دنیایی ضبط و استیلا ایله هر طرفده مظفر یته نائل اولدقلرندن بحث ایله اردولر یمزیده مصری و عموم قفقاسیه یی فتح و استیلا خیالاتیله مشبوع بر حاله کتیرمش و براردودن دیگر اردویه حوادث نشر و اشاعه سنی منع ایامش و شاید اردوی هایونلرجه بویالا نلر میدانده چیقارسه علیهارینه بر قیام اوله مامسنی تأمین ایله اوغراشمشدر . اردوی هایونلری بو وجهله اغفال ایدن بو خائنلر بیچاره ملتی ده بیک درلویالا نلرله اشغال و اغفالدن اجتناب ایتامش ایدی .

« یالانجینک مومی یاتسویه قدر یانار » ضرب مثلنجه اتحاد و ترقی جمعیتنک اون سنه دنبری دوندیردیک یی دولاب کذبک اراجیفدن بشقه بر شیء اولدیغنی یقینده ثبوته چیقویرنجه طبعی بو دولابه سقطلق عارض اوله جق و بعد ازین تدویری قابل اوله میه جق و ملت مظلومه بوندن صوکره قولاقلری دینج اوله رق یشایه جقدر .

اتحادک پرو پوغاندا ویالا نلرندن بعضلری طنین پاچاوره سنده مصادف نظرمن اولمغله بزلریده حیرته بز اقمش ایدی .

از جمله قاعدهء حقوق دول و قوانین بین الملل موجبنجه حرب وقوعندن اول مبايعه و سپارش اولونان مهمات و ادوات و سفن حربیه حرب ظهوری حالده اصحابنه اعطا و تسلیم اولنمیوب بعد الحرب یا اثمائی و یا عیناً مبايعه و سپارش اولونان اشیا و سفائن صاحبلرینه و برلدیکنندن قبل الحرب بزم بعض دولتره سپارش ایلدیکز مهمات و اشیا یی عسکریه نک بر موجب قانون دول و یريله میه جکی آشکاردر .

انکلتوده حربیه اشتراك ایلدیکی جهته اورایه اولجه سپارش اولونان و انشاری اکمال ایدیلهرک استانبوله متهیء حرکت اولان زرهلیر یمزک ده حربک ظهوری طولایبسیله بعد الحرب تسلیم و اعطا اولنق اوزره تسلیم و تسلیماری تأخره اوغراشمش ایدی .

بونک مقتضای قانون دولدن اولدیغنی بیان اتحاد و ترقی جمعیتی ناشر فکری اولان (طنین) پاچاوره سی هیئت تحریریه سی بو باده (طنین) ستوتارینه یازمدق یالان سویلمدک هذیان بر اقمدیغنی کبی اهالیء مظلومه نک افکارینی عثمانیلرک

عجب و دوست قدیمی اولان انکلتزه دولتی علیهنه چویرمک و جمعیت اتحادیه رؤسای سنی ده جمیتی ، وطن پرور کوسترمک ایچون اوصرهده وفات ایدن رؤسای جمعیتدن معارف ناظری اسبق امرالله افندیکنک ارتخالی یازدیغی زمان مومی الیهک غایت وطن پرور اولدیغنی کوسترمک قصدیه کویا امرالله افندی انکلتزه طرفندن کمیلرک ویرلدیکنه پیک متأثر اوله رق زرهیلیریز ، کمیلریز ، دونماز و ملت دیهرک آه وانین ایچنده ترک حیات ایتدی دیموردی .

بلکه بویالان وهذیانہ جمعیتک صورت حرکتی بیلمیانلر و امرالله افندی یی طایمانلر اینانیر و آلدانیر .

لکن جمعیتک حال و حرکتی بیلنلر و امرالله افندی یی طایمانلر البته بو وامثالی یالانلره اینانمز و آلدانمز .

زیرا امرالله افندی مرحوم سنک ایلریله مسندن یی ؟ یوقسه فیلسوفانه دوشونجه سندن یی ؛ بعضاً خانه سنک قپوسنی بوله میوب قومشوسنک قپوسنی چالارق ایجرییه کیردیکی و بعضاً دخی واپور قماره لرنده یاننده اوطوران ذواتک جیبیلرینی کندی جیبی ظنیه الی صوقوب مندیلا رینی آلوب استعمال ایتدیکی و عیسه متعلق برشی بولورسه انی ده بیدیکنی استانبول جریده و غزته لرینک یازدیغی خاطر مزده در .

بویله خانه سنک قپوسنی غائب ایدن و یاننده کی ذواتک جیبیلرینی کندی جیبی ظن ایلان بر ذاتده قوه مفکره دن اثر قالمدیغی میدانده ایکن بونک دولت و مملکتی و دونما و کمی دوشونمکه مقتدر اولوب اوله میه جفنگ تخمین و تقدیرینی ارباب فن ایله قارئین کرامک وجدانلرینه و حمیت و دولت و ملت قارشى صداقتی ده از میر معارف اداره سی قاصه سیله قیود عدلیه سنه حواله ایدرز .

دولتمزک حربه اشتراکندن مقدم انکلتزه و فرانسه و سایر متفقلری سفیرلری واسطه سیله باب عالی نزدنده دولتلرندن آلدقلری امر موجبینجه حربه اشتراک ایتمه مامز ایچون بعض تعهدات و تشبثاتده بولنشملر ايسه ده سفرانک بو تشبثاتی ثمره بخش اوله مامش ایدی .

اتحاد و ترقی جمعیتی و پرنس سعید حلیم پاشا قاینه سی بالطبع بو تکلیفاتی قبول ایده مزدی .

چونکه ایضاحات سالفه وجهله آلمانیا دولتیله متفق اولان جمعیت و حکومتی بو تشبثات و تکلیفاتی قبول ایله ولی نعمتلرینی دلگیر و منفعل ایتمک و منافع

خسیسه وشخصیه لرینی غائب ایلیمک ایسته مدیکمندن منفعت دولتی
کوزه ده مزدی .

منفعت ذاتیه لرینی منافع دولت وملته ترجیح ایدن جمعیت اتحادیه رؤسای
عندنده دولتک پریشا نلغنک^۱ واضمحلالنک هیچ بر دکر واهمیتی یوقدر .

بونک بویله اولدیغنی تکراره لزوم اولیوب یالکز منافع دولت وسلامت مملکت
ایچون انکلتزه دولتی طرفندن واقع اولان تکلیفاته دائر دولت مشار الیهانک
۱۹۱۴ سنه سنده نشر ایلدیکی بیاض کتابدن اقتباس اولونان ایکی مهم وثیقه
تاریخیه بی نشر ایده یورم .

— وثیقه^۱ مهمه —

انکلتزه خارجیہ ناظری قونت ادواردغره ی حضرتلری طرفندن درسعادت
انکلتزه سفیری سیر لوئیس مالت جنا بلرینه کوند ریلن ۱۸ اغستوس
۱۹۱۴ تاریخی تلغرافنامه نک صورتیدر

عثمانلی سفیری توفیق پاشا ترکیا حقمنده کی نیاتمزدن متلاشی اولدیغنی سویلدی .
بو بابده بزدن خوف ایلمامسنی اوکا اکلادم . اثنای حربده حقیقه^۲ ترکیا
بیطرفلغنی محافظه ایدر (غوبن) و (برسلو) ی آلمان کمیجیلرینی عزل و دفع ایلهمک
صورتیله تاممیله برر عثمانلی کمیسی حالنه افراغ وانکلز سفائن تجاریه سنه
سیر سفرلرنده اجرایی معتمد اولان سهولتی ابراز ایلرایسه شرق قریبه تعلق ایده
جک شرائط صلاحیه میاننده آنک ده تمامیت ملکیه سی تأمین اولنه جقدر .

— وثیقه^۲ ثانیه —

مشار الیه قونت ادواردغره ی حضرتلری طرفندن درسعادت
انکلتزه سفیری جنا بلرینه کلن ۲۳ اغستوس ۱۹۱۴
تاریخی تلغرافنامه نک صورتیدر

اگر حکومت عثمانیه (غوبن) و (برسلو) زرهیلرنده بولنان آلمان ضابطان
و کمیجیلرینی درحال وطنلرینه اعاده ایدر و سفائن تجاریه نک بلا مضایقه قاعه
سلطانیه دن مرورلرینه مساعدده ایلنه جکنه دائر تحریراً سوزویرر و حرب ائنا
سندده بیطرفلغنک شرائطی تاممیله محافظه ایلرایسه احوال حاضریه ملایم بر اداره

عدلیه نك ختام وضعنده « ائتلاف مثلث » دولتری امتیازات اجنبیه نك لغوینه موافقت ایدرلر .

بوکا ضمیمه اولق اوزره دخی مذکور دولتر ترکیانك استقلالنه و تمامیت ملکیه سنه احترام ایلیه جکارینی تحریراً تعهد و حربك ختامنده وضع ایدیله جك اولان شرائط صلحیه دن هیچ بریسنك مذکور استقلال و تمامیته تعلق ایله میه جکنی درعهده ایلرلر .



انکلتزه دولت نخیمه سنك شوایکی وثیقۀ رسمیه سندن بشقه شفاهی و تحریری درسعادت سفیری واسطه سیله ویردیردیکی تقریر و تأمیناتله ده دولت علیه عثمانیه هیچ بر صورتله تعلق وفائده سی اولیان بو حرب عمومی به اشتراك ایتماسی و اشتراك ایتمیه رك بیطرف قالدیغی صورته انکلتزه دولتیله متفقلمری طرفندن هر برکونا معاونات و مساعدات سیاسی و حقوقیه به مظهریتی تکفل و تأمین ایدلیدیکی مذکور بیاض کتاب و انکلتزه و فرانسه غزته لرنده کوریلن دیگر وثائق رسمیه لردن اکلاشیلور .

پرنس سعید حلم پاشا قایده سی دولت مشار البهانك بویولده کی تشبثات و تأمینات واقعه سنی قبول و دولتمزك بیطرفانغی اعلان ایتسه و حرب به اشتراك ایلمك جنایت خیمه و عظیمه سنی ارتکاب ایلمه اش اولسه ایدی . هیچ شبهه ایدیله مزکه دولت علیه بو حرب اثناسنده اوروپا نك محتاج اولدیغی حیووبات و سائر کونا احتیاجاتی محصولاتیله تأمیننه و ملیونلرجه ایرانك ممالک عثمانیه به کیرمسنه و دولتك امتیازات اجنبیه دن قورتمسنه و محافظه حدود ایتسنه و الحاصل هر وجهله شان و شرفیه زنکین و قوتلی بر دولت اوله رق یشامسنه موفق اولوردی . انکلتزه و فرانسه دوستلغی آتیا دولتمزی یکی باشدن احیا ایدردی .

لکن شو بیان ایتدی کمز وجهله حرکتی نه بوقایده یاپار ونه ده اتحاد و ترقی جمعیتی یاپدیرردی .

ذاتاً بش . الی سنه دنبری بو حرب عمومی حاضر لانان اتحاد و ترقی جمعیت و حکومتلری حامی یکانه لری اولان آلمانیا امپراطوری و یاهلمك بغداد شمندوفر خطنك اکالنی بکلدیکنی و خطنك اکال انشاسندن صوکره حرب ایده جکنی و بزمده بو حرب به اشتراك ایلیه جکمزى او وقت دنبری سویلیورلردی .

دولتلك بو حربہ اشتراك وعدم اشتراكی بحثہ كلنجہ بوكا دائر بر ایکی سوز سویله مك ایسترم .

بعض ذوات حیتمندان دولت عثمانیه بو حربہ کیرمه ایدی . روسلرك اوتہ دنبری تصور ایتدکری استیلا سندن قورتیله مازدی دیورلر . بعضلریده اسباب سائره بیان ایدرک دولتک بو حربہ دخولنده ضرورت واردرکی بر چوق اسباب ودلائل ایراد ایدیورلر ده بونلرك هپسی واهیدر . بر قسم خلقدہ آلمانیا ایله دکل انکلتزه ومتفقاریله کیره ایدیلر دیورلر .

بز بو مناقشات ومطالعاتی تدقیق ایله اضاعه وقت ایتمکه لزوم بیله کورمیز . زیرا ذاتاً آلمانیا ایله بالاشتراك حربہ کیرمک اتحاد وترقی جمعیتجه مقررات واقعه جمله سندن ایدی .

آرتق جمعیت وممثلی اولان حکومت حربہ کیرمکدن کله جک ضرر وفائده بی دوشونه جک وانکلتزه ومتفقاریله برابر حرکت ایدہ جک بر حالدن چوقدن چیقمش ایدی .

حامی مسلمان اولدیغنی اعلاندن چکنمیان جمعیت اتحادیه نك حامی اعظمی آلمانیا ایمپراطوری ویله یلم ایله ولی نعمت اکبرلی جمعیات معلومه قارشى کفران نعمت ایتمک کبی بر حرکتی اتحاد وترقی جمعیتی رؤسای ملعونه سی صداقت وعبودیتلرینه (۱) مخالف اولدیغندن اجرا وقبول ایدہ مزلردی .

بونک ایچون نه بیطرفانه حرکت ایدرلر ونه ده انکلتزه ومتفقاریله حربہ کیرلردی . بویکی شقدن برینی یاپه جقلرینی ادعا ایتمک میدانده اولان کونشی انکار ایلمک قیلندندر .

رؤسای معهوده ملعونه امور واداره حکومتی اله آلدقاری کوندنبری ذاتاً دولت محو اولمش ایدی .

دولتی بز اصلاح ایدرایسه ک ایدهرز ایدهرز ايسه ک بزم المزدہ محو اولسون . دولت ومملکت محو و پریشان اولورسه اولسون بزم جمعیت مز صاغ و وار اولسون دیهرک ایشه باشلادقاری بونلرك احوال لرینه واقف اولانلرجه معلومدر .

بوندن ده اکلاشلدیغنه کوره رؤسای ملعونه نك دولت ومملکتده بر علاقہ لری اولیوب صرف کندی منافع ذاتیه لرینی تأمین وهرشیدن زیاده حیالتلرینی محافظه ایلمک وآمرانه وحا کمانه وطنمزدہ اجرای مظالم وحکومت ایتمک مقصدندن بشقه

بردوشونجه وقایغولری یوقدر .

اکر ذره قدر دولت و مملکته حرمت و محبتلری اولمش اولسه ایدی . اون سنه دنبری کوندن کونه قصداً تزیید و تشدید ایتدکلری مظالم و اعتسافاتی تعدیل و اصلاح ایله دولت و مملکت بوکونکی حال هولنا که دوشمه سندن حذر و اجتناب ایدرلردی .

هر حال و کارلری ایله اهانت و خیانتلرینی ارائه و اثبات ایدن بوخذله ملعونه دن ملتزمک بوندن صوکره برشیء بکلمه سیده عبثدر .

ایشته پرنس سعیدحلم پاشا قایینه سنک بو دواته آچدینی یاره التیام پذیر دکدر . چونکه قایینه ایچون یاپیله جق و دولت و مملکته خدمت ایدیله جک برشیء وارایدسه اوده دولت علیه عثمانیه بی حربه اشتراک ایتدیرمیه رک تمامیء بیطرفلغی محافظه ایدی .

یوقسه سنه لردنبری محاربات داخلیه و خارجیه ایله اوغراشان و بالقان حربندن برمدت اول چیقان دولتی هرهانکی طرفله اولورسه اولسون بویله عظیم بر حربه سوق و اشتراک ایتدیرمک کی جنایت عظیمه تصور اولنه مز .

آلمانیا ایله بالاشتراک کیردیکمز بو حربنده معاذ الله تعالی آلمانلر غائب کلسه لر ایدی . ذاتا آلمانیا نیک مطمع نظری اولان مملکت مز آلمانلرک بر مستملک سی اوله جق و ملت مزده بونلرک اسیر و اجیر خاصی بولنه جقدی . دیگر طرفله ده حربه کیرسه ایدک کرچه مملکت مز حدود طبعیه سنی غائب ایتیمیه جک ایدیه ده اولاد وطندن بر چوغنی غائب ایده جک و دولتی ملیونلرجه لیرالر دیونه کرفتار ایلیه جکدی .

بزجه یاپیله جق برشیء وارایدسه اوده انکلتزه و متفقلری اولان دولتلرک اعطاسنی وعد و بیان ایدکلری تعهداتی تحریراً بالاخذ دولتک استقلال و تمامیء ملکیه سنی تأمین ایتدکدن صوکره بیطرفلغی محافظه ایتمک و ایجابنده دها زیاده منفعت تأمین مأمول اولدینی تقدیرده دولتک تعالی و ترقی سنی ضامن و کافل اولان بودولتلرله برابر حربه اشتراک ایتمک ایدی .

عن قصد بو فرصتلی قاجیران اتحاد و ترقی جمعیت و حکومتی هیچ بر وقت بو مسئولیت عظیمه دن یقارلرینی قورتاره مازلر .

« توران » سودای خامیله ملتی اغفال ایدن بو جانلر « دمیاطه پرنجه کیدرکن اوده کی بلغوردن اولدق » ضرب مثلی مؤدا سنجه وطنمزک قسم اعظمی غائب

ایتدیرمشلر و دینداشلر یزدن بر رکن اعظمی علیهمزه قیامه مجبور ایدوب محتشم
ومعظم عثمانلی دولتک پارچه پارچه اولسنه سبیت ویرمشلردر .
از جمله امیر مکه مکرمه دولتلو سیادتلو شریف حسین پاشا حضرتلری اتحاد
وترقی جمعیتی رؤسای معلومه سنک مظالمندن بزار اولان حجاز اهاالیسنی قورتارمق
ایچون قیام وعموم اهل اسلامه خطاباً آتیده صورت مترجمه سی مندرج ایکی
قطعه عربجه بیاننامه نشر وحجاز قطعه سنک استقلالنی اعلان ایله « ملک حجاز »
عنوانی آلدقلرندن حجاز قطعه مبارکه سیده اتحاد وترقی جمعیتی یوزندن دولت
علیه عثمانیه دن انفکاک ایلمشدر .

مکه مکرمه امیری دولتلو سیادتلو شریف حسین پاشا حضرتلری طرفندن
نشر اولونان عربجه برنجی بیاننامه نك صورت مترجمه سیدر

— بسم الله الرحمن الرحيم —

اخوان مسلمینه عمومی بیاننامه مزدر :

« ربنا افتح بیننا و بین قومنا بالحق وأنت خیر الفاتحین »

تاریخه واقف اولانلرجه معلومدرکه جامعه اسلامیه نك توحید وتقویه سی
مقصدیله امرا وحکام اسلامیه دن دولت علیه عثمانیه ید ایلک تبعیت ایدنلر (مکه
مکرمه) امراسیدر .

سلاطین « آل عثمان » طاب ثراهم وجعل دار الخلد مثواهم حضراتنک (کتاب
الله) و (سنت رسول اللهی) اجرا وتنفيذ احکامی خصوصنده کی تمسکری و بو
خصوصده افناء وجود ایتملری طولایسیله امراء مشار الیه تبعیتده دوام ایتدیلر .
حتی ۱۳۲۷ سنه سنده بن بالذات عربدن متشکل بر قوتله عرب اوزرینه حرکت
ایدهرک دولت علیه نك شرف وحیثیتنی محافظه (ابها) نك محاصره سنی رفعه
چالیشدم و ایرتسی سنه ینه عین مقصدله اوغلاریمک بریسنک قومانداسی التنبه
اوله رق اوحرکتی اجرا و جمله جه معلوم ومشهود اولان غایه سامیه دن آیلامدم .

اتحاد وترقی جمعیتنک ظهوریله امور دولته وضع ید ایتمسی وسوء اداره سی
سببیه داخلی ، خارجی قاریشقلقلرک ظهورینه وعالمک بیلدیکی وجهله بر چوق
محاربانه بادی اولدیغندن شوکت وعظمت دولتی خللدار ایتمش وهله شوصوک

حربه بلا لزوم دخول ایتمسيلهده بر وضع خطرناکه دولتی القا ایتمشدرکه ایضاحدن مستغنی در .

بواجرا آنکه کبی دنی بر مقصیده یاپیلدیغنی ایضاحه حسیات حسنه مز مانع اولدیغنی کبی عموم اهل اسلامک دولت اسلام حقننده فتور کتوروب یأس و کدره دوچار اولدیغنی کورمک ایسته مدیکزدندر .

بقیه ممالکده قالان اهالی مسلمه و غیر مسلمه نک بر قسمنی صلب و اعدام دیگر قسمنی وطنلردن نفی و اجلا ایدهرک رابطه موجوده عثمانیه بی اخلال ایدوب هرکسی جاتندن و مالندن محروم بر اقمشدر .

اراضی مقدسه اهالیسنک بوضو محاربه سبیلله دوچار اولدقلری مضایقه اودرجه بی بولمشدرکه متوسط الحال اولان بر انسان اوینک قیو و پنجره لرینی و بتون اشیای بیتیه سنی صائدقدن صکره طام تحتله لرینی دخی صاتمعه مجبور اولمشدر .

اتحاد جیلر بو قدرینی ده کافی کورمیه رک سلطنت سنییه عثمانیه ایله عموم اهل اسلام آره سنده سبب رابطه یکانه اولان (کتاب الله) و (سنت سنییه) بی اخلاله تصدی ایدوب سلطنت سنییه پایتختننده صدر اعظم و شیخ الاسلام و عموم علما و وزرا و اعیانی مواجهه لرنده انتشار ایدن (اجتهاد) غزه سی سیر نبویه بی اشع تعبیرلرله تحقیردن چکنمیدیکی کبی اعتراضه اوغرامدیغندن جرأت آله رق نصوص قرانییه بی الغادن دخی چکنامش « لذلک مثل حظ الانثیین » آیت جلیله سنی استخفاف ایدهرک تساوی میرائی ترویج ایلمشدر .

بونلره ضمیمه ارکان خمسّه اسلامیه دن بیوک برکنشی هدمه قالمشملردرکه : کویا روس اردوسی قارشوسنده حرب ایدن عساکره بکزه دملک اوزره (مکّه مکرمه) ده و (مدینه منوره) ده و شامده بولونان عساکر اسلامیه نک رمضانده اوروج طومعه ماری لزومنی ایتانله بوبابده کی « فن کان منکم مریضاً او علی سفر » آیت جلیله صریحه سنی تحریفدن و بوکا بکزر برحق اساسات اسلامیه بی ییقمق و منکرانی التزام ایتمکدن چکنامشدر .

شوکتلو سلطان معظم حضرتارینک بتون حقوقنی غصب ایله ما بین هابونلرینه برباش کاتب و برباش ما یینجی انتخابندن منع ایتدکلری کبی عامه مسلمینک امور و مصالحنه باقق حقندن محرومیتله شروط خلافتدن اسقاط ایتمشدرکه بتون

مسلمانان بوشناعتدن تبری ایدرلر .

بو امور غیر شرعیه قارشیسنده حسن تأویلارله حذر و تحاهلارله کورونمه من عالم اسلام ایچینه تفرقه واختلاف تخماری اکامک مقصدیله ایدی .

دولت علمیة عثمانیه امور و اداره سی انور پاشا ، جمال پاشا ، طلعت بک (پاشا) اللرنده بولندیغی سری میدانده چیقوب آرتق امور و خصوص انلرک تصویبنه وابسته اولدیغی کورلمشدر وایسته دکلینی ایشلر دایله دکلینی یاپارلر . بوکاک بسیط دایمل (مک) محکمه شرعیه سی قاضیینه کان بر امرده قاضی حضورنده شهادتلی اسماع و حضور حاکمده تحریر ایدلمیان تزکیه نامه لک عدم قبولی متضمندرکه صوره « بقره » ده مصرح اولان تزکیه بین المسلمین امری کان لم یکن عد ایدلمشدر .

بو نلرپ بر طرفده قالسون دیگر طرفدن عظمای افاضل اسلامدن وکبری نوابغ عربدن (امیر عمر الجزائری ، امیر عارف الشهابی ، شفیق بک المؤید ، شکری بک العسلی ، عبد الوهاب وتوفیق بک البساط ، عبد الحمید الزهراوی ، عبد الغنی العریسی) کبی ذواتی بر آنده صلب واعداملری اُک زیاده قاتی قلبه مالک اولانلرجه بیله اجراسی کوچ کورینهن بو افعالی اجراده بر نوع عذر بواسهق بیله هردرلو ذنب وجنایتدن عاری وبری اولان عموم عائله افرادینک قادین وارککندن اک کوچک چوچقلرینه وارنجهیه قدر وطنارندن نفی واجلاسیمله مصیبتلری اوستنه دهابیوک بر مصیبت علاوه سنه نه معنی ویریلور . عائله رؤاسنک هر نه ایله اولورسه اولسون اعداملری جزاسی اوخانه لک تخریبته کافی ووافی ایکن ایکنجی صورت تجزیه سنه معنی بولندیغی آشکاردر .

« ولا تزر وازرة وزر اخرى » آیت جلیله سی برهان قاطعدر . هایدی بو ایکنجی جنایتده بر معذرت سیاسییه عطف ایله یزنده در دیه لم رئیسارینی غائب ایدن عائله لرینک اموال واملاکنک مصادره سنه نه دیک ایجاب ایدر ؟ بو افعال وحرکاته تعامی ایتسهک بیله مجاهد مشهور (امیر عبد القادر الجزائری) قبرینک تحقیر وتذلیلنه نه معنی و مساع بولنه بیلیر ؟ .

اتحادجیلرک افعال وحرکاتندن بعضلارینی ذکر ایده رک عالم بشره وعموم اهل ایمانه عرض ایدوب بوبابده کی حکمی ویرسونلر .

بو نلرک اسلامیت حقنده کی اعتقادینک نه مرتبه ده بولندیغی اکلامق ایچونده

اهل مکه نك طلب استقلال ايله قيام ايتدكلری صروده عسکرلر نيك (قلعه جیاد) دن
قبلة المسلمين وكعبة الموحدين اولان « بيت الله » آتدكلری طویلردن چیقان
ایکی مریدن بریسنی (حجر الاسود) اوستنه بر بیچ ارشون دیکرینی بوندن
اوج بیچ ارشون بعدینه تصادف ایتدیرمشلردر . ستره شریفه آتش آلدیغندن
بوتون خلق « کعبه معظمه » نك قیوسنی آچهرق واوستنه چیقارق یانغینی سوندرمکه
مجبور اولشلردر .

حالبوکه بونکله اکتفا ایتیموب متصل « مقام ابراهیم » و « مسجد شریف » ی
هدف اتخاذ ایتمکدن چکنمداکلرندن وکونده اوج ، درت کشینک قتلنه سبب
اولدقلرندن کونلرجه بتون خلق مسجده یناشمقدن محروم قالمشلردر . مسجد
وکعبه نك حرمت وتعظیمنه مقابل استخفاف وازدراء ايله مقابله ایدن بو مقوله
آدملرک نیه مستحق اولدقلرینی شرق وغرب مسلمانلر نيك حکمنه براقیورز .
اوت بو ازدراء واستخفافک حکمی عالم اسلامه براقیورز . لیکن دین اسلامک
وقومیتیزک کیانی اتحادجیلرک اللرنده ملعبه اولهرق براقه مایز . جناب حق قومیزه
اتباه وبقظه احسان بیوروب کندی مساعیسیله استقلالانی تأمین ایدوب مسلط
اولان اتحاد مامورین وقواسندن مملکتی تطهیر ایتدکدن صوکره هیچ بر قوه
خارجیه نك تأثیرینه استناد ایتیهرك استقلال تام ومطلق ايله مستقل اولمشلردر .
اتحاد وترقی متغلبلر نيك جور وستمیله انین ایچنده قالان ممالیکدن آیریلهرق
نصرت دین اسلام واعلاء کلمه الله هدفی داخلنده ایلری طوغری حرکت
باشلامشدر .

شریعت اسلامییه ملایم وموافق هر درلوفنون وعلومی اقتباسله طریق تمذنده
ایلرولمکه عزم وجزم ایلمشدر .

امیدورجا ایدرزکه بوتون عالم اسلام قرداشلرمز اداء واجب ایچون واقع اولان
شوحرکتیزی تأیید اخوتله تقویت بیورهرق بزه مشارکت ایدرلر وواجب
کوردیکیز بو حالک اداسنه یاردم ایدرلر .

الریعزی جناب رب الأربابه قالدیرهرق توفیق وهدایتیله عموم اسلام ایچون
خیرلی اولمه مزی « رسول ملک الوهاب » حرمتنه استرحام ایدهرز .

(وهو حسبنا ونعم النصیر)
امیر وشریف مکه مکرمه

حسین بن علی

فی ۲۵ شعبان سنه ۱۳۳۴

امیر و شریف مکہ مکرمہ دولتو سیادتو حسین پسا حضرت تری طرفندن
نشر ایتدیر یلن ایکنجی عربجه بیاننامہ نک صورت مترجمہ سیدر

— بسم الله الرحمن الرحيم —

« فان تولوا فقولوا اشهدوا بانا مسلمون »

برنجی بیاننامہ مزده ایضاح ایدیلن اسبابہ بناء قیام ایدن بز حجاز لیلرک آمال
وافکار مزده بعضارجه تردد حاصل اوله بیلمسی احتمالی دفع ایچون افاضل عالم
وبالخاصه مسلمینه قارشی بو ایکنجی بیاننامہ یی دخی نشر واعلانہ لزوم کوره رک
دها واضح دهـا صریح دهـا قریب العهد مواد ودلائل ایرادیلہ مقصدی عزى تماماً
تشریح ایدیورز .

شویله که : کرک اهل اسلامک بالجله عقلاسی و کرک تبعه عثمانیه نک اسباب
بصیرتی و کرک عموم اقطار عالمک ارباب فطانتی دولت عثمانیه نک حرب عمومی دوله
داخل اولدیغنه اسباب آتیهدن طولانی راضی دکلردر . برنجیسی سبب داخلیدر .
اوده دولت علیه عثمانیه نک طرابلس غرب و بالقان محارباتندن پک یقین زمانده
چیقدیغی ایچون قوه عسکریه وقوه مالیہ سنه خسار کلی عارض اولمش و مرکز
استناد اولان ملت خیلیدن خیلی ضعفه اوغرامشدر . اساساً ملت عثمانیه افراد
عسکریه سنک مملکتنه عودت واعاشه اهل و عیال ایچون سعی و عمله مبادرت
ایدر ایتمز علی التوالی تکرار خدمت عسکریه یه ایسته نلمسی بو ملت ایچون
دائی بر فلاکت اوله کلمشدر . باخصوص حرب عمومی حاضر ایسه حروب
سائره یه قیاس قبول ایتمز قورقونج بر حرب اولدیغندن ضعیف بر ملت اوزرینه
تحمیل مصارف ایدهرک بویله قورقونج بر حربیه ملت عثمانیه یی سوق ایتمک کار
عاقل دکل ایدی . ایشته دولت عثمانیه نک بو حربیه دخولنه عقلاء مسلمینک راضی
اولمالرینک بر مهم سببی بو ایدی .

ایکنجیسی سبب خارجی اولوب حکومت اتحادیه نک متحارب اولان ایکی
صف عظیم دولدن اختیار ایتدیکی جهته عائددر . دولت عثمانیه بر دولت اسلامیه
اولوب خریطه عالمده اشغال ایتدیکی محل واسع وسواحلی کثیر اولدیغی ایچون
اوتہ دنبری « آل عثمان سلاطین عظام » نک مسلکری وجهله تبعه سنک قسم
اعظمی مسلمان و دکرز لرده حاکم اولان دولترلره میل ایتمسی سیاستنه دهـا
موافق ایدی .

حکومت اتحادیه ایسه بو سیاست قدیمه بی ترک ایله اهاالیسنه نسبتله مملکتی طار و بنا علیه خیال وطمعی واسع اولان طرفله برابر حر به کیرنجه مسلمینک ارباب بصیرتی منتظر اولان نتایج سیئه بی کوردرک حرکت اتحادیه دن تشأم ابلدی .

حق حرب حقنده کی فکرم تلغرافله صورلدیغی زمان طرفدن بروجه مشروح مقتضاسی ایفا اولنمشدرکه جواباً چکیان اولتلغرافم دولته قارشی خلوص نیت و صداقتمه وناموس اسلامک صیانتی خصوصصنده کی فکرمه علنی بربرهاندر .

ایشته بزم وقتيله دیدیکز وجهله قورقدقلرمز ظهوره باشلامشدر . بوکون دولت علیه عثمانیه نك آوروپاده کی حدودی تقریباً استانبول سورلیدر .

روس اردولرینک طلائی سیواس وموصل ولایتلرنده اهای عثمانیه بی چکنه مکه باشلامشدر .

انکیزلر دخی بصره ولایتيله بغداد ولایتک بر قسمی اشغال ایتدیکی کبی بادیة العرب شده بیکرجه عثمانلی اسراستی اوکنده سوروب کوتوریور . شبهه یوقدرکه بو احوالی تأمل ودوام ایتمکده اولان حربک نتیجه سنی تفکر ایدنلر ذهنلرینی یورمتسزین شو نتیجه یه واصل اولورلرکه بزم ایچون شوایکی شقدن بریسنی اختیار ایتمککمز ضروریدر .

یاخریطه عالمدن سیلمنوب محو اولق یاخود بو محودن قورتلحق چاره سنی بولق . بوایده تأمل ولایم کلن جوابی اعطا خصوصنی بوتون عالمه ترک ایدهرزودبرزک مهالک مالکی احاطه ایتمزدن اول واقع اولان قیامز بجا حتی قیامزک مشروع وواجب اولدیغی هر وجهله شایان ادعادر .

متغلبه النده بازیمجدن عبارت قالان دولت عثمانیه مر بوط قالدیغمز تقدیرده دولت مشار الیهایه فائده بخش اوله جغی معلومز اولسه یریمزدن حرکت ایتمز وهردرلو محن ومشاقه صبر ایدردک . فقط قطعياً فائده متصور اولدیغی اکلاشمشدر . چونکه بزی یوروتک ایتدکلی وجهله حرکت ایتسک ولایات سائرته کوزکوره اوغرا دیغی محو واضمحلاله بزمده اوغرایه جغمز قطعیدر . ایشته بز بویه دیر وحرکتمز حقنده کی حکمی عالمک نصفیت وعدالتیه ترک ایدهرز . فقط بالکبر شوارسنی علماً سویلمکدن کچه میزکه بو دولتک حوینه واناظولی اهاالیسنک پریشانلغنه منحصرأ سبب اولان اتحاد وترقی متغلبه سیدر . اونلرده انور . جمال . طلعت وهمالریدر . دولت علیه عثمانیه نك خطه سیاسیة اساسیه

سندن یعنی عظمای سیاسیه عثمانیه نك وضع ایتدیكى سیاستدر كه انكتره و فرانسه حكومتلرله موالات و مصافدن عبارتدر . ایشه تاریخاً ثابت اولدیغی اوزره فوائد عظیمه تولید ایدن بو سیاستدن دولتی حیقارمنه یكانه سبب دخی رؤسای اتحادیه در .

بو رؤسای اتحادك اخلاق و درجه صدق و وفالرینی اكلامق ایچون شونی سویلمك كافیدر . شدت احتیاجلری انا سنده کندیلرینه قرصاً آقچه اعطا ایدن فرانسهیه چوق زمان كچه دن اتحادجیلار اعلان حرب ایلمشلدر . بونی مثال اوله رق ایرادمز استقراضك هر كسجه معلوم و قریب العهد اولسنه مبنیدر . یوقسه بو ظلمه نك اهالی عثمانیه دن عناصر مختلفه حقنده بلا تفریق ایقاع ایتدكلی مظام و اجرا آت سیئه او درجه ده كشیفدر كه كشافی ضیای شمس او كنده سحاب مظلم كبیدر . باخصوص انای محاربه ده شریعت مطهره نك اهل ذمت حقنده کی احكامنی دوشنمیه رك ارمنی و روملره روا كوردكلی تعذبات میدانده در . كذلك شامده و عراقده اجرا اولونان مظام جملة معلومدر . از جمله (مدینه منوره) جوارنده مخدرات اسلامیه یی اسیرکی عسکر قشله لرینه سوق ایتملری شریعت اسلامیه و سهامت عربیه نك ابا ایده جکی احوالنددر .

اوت بز بونلره قارشی قیام ایتدك و بغض و عداوت اظهار ایتدك و ایده جکز یالكز بو عداوتمز اتور ، جمال ، طلعت و همپالرینه قارشودر . بزم بو بغض و عداوتمز هر مسلم عاقل اشتراك ایدر حتی خاندان سلطنت دخی قلاً بزمله در . بو بابده دیلمز شهید سعید ولی عهد سلطنت یوسف عز الدین افندی حقنده کی تعدی ظالمانه در .

بز بونلردن تبری ایده رك کندیلرینه بغض و عداوت اظهار ایدیورز . بزه ممالك عثمانیه ده و بلاد اسلامیه ده کی هر خالص مسلم اشتراك ایدر . سبی ایه اجرا ایتدكلی ظلم و وبال و دولت اسلام اوستنه جلب ایتدكلی اضمحلالدر . دولت بونلرك اغراض فاسده لرینه و نیات سیئه لرینه قربان اولیور . بونلردن الله صیغینیرز . بوسوز لرمز كلمه حقدر . بویله یشار و بویله اولورز . نصل بویله دیمه لم كه حرکات اتحادیه دن بزه موجب انتباه و عبرت اوله جقدها بشقه مثاللر وارددر . بز بونلردن بریسنی بوراده انظار عامه مسلمینه عرض ایدیورز .

شامده فرمان فرمای تحکم اولان جمال پاشا اوراده مخدرات اسلامیه دن بر (قلوب)

تشکیلنه صرف مساعی ایدرک موقفده اولمش و بوناساقلوبی طرفندن کندیسنه و معیتده کی هیئت عسکریه یه ویریلن ضیافتده مخدرات اسلامیه ساقیلک ایتمش و نطقلر ایراد و تعاطی اولمشدر . حتی بو ضیافتده جمال پاشایی ممنون ایتمک ایچون شام جرائدیلده اعلان اولمشدر . برکه دوشونه لم قرآن کریمده «سورة النور» ده تستر نسوانه دائر موجود اولان نصوص قاطعه آلهیه یی نظر اعتباره آلمیه رق جمال پاشانک واقع اولان شو حیا سز حرکتی صریحاً دلالت ایتمیزی که بو متغلبه نک شریعت اسلامیه و عادات عربیه یه قطعياً مبالا تلیری یوقدر .

ایشته بروجه بالا بو متغلبه نک احوالی تشریح ایله بلاد عثمانیه و عموم ممالک اسلامیه ده اهل اسلامه و عظم و نصیحت ایدر و بوزمره باغیه نک اغراض فاسده لرینه مبنی اوله رق او آمر آلهیه و نواهی سبحانیه یی تغییر و تحقیر ایتملرینه یاردم ایتملرینی رجا ایده رز . الله عاصی اولانه اطاعت اولنه ماز . بونلرک منکراتنی هرکیم ایله ، دلیلله ، قلبیله بوزمغه قادرایسه یا علمیدر . بونلرک حرکاتنی تصویب ایدنلر وارایسه انلرک ادله سنی دیکلمکه ده حاضر زوالسلام علی من اتبع الهدی .

شریف و امیر مکه مکرمه

حسین بن علی

فی ۱۱ ذی القعدة ۱۳۳۴

شودرج ایتدیکنز ایکی قطعه بیاننامه دن آ کلاشدیغی وجهله شریعت مطهره اسلامیه و عادات مستحسنه عربیه یه قطعياً مبالا تلیری اولیان اتحاد و ترقی جمعیتی متغلبه معهوده معلومه سی یوزندن شریف و امیر مکه مکرمه حضر تلیری قیام و اعلان استقلال ایلمشادر .

کذلک حربک ابتدالرنده دولتک اک مهم واک جسم ایالات ممتازده سندن معدود اولان (مصر) قطعه سیله اناطولی و سویش قنالنک کلیدی مثابه سنده بولونان (قبریس) اطه سی دخی بو متغلبه باغیه یه قربان اوله رق کیتمشدر .

اولجه ضایع ایتدیکنز بحر سفید اطه لر یله طرابلس غرب و بنغازی و روم ایلی قطعه سنی ده نظر دفته آله جق اولورایسه ک دولتمزاق دکزده کی حاکمیتنی کاملاً غائب ایلیور .

اتحاد و ترقی جمعیت شریره سنه بعد الصلح قربان اوله جق ممالک داخل حساب ایدیلورسه اوقوجه عثمانلی دولتی و اولککه سی خریطه عالمدن سیننمک درجه سنه منزل ایدیور .

بوکا سبب یکانه کیم اولمش اولور؟ بالطبع اتحاد و ترقی جمعیتله اون سنه د نبری موقع اقتداره کتیردیکی حکومتلری، آرتق مدت قلیله ظرفنده بو حاله قویدقلری بو دولت و مملکتده بوندن صوکره اولسون بو جمعیت وزمره باغیه سنه میدان وفرصت و یرمک بقیه البقیه ممالککڑک الدن چیقمسنه بادی اوله جغنی نظر تأمل و دقتدن دورطوئیه رق بویله بر حال وقوعنه میدان و یرلامک ایچون لازم کلن تداییره دولت و ملتجه توسل بیورمق فرض عیندر.

دولتی حرب به سوق ایدن پرنس سعید حلیم پاشا اعلان حرب جنایتک نتیجه سندن وخامت تولد ایده جکفی اعلان حربدن برآز صوکره حس ایتمکه باشلامش وقایینه ارکانی میاننده بعض کونا سزلدی ظهور ایتمش و باخصوص بو حالدن پک زیاده توحش ایدن پاشای مشار الیه حضرتلری صلح منفرد چاره سنک تحریرسنه باشلامش رسیده جمعیته ورؤسای شریره معلومه سنه اسماع ایتدیره میهرک استعفا یه مجبور اولمشلر ایدی.

حالبوکه بو حالدن مؤخرأ توحش ایدن پرنس سعید حلیم پاشا حضرتلری حربک ابتدا سنده قالدیره میه جقلری یوکک التنه کیرمدن اول استعفا ایله استفاده ایتمش اولسه لردی دهها اعلا برمسلاک اختیار ایتمش اولور لردی.

عفو عالی و تخفیه ارینه مغروراً بوبابده بر قاچ سوز سویلمک ایسترم. حریت حرکتیه مقتدر اوله میه جقلرینی پک اعلا بیلدکلری حالده نیچون مسند صدارتی قبول بیوردیلر؟

کندیلری مصرک الک بیوک پرنسلرندن پرنس حلیم مرحومک مخدوملری والیوم مصرده موجود پرنسلرک بیوکلرندن اولدقلری حالده ندن بواصل ونسللری غیر معلوم اتحاد رؤسا و اشراسی ایله اشتراک ایتمک تنزلنده بولندیلر؟

یوقسه تابعیت و عبودیت قدیمه لرله مربوط بولندقلری دولت علیه عثمانیه یه خدمت ایتمکی ایسته دیلر؟

بزه قالیرسه هیچ شبهه یوق که مربوطیت قدیمه لرلی طولاییسیمله دولت علیه عثمانیه یه خدمات مددوچه و حسنه ایفاسی ارزوسی کندیلرینی بوبار عظیمه آتمش اولمیلدر. مع ما فییه مشار الیه حضرتلری حال وزمانی در پیدش و جمعیت اتحادیه موجود اولدقجه و اونلر طرفندن موقع صدارته ارتقا بویوره بیله جکلرینی بوندن طولانی سربستی حرکتیه مالک اوله میه رق جمعیتک النده باز یجه اوله جقلرینی ادنا بر تفکر

بیورمش اولسه لردی بالطبع بو ارزودن صرف نظر بیورلر و نام نخیمانه لرینی تاریخ عثمانینک اوسیاہ صحیفه لرینه ادخالدن وقایه بیورمش اولور لردی .

چونکہ امثالی دلائیلہ ثابت اولدینی وسکوز ، اون سنه دنبری کورلدیکی اوزره اتحاد و ترقی جمعیتی طرفندن مقام صدارتہ کتیر یلن ذواتک جملہ سی کندیلری کبی منسوبین جمعیتدن اولدقلری جهتلہ بر ایش کوره مامش و جمعیت طرفندن و یریلن اوآمر دائره سنده حرکت ایتمش اولدینی مبرهن ایدی . مشار الیہدہ بونی کوروب و بیورلردی .

سعید حلیم پاشا بالارث والاصالہ پرنس اولدقلرندن وآلتس عنوان و نامنی حائز و ثروت و سامانہ مالک بولندقلرندن ناشی اتحاد و ترقی جمعیتی اشرا و اشقیاسیلہ بالاشتراک حرکت بیورملرینه هیچ بر معنا و یریلہ مز .

ایشلدلیکنہ کوره صلح منفرد مسئلہ سندن طولایی جمعیتلہ یینلرنده حاصل اولان کرکینلک مشار الیہک موقع صدارتدن چکملرینی انتاج ایتدیکندن مقام صدارت آرتق طوغریدن طوغری یه جمعیتک انہ کچمشدر .

صدارتدن بو وجهلہ استعفا وانفکاک ایدن پرنس سعید حلیم پاشا حضرتلرینک یرینہ بر دیگرینی کتیروب اثنای حربده بر مسئلہ چیقارمق و یاخود دولتی حربدن استنکاف ایتدیرمک کبی احوالہ معروض بر اقمق حامی اعظم جمعیت اولان آلمانیا ایمپراطوری و یلہامی کوجندیرمک دیمک اولہ جغندن (جمعیت کہ تعبیر و جیزیلہ طلعت دیمکدر) بو کبی احوالہ محل و میدان بر اقمق موافق کورمدی بناء علیہ زمام اداره یی طولایسیلہ قوللانمقدن صرف نظرلہ طوغریدن طوغری یه اله آلہرق کندیسنی صدارتہ تعیین ایتدیرمکک صدارتلہ جمعیت برلشمش اولدی .



طلعت پاشانک صدارتی — صدارتہ تعیین اولونان طلعت بک تعامل قدیمہ تشریفاتیه و اصول موضوعه دولت موجبنجہ پاشالق عنواننی ده اکتساب ایلدی . صدر اعظم نجامتلو دولتلو طلعت پاشا حضرتلری اکابر رؤسای اتحادیہدن بر قابینہ تشکیلیلہ ایشہ باشلادی . اوصرده مصرده بولندیغمزدن رفقادن بر ذاتلہ بر محلدہ بولنیوردق طلعت پاشانک صدارتہ تعییننہ دائر تلغراف کلمکله مومی الیہ بالبداهه عاجزلرینہ خطاباً آتیده کی یتقی سویلمش ایدی .

— بیت —

سن یاقیشماز دیرسک اما کل باشه شمشیر طراق
صدر اعظم اولدی طلعت جلوۀ تقدیره باق

فرداسی کونی ینه مومی ایله برلکده بولندیغمز صروده طلعت پاشا قاینه سی
ارکانک اسامیسنی مبین کلن تلغرافی او قودقدن وانور پاشانک ده حربیه ناظری
اولدیغنی اکلا دقدن صوکرده بیت آتی بی سویلمشدر .

— بیت —

طلعت اولمش صدر اعظم الله آلمش انوری
اتحادک سایه سنده ملکک آلت اوست هریری
حقیقه شوزاتک دیدیکی کبی طلعت پاشا قاینه سی سرعت سیر یله مملکتی آلت
اوست ایتمشدر .



صدر اعظم طلعت پاشا حضر تلی

S. A. Talaat Pacha (Grand Vézir)

طبیعی طلعت پاشا ورفقاسی مملکتک اعظم رجال سیاسیہ سندن (۱) و آلمانیا نك
بندگان صداقت نشانندن اولدقاری جهته ابراز خدمت و صداقت خصوصنده اولجه
كلن قاینه لرك جمله سنه فائق ایدی .

طلعت پاشا قاینه سنه نه نام ویرلك لازم کلیر ؛ چونكه قاینه سنه بالفعل قتلر
وجنایتلر اجرا وایقاع ایدن بر چوق جانیلر داخل ایلمش وکندیلمیده رئیس
جانیان اولدقارندن بو قاینه یه حکومت قاینه سی دیمكه انسان حیا ایدر .

بونك ایچون رئیس اشرا واشقیا طلعت پاشا نك شو قاینه سی مختلط جانیلرك
انحادیله تشكیل ایدن بر قاینه اولدیغندن (قاتلر و جانیلر قاینه مختلطه سی)
ویا (اتحاد و ترقینك الك جانوار و خونخوار صوك قاینه وچته سی) دینیلیر .

طلعت پاشا قاینه سی حرب زماننده كلش و آزمان ظرفنده مملكتنده پك بویوك
ایشلر (۱) كورمشدر .


اعدام ایدیله میان وقورشونه دیزيله مین نقدر وطنپروران و مخالفان واریسه
هپسنى تمیزله مش عقل وفكره كله میه جك درجه ده مظالم و جنایتلر اجرا ایلمشدر .
اسلام و خرسیان بر چوق مظلومین ملت سیار بر عشریت حالته قونلمش
طر بزوندن ، قسطمونیدن ، سیواسدن چیقاریلانلر ممالك عثمانیه نك الك بعید
محللرینه زور ، حلب حوران وكركوك چوللری كبی محللره یایا اولد رق سوق
وهجرت ایتدیلمش و یوللرده آچلقدن و صوسزلقدن و مزاحم سفریه دن یوز بیكگرجه
قادین وارلك و چوق چوچق ترك حیات ایتمش و برطاقم مظلومینده بوجانی
قاینه نك امریله یوللرده قتل و اتلاف اولمشدر .

روایتیه نظراً قتل و اتلاف ایدیلنلرمیائنده اكابر اسلامیه و اغنیای خرسیانیه
و مأمورین روحانیه دن بیكگرجه ذاتده بر صورت غدارانده قتل اولمشلردر .

اهالی و تبعه سنی بو وجهله قتل و افنادن حذر ایتمین بو حکومتك بو كبی فضایح
وجنایاته جرأت و ارتكاب ایتمسی سلامت مملكت و ملت ایچون اولیوب عناصر
مختلفه بیننه القا ایدیكى منافرت و مخالفتی تزیمد و تشدید ایدرك ملتك استقباله
راحتی سلب واخلال ایتمك و بونقی واجلا وهجرتدن بالاستفاده مظلومین
و مغدورینك نقود و اشیا و اموال موجوده سنی چته لری افرادیله فدائی جانیلرینه
غصب و یغما ایتدیروب جمعیتك قاصه سنی طولدیرمق و فارماصون و سیونیست
جمعیتلرینك اوامر و القات فاسده لریله آلمانیا ایمپراطوری و یلملك اراده خائنه سنی

حقيله اجرا وايڤا ايلدكلريني كوسترهرك منافع خسيسه وسقيمه لريني تامين وافيال
جانپانه لرنده دوام ايتمكدن بشقه برشي دكلدر .

بوجانيلر بونكلهده قالميوب مملكتتمزي بر هرج ومرج ايچنده براققدن صوكره
عالم اسلامهده تعرض وتجاوزده بولمشلردر .



شيخ الاسلام موسى كاظم افندي حضرتلري

S. A. Moussa Kazim Effendi

Cheikh - El - Islam

بر ظرفدن آلمانيا ايمپراطورينك فكرلرينه القا ايتديكي (توران) خيال خامي
ايچون جمعيتك رؤسا وخطبا وفدايلرندن يوزلرجه سني ايران، بخارا، افغانستان،
تركيستان وقفقاسيه وبلاد سائره اسلاميه يه سوق واعزام ايله بورالرده مسكون
عناصر اسلاميه وخرستيانيه يي بربرلري عليهنه دوشورهرك اورالرده عصيانلر
وقياملر چيقارتمشلر وافريقا قطعه سنده كي اهالي اسلاميه يهده اسلاملق نقاب
وكسوه سي التنده كورينهرك بالاغفال بونلريده هم جوار حكومتلري عليهلرينه قيام
ايتديرمشلردر .

طلعت پاشا حضرتلریله تحت اداره سنده بولونان اتحاد و ترقی و فارماصون و سائر جمعیات خفیه منسوبین و حکومت اتحادیه رجالک غیر قابل حصول اولدیغنی پک ابو ییلدکارینه شبهه ایدیلهمین بوکبی خیالات ایله اوغراشملری و دولتک ملیونلرجه ایرالینی صرف ایتدیرملری نهدن نشأت ایدیوردی ؟

بو قاریده دیندیکی کبی شوزمانده سیاستاً قابل اجرا اولمیان (توران) دولتک آلمانیا ایمپراطوری و یلهم ایله اتحاد و ترقی جمعیتک منافع و خاطری ایچون وجوده کلمسی ممکنمی ایدی ؟

بونک غیر ممکن اولدیغنی بزدن پک اعلا بیلن طلعت پاشا قاینه سی و اتحاد و ترقی جمعیتی نهدن بو خیال خام ایله بیچاره ملتی اغفال ایتدی ؟
 بزده بو سوأللرک تدقیق و تحقیقی ارباب ذکا و عرفان ایله وقعه نویسان زمانه حواله ایدر و احسان عدلی بک افندی (نوران) حقه اتحاد قارشی سویلدکلری قطعه آتیه نی درج ایله اکتفا ایلرز .

« قطعه »

بر ملتی وادی خرابییه سوره رکن
 آلتون طاغه یو کسملی دیردک سر و بلم !
 درت ییل وطنک خاکنی قانلرله بوغوردک
 (توران) نه که ، (حوران) نه که ای سیف مظالم !

ازان جمله افریقا چوللارنده و ساحله خیلی اوزاق مسافده بولونان مشایخ کرام عربدن شیخ احمد السنوسی حضرتلرینی دین و ایماندن مبرا کوندردکلری جمله جه معلوم اولان عونله لریله اتفاقلرینه دعوت و عالم اسلامه خدمته جلب ایتدیلر .

هیچ شبهه یوق که شیخ مشار الیه حضرتلری بو ساخته کار دینسر و حیا سز اشقیای شریره نک بوردیکی کسویه آلدانمشلر و خلیفه مسلمین و پادشاه اسلامیان نامنه حرکتدن چکنمیان بوخذه نک اغفالاته قایلمشلدردر .

نصل اولور که شیخ مشار الیه حضرتلری حسب الدیانه و الشریعه خلیفه مسلمین اولان پادشاهمز افندمزه قلباً مربوطیت تامه ایله مربوط بولندقلرندن بو دعوت و قیامه جواب رد ایله مقابله بیوره بیلورلر . بالطبع بولندقلری حال و موقع بو بولده حرکتیه مانع اولدیغندن عالم اسلام نامنه قیامه مجبور اولدیلر و بوجه مشروح حرکت و قیامه باشلادیلر و باشلادیرلدیلر .

اتحاد و ترقی رؤسای معلومه سی. بک رعنا بیلورلردی که بو حرکت و قیام دولت و مملکتیز ایچون بر عمره و فائده بخش ایتمیوب یالکز اهای اسلامیه و عرباندن بیکلرجه خلقلک شهادتیه آلمانیا حکومتک آمال سیاسیه سنه خدمندن منبعث اوله بیلیردی .

نته کیم ده او یله اولدی بونلرک اغفالات و تشویقاتنه قاپیلن شیخ سنوسی حضرتلری منسوبینندن وجوارلرنده بولونان عربان و عشایردن بیکلرجه افرادک شهادتدن بشقه بر نتیجه استحصالنه و دولت و ملت مزه یاردمه موفق اوله مدیلر .

دولت و ملت ه اک زیاده اهانت و خیانت ایدن سیالردن :



حریه ناظری انور پاشا حضرتلری

Enver Pacha Ministre De La Guerre

بوقایینه شیخ مشار الیهی اسلافندن زیاده اغفال و تشویق ایله آلمانیا ایمپراطورینه بر جمیله کوسترمک ایچونده شهزاده جوانبخت دولتلو نجابتلو عثمان فواد افندی حضرتلرینی معیت نجابتناهیملرنده بر طاقم ضابطان و ذوات سائر ه ایله برابر

(مصر اطه) طریقله شیخ مشار الیه حضرتلرینک نزدعالیرینه سوق واعزام ایتمک کبی بر حرکتدن ده چکنمدی .

ایشته شیخ سنوسی حضرتلرینی بوصورتله قیام ایتدیرن اتحاد وترقی جمعیتی بوندن بشقه افریقانک اورتیه سنده وسودان قطعه سنک اتصالنده بولونان بر بحق ایکی ملیون نفوسه مالک ومستقل بر اسلام حکومتی اولان (دارفور) سلطانلغندهده شیخ سنوسی حضرتلرینه اوینادیغی او یونی اوینایه رق (دارفور) سلطانی علی دیناری اغفال ایله قیام ایتدیرمشدر .

دارفور سلطانی « علی دینار » بو اتحاد شیریرارینک اغفالایتله انکیلزلر علیهنه قیام ایتدیکندن سوداندن سوق واعزام ایدیلن انکیلز ومصر قوه عسکریه سیله حرب ایتمش ونتیجه محاربهده سلطان مشار الیه شهید اوله رق سلطنت ومملکتی انکلتره دولتک ید ضبط واستیلاسنه کچمشدر .

هیچ برطرفدن تعرض وهجومه معروض اولمیان وشمدی به قدر استقلالنی محافظه ایدن و بوندن صکرده دهها زیاده مستقلاً حرکتله حریشایه حق اولان افریقاده کی یکانه مستقل بر اسلام سلطانلغی بو اتحاد وترقی اشراسنک اغفالاتی اثری اولق اوزره خریطه عالمدن سیلنوب محو وپویشان اوله رق کتدی .

بو خائنلر یالکز بزم مملکتهمزی محو واضمحلال ایله قالمیوب قطعات، خمسهده مسکون وموجود ملل مختلفه وحکوماتک انتظام اداره وراحتنی سلب ایچون لازم کان فضایح وجنایاتک ارتکابندن ده کیر و طورمدیلر .

والحاصل میدان انقلابه آتیدقلری کوندنبری نه بز ونهده سائر اقوام بر راحت یوزی کوره مامش و بوخندله ملعونه همپارلیله برابر دنیایی آت اوست ایدهرک بو کونکی حاله کتیرمشلردر .

طلعت پاشا قاینه سی حبسخانه لرده کی قاتلاری ، جانیلری چیقاروب جمعیت اتحادیه نک الک شیریر فدائیلرینک ریاستنده چته لر ترتیب ایتمش وبوچته لرله بیکلرجه اسلام وخرستیان کویلرینی صویدیرمش وبرچوق مظلومین ملتی خاک هلا که سردیرمشدر .

بو قاینه نک جنایات متعدده سنی تعداد ایچون جلد لرحه کتابلری یازمق لازم کلور . یالکزجه مملکتهمزده اجرا وار تکاب ایلدیکی جرائم یوز لرحه اثر یازمغه کفایت ایدر .

طلعت پاشا قابینه سی جانیک ، اشقیالق ، یغماجیلق کبی جنایات وشقاوتدن
ماعداد برده تاجرلک ایجاد ایلمشدر .

دوات وملتہ اک بیوک اہانت وخیانت ایدن سہالردن :



بحریہ ناظری جمال پاشا حضرتلری

Djamal Pacha Ministre De la Marine

بو اشقیای مشہورہ صویدقلمینی کافی کورمیہرک تجارتہدہ باشلاملری طبعی
بر حال عد اولنہ بیلیر .

ذاتاً منفعت ذاتیہ وشخصیہ وتائمین منافع عزمیلہ تشکل ایدن بر جمعیتدن بوندن
بشقہ برشی بکلہ نلمزایدی .

بو مجسم حمیت ووطنپرور اشرا فرصتدن استفادہیہ قیام ایلہ حال حرب
طولایبسیلہ فیثاتلری کسب تزیاید ایدن امتعہ واشیا وما کولات وسائرہدن مملکتتمزدہ
موجود اولانلری بعض محللرہ ادخار وحفظ واولیانلری جلب وجمع ایلہ یوکسک
یوکسک فیثاتلرلہ بیچارہ اہالی یہ بیع وفروخت ایدہرک ملیونلرجه لیراصاحبی اولمشلردر .

از جمله هر خصوصه بونله معاونت واشتراك ایدن سلا نيك دونمه لریله بالاشتراك استانبول و بلاد سائرۀ عثمانیه ده چویرمدكلى دولاب قالماش و هم اونلر و هم ده كندیلری ملیونلره لیرالر قازانمشدر .

بو بویله قالمش اولسه ایدی بلکهینه نظر مساعحه ایله کوریلوردی . مع الأسف بونلری تزید ثروت و سامان خرصی خزینۀ دولتی ده صومعه سوق ایتدیکندن بر طرفدن خزینۀ جلیله مالیه ده ناظر بی اقتدارى عودتی شهر جاوید بكك همتی (۱) و دیگر طرفنده حریه نظارتی لوازمات عمومیه دائره سی رئیس بی حیاسی طوپال اسماعیل حقى پاشانك غیرتی (۲) ایله ملت مظلومه یه بار و تحمیل ایدیلن یوز ملیونلرجه لیرا استقراضدن حاصل اولان آقچه دن ملیونلرجه لیرانك سرقتی ایله ملتى صومعلری نظر مساعحه و عفو شایان احوال دن دکلدر .

اون سنه دنبری دولت و مملکته اهانت و خیانت ایدن سیمالردن :



مالیه ناظرى سلا نیكلى جاوید بك

Djavid Bey Ministre Des Finances

طلعت پاشا قاینه‌سی آلمانیا دوستمزدن (!) استقراض ایلدیکنی اعلان و بیان ایلدیکنی مبلغی کویا قارشولق اتخاذایده رک رفیق شریر شهرلری دیون عمومیه عثمانیه عثمانلی داینلر وکیل (طنینجی) حسین جاهد بکله مشترکاً بالامضا میدان تداوله وضع و اخراج ایلدکلری غیر معین المقدار ملیونلرجه لیرالق ورقه نقدیه ایله دخی دولتی و ملتی افلاسه طوغری کوتوره رک بوندن دخی کلی مقدار استفاده تأمیندن چکنمدیلر.

میدانی واسع و بوش بولدقلرندن هر درلو رزالت و دنائت اجرا و ارتکابندن خالی

دولت و ملتیه اک زیاده اهانت و خیانت ایدن سمالردن سفسطه پرداز شهر :



دیون عمومیه عثمانلی داینلر وکیل وطنین غزنه‌سی صاحبی

حسین جاهد بک

Hussein Djahid Bey Directeur et (Fameux) Redacteur
En Chef du Tanine

قالیه رق هر حال و کارده دولت و ملتیزک محو واضمحلالی چاره سنی تحری و تهیه
ایله وظیفه لرینی بحق ایفا ایلدیلر .

خلاصه کلام اون سنه دنبری کان اتحاد قاینه لرینک یاپه مدیغی و یارم بر اقدیغی
هرنه درلو جنایت و شناعت و ارایسه طلعت پاشا قاینه سی مدت قلیله ظرفنده
جمله سنی اجرا و ایفا ایله مملکتی محو و پیریشان ایلدی .

امیدایتدکلرک ای دل او یارسه حکم تقدیره

ظهور ایلرسکا البت نه حاجت رأی تدبیره

خواسنجه امید و اعتمادلری ارزوی فاسده لری کبی حکم تقدیره او یایوب
عکسی ظهور ایتمش جهانیه میدان اوقویان آلمانیا دولتی مغلوبیتیه یوزطوغه
باشلامش اولدیغندن اتحاد و ترقی جمعیت و رؤسای متغلبه سی فوق الغایه تلاش
و ترده دوچار اولدیلر .

حربه دخولدن اول ادرنه شمندوفر استاسیوننک بولندیغی قره اغاج موقعی یعنی
ادرنه نك قیوسی دیمک اولان استاسیونی حربه اشتراکی ایچون آلمانیا نك امریله
بلغارلره ترك و تسلیمه راضی اوله رق اتحاد اشقیاسی جمیله کوسترمش ایدیلر .
ایشته بودوستلرینک یعنی بلغارستانک دول متفقّه اردولرینه مقاومت ایده میه جکنی
ا کلامسی و آلمانیا نك دخی آرتق کندیسنه یاردم ایده جک بر حالدن چیقمش اولسنی
مشاهده ایلرسی و کیردیکی بو حربه بدن ضرر سزجه چیقماق اوزره دول متفقّه ایله
عقد متارکه ایلرسی خبری در سعادته ایریشدیکنی متعاقب سوریه قطعه سنک
الدن کیده رک حلب، شام، بیروت و بلاد سائره مأمورینک دخی فراراً استانبوله
مواصلتلی اتحاد جیلره صاعقه کبی تأثیر و تلاش و توحشلرینی تشدید ایلمش
و تعقیب و اجرا ایلدکاری پلانی صویه دوشور مشدر .

بلغار حکومتنک میدان حر بدن چکلمسی و آوستریا - مجارستان دولتنک دخی
متارکیده آماده بر حالده بولنسی اتحاد و تعقیب ایلدکاری امید و تدبیری آلت اوست
ایلدیکندن جمعیت اتحادیه تخلیص نفس چاره سنک تحریسنه دوشمش دولت
و مملکتی محافظه بی اونو مشدر .


بو حاله دوچار اولان طلعت پاشا وقاینه سنجه یاپیله جق برایش برآن اول
ترك موقع و عار فراری ارتکاب ایلدی .

اوده طبق بو وجهله صدارتدن استعفا سنی ویره رک رفقای شریره سنک اک

مهم‌لرندن انور ، جمال ، دوقتور ناظم ، دوقتور بها الدين شاكر ، مدحت شكري ، اسماعيل حقى كى اشرايى باشنه طوبلايوب و جمعيتلرينه و ذاتلرينه عائد اوراق مهمه و نقودى دخى آلمشدر . بونلردن بعضى استانبولده بولونان آلمان كيملرندن برينه راكباً قره دكز طريقيله روسيه و آلمانايه و بعضى دخى و سائط سائره ايله ديكر محلله فرار ايتشاردر .

جمعيت و مملكتى ده رفيق شريرشپيرلى فتيحي ، احمد رضا ، احمد نسيمي ، رحى ، جاويد ، حسين جاهد ، حاجى عادل ، خليل ، كوزطيبى اسعد ، خيرى ، سليمان نعمان ، ضيا ، كمال و سائره يه ترك و توديع ايلدى .
طلعت پاشانك استعفايى اوزرينه حكومتى بر مدت دها الدن چيقار مامق و حاله

دولتمزه و ملتتمزه اك چوق اهانت و خيانت ايدن سيالردن :



اتحاد و ترقى جمعيتنك ركن اعظمى دوقتور ناظم بك

Dr. Nazim Bey Influent membre du Comité
Union et Progrès

کوره حرکت ایچون جمعیتجه کندی آدمارندن مرکب اولق اوزره بر قاینه
تشکیلنه قرار ویرلشدور .

بعد الانقلاب دولت وملمته اهانت وخیانت ایدن سهاردن :



اوقاف ناظر اسبقی نیکده لی خیری افندی (*)

Haïri Effendi Ancien Ministre des Wakfs

(*) مدارس ومکتب حقوقده تحصیل ایتمش اولان خیری افندی بر مدت امور عدلیهده
بولنش وبعد الانقلاب منسوب اولدیغی اتحاد جمعیتجه مبعوث انتخاب ایدلش ومبعوثلغی
ائتماسنده قاینهیه اوقاف ناظری اوله رق داخل اولشدور . مدرسه دن یتیشن وتبدیل قیافت ایدن
بو ذات ایکنجی دفعه تبدیل جامه ایدرک مشیخت اسلامیهیه تعیین ایتدیرلشدور . بومناسبتله
سویلینن قطعه آتیه درج ایدلدی . قطعه

بر صاریق برده اوزونجه جیه ...

شیخ ایدن شابی بوکون خلعتدر !

شیخ الاسلام اوله کلش خیری

کرچه فتوایی ویره ن طلعتدر !

احسان عدلی

بو صروده طرف اشرف حضرت پادشاهیدن مسند جلیل صدراتک صدر اسبق
لوندرو سفیری توفیق پاشا حضرتلرینه توجیه بیورلمسی جمعیت اتحادیه جه موجب
اندیشه وتلاش اولمش ایسه ده صدر مشار الیه حضرتلری مصر غزته لرینک روایتنه
نظراً اتحاد رؤسا سندن بر فردک قاینه سنه ادخالنه مساعد، بیورمدقلرندن قاینه
تشکیلنه موفق اوله میوب یرلرینه اولجه ارکان حربیه عمومیه دائره سی ریاستنده
و حربیه نظارتنده و بمن قوماندانلغنده بولنمش و حرب عمومی اثنا سنده روسیه
حدودی قوماندانلغنی ایفا ایتمش اولان عزت پاشانک تعیننه اراده سنیه جناب
پادشاهی شرفتعلق بیورلمشدر .



در سعادتدن فرار ایدن صدر سابق طلعت پاشایی اسکی طانیانلردن اولدیغمدن
مشار الیه حقنده بعض بیاناتده بولنغه لزوم کوردیم .

طلعت بوندن یکرمی ، یکرمی بش سنه مقدم طانیانلرجه ده معلوم اولدیغی
اوزره شایان محبت ، خوش صحبت ، نکته دان ، مسافر پرور ، حقوق طائیر
ارقد اشلق ایدیلور بر ذات ایدی .

طلعت لا یقیله تحصیل کورمدیکی حالد فیکر ذکایه مالک برکنج ایدی . حال
فلا کتنده فرانسه زجه تحصیل ایده بیلمش و اولدقجه لسان مذکوره واقف اولدیغی
وامور اداره ده جسارت صاحبی بولندیغی جهتله هر ایشده موفق اولوردی .

طلعت کبر وعظمتدن بری و رفقای حقه کی معامله سی هرشیدن عاری
اولدیغندن بر چوق احبا و اودایه مالک اولدی .

طلعت انقلابدن اولکی زمانلرده غایت نازک و صادق و احباب پرور ایدی .
طلعت انتساب و داخل اولدیغی جمعیتلره دخولندن اولکی حالی محافظه ایده ییله
ایدی . حقیقهً بین الاقران تمیز و ترقی به لایق برکنج ایدی .

مع التأسف داخل اولدیغی جمعیتلر هر کسک اخلاق و افکارینی تسمیم ایلدیکی
کبی طلعتک ده اخلاق و عاداتی بوزمش و عاداتا کندیسنی برجانی پامش چیقارمش
و کوزلرینی ده حرص شهرت ایله کور ایتدیکنندن او بیلدیکز و سودیکز طلعت بام
بشقه بر حاله کلمشدر .

وا اسفا که ، بو جمعیتلره انتساب ایدنلر بشقه درلو بر حال کسب ایله حقوق
انسانیه و بشریه یی در خاطر ایده میور و انسانلقدن اوزاقلاشیور ایشته طلعت کبی نه

یایدیغنی بیلمز بر حاله کلیورمش .

اون سنه دنبری دولت و مملکته اهانت و خیانت ایدن سمالردن :



مجلس مبعوثان رئیس و داخلیه ناظر اسبقی میلانسی خلیل بك

Khalil Bey Ancien Ministre de l'Interieur

جمعیت اتحادیه نك دیگر رؤساستك عار فراری ارتكاب ایده جكری مأمول
ایكن طلعتك فراری هیچ عقله كلمز ایدی .

بز طلعتی سوزنده ثبات ایدرطن ایدردك . چونكه طلعتك دولتی یا جمعیت
قورتاره جق و یا مملکت جمعیتك النده محو اوله جق دیدیکنی بیلنلردن اولدیغمزدن
اون سنه دنبری فلا کتدن فلا کته سوروکلدکاری دولتی بویله اضمحلاله
یووارلانیدیغی بر صروده قورتارمق و یابستون محو ایلمك شقلرنندن برینی اختیار
ایدهرك بریره صاووشمیوب صدق مدعاسنی عالمه کوسترملی ایدی .

اتحاد وترقی جمعیتله دیگر جمعیتلرک ممالک عثمانیهده رئیس اکبر وعامل اعظمی
اولارن طلعت بویله فرار ایدیویرنجیه طوغریسی بزلریده وله وحیرتله
ایچنده براقدی .

بز طلعتده جسارت مدنيه ي مشاهده ایدیور وتعقیب ایدیکی طریق بوله
یاری بولده ترك ايله فرار ایتمز ظن ایدیوردق .

دولت وملته اهانت وخیانت ایدن سمالردن :



اتحاد وترقی جمعیتی کاتب عمومی و سیروز مبعوثی مدحت شکری بك

Midhat Chukry Bey Ex Député de Serres.

Sécretaire General du Comite Union et Progrès

ایشته طلعتك بو فراری هم کندیسنی وهمده الده طوتدیغنی وطوتدیردیغنی
جمعیتلری اولدیرمش وممالك عثمانیهده بوندن بوله بونلر ایچون بر حیات اجتماعیه
بر اقامشدر .

طلعت وهمپاسنك فرارلری مملکت وملت ایچون باعث شکران اولسه کرکدر .
اگر بونلرک واستناد ایلدکلری قوتلرک مملکتمزده نام وشانلری قالسه ایدی .
هیچ شبهه ایدیله مزکه شمدی یه قدر ایشدکلری فضایحک بیک قات فضله سنی
ارتکاب ایدرلر . ملت مظلومه یی عقل وفکره کلیمان فلا کته سوق ایدرلردی .
طلعت شخصی اعتبار یله سودیکم بر ذات ايسه ده دولت وملته مضرتی جهتیله
شایان نفرت وتلعیندر .

كرك بوفراريلر وكرك اليوم مملكتده قالان وحالا اسكى روللرنده دوام
ايتمك ايستين جمعيت رؤساي سائره سنك يقينده جزاي سزالريني كورمكله ملتك
قريير العين اولسي جناب قهار منتقم حضرتلرندن تضرع ونياز اولنور .

« مارسرما ديدهيه مولا كونش كوسترمسين »

مثل مشهورنجه جمعيت ورؤساي شريره سنك جناب حق بردها مملكتمزده
اجراي نفوذ لرينه امكان وفرصت ويرمسون . ملت مظلومه معصومه يده انتباه
احسان بيورسونده بوظلمه ومتغلبه نك اوينادقلى و اوينا مق ايستيه جكلى
اوپونلرينه بوندن بويله اولسون آلدانوب وايناغسونلر .



صدر اعظم عزت پاشا حضرتلى

S. A. Izzet Pacha (Grand Vezir)

عزت پاشانك صدارتي — مسند جليل صدارت عهد سنه توجيه بيوريلن
نخامتو دولتو عزت پاشا حضرتلى قاينه سي اركانى همان جملة دينيله جك
برصورتده جمعيت اتحاديه رؤساسندن مركب اولمق اوزره انتخاب وتشكيل

بیوردقلرندن مشار الیه قایینه سنک تشکلمدهده استانبولده قالان وبررطرفده اختفا
ایدن رؤسای متغلبه نك یوقاریده بیان اولندیغی اوزره جمعیتجه وبریلن قرار
موجبجه روللرینی اوینادقلری تظاهر ایدیور

چونکه بوقایینه نك حین تشکلمده طلعتار، انولر، جمالرورفقای سائره سی
هنوز فرار ایتیمهرك استانبولده بررطرفه صاقلانمش اولدقلرنده بولندقلری محالردن
امرلرینی انفاذ ایتدیره بيلمشلردر .

طلعت پاشا قایینه سنک استعفا سی بلغارستانك عقد متارکه ایتمسندن واورتیا ،
مجارستانك ده داخلی قاریشمسندن طولای آلمانیا ایلده درسعادت بیننده کی شمندوفر
مناقلاتی تعطیل ایدلمش ودوات علیه جهده متارکه یی قبولدن بشقه برچاره براقماش
اولمسندن نشأت ایتمش ایدی .


زیرا طلعت پاشا وقایینه سی ارکانی حیاتلرینی وجمعیتلرینك بقاسنی تامین ایده
بيلمك امیدینی بسله مش اولسولر ایدی . متارکه یی دوندن عقده آماده وحاضر
ایدیلر . بوا مید کندیلریچون پك ضعیف اولدیغنه واورته دنبری یابزخو اولورز
ویامتارکه وصلح یامیمیز یولنده کی پرو پاغاندارینه طپان طپانه ضد اولان بومتارکه یی
عقد ایتمك حرکات مردانه لرینه (!) پکده موافق اولدیغنه بناء کندیلری
چکیلر رك رفقای سائره لرینه عقد متارکه ایتدیرمك وکما کان حکومتی اللرنده
بولندیرمقی مناسب کوردکلرندن استعفا ایلده صورت ظاهره ده ایشك ایچندن
چیقیورمك ایسته مشلردر .

حالبوکه عزت پاشا قایینه سی بینه اتحاد وترقی قایینه سی اولدیغندن بوحرکتلریله
عالمك کوزینی بویامغه بزجه هیچ برلزم یوق ایدی . شاید بونلر مردلك دعواسنده
ایدیسه لرقره کوز کی پرده آرقه سنده اوینامغه نه لزوم واردی . یامتارکه یی قبول
ایتمزلر ویاخود جاوید بك رؤف بك وعزت پاشا وسائر قایینه ارکانی کی رؤسای
جمعیتدن مرکب برقایینه یه ده بوایشی یاپدیرمزلدی . کندی سوزلرینك ارلری
اولدقلرینی اثبات ایچون محاربه یه دوام ایدرلدی . عجباندن بویله یاپدیلرده
همپالرینه متارکه عقد ایتدیردیلر ؟

بوسوآلك جوانبی طبیعی دولتلر طرفندن نشر ایدیلر جك بیاض ، صاری ،
قرمزی ، مائی کتابلر کوستر وویرر .

ایشته بوصورتله پرده التنده اویون اوینایان بوشیرلر عزت پاشا قایینه سنه دول

متفقہ طرفندن تکلیف اولونان شرائط متارکه نی بالقبول عقد وامضا ایتدیر دکلدن
درت سنه دوام ایدن بوحاربه عظیمه دن دولت ومملکتی مع زیاده ضرر مادی
ومعنوی ایله چیقاردیلر .



مجلس مبعوثان رئیس وداخلیه ناظر اسبقی حاجی عادل بک

Hadji Adil Bey Ancien Ministre de l'Interieur

طوغریسنی سویلییه لم اون سنه دنبری (پادشا هلق) اویونی اوینایان بو عارسز
ویاراماز چو قتلردنده بوندن بشقه نه امید ایدیلیر ونه بکله نیله بیلیردی !!
عزت پاشا قابینه سی کوندردیکی مرخصلرله دول متفقہ طرفندن متارکه نک
عقدینه مأمور ایدیلان انکاتره دونماسی قوماندانی امیرال کلتورپ جنا بلرینک تحریر
وتنظیم ایلدیکی متارکه بی همان عیناً دینیله جک بر صورتده قبول و ۳۱ تشرین اول
۱۹۱۸ تاریخنه مصادف پنجشنبه کونی امضا ایتدیردی .

شرائط متارکه ده چناق قلعه بوغازی ایله قره دکز بوغازنده کی طور پیللردن
بوغازلرک تطهیری وقلمه لره عسکر اخراجی مندرج اولدیغندن بر موجب متارکه

دول متفقہ قرہیہ عسکر اخراجیلہ قلعہ لری اشغالہ و طور پیللرک طوپلاتدیرلسنہ باشلابہ رق چناق قلعہ بوغازینی سیر سفرہ مساعد بر حالہ قویغہ باشلار باشلہ ماز یوقاریده دینلدیکی وجهلہ استانبولده بعض محللرلہ غوبن زرہلیسنده مسافرہ مقیم طلعت پاشا ایله ہمالری جملہ استنبیہ قوینده بولونان مذکور غوبن آلمان زرہلیسنده طوپلانوب انکلیر فیلوسنک استانبول لیمانہ دخولندن اول بر آلمان کمیسی وقرہ دکر طریقہ روسیہ و آلمانیہ فرارہ قدم باصمشردر .

محاربہ نک صوک دوردرلندہ غلیانہ باشلایان افکار عمومیہ طلعت ورققاسنک بوصورتلہ فرارلری اوزرینہ اشتداد و تزیاد ایتمش و غزتہ لک روایتنہ نظراً « ذات حضرت خلافتیناہی » دہ عزت پاشاہ (قاینہ دہ اتحادجی کورمک ایستہ مدکلرینی) بیان بیوردقلرندن استانبولده قالان اتحاد اشراسی نہ یاپہ جقلرینی شاشیرمش و مترددانہ و متلاشیانہ بر حال و وضعیتہ دوشمشردر .

بو حال ایلہ ادارہ امور حکومتہ سکتہ طاری اولدیغندن عزت پاشا قاینہ سی افکار اہالیمنک غلیانہ هدف اولہ رق بر قیام وقوعیلہ دوشمکدن ایسہ بالاستعفا بو ایشک ایچندن چیقمغی نفس و منفعتلرینہ دہا موافق اولدیغنی بالتأمل استعفای تقدیم ایلہ چکیلہ مشلدر .

عزت پاشا حضرتلری ارکان و رجال عسکریہ میانندہ موقع ممتاز صاحبی متفنن و مقتدر بر ذاتدر .

مشار الیہ حضرتلرندن بو دولت و ملت بر چوق خدمات حسنہ و نافعہ امید و انتظار ایدردی .

دولت و مملکتہ نافع خدمتلرلہ نام دولتلرینی صحائف توارنجیہ شانلی بر صورتدہ قیدہ موفق اولہ بیلمسی مأمول و منتظر اولان پاشای مشار الیہ نصل اولوبدہ بو اشقیای شریہ چتہ سی رؤساییلہ بالاتحاد بر زمان حکومت اتحادیہ نک حربیہ ناظرانغندہ و بو حرب اثنا سندہ روس حدودی قوماندانلرغندہ بولنش وانا طولی ولایتندہ اتحاد و ترقی جمعیتی طرفندن اجرا ایدیلن فضایح و جنایاتہ نظر مسامحہ ایلہ باقمشدر .

مع الأسف پاشای مشار الیہدہ بو شیریرلک ہر درلو امر و ارادہ لرینہ انقیاد و افکار و آمللرینہ خدمت ایتمشدر .

بو جانیرلہ بالاتحاد حرکت ایتمک و ہلہ شوصوک محاربہ دہ بونلرک ارزوسی

وجهله ایفای خدمت ایلمک عادتاً اتحادک جنایت عظیمه سنه اشتراک دیمک ایدی .



آیدین ولایتی (ازمیر) والیسی و سلاطینک مبعوث سابق رحمی بک

Rahmi Bey Vali de Smyrne ex député de Salonique

مشار الیهک بو وجهله بونلره سرفرو وانقیاد ایتملرینه هیچ برمعنی ویردهدیکز
کبی بوصوک صدارتی قبوللرینه و بونلره برلکده بونلرینه دخی بردرلو عقل
ایردبره میورز .

یز پاشای مشار الیه حضرتارینی هیچ بروقت بونلره اشتراک ایتمز و مملکتی
بوشریرلردن تخلیصه موفق اولور امیدنده ایدک .

پاشای مشار الیهک اتحاد متغلبه سندن مرکب برقایینه ریاستنده بونلری حقیقه
شایان تعجب و تأسف احوالنددر .

صدر اعظم عزت پاشا حضرتلرینک شوصورتله چکیلملری اوزرینه انحلال
ایدن مقام صدارتینه لوندردن سفیری صدر سابق توفیق پاشا حضرتلری تعیین
بیورلمشدردر .

توفیق پاشانك صدارتی — عزت پاشا حضرتلرینك استعفا سی وقوعه
مبنی مسند جلیل صدارت نخواستلو دولتو توفیق پاشا حضرتلرینه توجیه بیورلمش
مشار الیه حضرتلری طرفدن قاینه ارکانی بالا انتخاب تعینلری اراده سنیة جناب
پادشاهی به اقتزان ایده رک ایفای وظیفه به مبادرت بیورمشلردر .

اتحاد وترقی جمعیتك هر نه زمان باشی صیقلسه موقع صدارته توفیق پاشا
حضرتلرینك تعینلری اصول مرعیه حالی کسب ایتمش اولدیغندن پاشای مشار
الیه حضرتلرینك بودفعه ده مسند صدارتی اشغال بیورملری اولرجه ممنونیتی
موجب احوال دن عد اولنور .

چونکه توفیق پاشا حضرتلرینك مسلم انام اولان تربیه ذاتیه ونزاکت
طبعیه لرندن استفاده به آیشمش اولان اتحاد رؤسایینه برمدت صوکره مستفید
اولق امید و فکرینی بسارلر . امثالی دلائیله ثابت اولدیغی اوزره بوتبدل دن ممنون
ومتشکر درلر .

بودفعه یالکز صدر اعظم پاشا حضرتلرندن استفاده بکله میوب قاینه ده مع
التأسف اکثریتی تشکیل ایدن اتحاد اعضا ومنسوبینندن کندیلرینه یاردم بکلرلر
ومستفید اولق ایستلر .

مع ما فیه بوکره امیدلرینك پک بوششه کیده جکینی واستفاده ومعاونت انتظار
وطلب ایلدکلری قاینه ارکانك یاردم ومعاونتلری شویله طورسون ارکان مشار
الیهمك موقع ومأموریتلرینی محافظه ایده میه رك چکیلر جکلرینی مأمول ایده رز .
زیرا بوندن بویله « ذات شوکتسات جناب پادشاهی » ایلر تبعه صادقه
شاهانه لری اولان ملت معصومه مملکتده اتحاد وترقی نامنده بر جمعیت کورمك ایسته
مدکلری کبی اوجمهته منسوب اولانلریده خدمت دولتده بولندیرمق ایسته مزلر .

بوکا دلیل عانی اولق اوزره دیرزکه . جمعیت ورؤساسنك مظالم واعتسافاته
نهایت ویرمك ایچون داخل ممالک عثمانیه ده بولونان تبعه صادقه شاهانه ایلر
بوظلمه ومتغلبه اتحادک جور وظلمنه تحمل ایده میهرک ترک دار و دیار ایلر ممالک اجنبیه
ده بولونان وطنپروران ملت استعطاف واسترحامات متوالیه لريله « ذات حضرت
خلافتپناهی » به مراجعتدن خالی قالمیورلر .

بو جمله دن اوله رق مصرده بولونان حقیقی وطنپرورلر طرفندن برچوق امضا
ایلر ده ۸ کانون اول ۱۹۱۸ تاریخله آتیده صورتی عیناً مندرج عریضه تلغرافیه

فرانسزجه یه بالترجمه رفع و تقدیم قلنمشدر .

— تلغرافنامه صورتیدر —

جناب حق عمر وشوکت شاهانه لربنی مزداد یورسون .

اون سنه دنبری اتحاد وترقی جمعیتک داخلی وخارجی تعقیب ایتدیکی سیاست سقیمه مملکتی بوکونکی حال فلاکته واردیرمش وبومدت طرفنده حقیقی وطنپروران طرفندن اصلاح اداره نامنه ابدال اولونان مساعی مع الاسف موقیت بخش اوله مامشدر .

تحت عالی بخت عثمانی یه جلوس همایونلری مملکتتمز ایچون فاتحه سعادت اولدیغنده شبهه مز اولدیغندن اتحاد جمعیتک خاتمه عمری مقامنده تلقی اولنمش و بناً علیه مواد آتیه نک خاکای شاهانه ارینه عرضنه جرأت ایدلمشدر .

اولا : انتخابی موافق مشروطیت اولمیان مجلس مبعوثانک فسخی وممالک متمدنده اولدیغی وجهله قانون دائره سنده سربست انتخابات اجرایی .

ثانیاً ، هیئت اعیانه اوصاف قانونیه بی حائز اولیه رق جمعیت طرفندن تعیین ایتدیریلن اعضا لک اخراجی .

ثالثاً ، یکی تشکل ایدن توفیق پاشا قابینه سنده اتحاد منسوب رجال بولندیرلما سی .

رابعاً ، اتحاد وترقی جمعیتی طرفندن اون سنه دنبری جرائم سیاسییه ایله محکوم ایدیلنلرک بلا استثنا و بلا قید و شرط عفوی .

خامساً ، جمعیت اتحادیه نک جرم سیاسییه تطبیق ایده مامسندن ناشی لغرض جرائم عادیه ایله محکوم ایتدیکی اشخاصک اعاده محاکمه لری .

سادساً ، ملتی بلا لزوم حرب عمومی یه سوق ایدن قابینه ایله اون سنه دنبری

کلن وبرچوق جرائم ارتکاب ایدن و جمعیتک افعال جنائیه سنه مساعده

واشتراک ایلین اتحاد قابینه لرینک و هر خصوصده اجرای نفوذ ایله قابینه لری

الارنده بولندیران رؤسای اتحادیه نک همان حبسیله تحت محاکمه یه آلنلری .

سابعاً ، ممالک شاهانه ارنده موجود اتحاد قلوبلرینک سدو بندلری و شمیدی یه

قدر آسایشی اخلا لدن بشقه برخیره یاره مین بو جمعیتک مسلک کنده کی آنا رشی

فکر و روحنک احساسی نیه متوقف ایسه انک اجراییله مملکت و ملتیه راحت

یوزی کوسترلرلی .

سعادت ملت و سلامت مملکت نامنه مواد معروضه نک برآن اول موقع تطبیقه

وضعی خصوصنه مساعده سنيه لرينك شايان بيورلسی بانبده وقاطبه احوالده امر وفرمان پادشاهمز افندمز كدر .

بیانات واقعه و صورتی مندرج تلغرافنامه دن اكلاشديغنه كوره حسیات ملت بسبتون تغیر ایتمش ومملکتی قانونسزاق ، نظامسزاق ، مستبدلك ، آنارشيستلك كبی شیلرله اداره ایدن وبوكونکی حاله كتیرن اتحاد وترقی جمعیتی ایلله رؤسای خونخوار وظالمه سنی رأس كرده كورمك ایسته میور وایستمیه جكدرد .
بونلربوندن صكره مملكتهمزده رول چویره میه جك واویونلرینه دوام ایده میه جكدرد .

فارماصونلق ، سیونیستلك كبی خلقی آلداتیجی واویوتیجی جمعیتلردن تولد ونشونما بولان اتحاد وترقی جمعیتی اون سنه دنبری كوستردیكی احتراصات شخصیه وجنایات عدیده ایلله دولت وملتی بوكونکی حاله صوقمش اولدیغندن بونی اكلامین افراد ملتدن كیمسه قالمامشدر .

فران ماصونلك ممالك اجنبیه ده كندی مملكتلرینك منافعه خدمت ایتدكلری مروی اولدیغنی حالده بزمكیلر مملكتی افتایه چالیشمشلردرد .

بوندن بویله ملت بوجمعیات وامثالی جمعیتلردن نفرت ایده جك وتربیه ملیه سنك اساساتی نظر دفته آله جق وقواعد اجتماعیه واخلاقیه سنی توسیع ایلله جلادت وشجاعت فطریه سنی ارائه ایلده جك واتحاد وترقی جمعیتله امثالنك ظلم واستبدادینه میدان ویرمیه رك باشلوباشنه یاشایوب منور بر ملت اولدیغنی جهانیه اعلان ایده جكدرد .

ایشته بوجمله حرکتی كندیسنه اس الاساس اتحاد ایدن ملت عثمانیه اصل ونسللری غیر معلوم مؤسسین ورؤسایه مالك وصورت تشكلی معلوم بر جمعیت مستبده ومضره یی مملكتلردن دفع وطرده ایدرك دولت ومملكتنك سلامت وسعادت آتییه سنی تأمین ایلله جكدرد .

شوبیانامك صدقنی هنوز بش ، اون كوندن عبارت اولان توفیق پاشا حضرتلرینك صدارتنده جریان ایدن احوال ارائه واثبات ایلدی .

الیوم رأس كرده بولونان توفیق پاشا حضرتلریده ارزوی ملت دائره سنده حرکت بیوره رق قایینه لرنده بولونان برقاق اتحادی نظاری اخراج وتبدیل بیوررلرسه هیچ شبهه یوقدركه اودقیقه دن اعتباراً اتحاد وترقی جمعیتی رؤسای معلومه سیله برابر

حکومت و دایه اید جک وابدیا نام و شانی غائب ایلیمه جکدر .
 بوندن بویله ده مملکتده اهالی مظلومه و معصومه بی آیاقلر الله آله جق و طبانجه
 و سائر ایل قتل و تهدید اید جک و دواتی اونک و بونک کیفنه خدمت ایتمک
 و باخصوص آلمانیا ایمراطورینه بر جمیل ابراز ایلیمک ایچون حربیه سوق ایلیمه جک
 و دولتک و مملکت باره سنی آلمانیا دن مبايعه ایتدیکی لوازمات حربیه و یروب
 بو مبايعاتنده ملیونلرجه لیرا چالهرق زواللی ملتی آج ، صومرز ، چبلاق بر اقه جق
 نه بر جمعیت قاله جق ونه ده تشکلی اید بیلیمه جکدر .

صدر اعظم توفیق پاشا حضرتلری فضائل اخلاقیه ، عفت ، استقامت ، حمیت ،
 نزاکت فوق العاده لر یله شهرت شعار افخم و زرای سلطنت سنیه دن بر ذات عالی
 صفاتدر لر .

سفارات سنیه ده و خارجیه نظارتنده وایکی دفعه ده مقام جلیل صدارتده
 بولنهرق ابراز آثار خدمت و صداقت بیوران و طنپروراندن بولندقلری جهته
 بو دفعه کی صدارتدرنده دخی کندیلرندن دولت و مملکت نافع بر چوق خدمت لر ایفاسی
 مأمول و منتظر در .

مملکتیمز ایچون اک نافع اوله جق خدمتدرندن برنجیسی اول امرده دولتک
 قلبکاهنه نفوذ ایدن اتحاد و ترقی جمعیتی رؤسای متغلبه و زور باسندن مملکتی
 تخلص ایتمک و مملکتده اون سنه دنبری دوام ایدن آنارشیزمک کبی اک مدنی
 بر ملتی محو و پریشان اید جک افعال و افکارک ازاله سنه همت بیورمق و آرتق
 بوکبی حاللره تحمل اید میه جک اولان ملتیه بوندن صوکره اولسون برار راحت
 و سکون یوزی کوسترمک ایچون لازم کلن اجرا آتک سرعت اجرا و تطبیقیله دواتی
 دوشدیکی شوکرداب آلمدن خلاص ایلملریدر .

مشار الیه حضرتدرندن امید و انتظار اولونان بو ایشلرک ایفا و تسویه سنه ده موفق
 اولملرینی و نام فخرمانه لرینک تاریخ عالمه خط زرین ایلیمه کچمسنی دیلرز .

برادر عالیبتارلری جنتمکان سلطان محمد رشاد خان حضرتلرینک عازم کلشنسرای
 مغفرت اولملری اوزرینه تخت عالی بخت عثمانییه جلوس بیوران پادشاه نوجواه
 شوکتلو قدرتلو سلطان محمد وحید الدین خان عادل حضرتلری (*) صدر اعظم

(*) سلطان محمد وحید الدین خان ابن جنتمکان سلطان عبد الحمید خان حضرتلری ۱۲۷۷ سنه
 هجریه سی رجب شریفنک یکریمی برنجی کونی زینت بخشای مهد وجود اولملردر .

توفیق پاشا حضرتلرینک اجرا و ایفاسی تمیانتده بولندیغمز مسائلده موفق اولملری
ایچون پاشای مشار الیه امنیت و اعتماد هایونلرینی ابدال ایله هر درلو مساعدات
سنیهده بولنه جقلرینی بیان و ایضاحه حاجت یوقدر .



خليفة مسلمانين ديشان و پادشاه عاليجاه عثمانيان شوكتلو قدرتلو

سلطان « محمد وحيد الدين » خان عادل حضرتلری

Sa Majesté Impériale le Sultan Mohammed Vahid-el-din,
Khan, Khalife des Musulmans

چونکه : پیرایه بخشای سریر خلافت سمیر اولان سلطان « محمد وحید الدین »
خان عادل حضرتلری اوتیه دنبری ملته قرة العین مفخرتی و سلاله عثمانیان
میاننده بی همتا و بی مدانی اولدقلری جهته سلطنت سنیه لرینی و ملت و مملکتلرینی
زوالدن و دوشدیکي شوحال اسف اشمالدن قورتارده جق و نام پاک عثمانی بی الی
یوم القیام ادا مه و محافظه ایتدیرده جک قدرت و قوته مالک بر پادشاه عالی جاہدر لر .
وجود هایونلری ملته رفاه و سعادت و ترقی و تعالیسیله مملکتک تأمین سلامتی
ایچون ملته بر موهبة آلهیه در .

شهریار معالی تاجدار و شهنشاه عالی اقتدار شوکتلو قدرتو پادشاهمز افندمز
حضرتلری فطرة ذکای خارق العادهیه مالک واجداد عظام معالی اتساملری
حضراتنه ازهرجهت فائق شجاعت و بسالقی حائزدرلر .

مسلم عالم اولان اقتدار و ذکای شاهانه لارینه انضمام ایدن علو عاطفت و مرحت
هایونلری ایسه تبعه صادقه شاهانه لرینک رفاه حال و سعادتنه بر برهاندر .
پادشاه نوجاه حضرتلری کوردکلری علوم اداریه و سیاسیه و تاریخیه ایله خاندان
عظاملری میاننده بی نظیر درلر .

دوشونجهلری عمیق و نطق هایونلری غایت سلیس و آچیتدر .

طالع هایونلری دولت و مملکتک اوغرا دیغی شوفلاکتلی دوره دن اول ذات
هایونلرینی تحت عالی بخت عثمانیه اقماد و اجلاسه سوق ایتسه ایدی .

هیچ شک و شبهه ایدیه مز ایدیکه دولت و ملت بوکونکی حال فلاکتیه دوشمز
وسایه شاهانه لارنده رفاه و سعادتیه یاشار ایدی .

خلاصه کلام ذات حضرت خلافتیناهی بالجله مسلمین ایله تبعه صادقه
شاهانه لری ایچون بردر جهانقیمت و عالی همت اولدقلرندن شو بجرانلی زمان
سلطنتلرنده بیلله بر تجدد و تفرد ابراز بیوره رق دولت و ملتی ساحل سلامتیه
ایصال بیوره جقلری مامول و منتظر در .

همان جناب قادر المطلق حضرتلری بالارث والاستحقاق سریر ارای خلافت
وسلطنت اولان خلیفه مسلمین ذیشان و پادشاه عالیجاه عثمانیان شوکتلو قدرتو
سلطان « محمد وحید الدین » خان عادل حضرتلرینی کمال موفقیت و مظفریت
و عافیتله الی آخر الدوران تحت عالی بخت خلافت شاهانه لارنده بر دوام بیورسون .
(آمین بحرمه سید المرسلین)



ایشته اوصاف جلیله شاهانه لرینی درج صحیفه مفخرت ایتدیکنز « شوکتلو
قدرتو پادشاهمز افندمز حضرتلری » برادر جنت مقراری سلطان محمدخان خامس
حضرتلری کبی بر زمره قلیله اتحادیه نلک النده باز یجه اولمقدن پک اوزاق اولدقلری
جهتله بوندن بویله اتحاد رؤسای شیریه سی مملکت مزده کی دولاب تزویرلرینی
دوندیره میه جکلری طبیعی و بدیهیدر .

بو بداهته قارشو ذاتاً چرخ حکومتی الرنده بولندیره میه جق اولان اتحاد و ترقی

جمعیتی نامی دفتر عالمدن حك وطی ایتدیرهرك یتلوب کیده جکدر .
پادشاهمز افندمز حضرتلرینك اثر هما یونلرینه تبعاً حرکتی وجیهه ذمت
وعبودیت عد ایدن ملت وتبعه صادق شاهانه لری ایسه یوقاریده دینلدیکی کبی
بو جمعیتدن چوقدن بقمش و اوصانمش اولدیغندن آرتق دسائس ابلسانه و خائنه
سنه آلدانیه حق و بویله جهانده بر فکر سیاسی ومنفعتجویانه تعقیب ایتك ایچون
تشکل ایدن و آتیده کی وثائق ونشریات ایله ده مثبت ومصدق بولونان فارماصون
وسیونست جمعیتلرینك افکارینه خدمت ایلک اوزره خلوص نیتدن عاری و صرف
منفعت دانه وشخصیه ایچون تاسیس وتشکیل اولونان اتحاد وترقی جمعیتنه دولت
وملتی قربان ایتدیرمه جکدر .

بانی حریت ونکبهان مشروطیت اولدقلرندن حریت ومشروطیتی محافظه
ایده جکدرندن بحث ایله مملکتی خرابه زاره دوندیرن جمعیت ورؤسای شیریه سنه
ملتک هیچ برکونا احتیاجی یوقدر .

ملت نجیبه عثمانیه بوکی پارلاق جمله لره آرتق احاله سمع اعتبار ایتمز واشرای
معلومه یه ده آلدانمز .

بوندن بویله حریت ومشروطیتی ادامه ومحافظه ایده جک انجق « ذات شوکسمات
جناب پادشاهی » در .

چونکه پادشاه نوجاهمز بر شهر یار عاقلدر لر . ترکار حقنده ژاپونیا ایلرک میقادوسندن
زیاده مشروطیت پرور بر پادشاه اوله جقلرینه قویاً امید و امنیت ایدرز .

اوله برسوری فارماصون وسیونست دوکونتییی اشرادن حریت ومشروطیت
کسوه سیه استبداد وظلم کورمک ارزوسنده دکاز .

ایشته بوشریرلرک سیونست بنده سی اولدقلرینه دائر حرب عمومیدن بر ایکی
سنه اول اسویچره نك (بال) شهرنده موسیو (وولقون) ک ریاستنده تشکل واجتماع
ایدن سیونست قونغرده سنده اتحاد جیلره تعلق ایتمک حسبیه حائز اهمیت اولان
نطق افتتاحینک بعض فقراتی بالترجمه بروجه آتی درج اولنور .

« سیونست قونغرده سی نطقندن ترجمه اولونان باشلیجه فقراتک صورتیدر »
روسیه ده کی موسویلر حقنده روا کور یان مظالم واعتسافات کوندن کونه دها
تحمل فرسا بر راده یه کلمکده در . رومانیا حکومتی ، رومانیا ده کی موسویلرک اصلاح
احوالی حقنده بعض احکام معاهداته رغماً ، کندی اراضی بنده کی موسویلری

بوتون حقوق سیاسیه ومدنیہ لرندن محروم براقیور . دیگر بعض ممالکده موسویله قارشى برطاقم افکار باطله پرورده ایدیلور . بعضاً الك اهمیتسز بر حادثه مناسبتیه موسویله قارشى حقیق بر نفرت اظهار اولمور . یکانه امیدمز ترکیاده در (!) بر کون اولوبده احوالزده بر اثر صلاح کوریله جک اولور ایسه بونک ترکیا سایه سنده (!) اوله جعنه شبهه یوقدر . سنه لک انقلابات سیاسیه یی اوزرینه ممالک سائرده کی دین قرنداشلرمز اقوام سائرهنک حائز اولدقلری حقوق ومنافعک عیننه مظاهر اولمشدر . موسویله ترکیاده بخش اولونان حقوق متساویهنک جدیتندن امین اولق لازم کلیر . ذاتاً ترکلر اوتیه دنبری موسویله حقنده خیرخواهانه طاورانشلدر . هریرده بزه نظر استحقار ایله باقلدیغی وحقمزده انواع مظالم واعتسافات روا کورلدیکی مظلم بر ماضیده ترکیا اسپانیادن طرد اولونان موسویله ایچون بر ملجاً تشکیل ایتمشیدی . موسویله اوزمان ترکیانک مهمانوازلغنه نصل کونمشلرسه شمیدیه اویله کوه نیورلر . واقعا بوسرده ترکیاده سیونیزم علمنده بر جریان افکار پیدا اولمشدر . تک توك بعض اشخاصک جهالت یابدخواهلفی نتیجه سی اولان بو حرکت وجریان طول مدت سوره مز . زیرا بو جریان بر طاقم محاکمات باطله ومستخبرات غیر صحیحهدن تولد ایلمشدر . بزم الک زیاده تأسف وتأثرمزی موجب اولان شی بزم کبی موسوی اولان بعض کسانک افکار عمومیه یی بزم علممزه چویرمه یاردم ایتملریدر . بوکیلر بو حرکتلریله بتون موسویله رفاه وسعادتی دوچار تهلمکه ایتدکلرینی هیچ دوشونمورلر . مع مافیسه بر کون کله جک که حقیقت میدانیه حقیقه جق واوزمان (سیونیزم) حرکتنک کرک موسویله وکرک دولت عثمانیه ایچون بیوک بر نعمت (!) اولدیغی کلاشیله جقدر . ممالک عثمانیه اقتصادیات نقطه نظرندن عصر لرجه اهل ایدلمشدر . ترکیا بوکون هر زماندن زیاده خارجدن کله جک ونافع بر عنصر (!) تشکیل ایده جک مهاجرلره محتاجدر . ترکیا ایچون ملجاسز موسویله قدر صادق (!) فائده بخش مهاجرلر بولنه مز . ترکیانک قانون اساسیسی بزم امنیت شخصیه مز (!) ایچون بر ضمان وکفالتدر .

دولت عثمانیه نک اجزای متممه سندن (ارض فلسطین) ده بر ملجاً وماوی تدارکنه (!) معطوف آمال وتصورات پرورده ایتمکه کندی مقدارتمزی ترکیا نککنمه ربط ایتمش بولموروز . کویا (ارض فلسطین) ی (!) دولت عثمانیه نک

جسمندن قوپارمغه ومستقل بر موسوی حکومتی تشکیل ایتمه چالیشدیغیزی
ادعا ایدنلر بونی یاقره بر جهالت (!) و یا بیوک بر خیانت (!) سائقه سیله سویلیورلر .
کویا بتون مساعی وتشبها تمز (!) مستقل بر موسوی حکومتک تشکیلنه معطوف
ومصروف (!) بولندیغی حقنده کی مصالحله خلقی ایناندر مق ایچون دو قنور
(هرچهل) طرفندن قلمه النان (حکومت موسویه) نامنده کی اثر اوکه سوریلور
واثر مذکورده بسط وتمهید ایدیلان نظریات ومطالعات بزم خط حرکت مزه اساس
اولق اوزره کوستریلور . حالبوکه بو محاکمه عقلیه (!) بالاده کی ادعایک باطل
اولدیغنک اک صریح دلیلدر . (هرچهل) حکومت موسویه عنوانلی اثرینی
یازدیغی زمان (سیونیزم) نه اولدیغی همان همان بیلمیوردی . موی الیه موسویاک
مسئله سنی دنیا نك لا علی التعمین بر کوشه سنده بر حکومت موسویه وجوده کتیر مک
صورتیله حل ایتمک فکر نده ایدی . مع ما فیه (هرچهل) سیونیستلر ایله مناسباته
کیریشدکن و حرکت مزک ماهیتنی (!) لایقيله اکلادقن صوکره مستقل بر حکومت
موسویه تشکیلی مسئله سنی بردها قاله آلمدی (!) بز پروغرامزده املاریمیزی ،
امیدلریمیزی ، مقصدیمیزی مختصراً و واضحاً بیان ایلدک .

(سیونیزم) ارض فلسطینده موسویلر ایچون حقوق عمومیه نك تحت تأمینده
اوله حق بر ملجأ تدارکنه (!) معطوف بر حرکتدر . دقت ایدلسون بر حکومت
موسویه دن دکل انحق اجداد مزک وطننده بر ملجأ تشکیلندن (!) بحث ایدیوروز .
اوله بر ملجأ که اوراده موسوی صفتیله (!) یشایه بیله جکوز وهیچ بر معامله
اعتسافکارانه یه معروض قالمتسزین اوصاف وخصائل ملیه مزی محافظه ایده
بیله جکوز .

بزیکی وحر ترکیاده (!) امنیت شخصییه و ملیه مزک ضمان وکفالتنی ترکیانک
مؤسسات مشروطه سنده (!) کورییوروز . مع ما فیه بزم حکومت عثمانیه دن طلب
ایتمکه مجبور اولدیغمز بر شیء وارسه اوده موسویلرک بلا قید و شرط تابعیت
عثمانیه یه داخل اوللرینه امکان بر اقل می وکندیلرینک بلا مانع (!) موسوی
ملتک آداب وعاداتنه کوره یشایه بیلملریدر . بزم غایه املمز (!) معمور و ذیقدرت
بر دولت عثمانیه داخلنده مرفه بر ملت موسویه حالنده دمکذار اولقدردر .



سیونيست قونغرەسی رئيسی موسیو (وولقون) ك بونطقى مدققانه مطالعه

وتدقیق اولورسه سیونیستلارک کیملر اولدیغی وسیونیستلک نه دیمک ونه مقصد ایچون ناسس وتشکل ایتدیکی تظاهر ایدر .

رئیس افندی نطقنده (یکانه امیدمز ترکیاده در . برکون اولوبده احوالمزده بر اثر صلاح کور یله جک اولورسه بونک ترکیاسایه سنده اوله جغنه شبهه یوقدر) دییور . شو جمله لره دیمک ایسته یورکه ترکیا حکومتی بزم المزده در . پلانز موجبجه انی آلت اوست ایتدیکی بزده بر اثر صلاح کور یلور یعنی ارز وایتدیکز یهودی حکومتی اولور بوده انجق ترکیه سایه سنده اوله جقدر دیمک اتحاد وترقی جمعیت وحکومتی سایه سنده دیمکدر . برده رئیس افندی دییورکه (ترکیاده موسویله بخش اولونان حقوقک جدیتندن امین اولمق لازم کلیر) بو طبیعیدر مملکتمز ذاتا کندی اللرنده اولدیغندن ایسته دکلری کبی منافع وحقوقلرینی تامین ایدرلر وایتدیلر . ینه رئیس دییورکه (سیونیزم حرکتک کرک موسویلر وکرک دولت عثمانیه ایچون بیوک بر نعمت اولدیغی اکلاشیمله جقدر) ایشته بو جمله اک زیاده جالب نظر دفت اولسه کرکدر . زیرا رئیس مومی الیه بزیهودیاری یعنی سیونیستلر آلمانیا یی الدهه ایتدک وترکیای ده انکله اتفاق ایتدیردک وآلمانیا یی حرب عمومی ایچون حاضر لامقده بز بر حرب عمومی ظهورنده ترکیایه وعد ایتدیکز وانکله اهالیسنی اغفال ایتدیردیکز (توران) یاپیلیر ترکلر ایچون بر نعمت اولور بزده وعد ایدیلن (ارض فلسطین) ویریلور یهودیلرده بو نعمتدن مستفید اولور اعتقادنده اولدیغندن بو جمله یی درمیان ایدییور . بونکلهده دیدیکز کبی آلمانیا حکومتی الیه اتحاد وترقی جمعیتی سیونیستلارک امر وآماننه آماده برر آلت اولدیغی اکلاشیلور .

برده رئیس افندی (یکی وحر ترکیاده امنیت شخصیه وملیه مزک ضمان وکفالتی ترکیانک مؤسسات مشروطه (!) سنده کوریمورز) دییور . زیرا اون سنه در ترکیا حکومتی دیمک سیونیستلر دیمکدر . بوکا هیچ شبهه مز یوق . مؤسسات مشروطه تعبیر یلدهده اتحاد وترقی جمعیتی ایما ایدن رئیسندن بزده سؤال ایدمک که یکی وحر دیدیکی اون سنه لک جمعیت اتحادیه وسیونیست حکومتی اولمادن اول عجب اسکی ترکیا یهودیلر حقهنده مظالم واعتسافاتده بولندی ؟ یوقسه انقلابدنبری کندی تربیت کرده لری اولان رؤسای متغلبه اتحادیه نک اجرا ایلدیکی جنایات ومظالمدن یوز بیکده برینی یاپدی ؟

اسکی ترکیا اتحاد و ترقی جمعیتنک خرسیتانلر حقننده روا کوردیکی افعالدن برینی
اجرا و یامعابد و مذاهب دینیه لر یله موسویلر ککنه تعرض و مداخله ایتدی ؟
یالکز اسکی ترکیانک قباحتی سیونیستلره بنده اولدیغی و (ارض فلسطین) ی
انلره و یرمکه وعد ایلمدیکی دکلمیدر ؟

بو مسائلی اوزون اوزادی یه تدقیق و مناقشه یه شو اثر مساعد اولمیدنن تطویل
کلام ایله اضاعه و قته لزوم کورمیوب درج ایتدیکم نطق فقرات مترجمه سیله سرد
و بیان اولونان مطالعات و استانبولده منتشر (بیان الحق) جریده سنک طربزوننده کی
(اقبال) غزته سندن نقلا یازدیغی مقاله و بیان مطالعه سی قارئین کرامک افکارینی
تنویره کفایت ایدر .

— صورت مقاله —

— طربزوننده منتشر اقبال غزته سندن اقتباس اولنمشدر —

اوت . بویکی دشمن بوندن یکریمی عصر اول ، عثمانلی ایمراطور اغنک و (ارض
فلسطین) نامیله یاد ایدیلن بر قطعه قیمتمدارندن مجبور هجرت اولمش عبرانیلر
احفادی بو کونکی موسویلرک افکار مفرطه اصحابندن (سیونیستلر) نامنی طاشیان
کتله در . مسالک استیلا کار یلری (سیونیزم) نامیله یاد ایدیلن بویکی یهودیلر اجدادینک
بنی اسرائیل قطعه سنده غنوده تراب عدم اولان خاطرات ماضیه سنی احیا ایتک
واراضی مقدسه ده یکی بر دولت متمدنه اسرائیلیه تشکیل و تأسیس ایتک و نهایت
بوتون بوتون دنیاده کی ملت موسویه نی ارض موعودک قیزغین چوللرنده ، منبت
وادیلرنده « حضرت موسی » نک معبود اعظمی ایله موعود ملاقاتی و « اوامر
عشره » نک محل اخذ و تلقیسی اولمش بر سمای فیوضاتک قبه شعشه داری التنده ،
اقوام سائره نک پنجه قهرندن قورتاره رق بر حیات استقلال ایله وایه دار بر عمر
حضور و سکون ایله یاشاتقی ، امل عظیمیله بو کون یشایورلر . چار اقطار عالمه
صاچلمش ، موجودیت سیاسیه سنی غائب ایتمش بر ملت قدیمه ایچون بو امل
طبیعی الحصولدر . فقط اقسام وطنی ، هر نه شکله اولورسه اولسون استیلا کار
قوتلره قارشى مدافعه ایتکده بالطبع معقول و مشروعدر .

بناء علیه سیونیستلرک بوتون بو امل اوغرنده کی تشبثاتی خطوه بخطوه تعقیب
ایتک واکاکوره مملکت مزده تدابیر مانعه اتخاذ ایلمک ، حکومت مزک ، دها

طوغریسی ملتیزك الك مهم وظیفه وطنپرورانه سیدر . بكونكى دشمنك مملكتى
فتح ايتك خصوصنده كى آمال وحركانتى بر نظر امان ايله تدقيق ایدرسهك بی
شبهه ، غریب بر فکر استیلانك مواجهه سنده بولونورز ... ساحه ارضده نشو
ونما بولان نسل بشرك وقت وقت عائله لر ، قبیله لر ، دولتر تشكىلى خصوصنده كى
كچیردیكى اشكال ماضیه وحالیه اصلاً مشابهت اولدیغنى كوریرز . علی الا کثر
حرب و ضرب ايله غصب و غارتله و یا تغلبه تشكىل ایدن حكومتلك والحاصل
محصول تحكیم و ظلم اولان دولترك مناقب تكاملاتى ايله مناسبتدار اوله میه جعنه
قناعت ایلرز . ایسته بویكى دولت ملحوظه ، موجودیت مستقبله سی ده یكرمنجی
عصرک بدایع خارق العاده سی كی یكى بر بدیهه مدنیته ، یكى بر نمونه غالبیت
اوله رق ، بو عصرک و بلکه ده اعصار آتیتهك بر وقعه خردسوزى تلقی ایدیلجهك
بر طرزده نشو و نما بولمق ایسته یور . دولت و ملتیزك قدرت اجتماعیه و سیاسیه سندن
تمنى ایده لم كه وطنیزك بر عضو قیمتمدارى عصر حاضر و مستقبل ، اوزرنده بویله
بر حادثه خارق العاده ايله كسب امتیاز ايله مسین (ارض فلسطین) ايله جوارنده ،
سوریه قطعه سنده ، بریته الشامده و نهایت عراق عزیزه بتون او حوالی قدیعه
اسرائیلیه ده اراضی واسعه اشتراسیله ، مهاجرین موسویه اسكان ایتك و بو طریق
ایله محال مبارکه ده آتیا استحصال استقلال ایلجهك بر موجودیت قویه عبرانیه
جانلاندرمق وزمان زمان تشبث اختلال و عصیان ايله مختاریت و ممتازیته نائل
اوله رق والحاصل دولت عثمانیه بی ماده و معناً ضعیف دوشورهك آنك انقاضی
اوزرنده یكى بر عضویت سیاسیه تأسیس ایتك صورتیله وارث ابدیسی اولمق
سیاستی سیونیستلك اس اساس حرکترلیدر . بونكه برابر ، مقصده وصول
ایچون ، تعقیب ایدیلن سائره دهها واردركه انلری ده سیونیستلرجه (موسوی
پریسی) یاد ایدیلن روسیه لی (اوشیکن) نام یهودینك پروگرام عنوانیله نشر
ایتدیكى اثرندن اوكره نیورز . (اوشیکن) بونلری درت نقطه ده جمع ایدیور .

۱ — ارض فلسطینده ثروت و معرفت جهتیله احراز غالبیت و مسابقت .

۲ — یهودیلرك قوای عمومیه سنی و سرمایه سنی جمع و تنسیق ایتك .

۳ — ملت موسویه ده حس ملیتی تزئید و توسیع ایتك .

۴ — تأمین مقصد ایچون دیپلوماسی طریقیه صرف مساعی ایلک .

برنجی طریق موفقیت اراضی اشتراسندن عبارتدر . « ۱۸۳۹ » سنه سنه

مصادف اولان « ۱۲۵۵ » سنه سنده اعلان ايدیلان تنظیمات « خط همايونی » ايله مملکت مزده حقوق مدنيه و سياسيه اساسلری وضع ایدیلرک مساوات و حریت اقایمی رشیم حالنده میدانده چیقنجه ، بوندن جسارتیاب اولان یهودیلر ، ایکی بیک سنه اول ترک ایتدکلری (قدس شریف) سنجاغی حوالیسنه هجرتیه باشلامشیر و بوآنه قدر یوز بیک نفوسه بالغ اولمشلردر . انجق اون بیکی تابعیت عثمانیه یی حائز اولان بوکتله موسویه روحیلد کبی یهودی اغنیاسنک همتیه (قدس شریف) ده یوز بیک دونم قدر اراضی اشترا ایلمشلردر .

عثمانلی ایمپراطورانی کبی اراضیسی یوز ملیون نفوسی بیهله بسلیه بیلمن فقیر و محتاج مدنیت بر دولتک مهاجر قبولی ، اعمار مملکت نقطه سندن جائز و حتی شایان ترغیب ایهده اقسام وطنه یرلشهرک اکتساب ثروت و قدرتدن صوکره امتیازات سیاسیه استحصالنه قیام ایده جک هرهانکی بر فردی ، بر کتله مهاجرینی حدود حاکمیتندن برخطوه ایلرو کچیر مامک دهدها زیاده الزم واهم بر وظیفه تحفظ کارانه در . بوکون روسیه کبی سیونیزم تهلیکه سنه معروض قالان بر دوات یهودیلرک ، اساساً بیک جاهل و غافل اولان موسقوف کو یلولرینه قارشى حائز اولدقلری تفوق اجتماعیسنی کندی ملتک سعادتق ایچون بر فلاکت عدیله اناری طرد و تبعید ایتدیکنی جداً ملاحظه ایلرسهک بزم سیونیستلرک پیشداری اوله رق تلقی ایدیلن مهاجرین موسویه یی قبول ايله کندیلرینک اراضی اشترا سنه ممانعت ایتامه مز ، دولتمزک غیر قابل عفو خطایای عظیمه سندن معدود در .

روسیه دن موسویلرک طردی یکی بر حادثه اولدغی کبی بزده استملاک سیاستی ده یکی ایشیداش دکادر . قوه شومزده کی بو تیقظ وشدته مقابل بزددکی مضرت بخش مرحمت و غفلت نه قدر ائمیدر . واقعا ماضیده کی بو مرحمت و غفلت صوک زمانلرده « آمال شخصیه » اندیشه سنه متقاب اولدیغنه و بودها زیاده موجب فلاکت بولاندیغنه شبهه ایدیه مز . حتی خفی و کیزلی اللرک بوتمایلات ملیتپرورانلرینه انضمام ایدن احتراصاتی دوام ایلدرسه بیک ازمان صوکره عثمانیلرک باشنه بر (سیونیزم) غائله سی چیقاجغندن بحق اندیشه ایدملیدر .

(بیان الحق جریده سنک مطالعه سی صورتیدر)

سیونیستلک حقنده کی شو مطالعه اول و آخر (بیان الحق) ک تعقیب ایتدیکی اساسلری ایوجه آندیریمور . مع هذا سیونیستلکک ارض فلسطینه دخولی بتون

جمعيات سياسيه نك ظهيري اولان فرماصونقله كيرديكني بر چوق ادله اشعار ايليور كه مملكت مزده (سيونيزم) تهلكه سي نصل بزي دوشوندير ييورسه فرماصونقلده او تهلكه نك دوننده دكلدر . حتى — طوغري اولديغنه كوره — ارض فلسطينده تجمع ايدن سيونيستلر فرماصونلق اصولنه توفيقاً بر محكه نك بولنديغي و بو محكه نك حكنه جمله سنك كردن داده اولدقلى سويلنيور كه بوده بتون قواعد حقوقك فوقنده بر حركتدر . سيونيستل ايله فرماصونلغي انكار ايدنلر ك قولاغى چينلاسون .
(بيان الحق) ۲۶ كانون اول ۱۳۲۷

(بيان الحق) جريده اسلاميه سنك بالا ه كي مطالعه سي حقيقه بك طوغري ونفس الامر موافق اولديغي وسيونيستل ايله فرماصونلغك آري برشي اوليوب توأم بولنديغي واضحا كوسترلديكي جهتله اوزون اوزادي به مباحثه و مناقشه دن صرف نظرله بوياده برقاج سوزله اكتفا ايدم .
فرماصونلق وسيونيستل و بوكي ايجاد و تأسيس اولونان جمعيتلر هپ بر مقصد خفي اوزرينه مؤسس اولوب اك قديم و انسانلري اك زياده آلداتيغي اولان جمعيتده فرماصونلقدردر . فرماصونلق فرانسزجه ديوار ياپيغي معنا سنهدر .
ايشته فرماصون قارداشلك تأسيس و تشكيل ايتدكلري فرماصون لوجه لر ينك مقصد تأسيسى كويا بر برلرينه ياردم ايتك و انسانيته خدمت ايلمك ايچون ايمش .
كتب مقدسه اربعه دن هيمچ برى ابناي جنسكزه معاونت و ياردم ايمه بيكر ديمديكي كي انسانلر قارداش دكلدر ديمه يور ديمك اوليور كه امر و اراده الهى وجهله كائناتده موجود انسانلر قارداش و بر برلرينه معاونتله ده مكلفدرلر .
طبيعى صاحب كتاب اولان اقوام ايچون ماصون قارده شلك جمعيتلرينه دخالتله قطعياً لزوم كوريله مز .

ما دامكه « جناب حق حضرتلري » بزره بر بر يكرزه معاونت و ياردم ايديكز بويور ييورلر .

ابناي جنسمزه معاونت و ياردم ايتمكلر با امر الهى وظيفه انسانيه مزدندر .
نصل اوليورده « امر الهى » به اطاعت و انقياد مجبوريتنده اولان انسانلر بونص قاطعه اعتبار و انقياد ايتميورده شونك بونك يازديغي پر و غرام دائره سنده حركته مجبور اوليور .

بوجهت اوجه تدقيق و تفكر اولنورسه بو جمعيتك انسانلره معاونت و ياردم

ایچون تشکل ایتمیوب خفی وخصوصی بر مقصده بناء ایجاد و تأسیس اولندیقی
تظاهر ایدر .

بونک ایچون انسانلر بر شیئک اصافی تحری و تدقیق ایتمکسزین فرعنه آلدانه رق
هیچ بر جمعیت و فرقه یه انتساب ایتاملیدر .

ذاتاً بر دین ایله متدین اولانلر منسوب اولدقلری ادیانک ارئه ایلدیکی شرائط
دائر سنده تماماً حرکت ایدر لر سه هیچ شبهه یو قدر که بویله بر مقصد خفی ایچون
تاسیس و تشکل ایتمش جمعیتلره انتسابدن بری وازاده قالیرلر .

حقیقی بزم مجهولزایسه ده ایشیدلدیکنه نظراً فرماصونلغی ایجاد ایدنلر عالمی
اویوتوب ادیان اورتهدن قالدیره رق دنیایی الده ایتمک و بو وسیله ایله تعقیب
ایلدکلری مقصده واصل اولوب منفعتلرینی تأمین ایلیمک ایستینلردر که مؤخرأ
ظهور ایدن جمعیتلرده انلردن ترشح ایتمش و دنیایی بوکونکی حاله کتیرمشدر .

مع مافیه یقیناً آلدیغمز معلوماته کوره ماصونلق هر مملکتک سویه و تربیه
اجتماعیه سنه کوره تعین ایدر . بز مکیلرک بر زمین استبداد اوزرنده اجرای فعالیت
ایتدکلرینه نظراً مشروطیتی استحصال ایتدکلری کونه قدر ایقاع و ارتکاب
ایلدکلری جنایات متعدده یی — مقصده وصول ایچون واقع اولدیغندن مقبول
و مدوح عد ایداسه بیله — عقیب انقلابده بر شکل مدنی و اجتماعی آلمغه اولنلری
مجبور ایدردی . حالبوکه رؤسای معلومه هر فضیله فضا حتمله مقاله ایتمک
عادت متخذه لری اولدیغندن فرماصونلغک ترویج ایتدیکی اساساته دخی عین
لابالیدکله اهانت ایتمکدن کنیدیلرینی آله مامشدرلر .

شوسرد و بیان ایلدییم مطالعاتک اساسه یک مطابق و موافق اولدیغی فیکرنده یم .
شو فکر مصیبه کی اصابت و عدم اصابتی قارئین کرام واربانی وجدانلرینه
حواله ایدرم .

ماصونلق و سیونستلکدن متولد اتحاد و ترقی جمعیتک ازهدت ظرفنده اجرا
ایلدیکی فضایح و جنایات دخی فکر و مدعاه دایل کافیدر .

سیونست بنده سی اولان بزده کی اتحادجی قارداشلر کویا انسانیته معاونت
ویاردم ایده جک اولان بو جمعیتلره حامیلری آلمانیا ایمپراطورندن آلدقلاری امرلر
اوزرینه مملکت مزده یا بعدقلری فنالق و جنایات قالماش و طوغریسی ابنای
جنسلرینه منسوب اولدقلری ماصون جمعیتی پروغرامی وجهله معاونت

ویاردم (!) ایتمشلردر .

حق بقاردهش لراک بیوک جنایتی ده اخیراً اجرا وار تسکابدن چکنامش لردر .
اوده : ولی عهد سلطنت و خلافت یوسف عز الدین افندی حضرتلرینک
شهادتیدر .

ملکت قره العین افتخاری اولان ولی عهد مشار الیه حضرتلری آلمانیا و اوستریا
دولتلرینک مملکتیز حقننده پرورده ایلدکلری فکر استیلاجویانه لرینی مطالعات
وتبعات تاریخیه دن اکلا دکلری کبی اخیراً آلمانیا و اوستریایه واقع اولان
سیاحتلرنده دخی مشاهده بیوردکلرندن دولتین مشار الیه مانک بو فکرلرینه میدان
ویرلماک ایچون لازم کلن تدابیرک اجرا سیله آلمانیا سیاستندن دولت ومملکتی
قورتارمق اسبابنک استکمالنی خاقان مرحوم سلطان محمد خان خامس حضرتلرینه
عرض وتوصیه دن کیر و طور میورلردی .
بونی بیلن اتحاد اشقیاسی وخبر الان آلمانیا ایمپراطوری ویله لم ولی عهد یوسف



ولی عهد سلطنت و خلافت شهید مغفور یوسف عز الدین افندی حضرتلری
S. A. Le Prince Heritier Feu Youssouf Izzeddine Effendi

عز الدين افندى حضرتلرينك قتل وشهيد ايدملرى ايچون لازم كلن ترتيباتى
برقاچ آى اول اجرا وفعل مذ كورى ايفايي تصميم ايدلكرى اوتوده بريده بولونان
آلمانلر واتحاد جيلر طرفندن سويلنيليوردى .

مملكتنى ، دولتى ، تختنى كوز كوره اوغرامقده اولديغى اضمحلال وفلا كىتن
تخليصه چاليشن مشار اليهك جمعيت اتحاديه قاتللارى طرفندن بر صورت خييمهده
قتل وشهيد ايدلمسى جداً شايان تأسف ونفرت احوالندى .

شهيد مغفور يوسف عز الدين افندى حضرتلرى جنتمكان سلطان عبد العزيز
خان حضرتلرينك نجل مكرملى اولوب (۲۱ صفر الخير ۱۲۷۴) سنه هجرية
سنده قدم نهاده عالم وجود اولدقلرندن اللى طقوز ياشلرنده ايدى .

بشكطاشده زنجيرلى قيونام موقعده كى قصر على نجابتپناهيلرنده شهيد ايديلن
مشار اليه حضرتلرينك نعش مغفرت نقشلىرى پدر معظملى جنتمكان سلطان
عبد العزيز خان حضرتلرينك مدفون بولندقلرى استانبولده چنيرلى طاش جوارنده
سلطان محمود خان ثانى حضرتلرينك تربه شريفه لرنده وديعه خاك رحمت رحمان
قلمشدر .

(جناب حق شهيد مغفور مشار اليه غريق رحمت بيورسون)



مرحوم ومغفور يوسف عز الدين افندى حضرتلرى اخلاق حسنه ومقبوله
مالك وفطرة نزاکت واداب انسانيه ايله متحلى بر شهزاده على اولوب خاندان
آل عثمان مياننده بر موقع مخصوص وممتاز احراز بيورمشلردى .

دولت ومملتى بك زياده سور ووطنك تعالى وترقيسى ايچون هر كونا غيرت
وفدا كارلقدن چكنمز ومات ومملكتى ايچون اجراسى لازم كلن اصلاحاتك تطبيق
واجراسى ضامننده وكلاى ملت ومأمورين دولته دائماً تماسده بولنه رق مباحثه
ومذاكرات اجرا بيورر وبوندن متلذذ اولورلردى .

حاصلى ملت ووطن ايچون خيرلى بر وجود قيمتدار ايدى .

شو صورتله شهيداً وفاتلرى مملكت ايچون ضايعات أليه وعظيمه دن معدود در .
كرك ولى عهد مشار اليه حضرتلرينى قتل وشهيد ايدن وكرك ديكر قتل وجنایات
متعدده بي اجرا ايلين اتحاد وترقى جمعيتى قاتللرينك عن قريب الزمان جزاى سزالرينى
كوردكلرينى جناب حق جمله مزه كوسترسون .

یوسف عز الدین افندی حضرتلرینک ارنجاللری اوزرینه برادر عالی قدرلری
شهرزاده جوانبخت دولتو نجابتلو عبدالمجید افندی حضرتلری عادات مرعیه و اصول
قدیم عثمانیه موجببنجه سلطنت سنیه و خلافت کبرای اسلامیه ولی عهد لکنی (*)
احراز بیور مشردر .



ولی عهد سلطنت و خلافت دولتو نجابتلو عبدالمجید افندی حضرتلری

S. A. Le Prince Heritier Abd-ul-Medjid Effendi

ولی عهد سلطنت و خلافت دولتو نجابتلو عبدالمجید افندی حضرتلری سلاله
آل عثمان ایچنده صاحب علم و معرفت بر شهرزاده عالی مقامدرلر
علم و ذکا ایلله متصف و متحلی اولان ولی عهد مشار الیه حضرتلری صنایع
نفیسه ده مالک اولدقلرندن چیره دستی مهارتلری اولوب ایادی احترامه وضع
اولونان تابلولری شایان تحسین و تقدیردر .

(*) ولی عهد سلطنت و خلافت دولتو نجابتلو عبدالمجید افندی حضرتلری جنتمکان سلطان
عبدالعزیز خان حضرتلرینک صلب همایونلرندن ۱۲۸۵ سنه هجریه سی صفر الحیرینک یدنجی
کونی زیور کهواره شهود اولدقلرندن الیوم الی یاشلرنده درلر .

ولی عهد سلطنت عبد المجید افندی حضرتلری هر خصوصده صاحب مهارت وکیاست بر ذات نادر الصفاتدرلر .

امور داخلیه و خارجیه و قوف نجابتناهیاری دخی مسلم انامدر .
حلم و نزاکت و تربیه اخلاقیه مالکیتلری جمله جه معلوم و مسلم اولوب سیای عالی نچیمانه لریده بوکا بر برهاندر .

ولی عهد مشار الیه حضرتلری عادات و السنه غریبه ده آشنادرلر .
والحاصل نجابت و ذکاوتلری دولت و مملکت خدمات خیریه و نافع ابراز و ارائه سنه دالدر .

اخوت ، حریت ، عدالت ، مساوات کلمه لرینک متضمن اولدیغی معانی عالیّه
سیاستی اس افکار اتحاد ایتدیکنی اعلان ایدهرک میدان انقلابه آتیلن و سنه لردنبری
استبدادک قوه تضدیه سندن بیزار اولان اهالی صافییه نک فوران حمیتدن استفاده
ایدن و بوضورتله موقع اقتداره کلمرک اداره عثمانیه به وضع ید ایلین اتحاد و ترقی
جمعیتی رؤسای معهوده معلومه سنک داخلده عدالته مقابل ظلم و تعدی ، خارجده
صلح عمومی بی اخلال ایدهرک مسائل تحریرسیله مشغول اولدیغی کورن و بو حال
ایله مملکتک ورطه فلا کته یو وارلندیغی حس ایدن ارباب ناموس و حیثیتدن
بعض مبعوثین کرام مجلس مبعوثانک ایلک دوره اجتماعیه سنک صوکلرینه طوغری
بو رؤسای شریره دن دولت و مملکتک تخیلی چاره سنه توسل بیوره رق اتحاد
و ترقی فرقه سندن افتراق ایله قره سی (بالیکسری) مبعوثی علما و صلحای اسلامیه
و فضلا و ادبای عثمانیه دن فضیلتلو عبدالعزیز مجدی افندی حضرتلرینک ریاستلرنده
(حزب جدید) نامیله بر حزب تألیف و تشکیل ایدهرک رؤسای معلومه اتحادیه دن
آئیده کی اون ماده نک موقع اجرا و تطبیقه وضعی طلب ایلمشلردر .

حزب جدیدک موقع تطبیق و اجرایه وضعی طلب ایلدیکی مواد شونلردر .

- ۱ — مبعوثلرک امتیاز و سائر منافع تعقیب ائمه ملری .
- ۲ — مبعوثلرک حکومت مأموریتی قبول ائمه مسی .
- ۳ — مبعوثلرک ناظر اوله بیلمسی ایچون فرقه جه رأی خفی ایله عدد مرتبک
ثلثان اکثریتیه قبول اولنسی اصولنک تطبیقی .
- ۴ — احکام قانونیه به تمامی رعایت و مسئولیت و کلایه دقت اولنسی .
- ۵ — کما کان اتحاد عناصره چالیشیلسی ، تجارت ، زراعت ، صنایع ،

- معارفك ترقيسنه درجه احتياجه كوره غيرت ايدلسى .
- ۶ — اخلاق وآداب عموميه دينيه و مليه نك محافظه سيله برابر غربك ترقیات
وتكلمات مدنيه سنك ممالك عثمانيه ده انكشافنه خدمت اولنسى .
- ۷ — قانون اساسى دائره سنده عنعنات عثمانيه تاريخيه نك ادامه و محافظه سى .
- ۸ — مأمورينك تعيين وعزاله انتظام قانونى ويرلسى .
- ۹ — حقوق مقدسه خلافت و سلطنته متدائر قانون اساسينك بعض موادينك
قواى ثلثه اساسنده كى موازنتى تاييد ايدده جك صورتده تعديل .
- ۱۰ — مقاصد خفيه مخصوصه بيه بناء تشكلى ايدن جمعيتلك حرکات وآماله
ممانعت اولنسى .



قره سى مبعوث سابق و حزب جديد رئيسى عبدالعزىز مجدى افندى حضرتلى

Abd-el-Aziz Medjdi Effendi Ex député de Karassi

حزب جديد طرفندن اوزمان ويريلن شو مواد عشره اتحاد و ترقى جمعيتى
رؤساسنى فوق العاده تلاش دوشورمش واتحاد و ترقى جمعيتنك دردنجى دفعه اجتماع

ایدن قونغرہ سندنہ موقع مذا کرہ یہ وضع اولنمشدر .

حزب جدیدک تکلیفات واقعہ سی سلامت مملکت نقطہ نظر نجہ بلا افاتہ وقت شایان تقدیر وقبول اولدینی حالہ بو موادی قونغرہ ده مذا کرہ یہ وضع ایله وقت قزاق و بومدت ظرفنده (حزب جدید) اعضای کرامنی الدہ ایتک عزمندہ بولونان اتحاد رؤسای منفعیت ذاتیہ لری اوغرندہ مملکتی فدادن ذرہ قدر مجتنب اولسہ لردی بو یولده تشبثاتہ قیام ایله ایشی سورونجہ یہ دوشورمز لردی .

هرنه ایسہ دردنجی دفعہ اجتماع ایدن اتحاد وترقی قونغرہ سنہ سوق وارسال اولونان مواد عشرہ مذکور قونغرہ ده عریض وعمیق تدقیق ومطالعہ اولنمشدر .

مطالعہ وتدقیق اولونان مواد عشرہ دن هیچ بریسنک تماماً وحرفیاً قبولی رؤسای اتحادک مسالک سقیملرینہ موافق کلمیہ جکی و بو موادک عدم قبولی ایسہ اتحاد وترقی فرقہ سنک انقسامنہ سبب اولہ جنی ملاحظہ سیلہ مواد مذکورہ نک بعض سنک قبولیلہ بعض سنک برر صورت و بہانہ ایلہ جرح وردی قرارلشدیریلہ رق قونغرہ یہ ارسال اولنمشدر .

شویلہ کہ ، قونغرہ مواد عشرہ نک برنجی وایکنجی مادہ لرینی اساس اعتباریلہ قبول ایتمش و بعض مطالعات سردایلہ تاخیرہ اوغراتمشدر .

اوچنجی مادہ پک ایشلرینہ کلمدیکندن عدم قبولہ مظهر اولمشدر .
دردنجی مادہ ایسہ مسئولیت وکلایہ دائر اولدیغندن بوده هیچ ایشلرینہ کلامش و بعض مطالعات سرد و بیانیلہ تاخیرہ اوغراتمشدر .

بشنجی مادہ یہ کلنجہ بونلرک کافہ سنہ جمعیتجہ چالیشدیغندن بو بابدہ یکی برمادہ قبولی حاصلی تحصیل دیمک اولہ جغندن بوکا لزوم بیلہ کورلما مشدر .

التنجی مادہ یہ ده ذاتاً جمعیتک مقاصد علویہ سی (۱) جملہ سندن اولان آداب عمومیه دینیہ و ملیہ نک محافظہ سی ایچون جزا قانوننہ احکام شدیدہ وضع ایدلدیکندن بحثلہ بوده بر طرفہ بر اقلمشدر .

یدنجی مادہ ایسہ عنعنات تاریخیہ نک محافظہ سی اتحاد وترقی جمعیتک اخص آمالی (۱) اولدیغندن باحث مالایعنی پارلاق کلمات ایله کچشدیرلشددر .

سکزنجی مادہ یہ ده مأمورینک عزل و نصب لری ، ترفیع وترقیلرینی بر اصول صالحہ یہ ربط ایچون بر لائحہ قانونیہ نک حکومتدن طلبیلہ برآن اول کسب قانونیت ایتمی قراریلہ جواب ویرلشددر .

طقوزنجی ماده حقوق و صلاحیت شاهانهك موازنتی تامین ایده جکندن ذاتاً اتحاد و ترقی جمعیتی مرکز عمومیسنك نظر دقتنه (۱) چارپیش و جمعیت سیاسی پروگرامنك بو اساسی تامین ایده جك صورتده تنظیمی مقرر بولنش سوزیله بوندن ده صرف نظر ایدلمشدر .

اوننجی ماده ایسه مقاصد خفیه مخصوصیه بناء شکل ایدن جمعیتلر حقنده اولوب بو ایش کندیلرینه تعلق ایلدیکندن بر طاقم سفسطه لرله بونك وظائف حکومندن اولدینندن بختله بوده بر طرفه آتلمشدر .

اتحاد و ترقی جمعیتی رؤسای مواد عشره حقنده کی شو مقرراتی برانجمنده بالاطراف تدقیق ایتدیردکن وقونغر هیئت عمومیه سنجهماده ماده تذکر و تدقیق اولندقدن صوکره قبول ایلمش اولدینندن (حزب جدید) ایله یینلرنده موجب تفرقه بر حال قالمدیغنه دائر مذکور قونغر هیله متفقاً و متحداً قرار ویردیرمشدر . اتحاد و ترقی جمعیتی قونغرهنه ویردیردیکی شو قراردن کندیسی نه اکلادی دیو بر سوال وارد اولسه امینم که اوده هیچ جوابی ویرر .

زیرا قونغرهنك بو قرارندن نه (حزب جدید) ونه ده اتحاد جمعیتی برشیء اکلایه مز واکلامدی . بو قراردن بزم اکلادینمز برشیء واریسه اوده مواد عشره یی اتحاد و ترقی جمعیتی آحیقندن آحیقه رد ایده میوب وقت قازانق وایشی سورونجمه ده بر اقوب حزب جدیده منسوب مبعوثلری اوایلایمق ایچون قونغر هیله یایدیردینی یالیزلی حیدن بشقه برشیء دکادر .

جمعیت اتحادیه عالمه بویله یالیزلی حیلر یوتدیره جقنه منفعت عامه یه متعلق تکلیف اولونان بوکی موادی بالقبول اجرا ایتمش اولسه ایدی هیچ شبهه ایدیه مزدی که بوکونکی دوشدیکمز ورطه یه نه مملکت ونه ده جمعیت دوشردی .

حالبوکه دولت و مملکت ایچون حسن نیت پرورده ایتیمان و هر درلو اداره عقلیه و کیفیه سنك اجرا سیله منافع شخصیه لرینه چالیشن بو اتحاد اشقیاورؤسامی اون سنه دنبری منافع عمومیه یه متعلق واقع اولان تکلیفات و نصایحی قبول و اجرا ایتندی و ایده مز ایدی .

بوندن طولانی بونلره بو یولده تکلیفاتده بولنق بیوده اضاعه وقت ایتمک ایدی . نته کیم ده او یله اولدی ، حزب جدید و سائر فرقه لره منسوب مبعوثلرک اتحاد و ترقینك خذله معلومه سنه اجرا ایلدکاری نصایح و تکلیفات مدققانه لری متمر

اوله مدیغی کبی نخامتلو پرنس صباح الدین بك افندی حضرتاری ایله برنجی فریق عطوفتلو شریف پاشا حضرتلری وسائر ارکان دولت ووطنپوران ملت طرفندن انقلابدن اول و بعد الانقلاب اجرا قلنان تبلیغات ونصایح وایفاسی لابد اولان مواد مهمه نك هیچ بری نمره بخش موفقییت اوله مامش ایدی .

چونکه منشاء وظهورلری ، اصل ونسللری مجهول اولان بو حشرات اصالت ونجابتله متصف اولان ذوات عالیله نك اراؤه بیوردقلری یولده حرکتی واجرا بیوردقلری نصایحی ومنافع مملکت ایچون یاییلمسی لازم کن اجرا آتی قبول وایفا ایلمکدن پك اوزاق بولنیورلردی .

بو مواد ونصایحک اجراسی دیمک انلرک وجودینک ازالهسی دیمک اولدیغی رعنا بیلدکلرندن بو جهتته بر درلویناشامشدردر .

بو جهتته یناشمق دولت ومملکتتمزک بقاسنی تامین ایده جکندن بونلرک مسدکلریله قابل توفیق دکلدی .

زیرا بونلر دولت ووطنمزک دوام وبقاسنه چالیشه حق سویهده خلق ایدلمامش سرسریلردن عبارت ایدی .

دها طوغریسی بونلر بشریتک عادی طبقه سندن مرکب برکتلهدن بشقه برشیء دکل ایدیلر .

جمعیتلری ایسه فارماصون وسیونیست لوجه وجمعیتلرینک ترتیب وتشویقیله میدانله کلمش بر جمعیت فسادیه ایدی .

طبیعی بویله بر جمعیت فسادیهدن و بو جمعیتی تاسیس وتشکیل ایدن مؤسسین ورؤسادن نه بکلنه بیلیردی .

بونلر خادم انسانیت اولنلره دشمن واصالت ونجابتته عدو بر طاقم مجهول النسل آدملردن اولدقلرندن کندیلرندن عقلاً وفکراً ودرایهً واصالَةً عالی و بیوک اولانلری ایسته مزلر و اوکی ذوات مکرمه نك وجودلرینی ازالهیه چالیشیرلردی .

ایشته مملکتده کندیلرینه نسبتله پك بیوک اولان و بونلره نصایح خیرخواهانهده بولونان برچوق خاندان وارکان و رجال دولتی برر صورتله مأموریتلرندن اخراج وکیمیسنی نفی واجلا و بعضسنی قتل وشهید وخارجده بولونانلری ده برر بهانه ایله غیاباً اعدامه محکوم ابتدییرهک وطننه عودتدن ودولتینه خدمتدن منع ایدیورلر ایدی .

غیا با محکوم ایتدیردکلی ذوات میاننده نخامتلو پرنس صباح الدین بك افندی
حضرتلری کی وجود لری ملت عثمانیه ایچون باعث مفخرت و خاندان عثمانیه
منسوبیتلرندن طولاییده شایان تبجیل و حرمت اولدقن بشقه اقتدار و اهلیت
و درایت و لیاقتلری و آثار علمیه و قلمیه لرله معروف بر سیاهی اصیل و نجیب
اولدقلری جمله نك مسلمی اولان بر ذات عالیصفات دخی بولنیوردی .

بونلرک عندنده پرنس مشار الیه حضرتلرینک اک بیوک قباحترلری اصالت
و نجابت نخمانه لرینه انضمام ایدن درایت و ذکاوت خارق العاده لریدر .

برده پدرجنت مقلری داماد حضرت شهریارى محمود جلال الدین پاشا
حضرتلریله برلکده اوروپاده بولندقلری صروده بو خذله معلومه یه هر درلو لطف
و معاونتی بی دریغ بیورملریدر .

انقلابدن اول و صکره مالا و نقداً بونانکورلردن بر چوغنی عنایت و احسانلرینه
مظهر بیوره رق حمایت و صحابت و محافظه ایتمشلر ایدی .

ایشته اداره دولتی الدن قاجیر مامق و بویله عالی بر ذاتی ریاستلرنده بولندیروب
دولت و مملکتک تعالی و ترقیسنه غیرت ایدهرک ایکی جهتله استفاده ایتمک لازم
ایکن بواشرا و اشقیای صرف ریاست اکابره تحمل ایده مدکلرندن بویله بر طریق
سلوک ایده مامشلردر .

اگر دولت و مملکت اون سنه دنبری بو اشقیای شیریره نك النده قالمیوب
نخامتلو پرنس صباح الدین بك افندی نك تأسیس بیوردقلری فرقه احرار پروغرامی
اس اساس اتخاذا اولنه رق (تشبث شخصی) و (عدم مرکزیت) یعنی (توسیع
مأذونیت) نظریه لری حسن صورتله موقع اجرا و تطبیقه وضع اولنسه ایدی هیچ
شبهه ایدیه مزدی که دولت علیه عثمانیه بوکونکی اوغرا دیغی شو فلاکت
واضم حلاله دوشمز و پک زیاده ترقی و تعالی ایدردی .

پرنس مشار الیه حضرتلرینک قدرت قلمیه و علمیه و تشبیه سندن پک زیاده
توحش ایدن اتحاد رؤسای و جمعیت حامی و عامللری مملکتتمزی حسن اداره
و محافظه ایلله مکلف اولیوب کردا بدن کردابه سور و کله مک وظیفه لری
مقتضیاتندن اولغله اولوجهله حرکت ایلله منافع شخصییه و سیاسییه لرینی تأمین
چالیشدیله .

ذاتا اوچ غروشی بریرده کورمین حشرات مرقومه جزئی بر منفعت مقابلنده

هر شیء فدايه آماده اولدقلرندن مملکتیزی شو کوردیکمز حاله کتیرمکدن
چکنما مشلردر.

اشرای مرقومه پرنس صباح الدین بك افندی حضرتلریله دیگر ذوات معتبره
وعالیه کبی اصیل ونجیب اولسه لردی بویله اوفق بر منفعت ذاتیه وشخصیه
نه دولتی ونه ده مملکتی فداوقربان ایده مزلردی .



پرنس صباح الدین بك افندی حضرتلری

Son Altesse le Prince Sabaheddine

جنتمکان فردوس آشیان سلطان محمود خان ثانی طاب ثراه حضرتلرینک کریمه
عفت وسیمه لری صالحه سلطان علیه الشان حضرتلرینک زوج مکرم لری داماد
حضرت شهر یاری مرحوم خلیل رفعت پاشا حضرتلرینک خدوم قیمتدار لری داماد
جناب پادشاهی مرحوم ومغفور محمود جلال الدین پاشا حضرتلرینک وجنتمکان

سلطان عبد المجید خان حضرتلرینک کریمه محترمه لری و پادشاه معدلتپناه و شهنشاه عدالت اکتناه سلطان « محمد وحید الدین » خان عادل حضرتلرینک همشیره مکرمله لری سنیحه سلطان علیة الشان حضرتلرینک مخدوم نجابتپناهیلری پرنس صباح الدین بك افندی حضرتلری کبی جدبجد اصالت و نجابتله موصوف و خاندان جلیل العنوان سلطنت سنیهیه منسوب بر ذات عالی همت و ذی اقتدار و قیمت ایلله تشریک مساعی ایتک اتحاد و ترقی جمعیتی ایچون بر شرف اولدیغی ده در خاطر ایده مدیلر .

رؤسای معلومه مرقومه هر خصوصده و بالخاصه سیاستده کی جهل مطلقلرینی دوشونمکدن عاری و بری اولدقلرندن کندیلرنده بر بیوکلک و فضیلت کوردیلر . اصالت و فضائل اخلاقیه و مستحسنه دن مجرد اولدقلرینی نشوء منفعت و آمریتله اونودقلرندن پرنس نخامتلو صباح الدین بك افندی حضرتلریله برنجی فریق عطوفتلو شریف پاشا حضرتلری کبی وطنپرورانی منافع خسیسه و سقیمه لری ایچون محو و افنا یه تشبیدن کیرو طورمدیلر .

اتحاد و ترقی رؤسای معلومه سنه یاردم و معاونت ایدن و بونلرک اک زیاده فنالق و هجومته معروض قالان شریف پاشا حضرتلری انقلابدن بر چوق سنه اول اوروپاده تشکل ایلین اتحاد و ترقی جمعیتی ایلله رؤساسنه هر درلو معاونت و حمایت و حمایتی دریغ بیورمدقلری کبی جمعیتک تشکل و دوامی اوغرنده ده بر چوق فدا کارلقلرده بولتمشلردر .

مشار الیه شریف پاشا حضرتلری بو وجهله جمعیته معاونت و فدا کارلق ابرازیلله ممالک اجنبیه ده رؤسای جمعیتک اقامتنی و اتحاد و ترقی جمعیتک بقاسنی تأمین ایدن حریتپرور بر ذات عالیقدر اولدقلری حالد بونانکور اتحاد و ترقی رؤسای معهوده سی امثالی مثللو مشار الیه حقنده عقل و خیاله کلهز بر طاقم افترالرله برابر آتیده بیان اولنه جغی وجهله حیاتلرینه ده سوء قصده جرأت ایلله ایولکه مقابل مایه لرنده مرکوز اولان دنائت و فنا لگی اظهار ایتدیلر .

بالطبع درایت و فضیلت و اصالت و نجابتک دشمنی اولان اتحاد رؤسای شیریه سندن ذاتاً بشقه درلو برشیء بکلمک عبثدر .

برنجی فریق عطوفتلو محمد شریف پاشا حضرتلری ارباب لیاقت و درایتدن و اصالت و نجابتله متصف بر ذات ذی قیمت اولدقلری جهتله رؤسای مرقومه نک

تعرض و هجوملرينه معروض قاله جقلى بديهى ايدى .



استقہولم سفير اسبقى برنجى فريق شريف پاشا حضرتلى

Son Excellence le Général Chérif Pacha, Ancien
Ministre à Stockholm

شريف پاشا حضرتلى ، دولت ابد مدت عثمانيه سته لرحه خدمات
بركزيده ابراز بيوران و متعدد متصرفلق و واليكلرله مهم و معتنا ماموريتلرده
و برچوق سفارات سفيدده و مدت مدیده خارجيه نظارتى ايله شوراي دولت رياستنده
بولنش اولان كردستانك اك قديم واصل (على خندان عائله سى) امير و رئيسى
حسين پاشا زاده و زراى سلطنت سنيهدن محمد سعيد پاشا حضرتلرينك نجل نجيبيدر .
شوراي دولت رئيسى سعيد پاشا مرحوم كى دولت و مملكتنه كمال صدق
و استقامتله يارم عصر دن زياده خدمت ايدن قدامى وزرادن بر ذات حميت
سماتك مخدوم درايت موسوملرى اولان شريف پاشا حضرتلى پدرلى مرحومه
حقيقه خير الخلف بر مجاهد و وطنپروردرلر .

وطن وملتک ترقی و تعالی سنی و رفاه و سعادت بی دوشونن شریف پاشا حضرتلری بو امید و امنیه ایله انقلابدن اول و صوکره اتحاد و ترقی جمعیتیه رؤسای معلومه منفور سی حقنده ابزال بیوردقلری معاونت و حمایته قارشی جمعیتک کندیلریله دیگر وطنپروران حقنده روا کوردیکی تعدی و تعرض و هجومی و مملکتک اوغرامغه معروض قالدیغی فلاکتی مشاهده و تأمل بیورهرق بونلردن تباعدله کندی اجتهدلری دائره سنده آیروجه چالیشه رق مملکتی استقبالدله اوغرایه جفی فلا کتدن تخلیصه قرار ویرمشلردر .

اوتیه دنبری مالاً ، بدناً فدا کارلقدن خالی قالمین شریف پاشا حضرتلری سلامت وطن اوغرینه استقباللرینی ، حیاتلرینی تهلکیه القادن چکنماش و دولت و مملکته پک بیوک خدمت ویرارلقلر ابراز ایتمشدر . جتتمکان سلطان عبد الحمید خان ثانی حضرتلری پاشای مشار الیه حضرتلرینک افکار حریتپرورانه سندن طولایی درسعادته اقامتلری محذوردن سالم اوله میه جفی ملاحظه سیله پدرلری خارجیه ناظری سعید پاشا مرحومی ظاهراً تلطیف و تطیب و باطناً مخدومی مشار الیه شریف پاشایی استانبولدن نفی واجلا ایتمک ایچون بروکسل و پارس سفارت سنیهلری آتشه میلتر لکترینه تعیین واعزام ایتمشلردی .

اتحاد و ترقی جمعیتی مرکزینک پارسده بواندیغی بر صرهدده پارس آتشه میلتری اولان پاشای مشار الیه اتحادیونله تماسلرینی و جمعیت مذکوریه مادی و معنوی خدمت و معاونتلرینی استخبار ایدن خاقان اسبق مرحوم مشار الیه اوراده بقاسی جائز اوله میه جغندن درحال عزلیله درسعادته جلب وعودتی اراده بیورمشلردر .

بو وجهله عزل و درسعادته جلب ایدیلن شریف پاشا حضرتلری بر مدت استانبولده اقامت بیوردقدن صوکره خاقان اسبق مرحوم طرفندن ینه درعلیهدن نفی و تبعیدینه لزوم کوردیکندن بوکره یار و اغیاردن خالی و آوروپانک منتهای غرب شالیسنده بولونان استقهو لم سفارت سنیه سی توجیهیله استانبولدن اخراج ایدلمشدر . حتی استقهو لم سفیرلکنده بولونان شریف پاشا حضرتلرینک پدرلرینک خستهلق و وفاتلرنده بیله یانلرنده و جنازه لرنده حاضر بولنق ایچون ماذوناً درسعادته کلمرینه مساعده سنیه ارزان بیورلمدیغی وارد خاطر عاجزیدر .

شریف پاشا حضرتلری اون سنه قدر مذکور سفیرلکنده بولنش و اتحادک

نانکور و خائن رؤسای یوزندن مذکور سفارتدن استعفايه بيله مجبور اولمش واستانبوله کلامسی وآوروپاده طولاشه رق ژون ترکره یاردم ایده مامسی ایچون همان تعیین ایدلدکاری مادرید سفارته (استقهولم) دن طوغریجه عزیمتلی تبلیغ ایدلمش ایسه ده مشار الیه سفارت مذکوره یی عدم قبول وعزیمتدن استنکاف ایله مذکور سفارتدن ده استعفا ایتلمشدر .

بوندن اون ، اون بش کون صوکره اعلان مشروطیت ایدلمکله بالطبع پاشای مشار الیه طوغریجه استانبوله عودت بیورمشلردی .

شریف پاشا حضرتلرینک استقهولم سفارتندن سبب استعفا وانفصالی ده آوروپاده کی ژون ترکرک اولولزدن واتحاد وترقی جمعیتی مؤسسولردن اولوب بعدالانقلاب مجلس مبعونان والیوم هیئت اعیان ریاستنده بولونان احمد رضا بکدر . احمد رضا بک شریف پاشا حضرتلری ایله کوریشمک وامشالی مثللو بعض کونا مظاهرت ومعاونتلیرینی جلب واستخصال ایلمک اوزره پارسدن استقهوله عزیمتله پاشای مشار الیه مسافر اولمشدر .

روایتیه نظراً احمد رضا بکک مسافرة سفارت سنیه ده بولندیغی اولزمان سفارت کتابنده بولونان ودور مظالم اتحادیه ده خارجیه ناظر وکیلی ومؤخرأً دخی بر سفیرلکه تعیین قلنان وطنپروران (۱) زماندن واتحاد وترقی جمعیتی کزیده اعضاسندن مختار بک طرفندن یلدیز سرای هایوننه اخبار و ژورنال ایدلمش ومابین هایوندن شریف پاشایه احمد رضا بکک سفارتخانه ده بولنمسندن بالاستفاده همان توقیف ایدلمسی امری ویرلمش اولدیغندن پاشای مشار الیه بویولده کی امری ایفا واجرا ایده میه جکندن باحث جوابلر ویرمش ایسه ده سرای هایونله سفارت بیننده کی مخبرات تمادی ایلمش اولدیغندن استعفا سنک اعطاسیله بواشک ایچندن حقیقمغی مناسب عدایدن شریف پاشا الک نهایت استعفا سنک قبولی یازهرق افکار عالیة حریتپرورانه سنی اراثه واثبات ایله احمد رضا بکی اوغرایه جغی محقق اولان فلا کتدن صیانت ومحافظه ایلمشدر .

بونک اوزرینه طبیعی (استقهولم) ده قالمسی ماینجه مناسب اولیان ودر سعاده ده عودتی موافق کورلیان پاشای مشار الیه حضرتلری مابین هایوندن شدتلی برتوبیخنامه یه کسب استحقاق ایلمش و یوقاریده دیدیکز وجهله مع التوبیخ مادرید سفارت سنیه سنه نقل ونحویل ایتدیلمشدر .

ایشته بویولده حال واستقبالنی احمد رضا بکله جمعیت اتحادیه یولنده ترك وفدا ایدن مشار الیه شریف پاشانك قتلنی رفقای شریه سندن مصرأ طلب ایله بویولده او خان ، نانکور جانیلره قرار ویردیرن ذاتك احمد رضا بك اولدیغی سویله نیلیوردی که بوکا هیچ تعجب اولماز .

زیرا آیاصوفیه و بایزید میدانلرنده صلبأ اعدام ایدیلن بوزلرجه مظلومین واطلر ومواقع سائریه نفی اولونان بیکلرجه مغدورین وسوقاق اورته لرنده قتل وشهید ایتدیریلن محررین وسائر احمد رضا بكك مجلس مبعوثان ریاستنده بولندقلری زمان وقوعبولان مذاکره وتنسیب ایله اجرا ایدلمشدر .

هله مؤلفین ومحررین عثمانیه نك سرتاج ابتهاجی واتحاد وترقی جمعیتك ایلک رئیس ومیزان غزته سی صاحب ومحرری استاذ معزز ومحترم مراد بك افندی حضرتلرینك اعدامی حقنده دیوان حرب عرفیلره ویریلن سرری امرلر ومشار الیهك اعدام ایدیله مامسی اوزرینه درسمادتدن نفی واجلاسی ایچون چویر دکلری دولابلر جمله نك معلومی اولسه کرکدر .

استاذ ملت دینلمکه سزا ولایق اولان مراد بكك حس رقابتله ما یوسا ومقهورأ وفاتلرینه سببیت ویرن دخی احمد رضا بك افندی دکلمیدر .

مملکتمزده شمدییه قدر اتحاد وترقی جمعیتی طرفندن اجرا وارتنکاب ایدیلن هر فئالق وجنایاتك مسبب یکنه سی مبعوثان رئیس اولان احمد رضا بکله اوزمان مرکز عمومیده کی رفقا سندن بشقه کیمدر .

ایشته هرکونا جنایات وفئالقلری اجرایه چالیشن وایفا سنه مساعدده ایلین احمد رضا بك افندی طبعی درکه شریف پاشا حضرتلرینك قتل واعداملری قرارینی ویرر وارباب اقتدار وحییتی ورقیب عد ایتدیکی ذواتی اورته دن قالدیره رق فکر خیالپرستانه سنه امکان ومیدان بولق ایستردی .

اصالت ، نجابت ، اقتدار ، لیاقت ، بسالت ، شجاعت اصحابندن اولان مشار الیه شریف پاشا حضرتلرینی ده بالطبع رقیب عد ایدن احمد رضا بك افندی حضرتلری عین فکرله مألوف وموصوف بولونان رفقای شریه سنه ده شریف پاشانك قتل واعدامیله افنای وجودلرینه قرار ویردیرمش ایدی .

شریف پاشا حضرتلری حقنده بوقراری ویرن اتحاد وترقی جمعیتی رؤسای ملعونه سی هر بر فرصتدن بالاستفاده مشار الیه حضرتلرینی دفعتله غیابأ اعدام ایله

محکوم ابتدیرمش و آوروپاده اقامت بیوران پاشای مشار الیهی وطن عزیزینه
دخولدن منع ایلمشدر .

شریف پاشا حضرتلری کی حمیت و وطنپرورلیکله مشبوع بر وجود قیمتمداردن
دولت و مملکتتمزك استفاده ایده مامسی ایچون ابتدای انقلابدن بری مشار الیه
حقارنده ایجاد و اعلان ابتدیرمدکلری افترا و یالانلر قالدینی کی ملت و دولته قارشی
پاشای مشار الیهی عادتاً بر جانی و خائن مثابه سنده کوسترمکه رؤسای شریه مرقومه
وارقوتی بازویه ویرهرك چالیشمشلردر .

نظر ملتده بر موقع مخصوص صاحبی اولان شریف پاشا حضرتلرینی ماتک
نظرندن دوشورمک ایچون یکانه چاره ژورنال اسناد ایتمک سلاحی اولمشدر .

ذاتاً ابتدای انقلابده ارباب ناموس و حیثیتی لکه دار ایتمک ایچون بر جوق
ذوات مقتدریه ژورنالچلیق عطف و اسنادی کی بر سلاح استعمال ایلمک
رؤسای جمعیت ایچون اس حرکت اتخاذ اولنمشیدی .

شریف پاشا حضرتلری حقنده کی سلاح مزور دخی شویله ایدی . مشارالیهک
بنده مخصوصی دیمک اولان کاتب خصوصی شاعرلیکله مشهور طلعت بکی الیه
ایدهرك اکا بر ژورنال یازدیر دیلر و بوژورنالی غزته لرله نشر ایلدیلر . شریف پاشایی
افکار عمومیه دن بو صورتله اسقاطه چالیشدیلر .

هیچ بر مأموریتده بولنماش اولان طلعت بکه بیوجک بر مأموریت تکلیف
ایلدیلورسه بوایشه موفقیت الویره جکفی بیان اتحادک قورناز رؤسای معهوده سی
بر مدت موقته ایچون اولسون مومی الیهی بر موقع و منصبه اقعاد ایتمکده
کندیلر ایچون بر بآس اولمديغندن الیه ایتدکلری مومی الیه طلعت بکه شریف
پاشا حضرتلرینک صهرأ منسوب اولدکلری عائله خدیوی الیه آره لرینی بوزه جق
بر صورتده عائله مشار الیها الیه بعض صدارت معزولینی علیمنده ترتیب و تنظیم
ایتدکلری ژورنالی مومی الیه طلعت بکه یازدیره رق زیرینه ده ساخته بر محمد
شریف مهری باصدیردیلر .

ایشته بو دوزمه و ساخته ژورنالی مقصدلرینک حصوانه کافی و وافی عد ایدن
اتحاد رؤسای ملعونه سی همان فطوغرافنی آلدیره رق مصور ثروت فنون الیه نشر
ابتدیرمش و بو خدمت حسنه و مقبوله سنه مکافاة عقل و خیالنه بیله کلیمان بحریه
نظارتی مستشارلغنه محرر ژورنال طلعت بکی تعیین ایدهرك تاطیف ایلمشدر .

ثروت فنون ایله نشر ایدیلن بودوزمه و ساخته ورقه آوروپاده بولونان شریف پاشا حضرتلرینک منظوری اولور اولماز هان بونک ساخته اولدیغندن بویولده ساخته کارلقه تشبث و جرأت ایدنلر حقنده لازم کلن معامله قانونیه نك ایفا سنه دائر و بعض افاده بی حاوی درسعات غزته لرینه ارسال ایلدکلری مکتوبلریده رؤسای مرقومه پوسته خانه دن اخذ و حفظ ایلمکدن چکنهامشدر .

ساخته ژورنالی تنظیم و تحریر ایتدیکی روایت ایدیلن طلعت بك ژورنالک زیرنده کی مهربك شریف پاشا حضرتلرینک مهرلری اولدیغنی و هرنقدر مهرباصیلرینه بکزه تلمک ایسته نیلسه بیله بکزه تیله میه جکنی و خدمت لرینه مقابل پاشای مشار البهدن آلدقلمری شهریه و بالطبع یدکلری نانی و کوردکلری لطف مخصوصی دوشونه جک قدر بر صداقت ابرازی حس و خاصه سنه مالک اولسه ایدی طبیعی بر مدت موقته ایچون نائل اوله جفی منصب و مأموریتی قبول ایتمز واتحادک اوشریر رؤساسنه بر آلت شر و خیانت اولماز ایدی .

شریف پاشا حضرتلری بو ژورنال مسئله سی اوزرینه لازم کلن تشبثلرندن بر آن خالی قالمیوب وسائط سائره ایله بونی رد و مدافعه نامه لرینی نشر ایله بونک بحربه مستشاری اولان کاتب خصوصیلری طلعت بك طرفندن ده تکذیب ایدلمسنی مصرانه طلبدن و از کچمدکلرندن اتحاد و ترقی رؤسای شیریه سی خدمتتی ایفا ایتمش اولان طلعت بکی مأموریتندن عزل ایله شریف پاشا حضرتلرینک بومحق نشریات و مراجعاتنه خاتمه ویرمکی منفعتلرینه موافق کوره رك در حال طلعت بکی مذکور مستشار لبقدن عزل ایله برکوشیه آتدیلر .

هر حال وکارده شریف پاشا حضرتلرندن توحش ایدن اتحاد و ترقی جمعیتی رؤساسی مشار الیه حضرتلرینی بعض مواعید ایله آلداتوب استانبوله جلب ایله قرار واقلملری وجهله قتل ایتمک ایچون پاشای مشار الیه حضرتلرینه دفعاتله تشبث و مراجعتده بولتمشدر .

حرب عمومیدن بر سنه اول رؤسای اتحاددن پارسه کلن بر ذات شریف پاشا حضرتلرینک نزدینه بالذات کلیمکدن اجتناب ایلدیکندن فرانسه رجالندن موسیو (فینو) بی توسط ایدهرک بعض تکلیفاتده بولتمشدر .

مومی الیه طرفندن شریف پاشا حضرتلرینه تبلیغ ایدیلن تکلیفات شودر .
پاشای مشار الیه میدان اجتماع و مخالفتده شمدییه قدر صرف ایلدکلری

آقچه نك كاملا اتحاد و ترقى جمعيتى طرفندن تا ديه واعطاسى وقاينهيه طلعت وجاويد
بكار داخل اولق شرطيله مسند صدارتى قبول بيورمليدر .

شريف پاشا حضرتلى بو تكليفاته شو جوابله مقابله بيورمليدر .

بن بو جهاد و مخالفى بر تجارت فكر و مقصديله اعلان ايتدم . صرف ايلديكم
آقچه يي اونلردن آلق ايچونده صرف ايلدم . بو كاده احتياجى يوقدر . اتحاد
و ترقى جمعيتى دولت و مملكتى تعقيب ايلديكى سياست سقيمه ايله اضمحلال
وانقسامه سوروكله يور . بوكا قارشى مخالفت ايله عزيز وطنمى فلا كتن
قورتارمق ايچون ميدان اجتهاد و مخالفت ايتدم . اكر جمعيت واركانك دولت
و مملكته مفيد و نافع خدماتنى كوره ايدم . مخالفتده دوام ايتمز و هر كس دن زياده بن
اتحادك و رؤساسنك مداحلى اولوردم .

جمعيت و رؤساسى بو خدعه يده دوشوره مدكلى شريف پاشا حضرتلى
اورته دن قالديرمق سوداسندن بر درلو . كندىلر ينى آله مدىلر .

حيات معززندن ده معزز اولان وطنى اوغرنده فداى جاني جانه منت عدايدن
پاشاى مشار اليه يا بور زىلردن دولت و مملكتى قورتارمق و يا خود دولت و ملت
اوغرینه افناى وجود ايتك شرفندن كير و طور ميوب آتيدقلى ميدان مخالفتده
دوام ايله اتحادك او ملوث و مردار رؤساى رزيله سنك آمال خسيسه لرينه حائل
اولق و يا يئقده اولدقلى فنا قلره سد چمك ايچون پارسده مشغول بولندقلى
بر صره ده اتحاد و ترقى جمعيتك رجال الغيبى (!) طرفندن شريف پاشا حضرتلى
حقنده و يريلن اعدام قرارينك انفاذينه نظارت و رياست ايتك مأمورىتيه استانبول
پوليس مديرى معهود عزمى بك پارسه اعزام قلمش و لازم كن فداييلرده
موهى اليه ترفيق ايدلمشدر .

اون قدر فداى و مأمورىن سائره اتحاديه ايله پارسه مواصليت ايدن عزمى بك
پاشاى مشار اليه حضرتلى رينك قتلى ايچون لازم كن ترتيباتى بالا كمال جرأتكار
وجانى فداييلردن (على جواد) نام مستعار ينى (*) طاشيان و ضابطان عسكريه دن

(*) على جواد نام مستعار ينى طاشيان جاني جمال پاشانك استانبول محافظلغنده بولندينى زماز
ياورى محمد كمال نامنده جمعيتك فداييلردن برىي ايتش . موقوم جاني كمال عوكيرلى بر پوليسك
اوغلى اولوب مكتب حريه دن سوارى ضابطليكه چيقمش و سلايكده اتحاده انتساب ايله
قوميه به برچوق جنايتلره خدمت ايلمش اولدينى بعد المتاركه كن استانبول غزته رنده كورلمشدر .

اولدینی روایت ایدیلن بر جلاد و جانی خونخوار اول امرده شریف پاشا حضرتلرینی قتله مأمور ایدیلور .

جلاد مرقومک پاشای مشار الیهک دولتیخانه لرینه داخل اوله بیلمسینی تأمین ایچونده آوستریا و روسیه دن خفیه لیکه محکوم و مطرود (اسکندر) اسمنده بر خفیه شیرر ایله شریف پاشا دن آلدینی آیلقله یارسده کچین (برهان الدین) نامنده بر آلتحق آت و مأمور ایدرلر .

۱۹۱۴ سنه میلادیه سی کانون ثانیسنک ۱۳ نجی صالی کونی شریف پاشا حضرتلرینک یارسده اقامت بیوردقلری « یومب » زقاغنده کی — ۱۱۵ — نمره لی دولتیخانه لرینه مرقوم (علی جواد) نام جانی کلیرایسده اوکون قوناقد کوردیکی غلبه لکدن اورکن مرقوم سرسری جانی ایقاع جنایتیه جسارت ایده میهرک عودت ایدر .

ایرتسی چهارشنبه کونی — ۱۴ کانون ثانی ۱۹۱۴ — علی الصباح پاشای مشار الیهک دولتیخانه لرینه کلن جانی مرقوم بلا تکلیف و بلا سوال ایچرییه دخول و حرم دائره سنه طوغری یوریمکه باشلار .

بونی کورن خدمتکارلر دخولانی منعه قیام ایتمک ایستلرسده انلردن بر ترک خدمتکارینی غایت آغیر و اوتوموبیل شوفری بر فرانسیزیده خفیف بر صورتده جرح ایتدکدن صوکره ایچرییه داخل اولور .

بو خائن جانینک بویله بغته حرم دائره سنه دخولی خدمتکارلری جرح ایچون استعمال ایلدیکی سلاحک سسندن و حرم دائره سنده تصادف ایتدیکی مخدراتده استعمال سلاح ایلمسندن اکلاشلمغله ایچرییده بولونان شریف پاشا حضرتلرینک داماد سامیلری صالح بک افندی درحال جانی مرقومک کیره بیلدیکی محله شتاب ایتمش و خائن مرقوم میرموی الیهده سلاح انداختنه باشلامش ایسده صاحب شجاعت و بسالت اولان صالح بک افندی بالمقابله جانی جرح و قتله موفق اولمشدر .

صالح بک افندینک قتل نفس کبی بشریتک جریمه کبری عدایتدیکی برحاله جرأتی محضاً « مدافعه نفس » و « مدافعه اولی القربی » مقصدیله وقوع بولدیغندن شرعاً و قانوناً موجب مواخذة اولدیغنه باقیلیرسه فعلنک فضایحدن عدا ایدلمیه جکندن ماعدا نظر قانون و ملتده مدح و ستایشه لایق مفاخردن صایلمسی لازم کلیر .

بو صورتله وجود خبائت آلودی اورتهدن قالقان جانی مرقومك « معاذ الله تعالى » حرم دائره سنده بولونان مشاراليه پاشا حضرتلريله حليله و كريمة محترمه لری پرنسس حضراتنی وسائر افراد عائله نفيانه لرینی قتل وشهيد ايتك كبی برفعل جنایت وخیانتدن حذر واجتناب ايتیه جکی درکار ایدی .



برنجی فریق شریف پاشا حضرتلرینك دامادلری حسنی پاشا زاده

صالح بك افندی

Husni Pacha Zadé Salih Bey Gendre de
S. E. Général Chérif Pacha

« جناب حافظ حقیق حضرتلری » پاشای مشاراليه حضرتلريله خاندان جلیل العنوان دولترینی بو کبی مصائب الیمهدن حفظ وصیانت بیوره رق ملت و وطنمزه بر چوق خدمات مرغوبه و مقبوله ایفا سنه موفق بیورسون آمین .
یوقاریده دینلدیکی کبی شریف پاشا حضرتلری ویردکاری قرار موجبنجه اجتهاد دولتاری دائره سنده چالشمقدن ودولت ومملکتی اتحاد و ترقی جمعیت ورؤسای متغلبه سنك ظلم واعتسافندن قورتارمقدن کیرو طور میوب سنه لردنبری

ترکجه و فرانسزجه اوله رق پارسده نشر ایلد ککری (مشروطیت) غزته سیله نشریات حقکویانه و خیرخواهانه لرینه دوام ایتمش و حرب عمومی اثناسنده همان بتون اجنبی مطبوعاتیلده آوروپا افکار عمومیه سنی دولت و مملتیزک لهنه ارشاد و تنویره چالیشمشدر .

شریف پاشا حضرتلری دولتمز ایچون تعقیبی اهم و الزم اولان انکلتزه و فرانسه سیاستلرندن ذره قدر آیرلماش و دائماً انکلتزه و فرانسه سیاستلرینک استیجاب منافعه غیرت ایتمشدر .

حاصلی پاشای مشار الیه حضرتلری شو صوک اون سنه دنبری دولت و مملکت ایچون مالاً ، بدنأ پک بیوک فدا کارلقلر ابراز بیوره رق حیاتلرینی بالفعل تهلکجه بقا ایله وطنمزه خدمت ایدن رؤسای مخالفینک اک بیوکی واک برنجیسیدر لر .

ابتدای انقلابده اتحاد و ترقی جمعیتنک پانغالی شعبه سی ریاستنده بولندیغی صره ده شریف پاشا حضرتلری طرفندن اتحاد و ترقی رؤسای معلومه سنه بر حس وطنپروری ایله ارائه اولونان وهان اجرایی طلب ایدیلن تکلیفاتی رؤسای مرقومه قبول ایتمش اولیدی مملکت طبیعی بوکونکی حاله کلمز ایدی .

شریف پاشا حضرتلری طرفندن وقوع بولان تکلیفاتده شونلردر .

عسکرلرک سیاستله اشتغال ایتماسی . جمعیتک آرتق بر جمعیت خفیه حالندن چیقاروق جمعیت خیریه حالنه کیرمسی . انتخابات اجرا ایدلدکدن صکره جمعیتک یالکز مجلس مبعوثانده سیاسی بر فرقه حالنده بولنسی . جمعیتک حکومتک احوالنه نامشروع بر صورتده قاریشمقدن واز کچمسی . مملکتده بولونان عناصر مختلفه حقوق متساویه سنک ادامه و محافظه ایدلمسی . انتخاباتک جبر و تضییقندن معرا بر صورتده سربست اجرا ایتدیرلمسی . ضابطان و امرای عسکریه نک جمعیتدن اخراجلریله متقاعد و مستعفی اولیان ضابطانک جمعیتده داخل اوله مامسی . اردوی عثمانینک هیچ بر فرقه نک خادمی اولمیوب وطنک بر واسطه مدافعه سی اولدیغندن جمعیتله تشریک مساعی ایتدیرلماشنه بغایت دقت و اعتنا ایدلمسی .

ایشته بو تکلیفاتده بولونان برنجی فریق شریف پاشا حضرتلری رفقای عسکریه سنه نمونه امتثال اولق اوزره درحال عسکرلکدن بالاستعفا بعدما سیاساتله اشتغال ایده جککرینی نشر و اعلان ایده رک بر حس حمیت وطنپروری ابراز بیورمشلر ایدی .

پاشای مشار اليك بوجمله استعفا سندن ده اوركن جمعيت اتحاديه رؤساي استعفا ريني كيرو آللري ايچون تشبثات ومراجعاتده بولندقلري زمان شريف پاشا حضرتلري طرفندن بالاده سرد و بيان اولونان تكليفات قارشوسنده تكرار قاهره قيه مبهوت اولمشلردر .

زيرا بو تكليفاتي قبول ايتمك رؤسا واركان جمعيت ايچون نا قابل ايدي .

پاشای مشار اليه تكليفات واقعه لر ينك عدم قبولي اوزرينه اتحاد وترقي جمعيتي ترك ايله آوروپايه عزيمت واوراده اختيار اقامت بيورمشلردر .

مخالفت ووطنپرورليك يكانه حامی وعامللري اولان خفامتلو پرنس صباح الدين بك افندي حضرتلري له عطوفتلو شريف پاشا حضرتلري حقارنده اتحاد وترقي جمعيت ورؤساي خائنه سنك واقع اولان مفتریات و تعرضات ائمانه سي صرف منافع ذاتيه وملعونانه لر ينك تأمینی ايچون ايجاد ايدلمش اكاذيب واراچيندن بشقه برشي دكلدر .

حتی اتحاد وترقي رؤساي معهوده سي بومثلاو مفتریات ايله صدر اسبق كامل پاشا مرحومه ده هجوم ايتملر ومعلم محترم مراد بك افندي حقنده ده برچوق اراجيف نشر واعلانندن حيا ايلما مشلر ايدي .

صدر اسبق مرحوم كامل پاشايه ژورنالچيلق اسناد ايتمك بياضه قاره ديمك قبيلندن اولديغندن بونكله مشار اليك شرفنه نقيصه ايراث ايديله ميه جكني بيله دوشونمكدن عاجز اولان جمعيتك آلچاق رؤساي (طنين) پاچاوراسيله « صدارت نامزدی كامل پاشا حضرتلرينك مملكت مزده مشروطيت اداره حقنده افكار ومطالعات حكيمانه لري ! » سرلوحه سي تحفته استهزا آميز بر طرز تحرير ايله (مجلس وكلايه مأمور ايدبلن كامل پاشاك عبد الحميده حسب العبوديه كيزلي وخصوصي معروضاتندن اولوب انظار عموميه عريض) اولنور ديه رك زي رده عيماً صورتی مندرج عريضه يي نشر ايتديرديلر .

طنين نمره — ۱۱۸۵ —

— صورت عريضه —

عرض و بياندن مستغني اولديغي اوزره قانون اساسينك موقع اجرايه وضعي حكومت مشروطه اصولنك قبولي ديمك اولوب بو اصول ايجابه نجه اهاليه اداره حكومه اشراك حق اعطا اولنش اولديغندن اعضاي طرف اهاليدن منتخب اولان

مجلس مبعوثان ارزوی اهالی به تبعاً ایفای وظیفه ایلہ اداره حکومتہ مداخلہ و دولتک قوانینی ایلہ بودجه سنی ایجاب حالہ کوره تنظیم و تعدیل ایتک حقنی حائز اولدقلرندن بو اصولی قبول ایدن حکمداران اجراءات واقعہ لرینی افکار عمومیه به توفیق ایدرلر . شو حالده مادام کہ دولت علیه لرنجه اصول مشروطیت اعطا بیورلمشدر . دوائر حکومت سنیه بی تشکیل ایدن هیئتلر قاعدہ اصلیه سی اوزره ترتیب اولنه رق مأموریتلر اهللرینه تودیعيله تخصیصاتلرینک دخی کفایتی درجه ده تخصیصی مقتضی اولسلیله مجلس مبعوثانک اجتماعدن اول باب عالیجه بوجهتک اجراءاتنه مسارعت اولنسی تسکین هیجانه مدارکلی اولور . غفلت و یا اغماض عین اثریله اولسون هر نصلسه روم ایلی جانبندن وقوعه کلن قیام اهالی واختلال عین استعدادده بولونان در سعادت خلقنه ده سرایت ایدهرک صنوف اهالی جانبندن انواع نمایشلرله اعلان حریت و بعض مطالب نا مرضیه به جرأت ایدلمسی نزاکت حالی قاتقات آرندیرمش اولدیغندن شو بحران سیاسی بی سلامتله کچیرمک ایچون اتخاذ اولنه حق تدابیر جمعه سندن اوله رق قانون اساسینک مقتضیاتندن اولان اصلاحاتک بی درنی و اهل قیام طرفندن تکلیفات وقوعندن اول موقع اجرایه وضعی ایجاب حال و مصلحتدنددر . شمدیکی نمایشلر اظهار شادمانی و اعلان حریت طرزنده اولغله برابر مزعجالتدن اولوب حالبوکه اختلال واقعک مرتبلی اوله رق آوروپاده مصرده و محال سائره ده بولونان (ژون تورکلر) رؤسانک قریباً در سعادتہ عودت لرنده بونلرک نشریات و تشویقاتیله دوام ایده جک اولان جمعیتلر دهانه کبی حال و حرکتده بولنه جقلری مجهول اولسه ده هر حالده خلاف قانون مطالب وقوعنده رد اولنه بیلمک ایچون اداره جه قانون اساسینک مقتضیاتندن اولان تشکیلات و تنظیماتک باب عالیجه بالاستیدان اجراسی حقنده شمدیدن اراده حکمتعاده جناب خلافتینا هیلرینک شرف اصداری ذات اقدس هایونلرینک از عاجاتدن مصونیتنی تأمین ایده جک تدابیر مهمه دن اولدیغنک حسب العبودیه عرضنه اجتناسار اولنمغین اولبابده وقاطبه احوالده امر و فرمان حضرت ولی الامر افندمز کدر .

مجلس وکلایه مأمور صدر اسبق

۲۹ جمادی الآخر ۱۳۲۷

قوللری کامل



اعلان انقلابدن براق کون اول سعید پاشانک صدارته تعییننده مجلس وکلایه

ماء مور ايديلين كامل پاشا مرحوم اوصرده صدر اعظم سعيد پاشانك مترددانه حركتى جهتي له اعلان مشروطيتدن طولاي فوق العاده غليانه كلن افكار عموميه نك تسكىنى ممكن اوله مدينى برصرده يوقار يده سعيد پاشانك صدارتى قسمنده بيان ايدليكي وجهله برده حربه و بحريه ناظرلى تعينى مسئله سى چيقار يله رق تشديد هيچانه سببيت و يرلديكندن وذات شاهانه نك ده بو حال كشمكش قارشوسنده متلاشيانه ومنفردانه بر حالده بولنديغى كورن كامل پاشا ظهورى ملحوظ اولان بر چوق فنا لقلرك اوكنى آلمق و حربه و بحريه ناظرلى مسئله سى كې بر مسئله ده اچيقارلاماسى ايچون خاقان اسبق مرحومى بو عريضه ايله ايقاظ و قانون اساسى مقتضياتى دائره سنده حركته دعوت ايدىيور .

بو نه بر ژورنال ونه ده طنين پاچاوراسنك ديدكي كې كيزلى وخصوصى بر معروضاتدر .

بوعادتا كامل پاشا كې اركان حكومتك وبا خصوص اوصرده مجلس وكلايه ماء مور اولان و آتى ي كورن بر حكومت آدمى اولان مشار اليه ايچون ياييلمسى لابد بر وظيفه در .

بو وظيفه يي ايفا ايدن بر ذات شايان تقدير و تحسين ايكن جمعيت رؤساي معهوده سى اوصرده موقع صدارته كملارينه چاليشيلن كامل پاشا موقع مذكوره كلديكي تقديرده آلمانيا سياستنك تعقيبى ممكن اوله ميو ب منفعت ذاتيه و شخصيه لرى سكته دار اوله جنجى خوفيله خاقان اسبق حضرتارينه عرض و تقديم ايديلن عريضه يي نشر و اعلان ايتمك و بو عريضه يي بشقه بر طرزده كوسترمك نه ديمك اولديغى اوزمان دكلسه ده شو صرده اكلاميه حق بر فرد تصور اولنه مز .

كامل پاشانك تقديم ايدلكى بو عريضه و يا مخرطه اوقونديغى زمان بتون دقايق دوشونمكه مجبور اولان انسان پاشاي مشار اليهك خاقان اسبق مرحومه نه ديمك ايستديكنى اكلا ر و كامل پاشا بونكله شونى ديمك ايسته مش دير .

« اصول مشروطيتى شكلاً قبول ايدو بده روحنه مخالفت ايلهك بر پادشاه ايچون فلاكتى موجبدر . چونكه پادشاهك رضا سيله يامديغى شيلرى اهل قيام جبراً ياپديرر او حالده مفرط طلبلر و قوعيده احتمال داخلمنده در . مادامكه اصول مشروطيت قبول اولندى ، بو اصولك روحى دوائر حكومته كيرملى و اهل مأمورلر تعمين اولنليدر . مجلس مبعوثانك كشاندن اول حكومت شكل مشروطيتى آلمليدر ،

یوقسه اهالی خشنود سزاق کوسترر طلبار آرتار ، اونلری اجرا ایچون اهالی قوته مراجعت ایدر ، خلوصله حرکت ایدیکز که بوحاللدن مصون قاله سکز « ایشته بو عریضه ویاخطرته نک معناسی ده صرف بوندن عبارتدر .

اگر کامل پاشانک شوبیان وتوصیه ایلدیکی کبی حرکت اولنسه وجملهجه شکل حکومته حصوله کلن تبدل خلوصله قبول ایداسه ایدی ، انقلاب بشقه بر حال آلیدی . مملکت بیوک تزلزلاتدن مصون قاله رق ، برقاج کون ظرفنده طریق سلامتته کیرردی .

بونی نشر ایتدیرن وایدن جمعیت رؤسای خانئهمسی وطنین پاچاوراسی بونکله پاشای مشار الیهک شرفته خلل ونقیصه کتیره مامشر وبالعکس شرف وشانلرینی تزیدد ایلمشلردر .

ایشته بیوک ودکرلی ذواتی برر صورتله نظر ملتده لکه دار ایتمک ایستهین بو آلچاق رزیلار بویولدهکی نشریات وحرکتلری ایله کندیلرینی دوشوردکلرینی بیله ادراکدن عاجز برکروه لا یفلحون اولدقلری ارباب ازعان ووجدان عندنده مسلماتنددر .

انقلابدن برچوق سنه اول استانبوله تشکل ایدن اتحاد وترقی جمعیتی مؤسسینی که اکثری الیوم مذکور جمعیت رؤسا واعضای کزیده سسیدر .

بو مؤسسین واعضانک اکثریتی تشکیل ایدنلر احمد رضا بک افندی حضرتلرینک رقابت ریاستنه قربان اولان معلم محترم ملت مراد بک افندی حضرتلرینک مکتب ملکیمده حلقه تدریسنده بولونان طلبه ایله مکتب مذکور معلمینی ایدی .

درسعادته انقلابدن برچوق سنه اول مکتب ملکیه وطبییه طلبه لريله معلمارندن الک کزیده لرینک التحاقيله تشکل ایدن اتحاد وترقی جمعیتی مقام ریاستنه معلم محترمیری مراد بک افندی بی متفقاً انتخاب ایتمشلردی . مؤخرأ مشار الیه مراد بک افندی آوروپاده دخی جمعیت اتحادیه رئیس انتخاب وتعیین ایدلمش ایدی .

جمله بک حرمت ومحبته نائل واقتدار واهلیت وآثار تاریخیه وقلمیه سیله طبقه قصوای اشتهاره واصل اولان مراد بک افندی حضرتلری هر نصیسه احمد رضا بک افندی مظهر تقدیری (!) اوله مامش وکندوسنه ازهرجهت فائق اولان

مراد بك افنديك عليهمه اوكوندن اعتباراً هجومه باشلامشدر .

احمد رضا بك افنديك مراد بك افندی به هجومی يالكيز رياست چيهندن اوليوب برچوق اسباب دخی موجود ایدی .

احمد رضا بك غایت خیال پرست و بك زیاده متكبر اولمغله برابر مراد بك افندی حضرتلرينك ياننده آغز آچه میه جق درجدهده جاهل اولسی وهریده برنجی درجدهده بولمق وبيوك كوزوكك وبيوكلك كوسترمك ايسته‌مسی دخی بوبابده بر سببدر .

حقى بوبابده مراد بك افندی بر اثرلرنده (احمد رضا بكك بتون طاتلی خلیاری بئم آوروپاده و بانخاصه پارسده ظهورم ايله بر هوا اولمش ایدی) دیور .

ايسته خیال ايله مشبوع اولان احمد رضا بك بالطبع ارباب اقتدار و لیاقت واصحاب حمیت و وجداندن اورتهده کیمار واریسه برر درلو اسناد وافترا ايله انلك وجودینی ازالهدن اجتناب ایتمز وعالمده تفرد ایتمك ایستردی .

بو حال ايله متصف اولان بر آدم منافع ذاتیه سندن بشقه بر شیء دوشونه‌من ومملكتنه خدمت ایده‌من .

نته کیم احمد رضا بكده رقیب عدايتدیكى ذوات عالیه ومحترمه‌یی منفعت شخصیه‌سی اوغورنده اون سنه دنبری درلو صورتله اسنادات ومفتریاتنه فدا وقربان ایتمكدن بشقه مملكتنه نافع بر خدمت ایفا سنه مقتدر اوله مدی .

احمد رضا بكك اوغورینه فدا ایدیلن حمیت‌مندان ووطنپرورانك فوقنده بولونان مراد بك افنديك قدر و قیمتی تقدیر اولنوب جمعیتك ریاستنده بولندیرلسه ایدی . دولت ومملكتتمز بك بويوك استفاده‌لر تأمین ایدر و جمعیتده عقلنه كلن فنالقاری اجرا ایده‌مزدی .

نه چاره‌كه مرحوم مراد بك افندی‌کی صاحب علم وعرفان اولان حربیپروان :


بیانمزم عارفك عصرنده اصلاً قدر آثاری

حكّ خاكله سنجیده‌در نقد هنر دائم

مضموننجه حال حیاتلرنده مظهر تقدیر اوله میوب غیموبت ابدیه لرنده آرانيله كلمش اولدیغندن اوته دنبری نا اهللر النده قالان مصالح عباد محور لایقنده جریان ایده میهرك مملكت فلاكتدن فلاكته دوشه‌رك بوكونکی حاله كلمشدر .

ادوار ماضیه دن زمان حاضر مدنیته انتقال ایدن بو حس رقابت احمد رضا بك افندی یه ده سرایت ایتدیکندن اون سنه دنبری دوات ومملکت مز بو یوزدن بر سوری خیال برست جاهل وچولق چوچق النده قالمش ومع مافیه احمد رضا بکده اقصای املی اولان صدارت موقع عالیه سنه نائل اوله مامشدر .

مراد بك افندی مرحوم شواون سنه ظرفنده جریان ایدن احوال اسف اشمالك بر چوغنی کورمش وشخصی حقنده اجرا ایدیلان وروا کوریلان معاملات غیر مرضیه وقانون شکنانه دن فوق العاده مأیوس ومکدر اولمش وبرچوق فلا کتله دوچار ایدلمش اولدیغندن آه وانین ایچنده احمد رضا بک ویتشدیردیکی طلبه سنه قربان اوله رق ترك حیات ایتمشدر .



میزان غزته سی صاحب امتیاز ومحرری معلم محترم

مراد بك افندی حضرتلری

Professeur Mourad Bey Proprietaire et Rédacteur
du Journal Mizan

مراد بك افندى مرحوم عصر مزده زوريتيشير مؤرخين ومؤلفين عظامدن
برذات ايدى .

مرحوم مشار اليه سنه لرحه تاريخ عمومى معلم كننده (*) بولنديغى مكتب ملكيه ده
يتشديد يكي طلبه نك تصديق ايده جكلى وجهله غايت حمتلى و وطنپرور برذات
نادر الامثال اولوب سياستده « استاذ ملت » عنوانه بحق كسب استحقاق
ايلمش ايدى .

مراد بك مرحوم اخلاق حسنه مالک غايت نازك و مرحمتلى ايدى .
والحاصل مراد بك افندى مرحوم اوصاف مطلوبه يى حائز بر وجود قيمتدار
ايدى .

مجاهده وطنيه و آثار علميه و قلميه سيله نامنى الى الابد پايدار ايتمش و ضياع
ابد يسندن طولايي سينه ملتده برياره بر اقمشدر .

برچوق آثار مطبوعه سى شهرت كير عالم اولوب باشلوجه سى شونلردر .
مختصر و مفصل تاريخ عمومى ، نسل جديد ، مجاهده مليه ، تاريخ ابو الفاروق ،
تحرى استقبال ، حریت و اديسنده بر پنجه استبداد و سائر در .
هله (طاتلى املر و آجى حقيقتلر) اثرى جدا نامنى تبجيل ايده جك آثار
مخلده دندر .

مرحوم مراد بك افندى كپى برچوق ذوات مقتدره و وطنپرورانك دعوای
رياست و تفردله افناى حيات و قتل و شهيد ايدملرينه سبييت و یرن احمد رضا بك
افندى حضرتلرى حقنده ده براز معلومات و یرمكى مناسب عد ايلدم .

احمد رضا بك ، محررين عثمانيه دن و جمعيتك ايلك اعضا لرندن دوققور شرف الدين
معمومى بك افنديك (حقيقت حال) نام اثر لرنده محرر اولديغى اوزره انكليز
على بك دينمكله معروف برذاتك مخدوميدر .

احمد رضا بك افنديك درجه تحصيلنه كلنجه والده سى نمسه لى اجنبى برقادينك
تربيه آغوشنده بيومش و والده سندن نه تربيه عثمانيه و نه ده وطنه و ملتنه قارشى
درس محبت و حميت آلمغه موفق اوله مامش و آوروپا مكتب لرنده ده يدى ، سكرسنه
قدر بولمشددر .

(*) مرحوم مشار اليه ديون عموميه عثمانيه قوميسرلكيله شورای دولت اعضا لفنده و سائر
مأموريت مهمه دولته دخى بولنش و ميزان غزته سيله ده عالم مطبوعات خدمت ايتمشدر .

پارسی علم زراعت تحصیل ایدن احمد رضا بك برمدت بروسه اعدادیسی
وزراعت مکتبی معلم و مدیر لکنده بولنش ایدی .

مشروطیت و حریت پرور (!) اولان احمد رضا بك افندی بروسه ده بولندیغی
صره ده اوراده انتشار ایدن ادبی واسبوعی (فوائد) و (نیلوفر) جریده و رساله لرینه
نثرا و بعضاً نظماً ادبی مقاله و منظومه لر تحریر و نشرینه یلتنیر و ایام رسمیه و مبارکده
سلطان عبد الحمید خان ثانی حضرتلری حقنده مدحیه یی حاوی منظومه لر چفتجی
رضا امضاسیله نشر ایتدیردی .

بو مدحیه و منظومه لری ایله استفاده سنی تأمین ایده مین احمد رضا بك بروسه دن
آورو پایه عزیمتی و اورادن تأمین منافعه خدمتی ده موافق کوردیکندن ازمدت
ظرفنده بروسه یی ترك ایله پارسه صاوشمش ایدی .

پارسه صاوشمش و اوراده اختیار اقامتی کویا تحصیل علوم ایچون ایمش .
حالبوکه (حقیقت حال) رساله سندن عیناً نقل اولونان شویانات آتیه —
پارسی مدت اقامتی ظرفنده نه تحصیل ایتدیکی هر کسجه مجهول و علم زراعت
اوکر ندیکی کندیلرندن منقولدر . کندیسنگ هیج بر شعبه علمییه و فنییه و قوف
جدیسی اولدقدن بشقه خرده فروشلق درجه سنده معلومات عمومیه دن ده بی بهره
و بی نصیبدر . علوم ریاضیه و طبیعیه نك دقایقنه دکل مبادیسنه دائر بر محاوره آچیلسه
بو بؤك بر اثر جهل ابراز ایدر . ممالك عثمانیه نك احوال تاریخیه و جغرافییه سی ،
امور اداره و داخلیه سی خاطره سندن بیله کچما مشدر . ترکیه یی هر کس قدر بازار
اوقور و لسان مادر زادم دکل دییه بیان ممنونیت ایلر . اسان مادر زادی اولان
آلمانجه ایله پدرلرینك لقبك لسانی اولان انگلیزجه دن بر کلمه بیله بیلمز .
فرانسزجه ده کی ملکه سی فرانسه ده کی مدت اقامتی ایله معکوساً متناسبدر .
یازیلرینی ، اخرك قلم تصحیح و تعدیلندن کچمکسزین باصمیره ماز . رضا بكك
پارسی وقف نفس و حیات ایلدیکی برشی وارسه اوده (پوزی تیویزم) مسلك
فلسفیسیدر . عمرینی عطالت و بطاات ایچنده کچیرن تنبلار کی ، زوالی احمد
رضا بك ده بیلمدیکی ، اکلادیغی (پوزی تیویست) صالونلرنده صقال اوزاتمش
بیهوده عمر کچیر مشدر . بیلمدیکی ، اکلادیغی دیورم ؛ چونکه فلسفه ، زبده
علوم و خلاصه فنون دیمك اولوب علوم و فنونده بهره تامی اولان کیمسه لك اشتغال
واستفاده ایده بیله جکی بر درس حکمتدر . یوقسه مبادیلرینی بیلمیه جك قدر سرمایه

علمی زوگوردی اولانلر ایچون فلسفه ، اکلاشلماز برمعما ، مغلق بردستور ، ایچندن چیقلماز برباطا قدر — رضا بکک درجه تحصیل واقتدارینی کوستردیکندن بوبابده بشقه برسوز سویلمکه حاجت یوقدر .

اتحاد وترقی جمعیتک علامه بی مدانیسی اولان احمد رضا بک افندی بو درجه جهل مطلق صاحبی اولدیغنی مجلس مبعوثان ریاست و اعضا لغنده دخی اثبات ایتدی .

یالکزر کندیلرنده بر مزیت واریسه اوده کبر و غرور و کین و غرضدر ، عظمت و غرور لرینه فدا ایدیلن معلمین مقتدرین و رجال سیاسیون صرف احمد رضا بکک حرکات جاهلانه سنه و مشار الیهک سودای ترقی و تفردینه قربان ایدلمشاردر .

بوقاریده دخی دینلیدیکی وجهله استانبولده حریتپوران طرفندن تاسیس ایدیلن اتحاد وترقی جمعیتی ابتدای تشکلنده مقصد تأسسی ظلم و اعتسافه نهایت ویرمک و عثمانلی قوم نجیبینک محتاج و مستحق اولدیغنی حریت و عدالتی استدعا و استرحام ایلکم و دولت ایلله ملت آردسنده منکسر و منقطع اولان رابطه امنیت و محبتی تجدید و تقوییه چالیشمق کبی صاف و خالص برامل و ارزوی وطنپوران و مقصد حمیتکارانه ایلله ملتداشارینی دائرة اتحاد و اخوت و غیرته دعوت ایلمش ایدی .

اوزمان بوصورتله تأسس ایدن مذکور جمعیه ارباب حمیت و ناموسدن و اصحاب اقتدار و لیاقتدن برچوق ذوات داخل اولدیغنی کبی شخصندن ، نفسندن غیری دنیاده بر دوشونجهسی اولمیان دولت و مائنه قارشی برحس محبت بسله مین بعض خائن و خبیثده حمیت و وطنپورلک نقاب و کسوهسی التنده بو جمعیه بالطبع داخل اولمشلردی .


ایشته ارباب حمیت و وجدان میاننه کندیلرینی ادخاله بو وجهله موفق اولان بوخائن خبیثلر عالمه کندیلرینی وطنپور کوسترمکه باشلامشاردر .

احمد رضا بک افندیده بو حمیت کسوهسی التنده کندیسینی اخفا ایده رک جمعیه داخل اولانلردن بریدر .

مشار الیهک شخص و عظمت و غروری پک کنج اولان جمعیت منسوبینی آلداتمش و رضا بک جمعیتجه مهم موقعلره چیقارلش و برمدت صوکره نه مال اولدیغنی اکلاشلمش ایهده منتسبین جمعیت دوستلرینی هایوس و دشمنلرینی مسرور ایتمکدن اجتناباً مدت مدیده احمد رضا بکک سیئاتنی ستردن کیر و طور مامشاردی .

احمد رضا بك افندی حرکات عقلیه وجاهلیه سندن ناشی سیناثنی تزیید
وتشدید ایتمش وآرورپاده جمعیت افرادی حقنده روا کورمدیکی حقارت
وچویرمدیکی دولاب مفسدت قالماش واعضای جمعیتك جمله سنی کوچندیرمش
اولدیفندن مومی الیهك تبدیل مسلك واصلاح حالی مرحوم مراد بك طرفندن
تعهد ایدلمش اولدیفندن مرحوم مشارالیه احمد رضا بك تبدیل مسلك واصلاحنه
جمعیتجه مأمور ایدلمش ایدی .

هر تدبیره باش اوردیفنی حالده تبدیل مسلك واصلاح حال ایتدیریله میهجکی
مراد بك افندی ایله رجال جمعیت طرفندن اكلاشدیفندن دفع مضرتی چاره سی
دوشونلمش وهیئت اداره جمعیت احمد رضا بكك صوك قباحت وخبائثنی اورتیه
قویمش ومشار الیهی جمعیتدن طرد و رابطه سنی قطع ایللمش ایدی .



مجلس اعیان رئیسى احمد رضا بك افندی حضرتلری

Ahmed Riza Bey Président du Sénat

ایشته جمعیتدن طرد و اخراج ایدیلن احمد رضا بك افندی اولزمان سوت
دوگش کدی کبی بر طرفه چکلدیکی کبی جمعیتك نه بو قرارینی پروتستوونده

معصومیتنی دعوی ایله مدافعهٔ نفسه مقتدر اوله مدی . زیراکندیسی ده قباحتنی وصیثات سابقهٔ متسلله سنی بیلیدی . احمد رضا بکک جمعیت اتحادیه ده دخولی ونا مناسب حالاته اجتساری جمعیتک ارباب ناموس و حیثیتدن اولان مؤسسين ورؤ ساسندن پک چوغنی کوجندیرمش اولدیغندن بونلردن بعضلری قبل الانقلاب جمعیتی ترک ایتمش و بعضسی دخی بعد الانقلاب جمعیتی ترکه مجبور اولمشدرکه جمعیت احمد رضا بک و امثالی مطرودین ایله بر طاقم اشرا واشقیای شریره النده قاله رق بوکونکی حاله کلمشدر .

اکر احمد رضا بک منفعت ذاتیه سندن زیاده منفعت وطنی دوشونک خاصه سنه ذره قدر مالک اولسه ایدی . بالطبع نه کندی جمعیتلری محو اولور ونه ده مملکت اضمحلاله دوشردی .

بو بویله اولدقدن صکره آرتق نه احمد رضا بکک ونه ده سائر رفقا سنک بو دوات و مملکتده اوینایه جقلری اوینلر قالمدیغندن سسلرینی چیقارمق جسارتنده بولنیه رق مملکتی بوندن صکره اولسون فلا کته سوروکله کدن کندیلرینی منع ایلملری اقتضا ایدر .

جمعیت اتحادیه نک صورت تشکل و تأسسنده احمد رضا بک و امثالی کی ذوات واون سنه دنبری مملکت مزده میدان اوقویان اتحاد وترقی جمعیتی اشرای خائنه سی داخل جمعیت ایدلماش اولسه ایدی . بلکه بوکون اتحاد وترقی جمعیتی نامندن وافراندن کیمسه نفرت ایتمز ولعنتخوان اولمازدی .

غرابت شوراده درکه احمد رضا بکک بو درجه جهل وحمق ایله برابر اون سنه دنبری موقع اقتدارده بولنشدر . بوکا بدرلو عقل ایردیره میورز احتمال ایجاب طالعدر .

یوقاریده بیان اولندیغی اوزره اتحاد وترقی جمعیتک دردنحی دفعه انعقاد ایدن قونفره سنده (حزب جدید) حقنده ویریلان قراردن بشقه برحق قراردها ویرلمش و مرکز عمومی اعضا سنک بدی کشیدن اون ایکی کشی به ابلاغی ده قرار کیر اولمشدر . بر موجب قرار اتحاد وترقی جمعیتی مرکز عمومی اعضا لفته انتخاب اولونان اون ایکی اعضاده (حاجی عادل ، طلعت ، احمد نسیمی ، علی فتیحی ، خلیل ، ضیا ، صبری ، دوکتور ناظم ، مدحت شکری ، ایوب صبری ، حسین زاده علی ، ناجی) بکلردن عبارتدر .

و دردنجی قونغره كولنج اولمقدن زیاده جمعیتك مقاصد خائنه سنی ارايه ایدر
بر صورتده بتون افراد ملتی اتحاد وترقی اعضا سندن عدایتش وبالعموم اولاد
وطنی اتحاد وترقی بایراغی التنده مجتمع کورمکه دعوت ایلمشدر .
بو قرارله مشروطیتپرور (!) اتحادجیلر اداره مشروطهده مخالف کورمکه ایسته
مدکاربینی ارايه واثبات ایله منفعتپرست و مستبد اولدقلربینی میدان قویلمشدر .
دردنجی قونغره بونکلهده قالماش و بویکی مضحک هذیانلارده بولنمقدن کندیسینی
آله مامش ایدی .

از جمله باشلوجه هذیان و مسخره لقدن بریده لوائ اتحاد التنده اجتماع ایتیمه حک
اولانلری اتحاد وترقی به اعلان حرب ایتیمش عد ایدیور وحق عثمانلیقدن اخراج
ایدیور . بونلر بزدن دکدر واوله مازلرکی برطاقم هذیانلارده بولنیور .
بو جمعیت عثمانلیق نام مبعجلنی کندیسنه مال ایدیور . جمعیته داخل اولیانلری
عثمانلی عد ایتیمور .

شاعر مشهور حسین کاهی بك بر منظومه شنده آئیده کی مصراعرله اتحاد وترقی به
بر درس عبرت ویرمش ایسهده بوندن بی خبر اولان جمعیت متنبه اولامشدر .
یا شرف ویرمک کرك عثمانلیق عنوانه
یا که آرتق ترك نام وشان عثمان ایتملی !

عالی اتحادجی ایدرک منفعت شخصیه لربینی تائمینه چالیشن جمعیت رؤسامی
با آله عثمانلیلری اتحاد بایراغی التنده کورمکه چالیشمیو بده زمان مشروطیتده دولت
و؛ لکت ایچون چالیشمق وجوبی بیلسه و عثمانلیق عنوان مبعجلنه شرف ویرمکه
مواق اولسه ایدی .

بو یولده قونغره قرارلریله وسائر کونا تهدیدلرله ملتی اتحاده جلبه لزوم کورلمز
وملن عثمانیه اتحاد وترقی نامنی تبجیل ایدر و جمله خلق اتحاد وترقی به انتساب
ایلردن .

حال وکه جمعیتك اون سنه لك اداره مستبده سی شان و شرف عثمانی به جداً نقیصه
ایراث ایتدیکندن عالی جمعیتارینه دعوت ایدن بو شیرلر عثمانلیق نامی تحتنده
یشامغه لایق اولدقلربینی اکلاملی و نام جلیل عثمانی بی اغزلرینه آلمیه رق دفع
اولوب کیتملیدرلر .

چونکه بونلرک بر چوغی عثمانلی اولدقلربینی بعض مسائلده ارايه اثباته

تشبث ایدن سرسریلردر .

بیتهی اثر عاجزی به مقدمه و سرنامه اتخاذ ایلدیکم شاعربی نظیر مرحوم اشرف بک (*) اولجه تنظیم ایلدیکی (تصویر احوال) نام منظومه رعنا ، بو شیریلرک زمانه موافق و مطابق کلدیکندن اشرف ایچون وسیله رحمت وکنجیلهده بر نصیحت اولق اوزره عیناً زیره نقل ودرج اولندی .



اطنه والی معاون اسبقی شاعربی نظیر

اشرف بک افندی

Echref bey

Célèbre poète satirique ture

(*) شاعربی نظیر اشرف بک مرحوم برچوق قضا قائمقاملقلرنده بولنش واک صوک مأموریتی اولان اطنه ولایتی والی معاونلکنندن تقاعد ایدیلهرک از میر داخلنده قرق اغاج شهرنده اختیار اقامت واوراده ترک دغدغه حیات ایشمدر .

(تصویر احوال)

اغارمش صاحلرم برطاغ باشنده قاره دونمشدر
اوطاغك دامننده كوزلم انهاره دونمشدر
بتون موی سیاهم بم بیاض ازهاره دونمشدر
تمده جوهرجان بر چكلمز باره دونمشدر

جهانه كلدیم كوندنبری بك چوق جفا كوردم
ازیلدم بارغم التنده بیک درلو اذا كوردم
دكل بیكانه لردن آشنالردن بلا كوردم
وجودم عالم سخته بر بهاره دونمشدر

فلك غایت دونك دنیاده برجلاد مدهشدر
ایچندن چیقمسی بومشكلاتك خیلی برایشدر
دكرمن صانكه ییل، آی چرخ، ایامی برردیشدر
ایچنده آدم اوغلی بر اوافق چاوداره دونمشدر

موقتدر اكرحكم ایلسهك دنیایه سرتاسر
چیقار آخر الكدن بیک یرندن باغله سهك چنبر
جهانه صیغمامشكن بر مزاره صیغدی اسکندر
واروب باقسهك اوده شمدی ییقق برغاره دونمشدر

سن ایستربوینكه ایپ طاق دیلر جوهرلی قوردون طاق
بودنیادن نصیبك اك نهایت بر آوج طوپراق
بقاسی وارمی دهرک دیده امعان ایله برباق
نیجه معموره عالم خرابه زاره دونمشدر

نه اولمش اولسه آدم قالمامشدر ذوقی دنیانك
هله مأمور اولورسه راحت اولماز بر انسانك
حكومتلرده فریادی چكلمز لاله کیرانك
فلك حجاج ظالمدن دها غداره دونمشدر

طویان یوق سویلمه باشكده بیک درلو بلا اولسه
امین اوله صاقین بر شخصه حتی اولیا اولسه

صوقار عقرب کبی فرصت بولنجه اقربا اولسه
بتون ابنای آدم بر زهرلی ماره دونمشدر

کوروبده صورتا بر زاهدی ظن ایتمه بیچاره
آچار ایسترسه تیغ جور ایله سینه کده بیک یاره
ویرر اول نصیحت صوکره انساندن آلیرپاره
بیوک کمرکده واعظ صانکه بر سمساره دونمشدر

بیوکلرجه جهانده عاجز آلداتق درایتدر
یالان سوز سویلمک اونلرجه کویا بر ظرافتدر
کوچککردن صدور ایتسه فقط بونلر جنایتدر
بیوکلک سیئاتی ستر ایچون آستاره دونمشدر

چالار بر کیمسه به بر کیمسه تفویض امور ایتسه
دوزلمز بعدما اخلاقن مهدی ظهور ایتسه
قالیر آل قان ایچنده یاره دن هرکیم مرور ایتسه
طریق استقامت بر مغبلانزاره دونمشدر

صاقین مایوس اولوب دونمه طریق خیرخواهیدن
ثریایی ثرا ظن ایتمه فرق ایت ماهی ماهیدن
کوچکدر باب عالی باب درگاه الهیدن
انک یاننده بو سوراخ مور وماره دونمشدر

قوشاتمش ملک اسلامی سراپا دشمن دوات
کسوفه اوغرامش خورشیده دونمش عادتا ملت
مظالم قاپلامش اطرافنی ، فانوس حریت
ظلام ایچنده پارلایان انواره دونمشدر

می ایچمک انتحار ایتک دیمکدر کرچه بالتدریج
دوشونمکله ورم اولمقدن اولی در دیلرسهک ایچ
ولیکن حرمتنده اولماسون واقع قصورک هییچ
بز میچون چونکه می اغیاره بکزر یاره دونمشدر

قاچار آهوی حریت جهالت یاده کلدکجه
تباعد ایلر عقلی باده نوشک باده کلدکجه

سحر وقتنه بلبل دم چکوب فریاده کلدجه
نشاطندن کوکل بر بلده احراره دوشدر

آکلدجه جهالت ایله چین جبین اظهار
جهالت اوزره غالب معرفت ایسترایسهک معیار
ژاپونیا چینه اسقاط جنین ایتدیدی آخرکار
اوملکک شمدی حالی بنده کی افکاره دوشدر

جهانده وارمیدر بزلر قدر بیایم غرض معتاد
کورورسهک کیمده آثار لیاقت ایلر زبر باد
ایدلزمی تأسف بزده کی ارباب استعداد
حبسده اویقودن محروم اولان بیداره دوشدر

اولورمی جاذبه سیر ایله هر محبوب کلفمده
کمال اولماز مکاتبدن یتشمش هر بر آدمده
شهادتنامه لی جاهلمی ایسترسک بو عالمده
معارف شمدی بزده میوه سز اشجاره دوشدر

جهالت آدمی محروم ایدر هر بر سعادتدن
جهالتدر جهانده واریسه اشع اسارتدن
اوزاغه کیمه (اشرف) بویقینلرده جهالتدن
قوچه بر ملکت اقبالی باق ادباره دوشدر

شاعر اشرف شو منظلومه سیله ده بی نظیر اولدیغنی کوسترمشدر .
اشرف مرحوم شعرای قدیمه وجدیده آره سنده آرتیشیر بر شاعر ایدی .
طرز تحریری اعتباریله اشرفه بکزر نه زمانزده بر شاعر وار ونه ده آرتق
بوندن صوکره او طرزده شعر تنظیر ایده جک بر آدم یتیشه جکنه امید وارز .
زیرا زمانز کنجلی تجدد پرستلک کوسترمک هوسنده بولندقلرندن شعرای قدیمه بی
بکنمک شویله طورسون اوچ ، بش سنه اول وفات ایدن وزمانزده یتیش
اشرفی بیله تقدیر ایتمز لر ظننده یم .

شعر وانشا مزده کنجلمزک آروپا مقدملکی بوزندن غائب اولوب کیدیور .
هرنه ایسه اشرف مطبوع وغیر مطبوع بر چوق اثر تنظیر وتنظیمنه موفق
اوله بیلمش ونامنی اک بیوک شعرا صره سنه ادخال ایلمشدر .

نامنی الی الابد پایدار ایده جک آثار مطبوعه سندن بعضی شونلردر .
دجال ، استمداد ، حسبحال ، شاه پادشاه ، ایرانده یانغین وار .
اشرفک بونلردن بشقه اتحادیون علیهنده بر طاقم بیت وقطعه لری واردرکه غیر
مطبوع اولوب شونک بونک النده قالمشدر .

اتحاد وترقی جمعیتک طالعدنی؟ یوقسه مملکتیمزک طالعسر لکندنی؟ شواون سنه
ظرفنده جریان ایدن احوالی نسل آتیمزه برر صورتله اکلانه جق درجهده آثار
نشر ایده بیله جک اشرف وامثالی ذواتک وفاتلری حقیقه موجب تأسف و تأثردر .
ایشته اتحاد وترقی جمعیتی رؤسای خائنه سنه شواون سنه ظرفنده فلک دخی
مساعد طاورانیدی حالده مملکتی دوزلمکه کان بو سرسریلر دوزلمک شویله
طورسون آلتنی اوستنه چویرمشلردر .

هرکسک معلومی اولدیغی اوزره بورزیلر درسعادت وولایاتده انتخابات
زمانلرندهده لایعد ولا یحصی جنایتلر وظالملر اجرا سندن چکنامش ومنفعت
ذاتیه وشخصیه لرینک تأمین ایچون چالیشدقلرینی عالمه ارائه ایتمشلردی .
بویولده حرکتلرینی مشاهده ایدن ملت بو آلچقلردن دهانه منفعت
بکله یورلردی که بونلرک سنه لرحه دوام ایدن ظلم وغدر لرینه کردن داده انقیاد اولمقدن
کیرو طورمدی ؟

قانون اساسی حکم منیفنجه حق انتخابه مالک اولان افراد ملت ندن بوشریلر
طرفندن صندوق باشلرنده بر طاقم حریتپرورانک صوپالر ، قمار ، پیچاقلر ،
روولورلر ایله ضرب وجرح ایدلکلرینی و انتخابات صندوقلرینه وضع ایدلکلری
اسامی پوصله لرینک صندوقلرک آلتنی آچمق وصور سائره ایله صندوقلردن آشیرمق کبی
معاملات غیر قانونیه لرینه تحمل ایتدیلر ؟

ندن افراد ملت جمعیت اشراسی طرفندن ویریلن براق غروشه مقابل
انتخابات زماننده کلاهلرنده حریت ، عدالت ، مساوات یازیلی بر طاقم
سرسریلرک شهرلرده اجرا ایتدکلری مظالمه سکوت ایله مقابله ایلدی ؟

ندن الک زیاده اجرای رزالت وخبائث ایتدکلری ازمیرده اوتوزر ، قرقرکشیک
اتحاد اشقیاجته لرینک سرخوش وجانی افرادینی صندوقلر باشندن دفع وطرده موفق
اوله میوبده هر صندوق یاننده افراد اهلیدن یوزلرحه مظلومینک ضرب وجرحنه
میدان براقدیلر ؟


حریت نام وکسومسی التنده تجمع ایدن اتحاد اشراسنه ، مشروطیت وحریت اولان بر مملکتده بویله صوپا وسلاحله می انتخابات اجرا ایدیلور . بوکا مشروطیت وحریت دینلورمی دیه بر سوال وارد اولسه انلرده عجبانه جواب ویره بیلورلر ؟

بورؤسای معهوده معلومه نك ملتك آغزینی آچه میه حق درجه ده یاپدقلری ظلم وتعدی یوزندن ملت برسوز سویلمکه مقتدر اوله مامش وبوشریلر همپار یله برابر برچوق اویون اوینامشدرکه اهالی حریت ومشروطیته لعنت ایتمك درجه سنه کلمشدر .

طبیعی بویله رزالتلر وقانون شکمنانه حرکتلر ومستبدانه معاملات وظالمانه جنایات ایله مشروطیت وحریتی کمندی منفعتلرینه آلت ایدن اتحاد اشقیاسی اون سنه دنبری مملکتمزده مشروطیت یوزی کوسترمامش واهالی مملکت مشروطیت وحریتك نه اولدیغنی اکلايه مامشدر .

رؤسای اتحادیون بویله ظالم ومملتده مظلوم اولنجه مشروطیت وحریت دینیلن شیئك نه اولدیغنی اکلاشيله ماز .

حریت وعدالت ومساوات اعلان ایدن بانی مشروطیت اتحاد وترقی جمعیتی انتخابات زماننده ازمیرده انتشار ایدن مخالف غزته لری صاتان وباخصوص (مساوات) غزته سی متعه دینی مذکور غزته بایعی اولسندن طولایی زقاق اورته سنده ضرب وقما ایله جرح ایتدیردیکنی وانتخاب یوزندن برچوق جنایت ارتکاب اولندیغنی کورن مذکور (مساوات) غزته سی مدیر فضائل انیسی مجاهد غیور حافظ اسماعیل افندی حضرتلرینك بالبداهه سویلدکلری قطعه وارد خاطر اولمقله شوراجغه درجه مجبور اولدم .



انتخابك بزده کی اشكال خون آلودینه
نفرتم مزداد در باقدقجه مشروطیته
لعنت اولسون نرده اولسه م سویلرم پروام یوق
بویله جمعیت اسیری مستبد حریته

شو قطعه دنده معلوم اولدیغنه کوره ملتك هر برفردی اون سنه دنبری مشروطیت وحریتدن بر اثر کورمدیکنی قالا وقلما سویلور .

مومی الیه حافظ اسماعیل افندینک مصرده نشر ایلدیکی (مساوات) غزته سنده
«صاعقه مساوات» سرلوحه سی التنده کور یان منظومه آتیه سی دخی عیناً
شورابه نقل ودرج ایلله نرین صحیفه ایلدی .

— صاعقه مساوات —

طالع ناسازی برکده یار ایتسونده کور
یک قلمده کنجی آسون اختیار ایتسونده کور
اتحادیونه دنیای مزار ایتسونده کور
سن (مساواتی) قریباً انتشار ایتسونده کور
مقصدی ، تأسیسی دور عدل و انانیتک
نشر و تعمیمی وطنده نعمت حریتک
مسلمکنده کیمسه دن پرواسی یوقدر حضرتک
سن انی ارباب ظمی خاکسار ایتسونده کور
یوق قوینک حتی آرتق برضعیفی آزمکه
سفنک ایدوب بیک خون معصومی ایچنده یوزمکه
مفتخر قانله ، جنایتله جهانده کزمکه
سن انی ترک مقام اقتدار ایتسونده کور
ظالمی - انسان ایسهک - احبابه حصر همت ایت
بکلمه اللهدن امدادی سن ده غیرت ایت
انتقام المغله اوندن حق وعدله خدمت ایت
سن اوعدلی ، حق جهانده پایدار ایتسونده کور
بعضی غدار خلقک ، اکثری معذوردر
ظلمت جهل ایچره مدفون جمله سی معذوردر
انلری تنویر ایدر فیض معارف نوردر
سن اونوری ، عاقبت لیلی نهار ایتسونده کور
شرقه استیلا ایدن بر دشمن مشغومدر
قوم آلمان ، که او یوزدن اولدیلر معلومدر
ارمنی ، روم و عرب ، ترک جمله سی معصومدر
سن بوملتلر اویانسون اخذ ثار ایتسونده کور

رفع و احای مظلومن اساس اتحاد
باق نه حاله اولدی منجر اویله عالی اجتهاد
شمدی هر بر عضوینک اوستونده بیک خون عباد
سن اوقانلی اتحادی انکسار ایتسونده کور

ویردی لر بی چاره مدکی - قانیدی لر - آلمانلره
ملتی غرق ایتدی لر باشدن باشه آل قانلره
قانیدی لر بیگانه حتی قونیه یه ، بالقانلره
سن اواسکی یوردی مولا بختیار ایتسونده کور

خاندان (آل عثمان) ظلمتک مظلومی در
اویله جمعیت ، که حالی جمله نک معلومی در
خادم ویله امددر بونلر ، انک مخدومی در
سن او ویله امدی ، لوید جورج تارمار ایتسونده کور

یوقی مشروطیتک بر فرقی استبداددن
أولدرک معصومی محروم ایلک امداددن
صکره دهشت دورینی ایجاد ایدک بیداددن
سن اودوری ، دهشتندن انتحار ایتسونده کور

دور دهشت ، آه .. هر آنک ، که غدار ودنی
قانیدی لر دور حمیدیدن ده سویلتمه بی
نفی و اعدامه مهیا بریغین ترک ، ارمنی
سن او مظلومینی الله کامکار ایتسونده کور

ایتدی لر باشدن باشه اعدام حیفا ملتی
بیقتدی لر بش اون قدر اهل مظالم دولتی
قانله تلویث ایتدی لر ناصیه حریتی
سن اووجه پاکی مولا شعله دار ایتسونده کور

آفرین بر بویله کونده رأسه کلمش ارلره
دولتک طاق بلند شانی دوشدی یرلره
قالیدی خارجده جانی برباقک دفتلره
سن اودفتلر اوقونسون ذکر یار ایتسونده کور

وارمی تاریخنده تدقیق ایتدیگز می دولتک
براشوب دشمنله محو اولقمی کاری ملتک
یوقی حامیسی صانیرسک مسلك حریتک
سن اوحریت بوملکی سایه دار ایتسونده کور

باق شوسوزده حرب دینییه ، دوشون برعبرت آل
کعبه یی ، قدسی ، عراقی واقفانه فکره طال
جرأت و خسرانسک انواعنه حیرتده قال
سن اوخسرانی سکا تاریخ بار ایتسونده کور

بر زمان ، که روسلر اسلامه صولت ایتدیلر
انکیزلرله فرانسزلر ، صیانت ایتدیلر
قانریله دولتی ابقایه همت ایتدیلر
سن اوملتلر بونکله افتخار ایتسونده کور

روم ایلی یی کیمدی (برلین) ده اعاده ایتدیرن
بلغارستانی کوچولتن ، بوسنه یی ابقا ایدن
هانکی دولتدی سنی اصلاحه اقدام ایله یین
سن بو نعمتلر ثنایه افتقار ایتسونده کور

پک یازیق احسانه قارشو بز أسائت ایلدک
ترك ایدوب حریتی میل أسارت ایلدک
دوستلره اعلان حرب ایتدک ، جنایت ایلدک
سن اودوستلر دشمنی مغلوب وزار ایتسونده کور

دولتک تاریخ استقلالی ، لکن شانلی در
قوته قارشی قویان ، ضعفی طوتان عثمانلی در
حق ، احسانی طانیر عثمانلیلر وجدانلی در
سن اووجدانسز حکومت برفرار ایتسونده کور

اتحاد وترقینک اوظام وخونخوار رؤسای منفعت ذاتیه وشخصیه لری اوغرنده
هیچ بر فناءلقدن اجتناب ایتماش کرك انتخاباتده وکرك سائر اوقاتده وطنمزده
جنايات متعدده اجرا ایلمشدر .

ایشته بو جنايات ومظام نتیجه سیله مامکت بوکونکی حال فلا کته کلمشدر .

فارماصون وسیونست اولادی و آلمانیا ایمپراطوری ویلهلمک بنده خاص
الخاصی اولان اتحاد و ترقی جمعیتی ذره قدر وطن و ملتیه محبت و خدمت ایتمکی
عقلانه کتیرمش و تواریخ متعدده به عطف نظر ایتمش اولسه ایدی .

جهانگیر اولق سودا سنده بولونان آلمانیا ایمپراطوری ایکنجی ویلهلمک حرکات
مجنونانه سنه قابیلر ق دولت و مملکتی بو فلا کته دوشورمزدی .

زیرا تاریخ عالم کوستریبور که شمیدی به قدر توسیع ممالک و جهانگیرک خلیا
و سودا سنده بولونان حکمداران سالقه دن هیچ بری بو خیال خامه موفق
اوله مامش و کیمسه باشند باشه دنیایی ضبط ایده مامشدر .

تاریخه عطف نظر ایدیلورسه ، جهانگیرک سودا سنده بولونان حکمداران
سالقه نیک ال بیوکری اولان کیخسرور ، دارالر ، اسکندرلر ، هلا کولر ،
تیمور انکر و سائره بیلر فتوحات عظیمه لر یله امل وارزوی جهانگیرانه لرینه موفق
اوله مدقن بشقه بعضلریده حکومتلرینی الدن قایدیره ق محو و پریشان
اولملردر .

تاریخ اورته ده یکرمنجی عصر مدنیتده کی ترقیات فنییه ده میدانده ایکن
عسکرینک تعلیم و تربیه سنه کونهرک بالعموم دولتلره میدان اوکورجه سنه
اورته یه آتلمق کبی حرکات مجنونانه ده بولونان آلمانیا ایمپراطوری ایکنجی ویلهلمک
تشویقات و اغفالات مغرورانه سنه قابیلر حق قدر اثر جنت ابراز ایدن اتحاد
و ترقی جمعیتی رؤسای خائنه سنه نه دینلمک لازم کلیرسه دینلمسینی عقلای ملت
واصحاب درایته حواله ایده رز .

اتحاد و ترقی جمعیتنک میدان انقلابه آتدیغی بیک اوچ یوزیکرمی درت سنه
رومیه سندن اول و صوکره فارماصون وسیونست جمعیتلرله آلمانیا حکومتی
آمانه خادم اولان مذکور جمعیت رؤسای ملعونه سندن برچوخی منسوب
اولدقلری مذکور جمعیتلرله اجیر خاصی بولندقلری آلمانیا ایمپراطوری ویلهلمک
آمال جهانگیرانه سنه خدمتله مکلف اولدقلرندن ذاتاً بو حرکات مجنونانه دن
کندیلرینی آله میه جقلری معلوم ایدی .

پک جزئی و خسیس بر منفعت مقابلنده مذکور جمعیتلرله آلمانیا ایمپراطورینک
خدمتکاری اولان رؤسای ملعونه اتحادیه نیک ماضی و استقبالی دوشونمکی
خاطرلرینه بیلر کتیرمکه لزوم کورمیه جکلری درکاردر .

ایشته بوکا بناء آلمانیا حکومتی ایله حرب عمومی به اشتراك ایتک کی حرکات جنایتکارانه ومجنونانه دن کیر و طورمدیلر .

حتی عالم اسلامی آیاقلندیرمق وولی نعمتلیرنک ارزو وآمانه دها زیاده خدمت ویاردم ایتک ایچون « جهاد مقدس » نامیله حرب دینی اعلانندن دخی چکنمدیلر .

« جهاد » اعلان ایدن رؤسای ظالمه نك نه اولدقلى عالم اسلامجه معلوم ایدوکندن بونلرک اعلان ایتدکلى بو جهادک شرعی و دینی اولدیغی آکلاشیله رق برچوق یرلرده نظر اعتباره بیله النمدی .

« جهاد » اعلان ایدن اتحاد وترقی حکومتی ارکانی دین وایماندن مبرا وشيخ الاسلاملى اولان موسی کاظم وخیری افندیلرده ماصون قارداشلردن ایدیلر . هیئت وکلاسی بو یولده اولان بر حکومتک (حرب دینی) اعلاننه ایثانه جق واشتراك ایده جک بر مسلم تصور ایتمک عبث ایله اشتغال ایتمک دیمکدر .

خلاصه هرايشده اولدیغی کی بو حرب عمومیده دخی دینی کندیلرینه آلت ایدن بو دینسرلر خارجه بولونان اسلاملى ارزولری وجهله آیاقلندیره مدقلىرینی کورونجه داخل ممالك عثمانیه ده بولونان اسلاملى و عثمانلى نام مبجلى ایله مفیتخر اولانلری حر به سوق ونحریک ایچون مولویلدن متشکل طا بورلر تأسیس وتشکیل ایدهرک مولوی اردوسی نامی ویرمک وسلاطین عظام عثمانیه نك نام جلیلندن استفاده املیه اردولردن بعضارینی سلاطین سالفه نك اسم جلیلاری ایله یادایتک وتبعه عثمانیه دن حرب علیه ده بولونان برچوغنی ده قتل واعدام کی مجازاته دوچار ایلیمک کی رزالت ومسخره لقلر اجرا سنده بولنمشلردر .

« علم جلیل رسول اللهی » کشاد ایله بالجمله اهل اسلامى « لوائ جلیل پیغمبری » التنده تجمع ایتدیرمک وکندولرینی دیندار کوسترمک ایسته یین بودینسر وحیاسر اتحاد وترقی رؤسای صاحب علم « جناب نحر کائنات افندمن حضرتلرینک فم پاك رسالتپناهیلردن » صادر وآتیده مندرج اولان « حدیث شریف » ایله کندیلرینک کیم اولدیغی آکلاسه لر ، عالم اسلامى « لوائ محمدی » التنه جلب ودعوتدن پک اوزاق بولندقلىرینی بیلیرلردی .

ایشته ؛

بخاری شریفک علامات نبوت باینده کی :

— حديث شريف نبوى —

« يَأْتِي فِي آخِرِ الزَّمَانِ قَوْمٌ حَدَنَاءُ الْإِنْسَانِ سَفَهَاءُ الْأَحْلَامِ يَقُولُونَ مِنْ خَيْرِ قَوْلِ الْبَرِيَّةِ يَمُرُّونَ مِنَ الْإِسْلَامِ كَمَا يَمُرُّ السَّهْمُ مِنَ الرَّمِيَّةِ لَا يَجَاوِزُ إِيْمَانَهُمْ حَنَاجِرَهُمْ فَإِنَّمَا لَقِيتُمُوهُمْ فَاقْتُلُوهُمْ فَإِنَّ قَتْلَهُمْ أَجْرٌ لِيَنْ قَتْلَهُمْ يَوْمَ الْقِيَامَةِ »

(زبدة البخارى الشريف ، صحيفه ۱۸۰ ، نمره ۹۷۶)

— ترجمه سى —

« آخر زمانده بر قوم كليرهسى كنج هپسى عقلجه سفيهدر . بونلر خلقك اك خيرلى سوزلارى طرزنده سوز قونوشورلر . فقط اوقك يايدين چيقديغى كې دين اسلامدن چيقارلر . بونلر ايمانى لسانلرندهدر . بوغازلرندن آشاغى تجاوز ايتمز . بونلره زرده ملاقى اولورسه كز اولدوروكز . چونكه بونلرى اولديرمك آخرته اولديرنلر ايچون باعث مكافاتدر »

ايسته كنج تركلر دينيلان اتحاد وترقى جمعيتى مؤسسین ورؤسای ملعونه سنى حقهنده اولديغى احتمال اغلب اولان « حديث شريف حضرت نبوى » بورزيل وآلچقلىرك كيم اولدقلىرىنى دكل بونلرك امريله حركت ايتمك بونلرى قتل واتلاف ايلمك دنيوى واخروى موجب مكافاة اوله جغنى واضحا كوسترديكندن آرتق بوبابده بشقه برسوز سويلمككمز زانددر .



بوكى وطن وملى خائى دینسزلرك اعلان ايتدكلى حرب دينیدن بر نتیجه استحصال ايديله ميه جكى صراحة ميدانده ايدى .
نته كيمده اويله اولدى ؛ افنديلارينه قارشى خدمت ويرارلقلىرىنى ارائه واثبات اوغورنده اتى يوز الى سنه لك قوجه بر دولتى محو وبريشان ايتديلر .
ميدان انقلابه آتدقلىرى زمان اداره مطلقيتيله دولتك بقاسى قابل اوله ميه جغنى اوكه سورهرلك مشروطيتك فضيلتندن بحث ايدن بو اتحاد وترقى رؤسای شريره سى اون سنه اداره حكومت ايتدكلى حالده بومدت ظرفنده اداره مستبددتن بشقه ملت مشروطيت آثارى كوسترمديلر .

عجبا بونلرك ديدكاري مشروطيت (۱) كندى منفعت ذاتيه و شخصيه لارى
ايچونى ياپيلمش ايدى ؟

يوقسه ملتى بوكى طاتلى سوزارله اغفال ايدهر ك كيسه لر ينى طولدير مق و دولتى
فلا كته سوق ايلمك ايچونى مشروطيت اعلان اولنمش ايدى ؟
بز بورالرينى اكلايه مدينمىز ايچون بو سؤاللرى ابراده مجبور اولدق .

كنديلر ينك بيلدكاري قدر بزجه ده معلومدر كه ، بوكون ممالك عثمانيه ي مشروطيتدن
بشقه بر شكل اداره ايله ادارايتمك ممكن دكدر . لكن اون سنه لك مشروطيت كى
مشروطيتله دكل جدى و حقيقى مشروطيتله اداره ايتمك شرطدر .
اكر اتحادجيلرك مشروطيتى كى مشروطيتله اداره ايديلورسه مشروطيت دينلمىز
وبوكا آيروجه برنام و برك لازم كلير .

اتحادجى بكارك اون سنه لك مشروطيتيله كچن زمان مطلقى مقايسه ايتمك
لازم كلير ايسه او زمانه مشروطيت زمانى و بوصول اون سنه يه استبداد دورى
دينيلير .

مع مافيه شوراسى شايدان دقتدر كه خاقان اسبق جنتمكمان سلطان عبدالحميدخان
ثانى حضرتلرينك طقسان اوچ سنه سندن صوكره دوام ايدن اوتوز اوچ سنه لك
مدت سلطنتلرند اوتوز اوچ خانلى بر كوى ضايع ايتدىكى حالده اداره مشروطه
قانون اساسى يه حقيقه رعايت ايدلامسندن ناشى اون سنه ظرفنده يكرمى بيوك ولايت
ضايع ايتشد . مصر ايلات عظيمه سى ده بو يكرميدن بريسيذر .

آرتق حكومت اتحاديه اداره سيله بكنمديكز حكومت حمديه اداره سنى يكديكريله
مقايسه ايتك ارباب اذعان و عرفانه محولدر . بز بوراده يالكىز :

حلب آنده ايسه بونده بولنور اندازه

ايشته ميدان هنر كيتميه لم شيرازه

ديوب كچه جكز .

اشئء آهر يتله و آلمانلرك از مدت ظرفنده كى ترقيسييله شمارمش و دنيايى ضبط ايله
(جرمانيزم) سوداسنه دوشمش اولان آلمانيا ايمراطورى ايكنيجى ويلهلمك حرركات
مجنونانه سنه وفارماصون و سيونيست جمعيتلرينك آمال خفيه و دسيسه كارانه سنه
اوفق بر منفعت مقابله اشترك و خدمت ايدن اتحاد و ترقيتك مخفيتپرست رؤساي
شيره سنى بر جهتن معذور عد ايتمكده لازم كليور .

زیرا بوشری بر اصل و نسباً وراثتاً اصالت و نجابت و ثروت و ساماندن عاری و بری بر طاقم سرسریدن عبارت اولدقلرندن دنیایه قدم با صدقلری کوندن اعلان مشروطیته دکین اوچ بش غروشی بر آرده کورمش طاقندن دکلالر ایدی .

اصلاً اصیل وراثتاً صاحب ثروت اولین بو سرسریلر طبیعی بر قاچ غروش مقابلنده هرشی فدایه حاضر اولدقلدن بشقه ذره قدر علاقه دار اولدقلری وطنی محو و پریشان ایتمکده حاضر و آماده ایدیلر .

بزم بیلدیگز بو آلچقار یالکیزکندی منفعتلری تا مین ایدلسونده نه اولورسه اولسوندن بشقه برشی دوشونه مزلردی .

چونکه بو خذله معهوده علم و عرفاندن ده حصه منددکل ایدیلر .

هردرلو فضائل انسانیه دن محروم اولان بو گروه کندیلرینده ساخته بر فضیلت و اصالت کوررلر و کوریشدکلری ذواته شان و شرف ، اصالت و ثروتله اولیوب فضیلت و درایتده اولدیغندن بحث ایله کندیلرینه بر موقع ویردیرمک ایستلر و شعرای قدیمه دن برینک سویلدیکی شو قطعه دن استفاده ایتمک چالیشورلردی .

(قطعه)

شرف و شان نه جاه و رفعت ده

نه اصالت ده در نه ثروت ده

بونلرک ده صفاسی واریسه ده

ارجحیت ینه فضیلت ده

حالبوکه بو سویلنیلن شو قطعه نک نفس الامرده پکده موافق اولدیغنی کورلدی و کوریلیور .

کندیلری اصیل و نجیب اولین و فضیلت و درایتلرینه کوه نه رک حرکت ایدنلر بزم شو اون سنه ظرفنده کوردیکمز اتحاد رؤسای کی صاحب درایت و لیاقت اولورسه غایت جزئی بر منفعت مقابلنده مملکتی صاتا روکیدرلر .

حد ذاتنده اصیل و نجیب و صاحب ثروت اولان بر آدم کندیلرینده فضیلت و درایت کورن و صوکرده دن صاحب ثروت و سامان اولانلر قات قات فائقدنر .

زیرا اصیل و زنکین برعائله یه منسوب اولان بر ذات او یله مملکتی و دولتی بر قاچ غروشه فدا ایده من . بوکا کوردیکی تربیه و تحصیل مانعدر .

ایشته اون سنه دهری حکومتلر مملکت مزجه معروف اصللر انده بولنش

اولسه ایدی . بوفلا کتار باشمزه کلیمزدی . زیرا اصالت ونجابتله متصف اولان ذوات اتحاد رؤسای کبی مملکتی صانعیه قطعاً وقاطباً راضی اوله مازلردی . ذاتاً دنیاده ترقی وتعالی ایدن ملت ودولتار اک زیاده بوجهته حصر دقت ورعایت ایدنلردر .

ازجمله انکاتره دولت معظمه سنک بوکونکی حشمت وعظمتنه سبب یگانه عنعنات قدیمیه بغایت دقت وهراشی اصالت ونجابتله متصف ذواته تودیع وتوجیهه علی الدوام صرف همت ایتسیدر .

بوجهت بزده پک زیاده اهمال ایدلمش ومملکت بر طاقم اصل ونسلی نامعلومار النده قالمش واک نهایت بو ورطهیه دوشمشدر .

آرتق سنه لرحه کوردیکز تجربه لر کافی ووافی اولوب بوندن بویله اولسون اصالت ونجابت ودرایت ولیاقته دشمن اولیوب بویولده کی ذواتک یتشمسنه صرف ماحصل غیرت ایدلم وایشلریمزی بوکبی ذواته تودیع ایلمه ده بزده از زمان ظرفنده ترقیه طوغری یوری یهلم .

بنه اداره مزی درمه چاتمه بر طاقم نا اهللره ترک وتودیع ایدرایسه ک عالمده حیات اجتماعیه مالک اولق شویله طورسون هرشیدن محروم اولورز .

استبدادک قوه تضییقیه سندن بیزار اولان اهلای صافییه نک فوران حمیتندن استفاده ایدن وبوصورتله موقع اقتداره کله رک اداره حکومتیه وضع یدایله دور اخیر مدنیتده دور قدیمک مشاهیر خونخوارینه رحمت اووقوده جق مسلکه سلوک ایلین اتحاد وترقی جمعیتی رؤسای خونخواری کبی اصل ونسللری مجهول برسوری حشرات لایفاحونه بنده واسیر اولمقدن کنیدی مزی قورنارهم .

دوات وملمتیزک ترقی وسعادتق ایچون چالیشهلم .

هیچ اولمزه بوندن بویله ملت مظلومه عثمانیه رفاه وسعادت یوزی کوستردلم . آرتق ملت بوکبی سرسریلرک ظلم واستبدادینه تحمل ایده مز .

✽ تنبیه ✽

اتحاد وترقی جمعیتک انقلابدن اول درسعادتده حین تأسس وتشکلنده حب وطن وسوق حمیت ایله جمعیتی تشکیل واداره ایدن ومؤخرأ جمعیتی ترک ویاوفات ایلین مؤسسین ورؤسا واعضای ایچنده ارباب ناموس وحمیتدن پک حوق ذوات موجوددر .

كذلك بعد الانقلاب بر طاقم مؤسسين ورؤسا واعضای وطنپروران دخی
بو شریرلرک چویردکلری دولاب تزویری مشاهده واستشام ایتدکلرندن ناموس
وحیثیتلری ایجابیله جمعیتدن چکلمشاردر .

بناء علیه بزده بو قسم ذوات حیتمندانی تبجیل ایدر و بوکی اشرا ایله تشریک
مساعی ایتیه رک جمعی ترک ایله چکدکلرندن طولایی ذوات مشار الیهی تبریک
وتقدیر ایلرز .

بزم بو کتابده علی التوالی طعن وتشنیعمره هدف اولان رجال اتحادیه دن مقصد
اتحاد وترقی جمعیتک اسرارینه واقف ورفقاسنی وافراد ملت غفاله عن قصد
سالک اولان اعضا ورؤسای معلومه شیریه سیدر .

بونلر تخمینمیزجه اک چوق فرض اولنسه درت بش یوزکشی یی تجاوز ایتمز
وبونلرک ایچنده اک زیاده مؤثر ومدیر اولانلریده تخمیناً اوتوز اوچ ایله قرق
کشی آره سنده در .

بوقسه اتحاد وترقی جمعیتی ایچنده ایکنجی ، اوچنجی ، دردنجی درجه ده بولونان
ذوات میاننده ده ارباب ناموس وحب وطن رجال بولندیغنده شبهه ایدیله مز .
بوکی رجال دخی طعنمره هدف دکلدر . بونلرک قباحتلری یالکز غفلت
سیاسیه لریدر .

— افاده مخصوصه —

اتحاد وترقی جمعیتی رؤسای خونخواری یوزندن سوکیلی وطنمندن الی سنه در
دور بولندیغمدن اندن اولکی درت سنه ک بیلدیکم بعض وقوعات ومعلوماتی
وحر بدن اول واثنای حر بده مصرده اخذ واستحصال ایده بیلدیکم اخبار موثوقه یی
شو اثرله نشر ایدیورم .

ان شاء الله تعالی قریباً وطن عزیزمزه عودت میسر اولدیغی تقدیر ده مؤخرأ
جریان ایدن وقوعات ایله حرب عمومیه عائد جمع ایله جکم معلوماتی «اوکرندکلرم»
عنوانلی بر اثرله طبع ونشر ایده رک قارئین کرامه ناچیزانه بر خدمت ایفا سنه ده
موفق اولورم .



محرر عاجزک افکار ولسانه صرف ترجمان اوله رق بر ذات حیثیات طرفندن

قلمه آلنان منظومه آتیه دخی خاتمه کتاب اتخاذا اولمشدر .

— منظومه —

آفرین ای اتحادك شانلی آنلی (انوری)
عرشدن تافرشه ایندیردك لوی اکبری
برغزا ایتدك كه نهب مال ایچون ملت ايله
غارت ایتمزدی بورتبه اولسه مسقوف لشکری
آج ایکن محتاج ایکن عسکرله ملت سرتسر
اولدی غرق سیم وزر جمعیتك قارداشلری
مملکت برحاله کلمشدرکه ظلم و جور ايله
کیمسه حس ایتمز قیامت قوپسه هول محشری
بنده حیرانم ید اعجازینه جمعیتك
صدمه سیله ییقدی اون ییلده سراپا هریری
التي یوز ییلاق معظم دولتی احما ایچون
ملتك تاجان اوندن صاپلا مشدر خنجری
یوقی حقم شمدی ای (طلعت) سکاسویلر ایسه
قهر ایده حق سن کبی صنعی حمیتپروری
طلعت بن عاقلم واربنده قدرت دیرایدك
ظن ایدردك اذکیانك کنیدیکی سر دفتری
ایشته برباد ایلدك اولدی ممالک تارومار
قالدی الده جزء اصغر کتدی قسم اکبری
کتدی حتی « مهد والای نبوت » ای لئیم
برغزا ایتدك كه دلخون ایلدك « پیغمبری »
بن سکا وقتيله بیک بر کره شویله سویلدم
آبیاب دولتك (طلعت) دکسک سن خری
صدر اعظمق ندر فکر ایلکم لازم ایدی
سرور ملت اولوری سن کبی برسر سری
علم وفن ایستر توکنمز ثروت ایستر شمدی حرب
جهل ايله مغلوب اولوری آوروپا دولتری


حق یوقی شمدی قبرندن چیقوب «سلطان حمید»
 وجهکه عطف ایسه حدتله بُزاق اصفری
 مردم کار آزما ایستر بو دولاب ثقیل
 (جاهد) و (جاوید) ایله دونغز سیاست چنبری
 اکسک اولز بویله رآسنده مصائب آن بآن
 باشده جمعیت غراب آسا اولورسه رهبری
 حسن استعمالی مشروطیتک آسان دکل
 قدر زر زرکر شناسد قدر کوهر کوهری
 او یله مشروطیت اجرا ایتدیکزکه اون سنه
 ایلمزدی بویله ظلمی اولسه جنکیز عسکری
 مشورت هرملته بخش ایلمشکن منفعت
 سایه کزده بزده اولمشدر رزالت مشهری
 ماه حریت کسوف التنده کیدی اولکجه
 کورمدک انوار حریتله تابان کشوری
 سوزده مبعوثان ملتدر دین آدملرک
 هانکیسی اولمش حقیقی انتخابک مظهری
 آتش فقر و ضرورت طوتدی ملکی سرتسر
 آسمانه چیقدی ظلمک دود آتش کستری
 اتحادک صندوغنده وارسه هپسی کیزلیدر
 مملکتده چوق زماندر یوق کورن سیم وزری
 بر بیوک دعواله کرچه انقلابی یاپدیکز
 صکره استبداده طوغری ایتدیکز صاغدن کری
 یاد ایدوب رحمتله هرکس عصر استبدادینی
 سزله ترجیح ایدر تیمورلنک اشهری
 بر قودورمش برتیجی حیوانکی کویا (جمال)
 صالديروب مجروح ایتدی کوردیکی شیرنری
 اولقدر حق و جهالت قاپلامشدر کیم سزی
 کیمسه سزدن بر نفر صاعماز قوجه اسکندری

عقلنك سیماسی اندامنده هر دم رونما
 کورمامشك بز (خلیل) آسا سیاست دلبری
 شبهه بزر (احمد رضا) دن خوش سخن سویلرایدی
 همکل حریت ایتسهك مجلسه بر مرمری
 بز بونك غمزیه حاشا مرتجع عدایلدك
 صاحب میزان اولان استاد عالی جوهری
 نرده کورسه بر فضیلت مطلقا تسمیم ایدر
 وارسه انسانیتك جمعیت اولمش اژدری
 صانكه تخریب جهان شوقیه كشم عالمه
 بشقه یوق جمیتك بر خاصه زیب و فری
 برکون اولسون وجه ملتده مسرت کورمدك
 مملکتده اتحادك چیقدیغی کوندنبری
 حقیدر بروجه آتی اتحادی وصف ایدوب
 مدح ایدرسه جامع دهرک خطیب منبری
 بونارك ابلیس ملعون صانكه بر شا کر دیدر
 اتحاد ارکانی اویله فتنه لر دانشوری
 حق ناهق کوستروب کذب صریحی صدق ایدر
 خون مظلومان ملتدر بو قومك کوثری
 هدم دیندر غایه سومزلر دیانت اهلنی
 بونارك مقبولیدر دائم بو عصرک اکفری
 کچدی چوق ظالم جهاندن کرچه ظلم وجورایله
 چشم دوران کورمامشدر بویله حزب بدتری
 حقه دشمندر بو جمعیت کسر هیچ دیکلمز
 طوغرولقدن بحث ایدن هر بر سری هر سروری
 ایتدیلر اجلا وطندن ظلم ایله عدوان ایله
 بن «صلاح الدین» کبی پك چوق صداقتپوری
 ملتی محو و پریشان ایله یین هر خائنه
 سن حواله ایله یارب ذوالفقار حیدری



بویله در هر دم دعای اصدقای ملتک
حق معمر ایلیه خاقان حیدر پیکری
ملتک محبوبیدر «سلطان وحید الدینمز»
چونکه اولشدر (عدالت) دره تاج سری
باشده خاقانیله ملت مشورتیرور اولوب
ایلسون مولا بو قومی عصرینک بالاتری

ختم



اعتذار

مراد بك افنديك صفت مأموریتی یدنجی صحیفه ده دیون عمومیه عثمانیه قومیسری یازیله جق وکامل پاشا مرحومك مرقدلری سکسان ایکنجی صحیفه ده لفقوشه ده عرب احمد جامع شریفی خطیره سنده دینیله جك ایکن اثر ذهول اوله رق یاکاش یازلمش ویتمش یدنجی صحیفه ده سلطان محمد خان خامس حضرتارینه کامل پاشا طرفندن عرض و تقدیم اولونان عریضه ده (دولت علیه نك حقوقنی محافظه ایده بیلمسی اسبابنی بزم استحضار ایله مه مز لازمدر) دیو یازیله جق ایکن سهو مرتب اوله رق (استحقار ایله مه ممز) ترتیب اولندیغندن مع الاعتذار تصحیح کیفیت اولنور .



— فهرست —

.. مقدمه

- ٤ اتحاد وترقى جمعيتك مقصد تأسس و صورت تشكىلى
- ١١ مشروطيتك اعلانى
- ١٣ مشروطيتك برنجى قاينه سى و كامل پاشانك اوچنجى صدارتى
- ١٨ حسين حلمى پاشانك برنجى صدارتى
- ٢١ توفيق پاشانك صدارتى
- ٢٥ سلطان عبد الحميد خان ثانى حضرتلرينك خلعلرى
- ٢٦ سلطان محمد رشاد خان حضرتلرينك جلوسلرى
- ٢٨ حسين حلمى پاشانك ايكنجى صدارتى
- ٢٩ حقى پاشانك صدارتى
- ٣٣ ايتاليا نك طرابلس غربه عسكر سوقى و دولت عليه عثمانيه اعلان حربى
- ٣٤ سعيد پاشانك طقوزنجى صدارتى
- ٣٦ ايتاليانلر طرفدن طرابلس غرب و بنغازينك ايتاليانلر الحاقى اعلانى
- ٤٠ سعيد پاشانك اوننجى صدارتى
- ٤٣ بالقان حكوماتك اتفاقى
- ٤٨ غازى احمد مختار پاشانك صدارتى
- ٥٣ بالقان حكوماتك حدود عثمانى بى تجاوز و اعلان حربلى
- ٥٥ كامل پاشانك دردنجى صدارتى
- ٦٧ باب على وقعة جنايمه سى ، كامل پاشانك استعفا سى و حربيه ناظرى ناظم پاشانك شهادتى
- ٧٤ كامل پاشانك سلطان محمد خان خامس حضرتلرينه مصر دن عرض و تقديم ايلديكى عريضة
- ٨٢ محمود شوكت پاشانك صدارتى
- ٨٨ محمود شوكت پاشانك شهادتى
- ٨٩ پرنس سعيد حلمى پاشانك صدارتى
- ٩٢ آوروپا حرب عموميسنه دولت عايه عثمانيه نك اشتراكى

- ۱۰۱ ۱۹۱۴ سنده انكلاز نك نشر ايلديكي بياض كتابدن ايكي مهم وثيقه تاريخيه
- ۱۰۵ (مكه مكرمه) اميري شريف حسين پاشا حضرتلري طرفندن نشر اولونان
عربجه برنجي بيا ننامه نك صورت مترجمه سي
- ۱۰۹ امير و شريف (مكه مكرمه) حسين پاشا حضرتلري طرفندن نشر ابتديرين
عربجه ايكنجى بيا ننامه نك صورت مترجمه سي
- ۱۱۴ طلعت پاشانك صدارتى
- ۱۳۰ عزت پاشانك صدارتى
- ۱۳۲ دول متفق ايله متاركة عقدى
- ۱۳۵ توفيق پاشانك صدارتى
-
- ۱۳۸ شوكتلو قدرتلو سلطان « محمد وحيد الدين » خان عادل حضرتلرينك
تخت على بخت عثمانى به جلوس هايونلري
- ۱۵۰ ولى عهد سلطنت و خلافت يوسف عز الدين افندى حضرتلرينك شهادتلري
- ۱۵۲ شهزاده عبد الحميد افندى حضرتلرينك سلطنت سنه و خلافت كبراي
اسلاميه ولى عهد لكنى احراز بيورملري
-
- ۱۵۳ حزب جديدك موقع تطبيق واجرايه وضعى طلب ايلديكي مواد عشره
- ۱۵۸ برنس صباح الدين بك افندى حضرتلري حقلرنده بعض معلومات
- ۱۶۰ برنجى فريق شريف پاشا حضرتلري حقننده اتحاد وترقى جمعيتى طرفندن
اجرا اولونان فضايح و جنايات ايله مشار اليهك مختصرجه ترجمه حاللري
- ۱۷۱ كامل پاشانك عقيب مشروطيتده سلطان عبد الحميد خان حضرتلرينه عرض
وتقديم ايلديكي عريضه
- ۱۷۴ معلم محترم مراد بك افندى حقننده بعض معلومات
- ۱۷۷ اعيان رئيسى احمد رضا بك افندى حضرتلرينه دائر معلومات
- ۱۸۳ اطنه والى معاونى شاعر بنى نظير اشرف بك حقننده معلومات
- ۱۸۴ اشرف بك افنديك (تصوير احوال) نام منظومه رعناسى
- ۱۸۷ انتخابات حقننده برقاج سوز
- ۱۸۹ مساوات غزه سي مديرى حافظ اسماعيل افنديك (صاعقه مساوات) نام
منظومه سي

- ۱۹۳ اتحاد حکومتوں (جہاد مقدس) نامیلہ حرب دینی اعلانی
۱۹۴ حدیث شریف حضرت نبوی
۱۹۷ تنبیہ
۱۹۸ افادہ مخصوصہ
۱۹۹ خاتمہ کتاب اتحاد اولئان منظومہ
۲۰۳ اعتذار




❦ راسملر ❦

جنتمکان سلطان عبد العزيز خان حضرتلری	۴
جنتمکان سلطان مراد خان خامس حضرتلری	۵
جنتمکان سلطان عبد الحمید خان ثانی حضرتلری	۱۰
صدر اعظم کامل پاشا	۱۳
صدر اعظم حسین حلمی پاشا	۱۸
صدر اعظم توفیق پاشا	۲۰
حربیہ ناظری غازی ادهم پاشا	۲۱
حرکت اردوسی ایلک قوماندانی فریق حسین حسنی پاشا	۲۳
جنتمکان سلطان محمد خان خامس حضرتلری	۲۶
صدر اعظم حق پاشا	۳۰
صدر اعظم سعید پاشا	۳۵
صدر اعظم غازی احمد مختار پاشا	۴۸
بحریہ ناظری محمود مختار پاشا	۵۳
شیخ الاسلام محمد جمال الدین افندی	۵۵
حربیہ ناظری ناظم پاشا	۵۸
ادرنه قوماندانی شکری پاشا	۶۳
باب عالی وقعه جنائیه سی : ناظم پاشانک شهادتی (قابلو)	۶۸
صدر اعظم محمود شوکت پاشا	۸۳
صدر اعظم برنس سعید حلیم پاشا	۸۹
صدر اعظم طلعت پاشا	۱۱۵
شیخ الاسلام موسی کاظم افندی	۱۱۷
حربیہ ناظری انور پاشا	۱۱۹
بحریہ ناظری جمال پاشا	۱۲۱
مالیه ناظری جاوید بک	۱۲۲
طنین غزته سی صاحبی حسین جاہد بک	۱۲۳
اتحاد وترقی جمعیتنک رکن اعظمی دوکتور ناظم بک	۱۲۴
اوقاف ناظری خیری افندی	۱۲۶

- ۱۲۸ داخله ناظر اسبقی خلیل بك
- ۱۲۹ اتحاد وترقی جمعیتی كاتب عمومیسى مدحت شكرى بك
- ۱۳۰ صدر اعظم عزت پاشا
- ۱۳۲ داخله ناظر اسبقی حاجى عادل بك
- ۱۳۴ آیدین والى سابق رحى بك
- ۱۳۹ خلیفه مسلمین دیشان و پادشاه عالیجاه عثمانیان سلطان «محمد وحید الدین»
خان عادل حضرتلری
- ۱۵۰ ولی عهد سلطنت و خلافت شهید مغفور یوسف عز الدین افندى حضرتلری
- ۱۵۲ ولی عهد سلطنت و خلافت عبد المجید افندى حضرتلری
-
- ۱۵۴ قردسى مبعوث سابق و حزب جدید رئیسى عبد العزیز مجدى افندى
- ۱۵۹ پرنس صباح الدین بك افندى حضرتلری
- ۱۶۱ استقپولم سفیر اسبقى برنجبى فریق شریف پاشا
- ۱۶۹ شریف پاشا حضرتلرینك دامادلری صالح بك افندى
- ۱۷۶ معلم محترم مراد بك افندى
- ۱۸۰ اعیان رئیسى احمد رضا بك افندى
- ۱۸۳ اطنه والى معاون اسبقى شاعر بنى نظیر اشرف بك افندى







3 1761 07145922 6